

De xmas. 8m

18 20
19 21

120 1

10 1

Keynes 10

Eng. Typ. 10

V	Aries	Taurus	Gemini	Cancer	Leo	Virgo
	March	April	May	June	July	August
	Sivoro	mente	labens	multat	condi	beret

Libra	Scorpius	Sagittarius	Papilion	Capricornus	Aquarius	Pisces
September	October	November	December	January	February	March
Grandia	gesta	corre	insigni	laine	notat	

27820/A/3


Engr t.p. wanting
Plates present

61.A.8

29277

Harvey on the
Circulation of the
blood

Payne
6/27/11



GUL

EX

De

Com

Quib

M

E. P

M

Doct

Me

Ex

K

GUILIELMI HARVEII

Doct. & Profess. Regii

EXERCITATIONES

ANATOMICÆ,

De motu Cordis & Sanguinis
Circulatione.

Cum duplici Indice, Capitum & Rerum;

Quibus accesserunt Jo. WALÆI, de
Motu Chyli & Sanguinis,

EPISTOLÆ DUÆ.

Itemque Dissertatio de Corde

Doct. JAC. DE BACK;

Medici ROTTERODAMENSIS.



LONDINI,

Ex Officina R. DANIELIS;

c MDCLX.

m
w

IN
GUILIELMUM
HARVEIUM

ZACHARIAS SYLVIVS.

Vivat *Aristoteles*, vivat *Galenus* & ingens
Hippocrates, quorum fama perennis erit;
Vivat & HARVEIUS; tam sanctas nem-
pe tulerunt
Illi artes, quas nunc *Anglus* hic ecce colit.



ZACHARIÆ SYLVII

Medici ROTERODAMENSIS

P R Æ F A T I O

I N

GUILIELMI HARVEII

Exercitationem Anatomicam.



Memorable est, quod refert *Aventinus* Bojorum scriptor, *Bonifacium* quendam Moguntinum Episcopum, cum audiisset *Virgilium* Salæburgensem Episcopum pro concione eorum hominum mentionem facere, qui vestigia nobis adversa urgent, ita excanduisse, ut crimine impietatis *Virgilium* accusare non dubitarit; quod antipodibus inductis, novum etiam *Christum* non obscure videretur inducere. Iudicio etiam ad *Vtilionem* Bojorum Regem delato, *Bonifacium* à *Zacharia* Pontifice litteras impetrasse ad *Vtilionem*: atque ita *Virgilium* Regio & Pontificio calculo fuisse damnatum. Simile etiam de *Democrito* narratur. *Democritus* hic solertissimus operum naturæ perscrutator, cum assidue secandis animalibus

P R Æ F A T I O.

occuparetur, existimatus fuit infans ab Abderitis; qui miserati sortem hominis advocarunt *Hippocratem*, ut illi medicinam faceret, mentemque alienatam restitueret. Rogatus accurrit, & offendit *Democritum* animalia secantem: quo spectaculo mirum in modum oblectatus, omnes Abderitas insanire pronuntiavit, solum sapere *Democritum*. Nunc autem multi Abderitanæ plebis pectora habent, multi nunc Bonifacii & Utiliones, qui nova inventa illorum, qui veluti magno quodam numinis afflatu, ad rerum causas indagandas & cognoscendas omnia sua studia contulerunt, tanquã inutilia calumnientur. Tantum consuetudinis semel inductæ vis potest, ut nullus in Barbaria ulla immaniorẽ potentiam usurpasse videatur. Nimirum edidit nuper doctissimus vir *Guilielmus Harveius* Medicus Regius & in Londinensũ Medicorũ Collegio Anatomie Professor, novam quandam & inauditam de *Motu Cordis & Circulatione Sanguinis* sententiam. Quæ compendio dicta sic se habet: primum se constringunt cordis auriculæ, & in illa constrictione sanguinem contentũ in ventriculos cordis pellunt; quo, dum replentur, cor dilatatur: mox hoc cõtrahens ventriculos, pulsus facit: quo pulsu coniectum in se sanguinem protrudit in arterias; è sinistro ventriculo in aortam, è dextro in pneumonicam, dictam immerito

venam

P R Æ F A T I O.

venam arteriosam; unde denuo per pulmonem in pneumaticam venam, vulgo arteriam venosam; hinc in ventriculum sinistrum rapitur, & ab hoc in aortam & totum corpus per illius ramos propellitur. Sanguis sic in habitum corporis impulsus transit ab arteriis in venas rursus, remeatque in venam cavam, & ab hac in dextram cordis auriculam, deinde in ventriculum dextrum: & ita porro eundem circulum agit, quem ante, idque continuo. Unde eum sanguinis motum vocat circulationem. Audacem scilicet hominem!

O Medicæ tranquillitatis turbatorem!

O Medicæ reipublicæ seditiosum civem!

Qui sententiâ post tot secula omnium consensu confirmatam, & tot Medicorum monumentis consignatam, & quasi per manus posteritati traditâ primus convellere est ausus, quasi nemo tot ante secula sapuisset. Religiose quidem ut par est faciunt, qui antiquitatem venerantur: Minus autem, quam viris sapientibus dignum, qui, quasi omnium temporum hominumq; communis non esset sapientia, vetustati eam tanquam propriam non sine posteritatis injuria adscribunt. Non enim, inquit *Lactantius, lib. 2. divinarum institutionum, c. 8* quia nos illi temporibus antecesserunt, sapientia quoq; antecesserunt; quæ si omnibus datur æqualiter, ab antecedentibus

P R Æ F A T I O.

occupari non potest: sed illibabilis est tanquā lux & claritas Solis; quia ut Sol oculorum, sic sapientia lumen est cordis humani. Et profecto si illi, quorum beneficio & lucubrationibus Medicinam inventam & constitutam habemus, in eadem sententia cum reprehensoribus hisce fuissent, neque quicquam, nisi majorum judicio & calculo comprobatum, literis dignum judicassent, nunquam artes tam excultæ & elaboratæ in lucem prodiiissent. Verum cum Veteres multa præclare invenisse, nonnulla vero minus explorate percepta, quædam etiam plane incognita, ipsis fuisse persuasum haberent, non tam præclusam, quam munitam sibi vetustatis exemplo & diligentia, veritatis inquirendæ viam arbitrati, erecto animo in id incubuerunt, ut eodem, quo illi, aut etiam longius perscrutando quidlibet, progredierentur. Hi ad eruendas abditas rerum causas, quasi signum sustulere, & exemplo, ut sequeremur, præivere. Hæc quippe sapientiæ libertas est, ut nemini obnoxia, sui juris & mancipii sit. In hujus Republica & abrogare & derogare & obrogare, sine fraude cujusquam liceat: quam libertatem si tollimus, semper in artium cunabulis hærebimus; nec erit unde earum incrementa, aut proditis meliora unquam speremus. Quocirca nos æquitatem & humanitatem in nostris judiciis,

P R Æ F A T I O.

ciis, quæ de aliis facimus, desideramus. Si
semper idem sentiendum & loquendum sit
nihil novi invenire liceat, neq; quod res ipsa
docet & ratio dicat, apprehendendum fuerit.
Propterea priorum vestigia omnia premere,
& eadem semper inculcare ridiculum est. Nec
probat *Galenus* Commentarium Anatom-
icum, nisi novi aliquid contineat. Pigri est
ingenii contentum esse iis, quæ sunt ab aliis
inventæ; siquidem mentis acrimoniæ nihil
non humanarum rerum subicitur. Immensi
sunt naturæ thesauri & inexplicabilis ejus
sapientia, ut ea, quæ quotidie in lucem pro-
ducuntur, viam præparent ad succedentia in-
vestiganda. Veritas quippe in multo altio-
rem demersa puteum est, quam ut paucis in-
de extrahi possit seculis. Verum est quod *A-
ratus* prodidit, non omnia simul edoctos
fuisse à *Iove*, sed adhuc plerique occulta ma-
nere, quorum aliqua dabit in posterum. *Gale-
nus* naturæ solertiam in humani corporis
fabrica tantam esse prædicat, ut cum eam
magni viri diligenter & assidue perscrutati
sint, non omnem tamen invenerint. Hinc
Poeta eleganter cecinit,

*Multa dies variusque labor mutabilis ævi
Rettulit in melius; non omnia grandior ætas,
Nos quæ scimus, habet; seris venit usus ab
annis.*

Itaque cum sapere, hoc est, veritatem quære-

P R A E F A T I O.

re omnibus sit innatum, sapientiam sibi adi-
munt, qui sine ullo iudicio inventa mayo-
rum probant, & ab iis pecudum more du-
cuntur, & in iis, quod non vident, videre se
temere gloriantur. Fabula ab *Histrionibus* agi
solita huic rei simillima mihi videtur: Vano
cuidam & simplici *Thraso* pannus à nebu-
lone sartore describitur percommodus, sed
eo colore præditus, ut à nothis & spuris
conspici non possit. Itaque *Thraso* cupidus
emendi, pannum sibi proponi jubet: nebu-
lo protinus, tanquam multarum uloarum
molem profert, expansis palmis, ut mercato-
res hic assolent, licia diducit, speciem mi-
ratur, emptori suo prædicat & ostentat.
Hic *Thraso* vanus, adulterii materni suspi-
cione protinus tactus est: confiteri tamen
pudor vetat: itaque pannum, quem nullum
videt, qui nullus etiam est, se videre & ad-
mirari dicit, & emit, vestemque sibi sarciri
jubet. Hic sartor exultare gaudio & trium-
phare incipit, pannum dividit, divisionis
stridorem miris modis imitatur, vestemque
hoc egregio invisi invisibilisque (ut ita di-
cam) coloris panno consarcit; pretium de-
nique accipit, & addicit. Hæc (mihi crede)
fabula, in credulis sine iudicio, veritas & Hi-
storia, non fabula est. Credunt (quid enim
Medicis tot ætatum seculorumque iudiciis
approbatis non credant?) non vident tamen.

nec.

P R Æ F A T I O.

nec omnino videre, quod nihil est, possunt. Ne tamen idiotæ videantur, laudant, admirantur, emunt pretio non solum pecuniæ, cujus jactura tolerari potest, sed temporis & vitæ, cujus detrimentum nullo pecuniæ pretio compensari potest. Sane, ut quod res est dicam, parcius nobis fides auctoritati adjungenda, verum assensio cohibenda, & præter auctoritatem etiam ratio quærenda vel ipsorum veterum Philosophorum & Medicorum exemplo & autoritate, & primum quidem divini illius *Platonis*, quem tanti facit *Cicero*, ut modo Philosophorum *Homerum*, modo Deum dicere non dubitet; apud quem, ô Beate (inquit *Socrates*, *Polo* juveni de beata vita differenti productis testibus) Oratorum more convincere me contendis, quemadmodum in judicio fieri solet, ubi alii alios tum convincere se opinantur, cum pro sua causa multos celebresque adducant testes: adversarius autem aut nullum, aut unum aliquem, cum ejusmodi probatio nullius ad veritatem sit momenti; sæpe enim ob falsorum testium multitudinem atque eorum etiam, qui alicujus rei & pretii esse videntur, quis injuste opprimitur. Similiter & in *Charmide*; Neque id considerandum, quis dixerit, sed utrum vere dicatur necne: Hæc & similia apud *Platonem* passim. Quin & *Aristotelem* Magistri sui vestigiis hic profus

P R Æ F A T I O.

insistentem attendamus, qui cum à veterum Philosophorum nemine, tum ne à *Socrate* & magistro *Platone* abstinuit. Contra ideass enim disputaturus inquit; Etsi difficilis existit quæstio, quia nobis amici sunt ii, qui ideas induxerunt: tamen æquum est, veritatis retinendæ causa, sua etiam decreta tollere, Philosophis præsertim. Etsi enim utriusque clari sunt, tamen præclarum est pluris æstimare veritatem. An non hinc, quo loco Philosophorum vel gravissimorum autoritas sit habenda, liquido constare dicemus? cum *Socrates* non tam *Hippocratis* aliorumque testium, *Aristoteles* vero non tam *Socratis* & *Platonis*, quam rationis veritatisque momenta esse ponderanda atque æstimanda clamitet: præsertim cum & *Cicero*, divina ingenii celeritate singularique judicio vir, qui propter crebras *Platonis* & *Aristotelis* laudes in utriusque verba jurasse posset videri, non invitus relicta *Platonis* Academia & *Aristotelis* Lyceo, ad Stoicorum portum deflexerit. Credo etiam ad Cyrenaicorum Cynosarges, Epicureorum hortos, aliorumque Philosophorum scholas, pari libertate transiturum fuisse, si quicquam cognitu dignum in illis comperisset & judicasset. Quin etiam discennes ab ejusmodi credula superstitione revocatos nominatim, non tam autoritatis, quam rationis momenta quærenda esse admonet: quod

P R Æ F A T I O

quod obfit plerumque iis , qui discere volunt , autoritas eorum , qui docere se profitentur. Desinunt enim , inquit , iudicium suum adhibere; id habent ratum , quod ab eo , quem probant , vident iudicatum. Quamobrem vera , quamvis nova , Medicinæ principia cum Veterum opinionibus comparemus : plurima enim hic contraria comperiemus. Adhibeamus Anatomicam exercitationem *Harveii*: experiamur quid hac possumus adjuvari; nec sepius diutius imitemur: ut enim pisces illi , cum se peti à piscatoribus fenserint , effuso atramento , quod illis est pro sanguine , infuscata aqua abscondunt se , & piscatoribus iter veluti sepiunt atque intercludunt : nec sic videlicet cum veritate , cum luce , cum firma constantique ratione urgeamur & constringamur. Etenim turbida ista aqua residebit aliquando ; opinionum enim commenta delebit tempus , naturæ iudicia confirmabit. Experimentum insigne huius rei habemus in clarissimo viro *Vopisco Fortunato Plemio* Artium & Medicinæ Doctore , atque in Academia Lovanienti practicum primo loco proficiente , cuius de *Harveio* iudicium hic proponere libuit , quod dedit lib. 2. de *fundamentis Medicinæ* , cap. 7. Hæc ejus verba. Nuper *Anglia* novam peperit de motu cordis opinionem , quam invulgavit *Ga-lielmus Harveius* , edito ea de re peculiari libello.

P R Æ F A T I O.

bello. Sententiam suam multis plausibilibus
 rationibus adstruit, adeo ut jam multis do-
 ctis hodie arridere incipiat; nomineturque
 honoris causa à quodam contrerraneo suo
Circulator Microcosmi, ad distinctionem al-
 terius Angli, qui primus Macrocosmum cir-
 culavit. Primum mihi inventum hoc non
 placuit, quod & voce & scripto publice te-
 status sum: sed dum postea ei refutando &
 explodendo vehementius incumbo, refutor
 & ipse & explodor; adeo sunt rationes ejus
 non persuadentes, sed cogentes: diligenter
 omnes examinavi, & in vivis aliquot can-
 bus eum in finem à me dissectis verissimum
 comperi. Hoc ut facerem monitus quoque à
 clarissimo *Walao Professore Leydensi*, cujus vi-
 ri candido sedatoque ingenio & judicio plu-
 rimum tribuo, multumque in hac ipsa mate-
 ria acceptum refero. Mira judicii Metamor-
 phosis! Sperare hinc incipio & aliorum æ-
 quitatem, qui deposito omni odio, & agnito
 errore, tandem cum *Plempio* bene sentire de
Harveio incipient. Malitiosi & improbi ani-
 mi est, errore delectari, lucem odisse, tene-
 bras consectari, industriam bonorum ca-
 lumniari; quod vitium non nisi in foedissi-
 mas personas cadit & viles. Viles, adeo vere
 dictum, ut negemus, non dicamus bonam,
 sed mediocriter bonam altamque indolem,
 unquam hac labe fuisse aspersam. Vetus &
 nostrum.

P R Æ F A T I O

nostrum ævum excutite. Non aliter legetis, videbitis, audietis, quam tristes quasdam malignasque naturas, quas sydere suo *Saturnus* afflavit, aliis invidentes, sibi diffidentes, pronas ad hoc vitium & factas. Videtisne minutos illos canes, qui hospites allatrant, feras non tangunt? Tales deteriores isti hominum, qui lædere tantum nati & vexare. Nati, inquam; quia revera ad hoc vitium ita vergunt & inclinant, ut quies iis non sit, nisi aliis inquietis. Si dicerent reprehensores ejus, *Guilielmus Harveius* Veterum errores notavit ac reprehendit, verum illi quidem dicerent: tum vero multo etiam verius, si adderent, *Guilielmus Harveius* diuturna & assidua rerum Anatomicarum observatione & meditatione proposuit è via Medicinæ spinas, filices, cæteraque impedimenta tollere, ut iter planum, simplex, expeditum, directum esset; quo facilius ad Medicinæ non modo veritatem & intelligentiam, sed etiam utilitatem & fructum perveniretur. *Socratis* sapientia vel *Apollinis* oraculo notissima est, inter cujus laudes, vel illa insignis ac præcipua fuit, artium liberalium fines ad humanæ vitæ referre fructum, ut homines his artibus instructi prudentius de rebus agendis, paratiusque deliberatas ac promptius exsequerentur ac conficerent. Hunc finem spectavit *Harveius* noster, veritatem solam & fructum
artis

P R Æ F A T I O.

artis Medicæ indicavit. Videbat etenim ingens spicilegium reliquum esse, multa spatiosis naturæ latifundiis superesse hætenus intacta aut impervia, in quorum possessionem tanquam in vacuum sapientibus venire liceat. Verum nullius adductus jurare in verba magistri, non aliorum scriptis credidit *Harveius*, sed oculis fidelibus rerum Anatomicarum internunciis; quia melius *ἄνθρωπος* comparatur *Anatome*, quam longa lectione & profunda meditatione, quibus & nos experti credimus. *Eupompus* pictor egregius interrogatus, quem antecedentium sequeretur, dixisse fertur demonstrata hominum multitudine naturam ipsam imitandam esse, non artificem. Idem *Harveius* fecit, atque naturam perscrutando eo pervenit, ut merito non aliter atque *Archimedes* inventa subæratæ auri obryssa, magna voce exclamaret, *εὕρηκα, εὕρηκα*. Hæc veræ & antiquæ philosophiæ sacrosancta lex est; *Amicus Plato, amicus Socrates, magis amica Veritas*: quare *ὤντα ἔφη* nunquam hic audiatur: nulla hominis excellens autoritas pro argumento adferatur, nulli prærogativæ sententiæ, sed meliori calculus adjiciatur. Denique dum alii antiquarum partes suscipiunt, nos veritatis cum *Harveio* causam agamus. Majorum inventa non vetustatis sed rerum veritate ponderantes, æstimantesque,

veris-

P R Æ F A T I O.

veritati congrua comprobemus , contraria
reijciamus. Edidimus in hunc finem denuo
Harveii Exercitationem Anatomicam, quæ An-
no 1628. *Francofurti* incuria Typographi
vitiose admodum edita fuit , quod Autor
sæpe conquestus est , sentiens inde reprehen-
sorum calumnias originem traxisse, qui di-
cta ejus minus intelligentes , iniquo animo
acceperunt, & publice traducere conati sunt:
edidimus, inquam , seduloque operam dedi-
mus, ut perplexis, confusis & mutilis, quan-
tum fieri potuit , sublatis , restituta eadem
Exercitatio emendate prodiret, usi hac in re
opera doctissimi D E B A C K Collegæ
nostri amicissimi , cujus judicio plurimum
tribuimus. Verumenimvero ut Præfationis
nostræ vela complicemus, imitemur, in ho-
noribus præstandis rerum inventoribus, an-
tiquitatem. Videlicet quondam apud seculū
prius Medica inventio tam admirabilis fuit,
tam dulcis experientia, ut ejus autores aut
plane pro Diis habiti sunt, velut *Apollo* &
hujus filius *Æsculapius* , aut certe divinis
honoribus digni sunt æstimati, velut *Ascle-
piades* , quem *Illyrici* numinis instar rece-
ptum, *Herculi* in honoribus æquarunt. Non
equidem probo totum quod fecit antiqui-
tas : Affectum sane & judicium laudo ,
quippe quæ recte & senserit & declararit ,
nullum satis dignum præmium persolvi
posse.

P R Æ F A T I O.

posse Medicinæ artis inventoribus. Itaque in sempiterno honore apud nos Doctor HARVEIUS esto, cujus doctrina patefactam viam habemus ad tantum Medicæ virtutis splendorem perspiciendum, amandum, mutandum. Sapientissimi Syracidis modestam de suo instituto commendationem libere *Harveio* attribuamus. Ego ultimus vigilavi, tanquam is, qui spicas legit post messorum; profeci gratia Domini, implevi torcularis lacum: considerate me mihi non laborasse, sed omnibus quærentibus eruditionem.




Serenissimo & Invictissimo

C A R O L O ,

Magnæ Britannie, Franciæ, & Hiberniæ

Regi, Fidei Defensori.

S E R E N I S S I M E R E X ,

 Cor animalium, fundamentum est vitæ, Princeps omnium, Microcosmi Sol, à quo omnis vegetatio dependet, vigor omnis & robur emanat. Rex pariter regnorum suorum fundamentum & Macrocosmi sui Sol, Reipublicæ cor est, à quo omnis emanat potestas, omnis gratia provenit. Quæ de motu cordis hic scripta sunt, *Majestati Tuae* (uti hujus seculi mos est) offerre comagis ausus sum, quod, ad hominis exemplum, uti corporeæ actiones omnes cordi, sic Regi res publicæ cunctæ competunt. Regi non inutilis cordis sui notitia, tanquam actionum Divinum Exemplarium (sic parvis componere magna solebam.) Poteris saltem, Regum optime, in fastigio rerum humanarum positus, una opera & humani corporis principium & Regiæ simul potestatis tuæ effigiem contemplari. Suscipe itaque, humillime precor., *Serenissime Rex*, usitata benignitate & clementia, de corde nova hæc; qui ipse novus splendor hujus seculi & totum verecores. Princeps virtute abundans, ac gratia; cui acceptum jure merito referimus. quicquid nostra Anglia boni, quicquid vita nostra jucundi, habet.

Augustissimæ Majestatis Tuæ
devotissimus servus

GUILLIELMUS HARVEIUS.

Ex.

Excellentiss. & Ornatiss. Viro

D. D. A R G E N T,

*Collegii Medicorum Londinens. Præsidi, A-
mico suo singulari, ceterisque Doct.
Medicis Collegis suis amantiß.*

S. P. D.

MEAM de motu & usu Cordis & Circuitu
Sanguinis sententiam E. D. D. antea sæ-
pius in prælectionibus meis Anatomicis
aperui novam: sed jam per novem &
amplius annos multis ocularibus demonstratio-
nibus in conspectu vestro confirmatam, rationi-
bus & argumentis illustratam, & ab objectioni-
bus doctissimorum & peritissimorum Anatomico-
rum liberatam, toties ab omnibus desidera-
tam, à quibusdam efflagitatam, in lucem & con-
spectum omnium hoc libello produximus.
Quem nisi vobis transmissum E. D. D. minus
sperarem prodire posse integrum & tutum: cum
pene omnium illarum observationum, ex quibus
aut veritatem colligo, aut errores redarguo, vos
fide dignos appellare possum testes, qui dissectione-
nes meas vidistis, & ocularibus demonstrationi-
bus eorum, quæ hic ad sensum palam assevero,
assistere candide & astipulari consuevistis. Cum
itaque contra per tot secula annorum receptam
ab innumeris, iisque clarissimis doctissimisque
viris tritam & illustratam viam, sanguinem iter
novum metiri suum & revolvere solus hic liber
affirmet; arroganter nimis factum videri sum-
mopere verebar, si libellum hunc, per aliquot
abhinc

D E D I C A T I O.

abhinc retro annos alioquin perfectum , vel in publicum exire, vel transfretare permisisssem; nisi prius eum vobis propositum per autopsiam confirmassem, vestris dubiis & objectionibus respondissem, Præsidisque ornatissimi censuram in favorem accepissem. Persuasissimum veruntamen habui, quod si coram vobis nostroque Collegio tot tantisque viris doctissimis nobilitato, propositum sustinere potuerim , ab aliis tum demum minus pertimescendum & illum, qui mihi à vobis, ob amorem veritatis, contigit favor , ab aliis , qui similiter sint philosophati , non minus esse sperandum. Philosophi enim veri, qui amore veritatis & sapientiæ flagrant, nunquam se tam *σοφὸς*, sapientia plenos reperiunt , aut suo sensu abundant; quin veritati, à quocunque & quodocunque venerit , locum dent. Quis est tam angusti animi ut credat artem aut scientiam adeo omnibus numeris absolutam & perfectam à Veteribus traditam, ut aliorum industriæ & diligentiae nihil sit reliquum? sed profitentur plurimi, maximam partem eorum, quæ scimus, eorum, quæ ignoramus , minimam esse: traditionibus & præceptis quorumcunque non ita addicti , inservire se patiuntur Philosophi , ut libertatem perdant , ne oculis propriis fidem adhibeant, nec ita in verba jurant antiquitatis magistræ , ut veritatem amicam in apertis relinquunt, & in conspectu omnium deferant. Sed sicut credulos & vanos, omnia prima facie admittere & credere , ita manifesta sensui non videre , & luce meridiana diem non agnoscere, stupidos & insensatos pariter existimant : non minus Poetarum fabulas & vulgi deliramenta , quam Scepticorum epochen in via philosophica declinare docent. Omnes item studiosi , boni, honestiq; nunquam ita passionibus

in.

D E D I C A T I O.

indignationis, invidiæ, obrui mentem sinunt, quo minus audiant æquo animo, quæ pro veritate proferantur, aut rem vere demonstratam intelligant: nec turpe putant mutare sententiam, si veritas suadet & aperta demonstratio: nec errores, licet antiquissimos, deferere arbitrantur inhonestum. Cum optime norint quod humanum sit errare, decipi; & quod casu multa reperta esse contingat quæ discere quivis à quovis possit, à juvene senex; à stulto intelligens.

Verum isto Tractatu, Collegæ amantissimi, in Auctorum & Scriptorum Anatomicorum nominibus, operibus & sententiis recensendis, exagilandis memoriam meam & lucubrationes, multamque lectionem & magnum volumen ostentare volebam. Tum quod non ex libris, sed ex dissectionibus, non ex placitis Philophorum, sed fabrica naturæ discere & docere Anatomicen profitear: Tum quod neque è Veteribus quemquam debito honore defraudare, neque è posterioribus quemquam irritari æquum censeam, aut moliar. Neque cum iis, qui in Anatomicis antecelluerunt & me docuerunt, manus conferere, aut dimicari honestum putem. Accedit, quod nec falsitatis crimen, in quempiam veritatis studiosum mea sponte iurare vellem, nec quenquam erroris labe insimulare. Sed solam veritatem sector, & omnem tum operam, tum oleum eo contuli, ut aliquid bonis gratum, doctis commodum, & rei litterariæ utile in medium proferre possem. Valete Domini D. Excellentiss. & Anatomico vestro favete

GVILIELMO HARVEIO.

IN-

I N D E X.

C A P I T U M.

Proœmium præcedit, quo demonstratur, quod
quæ hæcenus scripta sunt de motu & usu
cordis & arteriarum minus firma sint.

- | | |
|---|--------|
| | pag. I |
| C A P. I. Cause, quibus ad scribendum Autor
permotus fuerit. | 17 |
| C A P. II. Ex vivorum dissectione qualis sit
cordis motus. | 20 |
| C A P. III. Arteriarum motus qualis ex vi-
vorum dissectione. | 24 |
| C A P. IV. Motus cordis & auricularum qua-
lis ex vivorum dissectione. | 27 |
| C A P. V. Cordis motus, actio & functio. | 35 |
| C A P. VI. Quibus viis sanguis, è vena cava
in arterias, vel è dextro ventriculo cordis in
sinistrum deferatur. | 41 |
| C A P. VII. Sanguinem de dextro ventriculo
cordis, per pulmonum parenchyma, permeare
in arteriam venosam & sinistrum ventri-
culum. | 49 |
| C A P. VIII. De copia sanguinis transeuntis,
per cor è venis in arterias, & de circulari mo-
tu sanguinis. | 56 |
| C A P. IX. Esse sanguinis circuitum, ex primo
supposito confirmato. | 60 |
| C A P. X. Primum suppositum (de copia per-
transeuntis | |

INDEX CAPITUM.

transeuntis sanguinis è venis in arterias, & esse sanguinis circuitum) ab objectionibus vindicatur, & experimentis ulterius confirmatur. 68

C A P. XI. *Secundum suppositum confirmatur.* 71

C A P. XII. *Esse sanguinis circuitum, ex secundo supposito confirmato.* 80

C A P. XIII. *Tertium suppositum confirmatur, & esse sanguinis circuitum ex tertio supposito.* 83

C A P. XIV. *Conclusio demonstrationis de sanguinis circuitu.* 92

C A P. XV. *Sanguinis circuitus rationibus verisimilibus confirmatur.* 93

C A P. XVI. *Sanguinis circuitus ex consequentibus probatur.* 97

C A P. XVII. *Confirmatur sanguinis motus & circuitus ex apparentibus in corde, & ex iis, quæ ex dissectione anatomica patent.* 104

Exercitatio Anatomica altera, ad J. Riolanum,
prima de circulatione sanguinis. 121

Exercitatio Anatomica tertia, ad J. Riolanum;
secunda de circulatione sanguinis: in qua multe contra circulationem eandem objectiones refelluntur. 147

INDEX RERUM

Exercitationum Anatomicarum

G. HARVEI.

A.

- A**ctio Cordis quid, Pag. 37, 116
Aer non ingreditur arterias in diastole, 3
Aer non ingreditur arteriam venosam,
neque cordis ventriculum sinistrum, 12.
Aeris inspirati usus, 136.
Alimentum quomodo in naturam partium
transmutetur, 168.
Alimentum pediculorum intestina pertransire
quomodo percipiatur, 105.
Allium pedum plantis alligatum expectorat, 99.
Anasarca & tympanitidis differentia, 173.
Anastomoses arteriarum cum venis nullibi in-
veniuntur, 143, 199.
Aneurisma probat arterias pulsare non vi pul-
sifica à corde per earum tunicam proveniente,
sed sanguine in earum cavitatem propulso,
 8, 150.
Aneurisma ex rupta vel lesa arteria sanguinem
intra membranas continet, 150.
Animalia pulmonibus carentia unum habent
cordis sinum, 9, 41. *quoniam duobus ventri-*
culis prædita, 106. *vivunt alimento,* 96. *per-*
fectiora perfectiori indigent alimento &
calore, 106.
 Ani-

I N D E X.

- Animalia pene omnia cor habent,* 33
Animalia quænam corde non instructa, 104.
quare cor non habeant, ibid.
Animalia quædam pro corde vesiculam habent,
 34, 105, 111. *varius pulsatur, quando, quomo-*
do se habeat, 34, 111
Animalia sanguinea omnia cor habent, 106.
datur ibid. ratio.
Anser cerebrum habet sine ventriculis, 111
Aorta juxta cor in os rotundum mutata, 153
Aortæ propagines circulationem non recipiunt
secundum Riolan. 124. rejicitur, 132
Argumentum contra circulationem potentiissi-
imum, 173. *hoc refellitur,* 274
Arterie cruralis portio in os fistulosum conversa,
 153. *omnes ab aorta, hæc à corde oritur,* 138.
nil præter sanguinem continent, 25, 165.
eodem tempore omnes pulsant, 3, 14, 26.
capillares minus pulsant, 118, 187. *non distin-*
guuntur earum extremitates à venis, 118.
distribuunt sanguinem per totum corpus, 2,
 5, 6, 14, 37, 38, 39, 58, 60, 71, 75, 99, 136.
aerem in diastole non intromittunt, 2, 3, 4, &
sequ. non distenduntur ut folles, sed ut utres,
quia implentur, 7, 8, 149, 150, 153, 186. *ca-*
lorem non refrigerium à corde in partes ve-
hant, 4. *quo pulsus edunt vehementiorem,*
eo citius deplentur, 67. *in quibusdam anima-*
libus à venis non differunt, 8, 120. *non pul-*
sant, vi pulsifica à corde descendente, aut illis
innata,

I N D E X.

- innata, 8, 150, 153, 188. à veteribus dice-
bantur venæ, 27, 60. ubi robustiores, 117,
119. sanguinem salu & impetu propellunt,
8, 24, 42, 65, 81, 129, 150, 152. nisi sangui-
nem per aliam viam exonerarent quam qua
in ipsas sanguis ingreditur, tandem disrum-
perentur, 58. sanguinem è venis non nisi per
cor recipiunt, 65, 82, 145. ligatæ vel com-
pressæ versus cor intumescunt, versus extre-
ma inaniuntur, 70, 74. non habent valvu-
las, 85. tunica, supra fistulam ejus cavitati
inditam, ligata, ejus ulterior pars non pul-
sabit, 101. quare pulsant, 186, 187. expe-
rimentis probatur, 269. non deplentur nisi in
venas & partium porositates, 188, & sequ.
194, 195, & sequ.
- Arteria venosa est vena, 120. vulgaris ejus
usus reficitur, 11
- Arteriarum, venam umbilicalem adeuntium,
ultima stamina in venæ illius tunicis oblite-
rantur, 144
- Arteriosa vena ligata non pulsat auricula sini-
stra, 190
- Asthma ex obstrictis ramulis per pulmones dis-
seminatis, 163
- Auricula dextra sive vesicula, auriculam refe-
rens, dicitur primum vivens & ultimum
moriens, 32, 112, 190. dextra pulsans,
quiescente corde persentitur in venicula
quadam palpitatio, 29, 31
- * *
- Ant.

I N D E X.

Auricula ante cor moventur, 28, 29, 30, 114.
dicuntur primi sanguinis motores, 112. *in*
factu quare majores, *ibid.* *in motu fiunt albi-*
diores, 30, 189. *magna moles in noviter*
strangulatis, *in refrigeratis minor*, 175. *quo-*
modo repleantur, 30. *ratione cordis est imbe-*
illis vel robusta, 113, 119. *sese contrahendo*
sanguinem in ventriculis propellunt, 112, 113
Auricularum prima generatio, 115. *usus*, 112,
 113
Autopsia non longe petitis rationibus, proban-
dum, 181.

B.

Botalli error de transitu sanguinis in sini-
strum ventriculum, 46.

C.

Calidum influens ad quid requiratur, 198.
innatum in partes spirituum ope fluere
perperam tradunt, 164. *internum refocillat*
membra, 135
Calor natus omnium operationum instrumen-
tum, 193
Cartesii, circa piscis exemptum cor, error, 196
Cartesium latet differentia relapsus & diasto-
les cordis & auricularum, 197
Causa ob quam sanguis in phlebotomia longius
profilit, 80. *qua minus recte Riolanus de*
circulatione judicat, 37. *qua minus accurate*
de animalium partibus Anatomici judicent,
 41. *qua auctorem impulit ad cogitandum de*
circulatione, 57, 58. *Cautio*

I N D E X.

- Cautio chirurgica*, 118
- Cerebrum consensu quomodo quandoque laboret*,
158, cum organis omnibus sensoriis unum est
sensus organum, 192. in quibusdam est sine
ventriculis, 111
- Chylus in hepate moratur*, 100. per lacteas ad
hepar secundum Riolanum, 130. quomodo
ad hepar tendat sine lacteis secundum Au-
torem, 99, 131
- Cibus quomodo deglutiatur*, 36
- Circulatio fit in propaginibus aortæ & venæ ca-
væ, contra Riola. 132. indiget propulsore*, 96,
97. non destruit veterem medicinam, 125.
non fit in vena porta secundum Riola. 124.
refellitur, 126. & sequ. ob quæ variat, 170.
autopsia probanda, 172. quæ per universum
corpus fit, etiam in singulis partibus, 141.
quomodo fiat, 35, 58, 61, 92, 93, 193, 194.
sanguinis est in singulis particulis, 125, 126,
136, 140, 186, 187. probatur, 61, 63, 69, &
sequ. 74, 76, 81, 92, 186, 187.
- Circulatione impedita multa oriuntur incom-
moda*, 198. una admissa, altera non potest ne-
gari, neque tertia repudiari, 139, 140
- Circulationem fieri per ramos portæ in sima he-
patis distributos*, 130, 138, in mesenterio fieri
probatur contra Riola. 126, 127. & sequ.
- Circulationis laus & calumniæ*, 77. usus & ne-
cessitas, 59, 94, 136, 137, 168
- Concoctio debet esse perfecta*, 96

I N D E X.

- Constitutio & motus cordis aliter est quam pulmonum, 1, 2. foporalium arteriarum in cerebro, 1444*
- Contagium probat circulationem, 918*
- Contextus cordis cum pulmonibus maximam hesitandi causam in distribuendo sanguine prae-
buit, 21, 38. venae cae cum arteria ven-
nosa in fetu, 43. venae arteriosae cum arteria
magna in fetu, 44. horum usus, à nonnullis
traditus, rejicitur, 455*
- Contrariorum effectuum causae contrariae, 1966*
- Copia sanguinis cor transeuntis arguit ejus mo-
tum circularem, 622*
- Cor aliquando movetur, aliquando quiescit, 20.
quod apparet in frigidioribus animalibus, ibi
anguille sine auriculis etiam in minimas
particulas divisum palpitat, 30. columbae
postquam moveri desierat, digito madefacto
saliva, admotoque calide, iterum pulsavit,
31. dum movetur, tria praecipue animadver-
tenda, 21. I. Mucro accedit ad basin, pectus
ferit & pulsum facit, ibid. II. undique, seu
magis secundum latera, constringitur, ibid.
unde hoc manifestum, ibid. III duriuscu-
lum evadit, ibid. haec simul fiunt, 22. dum
movetur, albidioris est coloris, 21, 22, 70. un-
dique constringitur, 21, 22, 70, 196. eodem
tempore cum arteriis non est in diastole, 6, 7.
eo quo movetur non distenditur, neque san-
guinem recipit, 23, 24. esse primam causam
pal-*

I N D E X.

pulsationis, vitæ, omniumque actionum, non existimat Harveius, 191. & seq. quomodo dicatur actionum author, ibid. fons & officina vitalis spiritus, Sol microcosmi, perfectionis causa sanguinis, auctor omnium, vitæ fundamentum, 4, 9, 58, 59, 94, 95, 96, 192. non tantum cordis corpus intelligitur, ibid. in cadavere, à retento sanguine, bovini magnitudine, 177, 178. in embryone movetur, 45. in exanguibus quomodo moveatur, 33. in frigidioribus tarde & languide pulsatur, 188. in omnibus animalibus non est distincta neque separata particula, 104. in perfectioribus quale desideratur, 106. in quibusdam non discernitur, 105. in quibusdam non pulsatur tempestatibus frigidioribus, 33, 105. in quiete quomodo, 20. in systole movetur secundum omnes fibras, contra Vesal. 21, 23, 24. majori copia sanguinem in partes propellit, quam ad nutritionem desideratur, vel alimenta vel tota sanguinis massa suppeditare potest, 61, 62, 63, 64, 68, 71, 82, 93. moribundum, 28. non est primum vivens, neque ultimum moriens, 32. non immerito ab Hippocrate musculus, 115. non potest se extendere ut in seipsum aliquid in diastole attrahat, 112. nunquam est sine ventriculo, 111. per contractionem auricularum in sua diastole impletur, 63, 196, 197. pulsu sanguinem per totum corpus pellit, 59, 81, 96, 99. quibus robustum, 109. quomodo ab extremis partibus refrigeretur, 132. quomodo in embryone moveri incipiat,

I N D E X.

- piat, 31, 32, 114. quomodo appareat, 115.
 semper habet sibi adjunctam auriculam, 34.
 singulis contractionibus sanguinem propellit,
 22, 38, 61, 62, 70. tanquam lebes à contento
 sanguine calet, 193. collectum est in systole,
 196. exemptum aut mortuum dum collabitur
 non est in diastole, ibid. una semihora plus
 quam mille pulsus facit, 62.
 Corde affecto corrumpitur animal, 91.
 Cordis corpus non est sanguinis, nec ejus motus
 & caloris opifex, 192. sed ratione ventricu-
 lorum, 193. Cordis & auricularum motus a-
 perto pectore, 189. eorum motus ordo, 190.
 ventriculi in motu non ampliantur, contra
 Cartes. 196.
 Coronales arteriæ & venæ cordi calorem & con-
 servationem addunt, 193.

D.

- D**ia stole arteriarum à systole cordis, 134. cor-
 dis & arteriarum non fiunt simul, 24.
 25. cordis est ejus distentio, 196.
 Dia stole & systole non fiunt ab iisdem causis,
 192, 196.
 Differentia à calore sumpta non arguit ejus di-
 versam speciem, 156. inter pulsum & respi-
 rationem secundum Galenum, 1. relapsus &
 diastoles cordis, 196. sanguinis arteriosi &
 venosi, 5. sumpta ab inanitione arteriarum &
 repletionem venarum non arguit diversam spe-
 ciem in utroque sanguine, 157.
 Diffi-

I N D E X.

- Difficultas respirationis in tertianis,* 98
Difficultates in chyli distributione diluuntur, 131
Dissectio corporum sanorum & morbosorum ad quid necessaria, 122, 123. unius tabidi quantum commodi afferat, 123
Dolor quomodo tanquam incantamento sedatur, 180
Durities cordis à tensione, 21, 22.

E.

- Ebullitio & elevatio sanguinis refutatur,* 194, 197
Exanguia nihil pulsans hyeme habent, 33
Experimentum quo Galenus probat nil præter sanguinem contineri in arteriis, 153. probare videtur arterias pulsare vè pulsifica à corde proveniente, 7, 149. non potest commode adhiberi, 7. contradicatur, 150. & sequ. Vesalius cum aliis rejicitur, 157.

F.

- Facultas pulsifica non provenit à corde per arteriarum tunicas,* 8, 150
Fœtus in utero non respirat, editus in lucem defectu aeris suffocatur, 184
Febrium tertianarum calor, 98
Fernelius in pulmonum affectibus sanguinem à dextro brachio detrahendum autumans, refellitur à Riolano, 139
Fibræ cordis quales, 115. Galen. refellitur, ibid.
Foramen in porta hepatis in fœtu exstat, 101

I N D E X.

usus, *ibid.* ovale parte qua arteriam spectat
obtegatur membrana, 43. ejus substantia, *ibid.*
44, 100. ovale quare in fœtu, *ibid.*
Frigus de improvviso viatores opprimit, 194. in
extremis partibus unde, 944
Fuligines arterias in systole emittere vulgo cre-
ditur per carnis & cutis poros, 2. rejicitur in
sequ.

G.

Generatio animalium procedit ex non anima-
li in animal, 32. pulli in ovo quomodo
incipiat, 3 II
Generaciones tempestatum & meteorũ, unde, 58

H.

Hæmorrhagia per se sedatur, 67
Hæmorrhoidalis vena, unde, 103. ejus usus,
ibid.
Hepar in embryone fere nullius usus, 100. ejus
prima generatio, 101. in fœtu posterius gene-
ratur, *ibid.*
Hippocrates quomodo sanguinem miserit in tu-
mescente pulmone, 138.

I.

Impulsio & vis sanguinis à corde, 81
Impulsus sanguinis distendit arteriam, 8.
quod exemplo probatur, 172
Incommoda quænam ex ligata arteria, 4
Inconstantia Riolani proditur, 138. & sequ.
Inexperti difficile docentur, 181, 183, & sequ.
Inspiratio facit ad translocationem sanguinis
per pulmones, 51, 54 L.

I N D E X.

L.

- L** Acertula ventriculorum cordis ab Aristot.
 Nervi, 24, 113. usus, ibid. 108. in quibus-
 dam non reperiuntur, 109. in sinistro ventri-
 culo robustiores, ibid.
 Lanio nisi jugulum boum secuerit, antequam cor
 pulsare desinit, totum sanguinem non exhau-
 riet, 67
 Ligatura est stricta vel mediocris, 72. stricta
 brachio injecta, quid liceat observare, 73. quid
 hac soluta, 74. & sequ.
 Ligaturarum differentia, 76. frustra sæpius qua-
 re adhibita, 72. usus in medicina, ibid.
 Lipothymia causa in sanguinis missione, 77,
 194. in lipothymia sistitur sanguis, 67. ejus
 symptomata, 180.

M.

- M**assa sanguinis media è jugularibus & cru-
 ralibus vasis evacuatur tantum in mor-
 tuis, 4, 7. è vena cava in arterias cordis pulsu
 transit, 61, 62, 68. per apertam arteriam
 brevi effluit, 5, 64, 65
 Materiam ferosam, & pus empyicorum in arte-
 riam venosam absorptam per urinas excretam
 experientia probavit, 15
 Medicamenta exercent intus vires exterius ap-
 plicata, 99. quomodo deferantur ad cor, ibid.
 Morborum præcipue chronicorum effecta, 123
 Motum cordis diligentius perlustrans, quid ob-
 servabit, 37
 Motus

I N D E X.

<i>Motus cordis cognitu difficilis,</i>	17. definitur,	21.
<i>deglutitioni comparatur,</i>	36.	<i>in animalibus moribundis,</i>
<i>28. in quibus manifestior,</i>	20.	<i>quomodo fiat,</i>
35, 197.	<i>similis est musculorum,</i>	21
<i>Motus duo auricularum & ventriculorum vi-</i>		
<i>dentur unus esse,</i>	35, 36	
<i>Motus & usus cordis & arteriarum à priori-</i>		
<i>bús traditus, rejicitur,</i>	16	
<i>Motus in corde quatuor, loco, non tempore distin-</i>		
<i>cti,</i>	6, 28	
<i>Motus localis in animalibus, unde,</i>	112, 113	
<i>Motus proprius cordis non est diastole,</i>	23	
<i>Motus quidam sanguinis deprehenditur auriculæ</i>		
<i>dextræ pulsu cessante, non calore,</i>	31.	<i>sanguinis celeritas experimento probatur,</i>
	194	
<i>Mors,</i>	93	
<i>Mortis genera duo,</i>	71	
<i>Musculi in motu quomodo sint constituti,</i>	21, 22.	

N.

<i>Natura providentia in chyli distributione,</i>	99, 100
<i>Natura in fetu duobus ventriculis utitur quasi</i>	
<i>uno,</i>	46
<i>Notitia omnis ex sensu,</i>	121
<i>Nubecule in ovo, cui gallina incubuerat, in aqua</i>	
<i>ostense, in medio punctum sanguineum appa-</i>	
<i>rebat,</i>	34, 35
<i>Nutritio pulli in prima ejus generatione,</i>	101.

I N D E X.

O.

- O**bjectiones quædam confringuntur quibus
annihilari posset argumentum à copia san-
guinis cor transeuntis sumptum, 68, & seq.
Opinio de ventriculorum usu & officio absurda
convellitur, 10. vulgaris de arteriarum dia-
stole & systole. 2
Ordo quo cor pulsare desinit, 29
Origo venæ coronalis posticæ, gastricæ, & epi-
ploicæ, 103. earum disseminatio & usus, ib.

P.

- P**ars nulla derepente opus magnum perficit,
38. nutritur sanguinis motu, 59. quo san-
guine, ib. quomodo dicatur calidior, 193
Partes algentes, circulatione calorem recipiunt,
94. qua ratione calidæ dicantur, 193
Physiologia Medicis scitu necessaria, 123
Plant-animalia cor non habent, 104, 105. toto
corpore pro corde utuntur, ibid.
Porositates in septo cordis nullæ sunt, 13, 14
Portio sanguinis exclusi debet respondere quan-
titati contenti, 64, 69, 82
Pulmones non habent eundem usum cum arteriis
& corde, 4. quare circa cor fabrefacti, 2. quare
facti secund. Hier. Fabr. ab. Aq. 13
Pulmonum sanguis quare rutilans, 191. substan-
tia, 14. spiritus secundum Columbum
conficiunt, 4
Pulsatio in effluente sanguine conspicua, 88. 9
moderari potest in rescissa arteria, 118
Pulsus

I N D E X.

*Pulsus arteriarum non fit vi pulsifica descen-
dente à corde per earum tunicas. 151. & seq.
causa, 26, 27, 29, 37, 93, 135. opinio Carte-
sii rejicitur, 197. cordis & arteriarum sunt
contractiones, 19, 30. cordis in exanguibus,
33. usus arteriarum differt à pectoris atque
pulmonū, 2. contra Galenum, qui resellitur, 8*

Q

*Quantitate magna sanguinem cor transire,
82. & seq.
Quicquid ultimum in animali fit, istud primum
deficit, 33.*

R.

*Rami cruralium vasorum in os fistulosum
conversi, 152. splenici usus, 103
Refutatio opinionis de diastoles & systoles ar-
teriarum usu, 2
Respiratio & pulsus non fiunt ab iisdē causis, 9
Respirationē ledi in magnis morbis, lethale, 190
Respirationis usus, 162
Retentio menstruorum ex timore. 83.*

S.

*Sanguis à corporis circumferentia ad centrum
moveri est pronus, 97. aliquis in parte ma-
net nutritionis ergo, 132. continetur natura in
arteriis, 39 40. cor ingreditur non attractione,
sed pulsu auricularum, 136. quo ductu movea-
tur, 71, 92, 134, 135, 194, 195, 48, 49, 51, 55,
58, 185, 186. palpitetne ante motum auricu-
larum, dubitatur, 32. hic citius, illic tardius,
movetur,*

I N D E X.

movetur, 126, 169, 178. quomodo circuletur
 secundum Riolanum, 124, 131, 133. contra-
 dicitur, 130, 131. & sequ. in adultis, cur potius
 transcolatur per pulmonum parenchyma, quam
 ut in fœtu per vias patentes, 48, 49. 50, 51,
 55, 190. magna quantitate cor transit, 82. non
 transit medium cordis parietem, 14, 40, 46,
 137, 190. per easdem arterias non fluit atque
 refluit, 126, 127, 128, 129, 134 quomodo dica-
 tur spirituosus, 160. quomodo moveatur per
 cor in pulmones, ductibus, qui in fœtu reperiun-
 tur, nondum oblitteratis, 46. quomodo per cor
 transeat, 173. experimentis probatur, 174. ne-
 cessario in alias partes demigrat, 104, 117. per
 venas ad cor, per arterias à corde in circuitum
 movetur, & à quo incepit regreditur, 186,
 189. à cordis corpore, nec vim, nec motum, nec
 calorem accipit, 192. omnium calidissimus,
 cordi calorem, non contra, tribuit, 193. transit
 aperta via è venis in arterias per sinus cordis,
 42, 43, 46. fit hoc potissimum in perfectioribus
 & primum crescentibus, 55. venosus non dif-
 fert ab arterioso, 154, 155, 164
 Sanguinem è dextro ventriculo in pulmones di-
 stribui, probatur à Gal. 52. & sequ. 92
 Sanguineum magis calet, 193
 Sanguinis fermentationis causa quomodo calor
 innatus, 192. motus celeritas experimento
 probatur, 194. ebullitio, elevatioque refuta-
 tur, ibid.
 Sanguinis

I N D E X.

- Sanguinis quantitas in ventriculo contenti*, 61
Scientia ex præexistente cognitione oritur, 121, 187
Sensibus habenda fides, 171, 182, & seq. 184
Septi cordis usus à nonnullis traditus, rejicitur, 13. *eius substantia*, ibid.
Septum cordis à retento sanguine ruptum, 176
Spiritus, quid, quales, an à sanguine separati, 157. & sequ. disputatur.
Systole arteriarum & cordis non fiunt simul, 6, 25, 26. *cordis consistit in motu*, 23, 25
Systoles causa prima, 192

T.

- T***Abes quomodo ex merore & amore*, 95
Timor cohibet effluxum sanguinis in phlebotomia, 83
Tympanitidis & Anasarcae differentia, 173. *non dicitur à sono tympanum æmulante*, ibid.
Tumor ex lapsu magna celeritate enatus, 79.

V.

- V***Alvulae demonstrant sanguinem per arterias in corpus distribui, per venas ad cor regredi*, 88, 90. *in jugularibus quam ob causam secundum aliquos*, 85. *rejicitur*. ibid. *in sinistro ventriculo arctius quam in dextro clauduntur*, 110. *in vena coronali repertæ*, 140. *ligato brachio, præcipue in varicosis, veluti nodi apparent*, 88. *quædam, quanquam in quibusdam locis non inveniuntur ad amussim clausæ*,

I N D E X.

- clausæ , non destruunt tamen quæ de illis dicta, 90. semper reperiuntur in canibus & bobus circa venarum cruralium divisionem, 85. ubique non necessariae, 128*
Valvularum binarum coherentia, 84, 86. usus, 87. cordis usus, 110. mitralium usus & situs, ibid. semilunarium situs , 52. necessitas ex Gal. 53. & sequ. situs & usus, 54, 91, 85, 86, 90, 91, 128. tricuspidum numerus, 10. situs, 110. usus, 10, 110. in quibusdam animalibus non reperiuntur, 109, 110. usum inventor non est assecutus, 87
Vasa circulatoria secundum Riolanum, 131
Vasa umbilicalia duo in ovo, 101
Vasorum spermaticorum unio, 144
Vena arteriosa ligata tollitur motus auriculæ sinistrae, 190. revera est arteria, 35, 120. ejus tunica, 119, 120. orificium ejus quare amplum, 120. eundem cum arteriis sanguinem continet , 5, 154. & sequ. tria ad hanc opinionem evertendam objiciuntur , 155. refelluntur in sequ.
Venæ deferunt sanguinem ad cor mediate vel immediate ab arteriis acceptum, 60, 61, 70, 71, 140. in anatomia sanguine abundantes inveniuntur vacuis arteriis, 65, 157. non fit in fœtu, neque unum cordis ventriculū habentibus, 66. non fit in morte subita extinctis, 157. mesentericæ qualem succum contineant, 100. plurimæ coeunt, 177. pro arteriis dictæ,
27,

I N D E X.

- 27, 60. umbilicales in ovo succum alimentitium ab ejus liquoribus absorbent, deferuntque ad nutriendum pullum, 131
- Vena ligata versus cor detumescit, 69, 70, 75, 78, 80.
- Venarum duplex genus non ratione lateris, sed officio, secundum Aristotelem, 59
- Vena umbilicalis hepar fœtus manifeste transit, 100
- Vita à quo incipit etiam desinit, 189
- Ventriculi cordis semper sanguine repleti, 51 in fœtu, 107. eorum diversitas quare in homine.
- Ventriculis quiescentibus non pulsatur arteria, 25
- Ventriculorum arctatio, unde, 24. in extentione cordis sanguinem non trahunt, ibid. cordis eadem actio, pulsus, atque motus, 9
- Ventriculus sinister cor videtur efficere, dexter ejus famulus, 107. crassior & robustior dextro, 109. dexter pulmonum causa factus, sanguinem per totum corpus fundit, 108
- Vesicula in basi cordis piscium posita, refert aricularum vel ejus analogon, 30, 42, 58
- Vie circa cor, per quas in fœtu transit sanguis, post menses, imo annos, fœtu in lucem edito, aliquando inveniuntur, 45.

F I N I S.

PRO:



PROOEMIUM,

Quo demonstratur, quod, quæ ha-
ctenus scripta sunt de motu &
usu cordis & arteriarum,
minus firma sint.

DE Cordis Arteriarumque motu,
pulsu, actione, usu, & utilita-
tibus cogitanti operæ-premium
est, quæ prius ab aliis mandata
sunt literis, evolvere; quæ vulgo
jactata & tradita, animadvertere: ut quæ recte
dicta, confirmentur; quæ falsa, dissectione Ana-
tomica, multiplici experientia, diligenti & ac-
curata observatione emendentur.

Pæne omnes huc usque Anatomici, Medici, &
Philosophi supponunt cum Galeno, eundem
usum esse pulsus, quem respirationis: & una re-
tantum differre, quod hæc ab animali, ille à vi-
tali facultate manet; reliquis, vel quod ad utili-
tatem, vel quod ad motus modum spectat, simi-
liter

liter se habentibus : unde affirmant (ut Hieronym. Fabr. ab Aq. p. libro suo de respiratione nuperrime edito) quoniam non sufficit pulsus cordis & arteriarum ad eventandum & refrigerandum, à natura pulmones circa cor fabricatos esse. Hinc patet, quæcunque dixerint priores de Systole & Diastole, motu cordis & arteriarum, pulmonum ea modo fieri tradidisse.

Cum vero aliter se habeat motus, & constitutio cordis, quam pulmonum; aliter arteriarum, quam pectoris: alios exinde usus & utilitates exoriri verisimile est, differreque plurimum cordis, & similiter arteriarum pulsus & usus, à pectoris & pulmonum.

Si enim iisdem usibus inserviant pulsus ac respiratio, & in Diastole introsument aerem in cavitates suas arteriæ (uti vulgo dicunt) & in Systole per poros carnis & cutis, fuligines emitant; nec non, medio tempore inter Systolem & Diastolem, aerem contineant; & quovis tempore aut aerem, aut spiritus, aut fuligines expellant; quid itaque respondebunt Galeno? qui librum scripsit, Natura sanguinem contineri in arteriis, & nihil præter sanguinem, nimirum neque spiritus, neque aerem; sicut ab experimentis, & rationibus in eodem libro facile colligere licet.

Et si (dum in Diastole replentur arteriæ aere introsumpto) in majori pulsu, major subeat aeris copia; sequetur magno existente pulsu, /
totum

totum corpus in balneum immerferis, vel aquæ, vel olei, necessario pulsum statim aut minorem esse, aut tardiozem multo; cum per corpus ambientis balnei, aerem intra arterias permeare difficile sit, si non impossibile.

Similiter, cum omnes arteriæ tam profundæ, quam cutaneæ, eodem tempore, & pari velocitate distendantur; quomodo poterit aer tam libere, & celeriter per eutem, carnem, habitumque corporis in profundum pertransire, quam per cuticulam solam?

Et quomodo Embryonum arteriæ forinsecus in cavitates suas aerem, per ventrem maternum, & per corpus uteri attrahent? Vel quomodo Phocæ, Balenæ, Delphines, cetaceum omne genus & pisces omnes in profundo maris, arteriarum suarum Diastole, & Systole, per immensam aquæ massam celeri pulsu aerem introsument, & emittent?

Dicere vero quod aerem implantatum in aqua absorbeant, & in aquam fuligines suas reddant, figmento haud absimile.

Si in Systole arteriæ per poros carnis & cutis, fuligines è cavitatibus suis expellant, cur non item spiritus, (quos dicunt etiam in illis contineri) cū spiritus multo tenuiores fuliginibus sint?

Si cum in Systole, tum in Diastole aerem arteriæ accipiunt & reddunt, uti pulmones in respiratione; cur non & hoc faciunt inflato per arteriotomiam vulnere? uti in sectione trachææ, per

vulnus aerem ingredi, regredi, duobus contrariis motibus, palam esset; cum tamen secta arteria uno continuo motu sanguinem vi protrudi, non vero aerem, vel ingredi, vel regredi, manifestum sit.

Si pulsus arteriarum, partes corporis refrigerant & eventant, uti pulmones ipsum cor; quomodo dicunt vulgo, arterias à corde in partes singulas vitalem sanguinem deferre refertissimum spiritibus vitalibus, qui partium calorem foveant, sopitum suscitent, & quasi absumptum resarciant?

Quomodo (si ligaveris arterias) statim partes non modo torpent, frigent, & quasi pallidae cernuntur, sed & ali tandem desinunt quod secundo Galenum contingit, quia calore, qui per omnes partes superne à corde confluxerat, privae sint: cum hinc pateat magis arterias calorem partibus deferre, quam refrigerium & eventationem.

Præterea, quomodo Diastole simul spiritus corde attrahet ad calefaciendas partes, simulque ab externo refrigerium?

Amplius, tametsi iisdem usibus pulmones, arterias, & cor inservire aliqui affirmant, nihilominus cor spirituum officinam esse, & arterias spiritus continere, & transmittere dicunt. Pulmones vero spiritus facere, aut retinere contra Columbi opinionem, negant. Quin et cum Galeno, quod sanguis contineatur in ar-

P R O O E M I U M.

5

riis, & non spiritus, contra Erasistratum asse-
verant.

Videntur istæ opiniones ita inter se pugnare,
& sese invicem refellere, ut omnes non inmerito
sint suspectæ.

Sanguinem in arteriis contineri, & arterias
solum sanguinem deferre, tum experimento Ga-
leni, tum in arteriotomia, tum in vulneribus
manifestum est.

Ab una arteria dissecta, Galenus lib. quod
sanguis continetur in arteriis, affirmat, pluri-
mis in locis, unius semihoræ spatio totam mas-
sam sanguinis ab universo corpore, magna &
impetuosa profusione, exhaustam fore.

Experimentum Galeni tale est: Si (inquit)
funiculo arteriam utrinque ligaveris, & me-
dio rescisso secundum longitudinem, quod
inter duas ligaturas in arteria comprehen-
sum erit, nihil præter sanguinem repe-
ries: & sic eam probat sanguinem solum con-
tinere.

Vnde nobis ratiocinari licet: Si eundem sangui-
nem, qui venis similiter ligatis, & rescissis in-
est, inveneris in arteriis (quemadmodum in mor-
tuis, & aliis animalibus sæpius ego expertus
sum) eadem ratione concludere nos possumus, ar-
terias eundem sanguinem, quem venæ, & nihil
præter eundem sanguinem continere.

Aliqui dum hanc dissolvere difficultatem ten-
ant, spirituosum, & arteriosum esse sanguinem

affirmantes, tacite concedunt, arteriarum minus esse sanguinem à corde in universum corpus deferre, & repletas sanguine arterias esse (spirituosus enim sanguis, non minus sanguis est.) Etiam sanguinem, prout sanguis, & qui in venis fluit, spiritibus imbui nemo negat.

Quamvis in arteriis sanguis uberiori spirituum copia turgat, tamen existimandum est hos spiritus à sanguine inseparabiles esse, sicut illi, qui in venis; & quod sanguis, & spiritus unum corpus constituent (ut serum, & butyrum in lacte, aut calor & aqua in calida) quo repleantur arteriæ.

Cujus corporis distributionem à corde arteriæ præstant, hoc corpus nihil aliud, quam sanguis est: si vero hunc sanguinem in arterias, è corde per arteriarum Diastolen attrahi dicunt; videntur astruere, quod arteriæ suæ distentione sanguine isto repleantur, & non aere ambiente, ut prius.

Si etiam ab aere ambiente repleti dicant, quomodo & quando recipient è corde sanguinem. Si in Systole id fiat, continget impossibile; repleti arterias, cum contrahantur; vel repleti non distendi. Sin autem in Diastole, in duos usus contrarios, & sanguinem, & aerem, & calorem, & frigus simul recipient; quod est impossibile.

Amplius, cum affirmant, simul Diastolen cordis & arteriarum esse; & simul Systolen

alterum est inconveniens. Quomodo enim cum simul distenduntur duo corpora sic invicem con-
nata, alterum ab altero attrahet, vel cum simul
contrahantur, alterum ab altero recipiet ali-
quid?

Insuper, forsitan impossibile est, aliquid posse aliud corpus ita in seipsum attrahere ut disten-
datur; cum distendi sit pati; nisi, ut spongia prius vi ab externis constricta, dum redeat ad constitutionem suam naturalem. Tale autem aliquid in arteriis posse esse, difficile est fingere.

Arterias distendi, quia replentur, ut sciculi, & utres; atque non repleri, quia distenduntur, ut folles, facile & aperte demonstrare me posse, & palam ante hac demonstraſſe existimo.

Attamen (libr. quod sang. cont. in arter.) Galeni experimen- tum in contrarium sic se ha-
bet. Arteriam nudatam secundum longitudi-
nem incidit, calamumque, vel fistulam conca-
vam per vulnus immittit, & quo sanguis exilire non possit, vulnus obturatur. Quoadusque (in-
quit) sic se habet, arteria tota pulsabit: cum primum vero obductum filum super arte-
riam & fistulam, in laqueum contrahens arteriæ tunicas, calamo obstruxeris; non amplius arteriam ultra laqueum palpitare videbis.

Nec ego feci experimentum Galeni, nec recte posse fieri vivo corpore, ob impetuoſi sanguinis ex arteria eruptionem, puto; nec obturabit sine

3 . . . P R O O E M I U M .

ligatura, vulnus fistula : & per fistulae cavita-
tem ulterius proflire sanguinem dubito. Tamen
hoc experimento probare videtur Galenus fa-
cultatem pulsificam per tunicas arteriarum à
corde manare; & arterias, dum distenduntur à
facultate pulsifica, repleri, quia distenduntur, ut
folles; non distendi, quia replentur, ut utres.

Sed, & in arteriotomia & vulneribus, con-
trarium manifestum est : sanguis enim saliendo
ab arteriis profunditur cum impetu, modo lon-
gius, modo propius, vicissim profliendo, sed saltus
semper est in arteria Diastole, & non in Systole.
Hinc clare apparet, impulsu sanguinis arteria di-
stendi : ea enim dum distenditur, non posset san-
guinem tanta vi projicere; potius aerem in se per
vulnus attrahere deberet, secundum ea, quæ vul-
go de arteriarum usu jactata sunt.

Nec crassities tunicarum arteria nobis impo-
nat, facultatem pulsificam provenire à corde per
ipsas tunicas : nam in quibusdam animalibus ar-
terie à venis nihil differunt; & in extremis par-
tibus hominis, & parvis disseminationibus arte-
riarum, quales in cerebro, manu, &c. nemo per
tunicas, arterias à venis poterit distinguere : ea-
dem enim utrisque tunica.

In aneurismate præterea ex incisa vel exesa
arteria genito, eadem omnino pulsatio cum reli-
quis arteriis; & tamen non habet tunicam arte-
rie. Hoc mecum doctissimus Riolanus libr. 7.
attestatur.

Neque

Neque eundem usum pulsus ac respirationis quis existimet, quod itidem causis uti respiratio, crebriores, majores, celeriores pulsus fieri cernat; ut cursu, ira, balneo, aut quovis calfaciente. Nam non solum experimentum est in contrarium. (quod solvere Galenus nititur) cum ab immo- dica repletione pulsus existant majores, respirationes minores; sed & in pueris pulsus frequentes, cum respiratio interim rara.

Similiter in timore, & curis & anxietate animi, imo aliquibus in febribus, pulsus celeres, & frequentes, respirationes vero tardiores.

Hæc & hujusmodi incommoda positas opinion- nes de pulsu, & usu arteriarum, consequuntur: non minus forsitan etiam ea, quæ de usu & pulsu cordis affirmantur, difficultatibus plurimis & inextricabilibus implexa sunt.

Cor affirmant vulgo fontem & officinam vi- talis spiritus esse, quibus vitam singulis partibus largiatur; & tamen negant, dextrum ventricu- lum spiritus facere, sed præbere duntaxat ali- mentum pulmonibus: unde dicunt piscibus deesse dextrum ventriculum cordis (& omnino omni- bus deesse, quibus non sunt pulmones) & quod dexter ventriculus cordis, pulmonum gratia sit.

I. Cur (quæso) cum eadem pæne constitutio sit utriusque ventriculi, eadem fabrica fi- brarum, lacertulorum, valvularum, vasorum, auricularum, & eodem uterque in dissectionibus refarciatur sanguine similiter nigricante,

similiter grumescere: Cur (inquam) cum eadem sit utriusque actio, motus, pulsus, variis eos asibus tam differentibus, existimemus destinatos fuisse? Si valvula tricuspides tres sub dextri ventriculi ingressu, impedimento sint sanguinis regressui in venam cavam: & si semilunares tres ille in orificio arteriosae venae, ut sanguinis regressum impedirent, factae sint: cur, cum similiter se habeant in sinistro ventriculo, similiter sanguinis tum egressui, tum regressui impediendo, factas esse, negemus?

2. Cum magnitudine, forma, situ, omnino eodem poene modo in sinistro se habeant ventriculo, quo in dextro, cur dicunt hic spirituum egressui & regressui impedimento esse, in dextro vero sanguinis? Idem organon simile non videtur sanguinis & spirituum motus similiter impedire apte posse.

3. Cum meatus, & vasa sibi invicem respondeant magnitudine, viz. vena arteriosa & arteria venosa, cur unum privato usui destinetur, viz. alendis pulmonibus, alterum publico?

4. Quomodo probabile est (ut notavit Realduus Columbus) tanto sanguine opus esse ad nutritionem pulmonum, cum hoc vas (vena videlicet arteriosa) exuperet magnitudine utrumque ramum distributionis venae cavae descendens in cruralem?

5. Cum (quaeso) pulmones tam prope sint, & vas tam amplam existat, & ipsi in continuo
mo-

motu, quid est quod dextri ventriculi pulsa opus sit? Quae causa est, quod Natura, gratia alendorum pulmonum, alterum ventriculum cordi adungere necesse habeat? Cum dicunt sinistrum ventriculum, è pulmēnibus & dextro cordis sinu, materiam attrahere, ad spiritus condendos (aerem videlicet & sanguinem) & pariter in aortam spirituosum sanguinem distribuere, & hinc fuligines retro per arteriam venalem remittere in pulmones, & spiritus in aortam. Quid est quod separationem facit, & cur modo huc modo illuc spiritus & fuligines citra permistionem aut confusionem commeant? Si tricuspidēs mitrales non impediunt regressum fuliginum ad pulmones, quomodo impediēt aeris? Et quomodo semilunares prohibebunt regressum spirituum (subsequēte Diastole cordis) ab aorta?

Quomodo dicunt per arteriam venalem spirituosum sanguinem distribui è ventriculo sinistro in pulmones, nec interim hoc impedire tricuspidēs? Cum affirmēt aerem per idem vas à pulmōnibus in ventriculū sinistrū ingredi, & huius regressui tricuspidēs valvulas impediri eo esse velint, Deus bone? Quomodo tricuspidēs impediunt aeris regressum, & non sanguinis?

Amplius, cum venam arteriosam, vas amplum, magnum cum tunica arteriae factum, non nisi privato & uni usui (videlicet alendis pulmōnibus) destinēt; cur arteriam venalem vix pari magnitudine, cum tunica venae, mollī, laxa,

plu-

pluribus usibus (tribus, vel quatuor videlicet) fabrefactam asseverant? Volunt enim per ipsam aerem à pulmonibus in sinistrum ventriculum permeare: volunt similiter à corde in pulmones fuligines per ipsam remeare: volunt spirituosum sanguinis portionem à corde per ipsam in pulmones ad ipsos refocillandos distribui.

Fuligines & aerem, à corde illas, ad cor hunc, per eundem tubulum volunt transmitti; cum tamen tam contrariis motibus, & usibus, unum vas, & unam viam fabricare Natura solita non sit, nec videre uspiam contingat.

Si fuligines, si aerem hac via permeare & remeare contendunt, ut per Bronchia pulmonum; quare exsecta, vel incisa arteria venosa, neque aerem, neque fuligines reperire in dissectione possumus; & unde semper refertam crasso sanguine arteriam venosam istam videmus, & nunquam aere, cum in pulmonibus aerem remanentem cernimus?

Si quis experimentum Galeni faceret, & cani adhuc viventi trachæam incideret, & follibus pulmones aere impleret per vim, & distentos ligaret fortiter; mox dissecto pectore multam aeris copiam in pulmonibus usque ad extimam illorum tunicam inveniet; sed neque in arteria venosa, neque in sinistro ventriculo cordis quidquam.

Si aerem à pulmonibus, in cane vivente, aut eor attraheret, aut pulmones transmitterent,
multo

multo magis hoc experimento id facere deberent. Imo in administratione Anatomica inflatis cadaveris pulmonibus, etiam aerem statim huc ingredi (si ulli essent meatus) quis dubitaret? Tam magni vero faciunt hunc usum arterie venosae, videlicet ad aerem à pulmonibus cordi deferendum, ut Hieron. Fabr. ab Aquap. hujus vasis causa pulmones factos fuisse, & hanc esse præcipuam pulmonum particulam contendat.

Sed amabo, si aeri deferendo arteria venosa condita esset, cur ejus constitutio est vena? Fistulis potius opus esset naturæ, & quidem, quales Bronchia sunt, annularibus, ut semper pateant, neque concidant, & ut omnino vacuæ sanguine permaneant, ne humor aeris transitum impediatur, uti manifestum est (quando pulmones, pituita Bronchiis vel infarcti, vel paululum admissa, laborant) sibilo & strepitu oborto dum respiramus.

Minus toleranda illa opinio, quæ (cum duplicem materiam, aeream & sanguineam, necessariam esse ad spiritus vitales efficiendos supponat) sanguinem, per mediastini cordis cæcas porositates, de dextro in sinistrum ventriculum transudare, aerem per magnum vas arteriam venosam à pulmonibus attrahi, contendit, & proinde in septo cordis porositates plures esse, producendo sanguini accommodatas. Sed mehercule porositates nullæ sunt, neque demonstrari possunt.

Septi

Septi enim cordis substantia densior & compactior est quavis altera corporis particula, exceptis ossibus & nervis. Sed si adessent foramina, quomodo (cum simul uterque ventriculus distenditur & dilatatur) alterum ab altero quidpiam, aut sinistrum sanguinem à dextro exhaurire possibile esset?

Et cur non potius dextrum spiritus ex sinistro, quam sinistrum sanguinem à dextro ventriculo per eadem foramina evocare crediderim. At mirum & incongruum certe, sanguinem per cæcos obscurosque ductus, & aerem per patentissimos eodem instanti commodius attrahi.

Cur quæso pro sanguinis transitu in sinistrum ventriculum ad cæcas & invisibiles porositates, incertas, obscuras confugiunt, quando adest per arteriam venosam tam patens iter? mirum mihi certe est, quod per cordis septum, crassum, durum, densum, compactissimum, viam facere, vel fingere potius maluerint; quam per patens vas venosum, aut etiam per pulmonum substantiam raram, laxam, molliissimam, spongiosam.

Præterea si per septi substantiam sanguis permeare potuisset, aut à ventriculis imbibi; quid opus esset venæ, & arteriæ coronalis ramulis ad ipsius septi nutritionem divaricatis?

Notatu dignissimum si in fœtu, (quando omnia rariora, molliora) Natura coacta fuit per foramen ovale sanguinem in sinistrum ventriculum à vena cava per arteriam venosam traducere; quomodo

quomodo verisimile possit esse quod in adulto per cordis septum jam densius etate factum, tam commode nulloque negotio transfundat?

Andreas Laurentius libr. 9. cap. 11. Quæst. 12. autoritate Galeni de lo. affect. lib. 6. cap. 7. & experientia Hollerii sultus, aserit & probat, e cavitae pectoris serositates, & pus Empyicorum in arteriam venosam absorptum, per sinistrum ventriculū cordis, & per arterias cum urina, vel cum fecibus alvi posse expelli: recenset quinetiam in confirmationem, casum cujusdam melancholici, qui sæpius deliquium animi passus, à paroxysmo liberatus erat emissionē urinae turbidae, fœtidae, acris: quo genere morbi tandem confectus, dissecto cadavere, talis substantia, qualem mingeat, neque in vesica, neque in renibus uspiam apparebat, sed in cordis sinistro ventriculo, & cavitae pectoris plurima: unde gloriatur se horum affectuum talem prædixisse causam.

Non possum non mirari, cum materiam heterogeneam posse eodem tractu evacuari divina- rat, & prædicaverat: quod iisdem viis sanguinem è pulmonibus in sinistram ventriculū secundum naturam deduci convenienter, cernere aut asseverare non potuerit, aut voluerit.

Itaque ex his, & hujusmodi plurimis patet, quod ea, quæ dicta antehac à prioribus de motu & usu cordis & arteriarū sunt; & inconvenientia, aut obscura, aut impossibilia diligentius consideranti

16 PROOEMIUM.

*sideranti appareant. Viile proinde admodum
erit paulo penitius rem introspicere; arteriarum
& cordis motus non solum in homine, sed &
aliis animalibus cor habentibus contemplari;
quin etiam vivorum dissectione frequenti, mat-
taque autopsia veritatem discernere, & investi-
gare.*



EXER-

EXERCITATIO
ANATOMICA,
De motu Cordis & Sanguinis
in Animalibus.

CAP. I.

Causa, qua ad scribendum Auctor permotus fuerit.



Um multis vivorum dissectionibus (uti ad manum dabantur) animus ad observandum primum appuli, quo cordis motus usum & utilitates in animalibus per autopsiam, & non per libros aliorumque scripta invenirem; rem arduam plane, & difficultatibus plenam continuo reperi, ut (cum *Fracastorio*) motum cordis soli Deo cognitum esse, pœne opinarer. Nec enim quomodo Systole aut Diastole fieret, nec quando, aut ubi dilatatio & contractio existeret, recte potui inter noscere; propter celeritatem scilicet motus, qui in multis animalibus, nictu oculi, quasi trajecto fulgure, se in conspectum exhibuit, & subtraxit illico; ita ut modo hinc Systolen, illiac Diastolen, modo è contra, modo
varios,

varios modo confusos fieri motus, me existimabam cernere : unde animus mihi fluctuabat, nec quid vel ipse statuerem, vel aliis crederem, habebam ; & motum cordis esse qualis Euripi fluxus & refluxus Aristoteli, Andream Laurentium scripsisse non mirabar.

Tandem majori indies, & disquisitione, & diligentia usus, multa frequenter, & varia animalia viva introspiciendo, multisque observationibus collatis, rem attigisse, & ex hoc labyrintho me extricatum evasisse, simulque motum, & usum cordis, & arteriarum, quem desiderabam, compertum habere me existimabam. Ex quo non solum privatim amicis, sed etiam publice in prælectionibus meis Anatomicis, Academico more, proponere meam in hac re sententiam non verebar.

Quæ aliis (uti fit) placebat, aliis minus : hi convellere, calumniari, & vitio vertere, quod à præceptis & fide omnium Anatomicorum discefferim : Illi rem novam, cum inquisitu dignam, tum maxime utilem fore confirmantes, plenius sibi explicatam poscere.

Tandem amicorum precibus, ut omnes meorum laborum participes fierent, parim etiam aliorum permotus invidia, (qui dicta mea iniquo animo accipientes, & minus intelligen-

telligentes, me publice traducere conabantur) ut omnes de me, & de re ipsa iudicium ferre possent, hæc typis mandare publice coactus fui.

Sed hoc eo libentius, quod *Hieronym. Fabr. ab Aqu. p.* cum singulas pene animalium particulas, accurate & docte peculiari tractatu delineasset, solum cor intactum reliquerit.

Denique ut, si quid reipublicæ literariæ ex opera mea utile & commodum hac in parte accederet, forsan recte fecisse me constaret; nec alii omnino inertem me vixisse viderent.

Forsan in Cordis motu eveniet nunc, quod Senex ait in Comœdia,

- „ (Nunquam quisquam ita bene subducta ratione ad vitam fuit,
- „ Quin res, ætas, usus aliquid apportet novi,
- „ Aliquid admoneat, ut illa, quæ te scire credis, nescias,
- „ Et, quæ tibi putaris prima, in experiundo repudies.)

aut alii hinc saltem, hac data via, felicioribus freti ingeniis, rei rectius gerendæ, & melius inquirendi occasionem capient.

CAP. II.

Ex vivorum dissectione, qualis sit Cordis motus.

PRimum itaque in Cordibus omnium adhuc viventium animalium, aperto pectore, & dissecta capsula, quæ cor immediate circumcludit, observare licet, Cor aliquando moveri, aliquando quiescere; esse etiam tempus in quo movetur, & in quo motu destituitur.

Hæc manifestiora in cordibus frigidorum animalium, ut bufone, serpentibus, ranis, cochleis, gammaris, crustatis conchis, squillis, & pisciculis omnibus. Fiunt etiam manifestiora in cordibus calidiorum, ut canis, porci, si eousque attente observaveris quoad emori cor, & languidius moveri, & quasi extinguere incipiat: tum etenim tardiores, & rariores ipsius motus fieri, & longiores quietes, cernere aperte & clare poteris; motus enim qualis sit, & quomodo fiat, commodius intueri & dijudicare licet.

In quiete, ut in morte, cor laxum, flaccidum, enervatum & inclinatum quasi jacet: In motu, & eo quo movetur tempore, tria præ cæteris animadvertenda.

I. Quod erigatur cor, & in mucronem se sursum elevet; sic ut illo tempore ferire pectus,

pectus, & foris sentiri pulsatio possit.

II. Undique contrahi, magis vero secundum latera, ita ut minoris magnitudinis, & longiusculum, & collectum appareat. Cor anguillæ exemptum, & super tabulam aut manum positum, hoc facit manifestum: æque etiam apparet in corde pisciculorum, & frigidiorum animalium, quibus cor coniforme, aut longiusculum est.

III. Comprehensum manu cor eo quo movetur tempore, duriusculum fieri; (à tentione autem illa durities est) quemadmodum si quis lacertos in cubitu manu comprehendens, dum movent digitos, illos tendi, & magis renitentes fieri percipiet.

IV. Notandum insuper in piscibus, & frigidioribus sanguineis animalibus, ut serpentibus, ranis, &c. illo tempore quo movetur cor, albidioris coloris esse; cum quiescit à motu, coloris sanguinei saturum cerni.

Ex his mihi videbatur manifestum; Motum cordis esse tentionem quandam ex omni parte, & secundum ductum omnium fibrarum constrictionem; quoniam erigi, vigorari, minorari, & durescere in omni motu videtur; ipsiusque motum esse, similem musculorum, dum contractio fit secundum ductum partium nervosarum & fibrarum: muscoli enim, cum moventur & in actu sunt,
vigo-

vigorantur, tenduntur, ex mollibus duri fiunt, attolluntur, incrassantur, & similiter cor.

Ex quibus observatis rationi consentaneum est, cor eo quo movetur tempore, undique constringi, & secundum parietes incrassescere; secundum ventriculos coarctari, & contentum sanguinem protrudere; quod ex quarta observatione satis patet, cum in ipsa tensione sua, propterea quod sanguinem in se prius contentum exprefferit, albescat: denuo in laxatione, & quiete, subingrediente de novo sanguine in ventriculos, redit color purpureus & sanguineus cordi.

Verum nemo amplius dubitare poterit, cum usque in ventriculi cavitatem inflato vulnere, singulis motibus sive pulsationibus cordis, in ipsa tensione, proflire cum impetu foras contentum sanguinem viderit.

Simul itaque hæc, & eodem tempore contingunt, tensio cordis, mucronis erectio, pulsus qui forinsecus sentitur ex allusione ejus ad pectus, parietum incrassatio; & contenti sanguinis protrusio cum impetu à constrictione ventriculorum.

Hinc contrarium vulgariter receptæ opinioni apparet, secundum quam eo tempore, quo cor pectus ferit, & pulsus foris sentitur, una cor distendi secundum ventriculos, & repleti sanguine putatur: quanquam contra
rem

rem se habere intelliges, videlicet cor, dum contrahitur, inaniri. Nam qui motus vulgo cordis *Diaſtole* exiſtimatur, revera *Syſtole* eſt. Et ſimiliter motus proprius cordis *Diaſtole* non eſt, ſed *Syſtole*; neque in *Diaſtole* vigoratur cor, ſed in *Syſtole*; tum enim tenditur, movetur, vigoratur.

Neque omnino admittendum (tametſi divini *Veſalii* adducto exemplo confirmatum de vimineo circulo ſcilicet ex multis juncis pyramidatim junctis,) cor in *Syſtole* ſecundum fibras rectas tantum moveri, ſic &, dum apex ad baſin appropinquat, latera in orbem diſtendi, cavitates dilatari, ventriculos cucurbitulæ formam acquirere, & ſanguinem introſumere.

Nam ſecundum omnes quas habet fibras, cor eodem tempore tenditur, conſtringitur, in craſſatur, & dilatatur, potius ſecundum parietes & ſubſtantiam, quam ventriculos: dum tenduntur fibræ à cono ad baſin, & apicem una ad baſin trahunt, nec in orbem latera cordis inclinant; ſed potius contrarie, uti omnis fibra in circulari poſitione dum contrahitur verſus rectitudinem. Sicut omnes muſculorum fibræ, dum contrahuntur & in longitudine abbreviantur, ita ſecundum latera diſtenduntur eodem modo, quo muſculorum ventres in craſſantur.

Adde, quod in motu cordis non ſolum
per

per erectionem & incrassationem parietum, contingat ventriculos coarctari; sed etiam quod fibræ sive lacertuli, ab Aristot. *Nervi* dicti (in quibus solum fibræ rectæ, in parietibus vero omnes circulares) sint vario, in ventriculis cordis majorum animalium, & admirabili apparatu; & dum contrahuntur, omnia interiora latera veluti laqueo invicem compellant, ad contentum sanguinem majori robore expellendum.

Neque verum est, quod vulgo creditur, cor proprio suo motu, aut extentione sanguinem in ventriculos attrahere, sed dum movetur & tenditur, expellere; dum laxatur & concidit, recipere sanguinem eo modo, quo postea patebit.

C A P. III.

Arteriarum motus qualis ex vivorum dissectione.

ULterius in cordis motu observanda veniunt hæc, quæ & ad arteriarum motus & pulsationes spectant.

I. Eo tempore quo cordis fit tentio, contractio, percussio pectoris, ejusdem est *Systole*; tunc arteriæ dilatantur, pulsus edunt, & in sua sunt *Diastrale*: Similiter eo tempore ventriculi contrahuntur, & protrudunt contentum sanguinem, vena arteriosa pulsat,

pulsat, & dilatatur cum aorta & reliquis arteriis corporis.

I I. Quando sinister ventriculus cessat moveri, pulsare & contrahi, cessat pulsus arteriarum; imo quando languidius tenditur, pulsus in arteriis vix est perceptibilis: & similiter, cessante dextro, in vena arteriosa.

I I I. Item secta quavis arteria vel perforata, in ipsa tensione ventriculi sinistri propellitur foras sanguis ex vulnere cum impetu.

Similiter secta vena arteriosa eodem tempore quo dexter ventriculus tenditur & contrahitur, exinde cum impetu sanguinem profilire videbis.

Similiter in piscibus secta fistula, quæ è corde in bronchia ducitur, quo tempore cor tendi & contrahi videbis, eo una etiam sanguinem exinde protrudi cum impetu.

Similiter denique in omni arteriotomia (in qua sanguis profiliendo exit, modo longius, modo propius) saltum fieri in arteriarum Diastole, quando cor pectus ferit, è cordis vero vulnere, eo tempore, quo cor tendi & contrahi apparet, & in sua est Systole & erectione, sanguinem expelli eodem motu comperies.

Ex his videtur manifestum contra communia dogmata, quod arteriarum Diastole fiat eo tempore, quo cordis Systole; & arte-

rias repleri & distendi, propter sanguinis, à constrictione ventriculorum cordis, immisionem & intrusionem; quin etiam distendi arterias, quia replentur ut utres, aut vesica; non repleri, quia distenduntur ut folles. Eadem de causa universi corporis arteriæ pulsant, videlicet, à tensione sinistri cordis ventriculi, sicut vena arteriosa à dextri.

Denique arteriarum pulsum fieri ab impulsu sanguinis è ventriculo sinistro, eo pacto, quo cum quis in chirothecam inflat, omnes digitos simul videt distendi, & pulsum æmulari: sic etiam secundum cordis tensionem pariter pulsus fiunt, qui sive sint majores, vehementiores, frequentes, celeres, omnes rythmum, quantitatem & ordinem servant cordis pulsantis.

Nec est expectandum, propter motum sanguinis, quod tempus, inter constrictionem cordis, & arteriarum (præcipue magis distantium) dilationem intercedat, ne fiant simul; cum eodem modo res se habeat, ut in inflatione chirothecæ, aut vesicæ; quia in pelvi (uti per tympanum, & in longis lignis) ictus & motus simul sunt in utroque extremo. Hinc Aristot. (3. Anim. cap. 9. de respir. cap. 15. *Palpitat intrâ venas (arterias intelligit) sanguis omnium animalium, pulsusque simul undique movetur: sic pulsant venæ omnes & simul invicem, propterea quod pendunt*

dent omnes à corde, quod se semper movet; quare & illæ, semper & simul invicem, cum corde moventur.

Notandum cum Galeno, à veteribus Philosophis venas pro arteriis appellatas fuisse. Accidit me vidisse, & præ manibus habuisse casum, qui mihi hanc veritatem apertissime confirmabat. Habuit quidam tumorem ingentem, pulsantem, *Aneurisma* dictum, in dextra parte juguli, prope descensum arteriæ subclaviæ in axillas, ab ipsius arteriæ exesione prognatum, qui summum indies incrementum capebat, propter immisionem sanguinis ab arteria singulis pulsationibus distenti (quod secto, post mortem, cadavere deprehensum erat) in illo pulsus ejusdem brachii exilis admodum, eo quod major sanguinis portio & influxus in tumorem divertebatur & interceptus fuit.

Quare sive per compressionem, sive per infarctum, vel interceptionem sanguinis motus per arterias præpeditur, posteriores arteriæ minus pulsant; cum pulsus arteriarum, nil nisi impulsus sit sanguinis in arterias.

C A P. I V.

Motus cordis & auricularum qualis ex vivorum dissectione.

PRÆter hæc circa motum cordis observanda sunt quæ ad auricularum usum spe-

stant. *Casparus Bauhinus* (*Anat. l. 2. c. 21.*) & *Iohannes Riolanus* (*Anthrop. lib. 3. cap. 12.*) viri doctissimi, & Anatomici peritissimi observarunt & admonent, quod (si in viva sectione alicujus animalis cordis motum studiose observes) quatuor motus, loco & tempore distinctos, aspicias; quorum duo sunt auricularum, ventriculorum duo. Pace tantorum virorum, quatuor sunt motus, loco, non vero tempore distincti. Simul enim ambæ auriculæ moventur, & simul ambo ventriculi, ut quatuor loco motus distincti sint duobus tantum temporibus, atque hoc se habet modo.

Duo sunt eodem tempore motus, unus auricularum, alter ipsorum ventriculorum: qui simul non fiunt; sed præcedit motus auricularum, & subsequitur cordis; ut motus ab auriculis incipere, & in ventriculos progredi videatur.

Cum jam languidiora omnia (emoriens corde, & in piscibus, & in frigidioribus sanguineis animalibus) inter hos duos motus, tempus aliquod quietis intercedit; cor quasi fuscitatum motui respondere videtur, aliquando citius, aliquando tardius; tandem ad mortem inclinans, cessat motu suo respondere, & quasi capite duntaxat leviter annuit, & obscure adeo movetur, ut motus signum præbere pulsanti auriculæ videatur.

Sig

Sic prius desinit cor pulsare quam auriculæ, ut auriculæ supervivere dicantur; primus omnium desinit pulsare sinister ventriculus, deinde ejus auricula, demum dexter ventriculus, ultimo (quod etiam notavit Galenus) reliquis omnibus cessantibus & mortuis, pulsat dextra auricula, ut ultimo in dextra auricula vita remanere videatur.

Dum sensim emoritur cor, videre licet, post duas vel tres pulsationes auricularum, aliquando quasi expergefactum cor respondere, & unum pulsum lente & ægre peragere & moliri.

Sed & præcipue notandum, quod, postquam cessavit cor pulsare adhuc auricula pulsante, digito super ventriculum cordis posito, singulæ pulsationes percipiuntur in ventriculis; eodem plane modo, quo ventriculorum pulsationes in arteriis sentiri antea diximus, à sanguinis impulsu nimirum distentione facta; & hoc tempore, pulsante solum auricula, si forfice cordis mucronem abscuris, exinde singulis auriculæ pulsationibus sanguinem effluere conspicias: ut hinc pateat quod in ventriculos sanguis ingrediatur, non attractione, aut extensione cordis, sed pulsu auricularum immixtus.

Notandum est omnes, quas voco, & in auriculis & in corde, pulsationes, contra-

ctiones esse ; & primo contrahi auriculas , & , in consequentia , cor ipsum. Auriculæ etiam , dum moventur & pulsant , albidiores fiunt , præsertim ubi paucò sanguine replentur (replentur autem, tanquam promptuarium & lacuna sanguinis , venarum motu compressivo , ad centrum declinante sponte sanguine) quin & in finibus & extremitatibus ipsarum , hæc albedo à contractione fieri vel maxime apparet.

In piscibus , ranis , & similibus unum ventriculū habentibus cordis (nam pro auricula vesicam quandam in basi cordis positam refertissimam sanguine habent) videbis vesicam primo contrahi , & subsequi postea cordis contractionem apertissime.

Hic à me observata , etiam quæ his contrario modo se habere videntur , adscribere lubet.

Cor anguillæ & quorundam piscium & animalium (etiam exemptum) sine auriculis pulsat : imo, si in frustra dissectueris, partes ejus divisas , separatim sese contrahere & laxare videbis, ita, ut in his , post cessationem motus auricularum, cordis corpus pulsū faciat & palpitet. Sed hoc forte proprium vivacioribus, quorum radicale humidum glutinosum magis , aut pingue & lentum est , & non ita facile dissolubile. Hoc etiam

etiam apparet in carne anguillarum, quæ post excoriationem, exenterationem & in frustra dissectionem, motum retinet.

In Columba certe experimento facto, postquam cor desierat omnino moveri, & nunc etiam auriculæ motum reliquerant, per aliquod spacium, digitum saliva madefactum, & calidum cordi superimpositum detinui: hoc fomento (quasi vires & vitam postliminio recuperasset) cor, & ejus auriculæ moveri, sese contrahere, atque laxare, & quasi ab orco revocari videbantur.

Sed & præter hæc aliquoties à me observatum fuit (postquam cor ipsum, & ejus auricula etiam dextra, à pulsatione quasi mortis articulo quiescerent) in ipso sanguine qui in dextra auricula continetur, obscurum motum, & undationem, ac palpitationem quandam manifesto superfuisse, tamdiu scilicet, quam calore & spiritu imbui videretur.

Tale quiddam evidentissime, in prima animalis generatione, intra septem dies ab incubatione, in ovo Gallinaceo, cernitur. Inest primum ante omnia gutta sanguinis, quæ palpitat (quod etiam annotavit Arist.) ex qua incremento facto, & pullo aliqua ex parte formato, fiunt cordis auriculæ; quibus pulsantibus, perpetuo inest vita. Cum postea corpus delineari, intermissis aliquot

diebus, inceperit, tum etiam cordis corpus procreatur, sed per aliquod tempus albidum apparet & exangue, nec, ut reliquum corpus, pulsum edit, nec motum. Quinetiam in foetu humano vidi, circa principium tertii mensis, similiter cor formatum, sed albidum & exangue, cujus tamen auriculis sanguis inerat uberrimus & purpureus; sic etiam in ovo, jam adaucto & conformato foetu, simul & cor adaugeri & ventriculos habere, quibus sanguinem tunc recipere & transmittere occeperat.

Rem si penitus introspicere quis velit, non cor esse primum vivens & ultimum moriens vere dixerit, sed auriculam, & quæ in serpentibus, piscibus, & hujusmodi animalibus, pars pro auricula est, eamque prius quam cor ipsum vivere, & post etiam emori.

Imo an prius adhuc ipse sanguis, vel spiritus habeat in se obscuram palpitationem (quæ post mortem retinere mihi visus est) & an cum palpitatione vitam incipiat, licet dubitare: quandoquidem, & sperma animalium omnium (ut notavit *Aristotel.*) & spiritus prolificus palpitando exit, velut animal quoddam. Ita Natura in morte, quasi decurſione facta, reducem (ut *Aristot. de mot. ani. cap. 8.*) agit, motu retrogrado, à calce ad carceres, eo unde proruit sese recipit: nam animalis generatio, ex non animali procedit in animal,

animal, tanquam ex non ente in ens, & iisdem retro gradibus corruptio ex ente revolvitur in non ens; unde, quod in animalibus ultimo fit, deficit primum; & quod primo, ultimum.

Observavi quoque in omnibus pœne animalibus cor vere inesse, & non solum (ut *Aristot.* dicit) in majoribus & sanguineis, sed in minoribus, exanguibus, crustatis & testaceis quibusdam, ut limacibus, cochleis, conchis, astacis, gâmaris, squillis, multisq; aliis; imo vespis, & crabronibus, muscis (ope perspicilli ad res minimas discernendas) in summitate illius particulæ, quæ Cauda dicitur, & vidi pulsans cor, & aliis videndum exhibui.

In exanguibus vero Cor lente admodum, rarisque ictibus pulsatur (ut in aliis jam moribundis,) & tarde sese contrahit, ut facile in cochleis est cernere; quorum cor deprehendes in fundo illius orificii in latere dextro, quod se aperire & claudere éventationis causa videtur, & unde salivam expuit, sectione facta in summitate, juxta partem jecoris analogam.

Sed notandum & hoc, hyeme & frigidioribus tempestatibus exanguia aliqua (qualis est cochlea) nihil pulsans habere, sed vitam magis plantæ agere: ut etiam reliqua, quæ *plantanimalia* ideo dicuntur.

Notandum insuper, in omnibus animalibus

bus, ubi cor inest, ibi etiam auriculas esse vel auriculis aliquid analogon: & ubicunque cor duplici ventriculo donatur, ibi duas semper adstare auriculas, non contra. Sed, si in ovo, pulli conformationem advertas, primum inest, ut dixi, tantum vesicula, vel auricula, vel gutta sanguinis pulsans; postea incrementum facto absolvitur cor. Ita quibusdam animalibus (quasi ulteriorem perfectionem non adipiscentibus) pulsans vesicula quædam, instar puncti cujusdam rubri, vel albi, duntaxat, inest, quasi principium vitæ: uti apibus, vespis, cochleis, squillis, gammaris, &c.

Est hic apud nos minima squilla (quæ Anglice dicitur *a Shrimp*, Belgice *een Garneel*) in mari & Thamesi capi solita, cujus corpus omnino pellucidum est: eam aquæ impostam sæpius præbui spectandam amicissimis quibusdam meis, ut cordis illius animalculi motus liquidissime perspiceremus, dum exterioris illius corporis partes visui nihil officerent, quo minus cordis palpitationem, quasi per fenestram, intueremur.

In ovo Gallinaceo post quatuor, vel quinque dies ab incubatione, primum rudimentum pulli instar nubeculæ videndum exhibui (nimirum ovo, cui cortex adimebatur, in aquam limpidam tepidamque immisso) in cujus nubeculæ medio, punctum sanguineum

neum palpitans tam exiguum erat, ut in contractione dispareret, & visum aufugeret, in laxatione instar summitatis acus apparet rubicundum; ita ut, inter ipsum videri & non videri, quasi inter esse & non esse, palpitationem & vitæ principium ageret.

C A P. V.

Cordis motus actio, & functio.

EGo ex his tandem & hujusmodi observationibus repertum iri confido, motum cordis ad hunc modum fieri.

Primum sese contrahit auricula, & in illa contractione sanguinem contentum, quo abundat (tanquam venarum caput, & sanguinis promptuarium & cisterna) in ventriculorum cordis conjicit; quo repleto, cor sese erigens, continuo omnes nervos tendit, contrahit ventriculos, & pulsum facit: quo pulsu immissum ab auricula sanguinem continenter protrudit in arterias; dexter ventriculus in pulmones per vas illud, quod vena arteriosa nominatur, sed revera, & constitutione & officio, & in omnibus arteria est; sinister ventriculus in aortam, & per arterias in unicum corpus.

Isti duo motus, auricularum unus, alter ventriculorum, ita per consecutionem fiunt, servata quasi harmonia & rythmo, ut ambo
simul.

simul fieri, & unicus tantum motus esse appareat, præsertim in calidioribus animalibus, dum illa celeri agitantur motu.

Nec alia ratione id fit, quam cum in machinis, una rota aliam movente, omnes simul moveri videantur; & in mechanico illo artificio, quod scopletis adaptant; ubi compressione alicujus ligulæ, cadit flex, percutit chalybē & propellit, ignis elicitur, qui dum in pulverē cadit, igitur pulvis, interius prorepat, disploditur, evolat globulus, metam penetrat, & omnes isti motus, propter celeritatē, quasi in nictu oculi simul fieri apparent.

Sic etiam in deglutitione, radice linguæ elevatione, & oris compressione, cibus vel potus in fauces deturbatur, larynx à musculis suis & epiglottide clauditur, elevatur & aperitur summitas gulæ à musculis suis (haud aliter quam sacculus ad implendum attollitur, & ad recipiendum dilatatur) & cibum, vel potum acceptum transversis musculis deprimat, & longioribus attrahit: & tamen omnes isti motus, à diversis & contradiſtinctis organis facti, cum harmonia & ordine dum fiunt, unam efficere motum videntur, & actionem unam, quam deglutitionem vocamus. Sic contingit plane in motione & actione cordis; quæ deglutitio quædam est, & transfusio sanguinis è venis in arterias.

Si quis (dum hæc habuerit in animo) cordis motum diligenter in viva dissectione animadverterit, videbit non solum, quod dixi, cor sese erigere, & motum unum facere, cum auriculis continuum, sed undationem quandam & lateralem inclinationem obscuram, secundum ductum ventriculi dextri, & quasi sese leviter contorquere, & hoc opus peragere: quemadmodum cernere licet, cum equus potat, & aquam deglutit, singulis gulæ tractibus aborberi aquam, & in ventriculum demitti; qui motus fontum & pulsum quandam, auscultantibus & tangentibus exhibet; ita dum istis cordis motibus, fit portio sanguinis e venis in arterias traductio, pulsum fieri & exaudiri in pectore contingit.

Motus itaque cordis omnino ad hunc se habet modum; & una actio cordis est ipsa sanguinis transfusio, & in extrema usque, mediantibus arteriis, propulsio; ut pulsus, quem nos sentimus in arteriis, nil nisi sanguinis à corde impulsus sit.

An vero cor sanguini, præter transportationem & motum localem, & distributionem aliquid aliud addat, sive calorem, sive spiritum, sive perfectionem, posterius inquirendum, & ex aliis observationibus colligendum. Hoc in præsentia sufficiat satis ostensum esse, in pulsu cordis
san-

sanguinem transfundi & deduci è venis in arterias per cordis ventriculos, & distribui in universum corpus.

Sed hæc licet omnes aliquo modo concedant, &, ex cordis fabrica, valvularum artificio, positione, & usu, colligant; tanquam in loco obscuro titubantes tamen cœcutire videntur; dum varia, subcontraria, non cohærentia componunt, & ex conjectura plurima pronunciant, ut ante demonstratum est.

Causa maxima hac in parte hæsitandi & errandi una fuisse mihi videtur, cordis cum pulmone in homine contextus. Cum venam ibi arteriosam in pulmones obliterari & similiter arteriam venosam, conspexissent: unde aut quomodo dexter ventriculus in corpus distribueret sanguinem, aut sinister è vena cava exhauriret, obscurum admodum illiserat. Hoc attestantur *Galen*i verba *libr. de placitis Hippoc. & Plat. 6.* (dum contra *Erasistratum* de venarum origine & usu, & sanguinis coctione, invehitur.) Respondebitis (inquit) ita esse effectum, ut in jecore sanguis præparetur, atque inde in cor deferatur, ibi postea reliquam propriæ formæ perfectionem absolutam accepturus: quod profecto ratione vacare non videtur. Nullum enim perfectum & magnum opus repente una aggressione fieri, totamque suam expolitionem ab uno instrumento acquirere potest. Quod si ita est, ostendite nobis vas aliud,

aliud, quod è corde sanguinem absolute perfectum educat, atque ipsum, ut arteria spiritum, in totum corpus dispenset. Ecce opinionem rationabilem non approbasse, & reliquisse Galenum, quia (præterquam quod viam transitus non videbat) vas reperire non poterat, quod in totum corpus è corde sanguinem dispenset.

Si quis vero ibidem pro *Erasistrato*, vel pro illa & nunc nostra opinione (ipsius confessione *Galen*i) alias rationi consentanea, instaret, & arteriam magnam sanguinem, è corde in universum corpus dispensantem digito demonstrasset; quid divinus ille vir, ingeniosissimus & doctissimus responderet, miror, si arteriam spiritus dispensare & non sanguinem diceret? profecto *Erasistratum* non refelleret satis, si in arteriis spiritus duntaxat contineri arbitraretur, sed sibi ipsi contradiceret, & id turpiter negaret, quod libro proprio acriter contendit, contra eundem *Erasistratum*, & multis validisque argumentis comprobatur, & experimentis demonstratur, quod sanguis contineatur in arteriis natura, & non spiritus.

Sin vero divinus vir (uti facit eodem loco sæpius) concederet, omnes arterias corporis à magna arteria oriri, & hanc à corde; quin etiam in ipsis omnibus sanguinē natura contineri, & deferri; & valvulas illas tres sigmoides in orificio
aortæ

aortæ postas, regressum sanguinis in cor prohibere, professus ; & quod has natura nequaquam præstantissimo visceri constituisset, nisi maximum aliquod ministerium illæ fuissent exhibitura. Si (inquam) hæc omnia, & his ipsissimis verbis concederet Pater Medicorum (uti facit *rectitatio libro*) quomodo negare posset, arteriam magnam istiusmodi vas esse, quod sanguinem (jam absolutam suam perfectionem adeptum) è corde in universum corpus dispenset, non video. An adhuc forsitan hæsitaret (ut omnes in hunc usque diem post ipsum) quod propter contextum, ut dixi, cordis cum pulmone, non videretur vias, per quas sanguis è venis in arterias transferri posset ?

Quod dubium etiam Anatomicos (dum semper in dissectionibus inveniunt arteriam venosam, & sinistrum ventriculum cordis repletos sanguine, eoque crasso, grumescente, atro) non mediocriter perturbat ; cum sanguinem è dextro ventriculo in sinistrum, per septum cordis, transfudare, coacti sint affirmare : sed hanc viam antea refutavi.

Nunc itaque via paranda est & aperienda, qua inventa, nulla erit difficultas, quæ quempiam (credo) inhibebit, quo minus quæ ante proposui (de pulsu cordis, & de dispensatione sanguinis in universum corpus per arterias) concedere & agnoscere facile posset.

CAP. VI.

Quibus viis sanguis, è vena cava in arterias, vel è dextro ventriculo cordis in sinistrum deferatur.

Cum errandi occasionem præbuisse probabile sit, quam in homine vident (ut dixi) cordis cum pulmone connexionem; in hoc peccant, qui de partibus animalium (uti vulgo omnes Anatomici faciunt) quidpiam pronunciare & demonstrare, aut cognoscere volunt, quod unum tantum hominem, eumque mortuum introspiciant, & sic tanquam qui una reipubl. forma perspecta, disciplinam politicam componere, aut unius agri naturam cognoscentes, agriculturam se scire opinantur, nihilo plus agunt, quam si ex una particulari propositione, de universali syllogizare, darent operam.

Veruntamen, si in dissectione cæterorum animalium æque versati essent, ac in humani cadaveris anatome exercitati, res hæc (quæ in dubio omnes perplexos retinet) palam absque omni difficultate, mea sententia elucesceret.

In piscibus, in quibus unus tantum ventriculus cordis (ut non habentibus pulmones) res primum satis manifesta est. Vescicam enim sanguinis, in basi cordis positam, auriculæ nimirum analogon, sanguinem in cor immittere, eundemque cor denuo per fistulam

fistulam five arteriam, vel arteriæ analogon, aperte transmittere, tum visu, tum secta arteria (exinde sanguine singula pulsatione cordis profliente) oculis palam consumari posse constat.

Idem etiam in omnibus animalibus, quibus unus duntaxat ventriculus, vel quasi unus contingit, non difficile est cernere; ut in bufone, rana, serpentibus, lacertis; quæ etsi pulmones aliquo modo habere dicantur, ut quæ vocem habent (de quorum pulmonum artificio admirando, & de cæteris ejusmodi, permultas apud me observationes habeo, quæ non sunt hujus loci) tamen ex autopsia eodem modo in illis è venis in arterias sanguinem pulsu cordis traduci, palam est: quæ via tam patens, aperta & manifesta est, ut nulla difficultas, nullus hæsitandi sit locus. In his enim perinde se res habet atque in homine; si septum cordis perforatum, aut ademptum esset, aut unus ex utrisque fieret ventriculus, nemo credo dubitaret, qua via sanguis è venis in arterias transire posset.

Cum vero major numerus animalium non habentium pulmones sit, quam habentium; & similiter major numerus sit, unum tantum ventriculum cordis, quam habentium duos: proclive est statuere in animalibus ἐπὶ τὸ πᾶσι, ut plurimum, & in universum, sanguinem aperta via è venis in arterias per cordis sinum transmitti.

Con-

Consideravi mecum, quod etiā in embryonibus iis, qui pulmones habent, idem apertissime constet: nam in foetu vasa cordis quatuor (videlicet vena cava, vena arteriosa, arteria venalis, & aorta, five arteria magna) alio modo uniuntur, quam in adulto: quod omnes Anatomici norunt satis.

Primus contactus & unio venæ cavæ cum arteria venosa (quæ fit priusquā cava, in dextrum ventriculū cordis, se aperiat, aut venā coronalem emittat paululū supra egressū ab hepate) anastomosim lateralem exhibet, hoc est, foramen amplū, patens, ovali figura pertusum, è cava in arteriam illam pervium; ita ut (tanquā per unū vas) per illud foramē sanguis de vena cava in arteriā venosam, & auriculam cordis sinistrā, usq; in ventriculū sinistrum, liberrime & copiosissime dimanare possit. Insuper in illo foramine ovali, è regione, qua arteriam venosam respicit, operculi instar membrana tenuis & dura est, foramine major, quæ postea in adultis, operiens hoc foramen & coalescens undique, istud omnino obstruit & prope obliterat. Hæc, inquam, membrana sic constituta est, ut, dum laxè in se concidit, faciat ad pulmones & cor viam, resupinetur, & sanguini à cava affluenti cedat quidem, at ne rursus in cavam refluat, impediat. Ut liceat existimare, in embryone sanguinem continuo debere per hoc foramen

foramen transire de vena cava in arteriam venosam, inde in auriculam sinistram cordis, & postquam ingressus fuerit, remeare nunquam posse.

Altera unio est venæ arteriosæ (quæ fit postquam vena illa, è dextro ventriculo egressa, in duos dividitur ramos) estque tanquam, duobus dictis, tertius truncus & quasi canalis arteriosus, ab hinc in arteriam magnam oblique ductus & perforatus: ut in dissectione embryonum quasi duæ aortæ, vel duæ radices arteriæ magnæ è corde exorientes, appareant.

Canalis hic in adultis similiter sensim attenuatur, tabescit, & penitus tandem, ut vena umbilicalis, exsiccatur & aboletur.

Iste canalis arteriosus nullam membranam in se habet; sanguinis motum hinc, vel illinc impediens. Sunt enim in orificio illius venæ arteriosæ (cujus iste canalis, uti dixi, propago est) valvulæ sigmoides tres, quæ intus foras spectant, & sanguini, è dextro ventriculo hac via in magnam arteriam fluenti, cedunt facile; contra vero ab arteria quidquam, aut à pulmonibus, in dextrum ventriculum ad amussim clausum, remeare omnino impediunt. Ut hic etiam arbitrari consentaneum sit in embryone, dum cor sese contrahit, continuo sanguinem è dextro ventriculo hac via in arteriam magnam invehit.

Quod

Quod vulgo dicitur, has duas uniones tam magnas, patentes & apertas, nutriendorum pulmonum causa, factas fuisse tantum, & in adultis (cum jam pulmones propter calorem & motum, copiosius nutrimentum desiderent) aboleri & consolidari, commentum improbabile est & male cohærens.

Similiter, quod dicant, cor in embryone feriri & nihil agere, nec movere, atque hinc natura hos transitus facere, alendorum pulmonum causa, coacta sit, falsum est: cum in ovo, cui gallina incubuit, & in embryonibus recenter ex utero exsectis, autopsia pateat, tum cor movere, sicut in adultis, tum naturam nulla tali necessitate urgeri.

Cujus motus non solum hi oculi sæpe testes, sed & *Aristoteles* attestatur ipse (*l. de spir. 3.*) Pulsus (inquit) per initia statim in constitutione cordis emergit, quod in sectione virorum, & pulli formatione ex ovo deprehenditur. Quin & observamus has vias (tam in hominum genere, quam in cæteris animalibus) non solum apertas & patentes esse, usque ad tempus partus (ut annotarunt *Anatomici*) sed etiam per multos post menses, imo in aliquibus per aliquot annos, ne dicam toto vitæ curriculo; veluti in anseri, buccagine & avibus plurimis & animalibus, præsertim in minoribus. Quæ res impos-

sunt

fuit forsan Botallo, ut affereret, se novum transitum sanguini, de vena cava in sinistrū ventriculū cordis invenisse: fateor, me quoq; (cum in mure majori jam adulto hoc primū ipse reperi) tale quid statim existimasse.

Ex quibus intelligitur, in embryone humano, quin & in aliis, in quibus istæ uniones non abolentur, id ipsum accidere; ut cor suo motu, per patentissimas vias, sanguinem de vena cava in arteriam magnam, apertissime traducat, per utriusq; ventriculi ductum. Dexter siquidem sanguinem ab auricula recipiens, inde per venam arteriosam, & propaginem suam (canalem arteriosam dictam) in magnam arteriā propellit. Sinister similiter, eodem tempore, mediante auriculæ motu, recipit sanguinem (in illam sinistram auriculam deductum, scilicet per foramen ovale, è vena cava) & tensione sua, & constrictione, per radicem aortæ, in magnam itidem arteriam simul impellit.

Ita in embryonibus (dum pulmones otiantur, & nullam actionem aut motum habent, quasi nulli forent) natura duobus ventriculis cordis quasi uno utitur, ad sanguinem transmittendum. Et similis est conditio embryonum pulmones habentium (dum adhuc pulmonibus non utuntur) ac est eorū animalium, qui pulmones non habent.

Itaque tam clare in his etiam elucescit
veri-

veritas, quod cor suo pulsu sanguinem, è vena cava, in arteriam magnam traducat & transfundat, perque tam patentes & apertas vias, ac si in homine, quod dixi,ambo ventriculi (eorum septo adempto) ad invicem pervii essent facti.

Cum itaque majori ex parte animalibus omnibus, quodam tempore, patentissimæ istæ extent viæ, quæ transmissioni sanguinis per cor inserviunt ; restat ut inquiramus, Aut, cur in quibusdam animalibus (ut in homine) iisque calidioribus & adultis, per pulmonum substantiam illud fieri non existimemus, quod in embryone natura antea fecit, per eas vias (illo tempore, quo pulmonum nullus erat usus) quas, ob defectum transitus per pulmones, coacta videbatur facere ? Aut, cur melius sit (natura enim semper quod est melius, facit) in adolescentibus, sanguinis transitui naturam omnino occlusisse vias patentes illas, quibus ante in embryone & foetu usa fuerat, & omnibus aliis animalibus utitur, neque alias ullas pro illo sanguinis transitu aperuisse, sed sic omnino impedire ?

Ita jam eo res cessit, ut has in homine quærentibus vias (quibus sanguis, è vena cava in sinistrum ventriculum & arteriam venosam, permeat) majus operæ pretium sit, & recte magis factum videatur, cum ex dissectione

ctione animalium veritatem investigare velint, ut causam inquirent, cur in majoribus & perfectioribus animalibus, iisque adultis, natura sanguinem transtolari per pulmonum parenchyma potius velit, quam, ut in cæteris omnibus, per patentissimas vias : & tum, nullam aliam viam & transitum excogitari posse, intelligent. Sive hoc fiat, quod majora & perfectiora animalia sint calidiora, cumque sint adulta, eorum calor magis (sic dicere liceat) ut igniatur & suffocetur sit proclivis, & ideo tranare, & trajici per pulmones, ut inspirato aere contemperetur, & ab ebullitione & suffocatione vindicetur, opus sit; sive quid aliud tale. Sed hæc determinare, & rationem hujus reddere, nihil aliud agere est, quam propter quid pulmones facti sunt, speculari.

Hactenus de his, horumque usu & motu, de eventatione omni, aerisque necessitate & usu, & cæteris hujusmodi; de variis etiam & differentibus organis, hujus causa in animalibus factis : quæ licet multis & quam plurimis observationibus à me deprehensa sint, tamen, ne nimium à proposito, de motu & usu cordis, hoc loco aberrando, aliud agere, stationem relinquere, remque interturbare & subterfugere videar; hæc proprio tractatu convenientius exponenda relinquā : & quæ restant, ut ad propositum scopum revertar, confirmare pergami.

In

In perfectioribus itaque & calidioribus animalibus, iisque adultis (ut in homine) sanguinem de dextro ventriculo cordis per venam arteriosam in pulmones, & inde per arteriam venosam in sinistram auriculam, & subinde in ventriculum cordis sinistrum permeare, primum posse, deinde ita fieri ostendam.

CAP. VII.

Sanguinem, de dextro ventriculo cordis, per pulmonum parenchyma, permeare in arteriam venosam, & sinistram ventriculum.

Fieri autem hoc posse, & nihil esse quominus fiat, satis constat, cum, quomodo aqua per terræ substantiam permeans, rivulos & fontes procreat, consideremus; aut quomodo per cutem sudores, per parenchyma renum urina fluat, speculemur.

Animadvertendum est in iis, qui aquis Spadentibus utuntur, vel de la Madonna (ut aiunt) in agro Patavino, vel aliis acidulis, aut vitiolatis, & ad congios ingurgitant potum, quod una aut altera hora per vesicam emingant totum: debet ista copia aliquantulum in concoctione immorari; debet per jecur (ut, singulis diebus bis, ingesti alimenti succum omnes consistuntur facere) debet per venas, per renum

parenchyma, per ureteres in vesicam profluere.

Sunt qui negant posse sanguinem, imo totam massam sanguineam, per pulmonum substantiam, æque ac succus alimentalis per jecur, permeare; tanquam impossibile & nullo modo credibile. Existimo, quod hoc genus hominū (cum Poeta loquor) ubi volunt, concedant facile, ubi nolunt, nullo modo; iidem hic ubi opus est verentur, ubi nihil opus, ibi non verentur simile affirmare.

Jecoris parenchyma densius multo est, & similiter renum, quam pulmonum, quod rarioris multo texturæ, & si renibus & jecori conferantur, spongiosæ sunt.

In jecore nullum impelleas, nulla vis cogens; in pulmone ex pulsu dextri ventriculi cordis impingitur sanguis; cujus impulsu distendi, vasa & porositates pulmonum necesse est. Præterea pulmones in respirando eleuantur & concidunt (*Galenus de usu part.*) quo motu necesse est, ut porositates & vasa aperiantur & claudantur; ut in spongiis contingit, & in omnibus particulis habentibus constitutionem spongiosam, quando constringuntur, si non rursus dilatantur. Contra, jecur quiescit, nec ita dilatari & constringi visum est.

Denique si per jecur, totum ingestorum succum, in venam cavam, tam in homine, quam

quam in bove, & maximis animalibus, pertransire posse, nemo sit qui non asserat; præterea quod pertransire aliquà nutrimentum, & permeare in venas sit necesse (si fieret nutritio) cumque nulla alia extet via, ut proinde hoc affirmare coacti sint: cur non iisdem argumentis, de transitu sanguinis in adultis per pulmones, fidem similem habent? & cum *Columbo* peritissimo doctissimoque *Anatomico* idem asserunt & credunt, ex amplitudine & fabrica vasorum pulmonum? arteria enim venosa, & similiter ventriculus, repleti sunt semper sanguine, quem è venis huc venisse necesse est, nulla alia, quam per pulmones, semita: ut quod ille, & nos, ex ante dictis & autopsia, aliisque argumentis, palam esse existimamus.

Sed quia aliqui sunt, qui nil, nisi adductis auctoritatibus, admittunt; iidem ex ipsius etiam *Galen*i verbis, hanc veritatem confirmari posse sciant: scilicet non solum posse sanguinem, è vena arteriosa in arteriam venosam, & inde in sinistrum ventriculum cordis, & postea in arterias transmitti; sed, ex continuo pulsu cordis, & pulmonum motu inter respirandum, hoc fieri.

Sunt in orificio venæ arteriosæ, valvulæ tres sigmoides, sive semi-lunares, quæ omnino sanguinem, in illam venam arteriosam immissum, non sinunt remeare in cor; quod omnes norunt.

Harum valvularum necessitatem & usum Galenus his verbis explicat (de usu part. 6. cap. 10.) In toto est (inquit) mutua Anastomosis, atque osculorum apertio arteriis simul cum venis; transsumuntque ex sese pariter sanguinem & spiritum, per invisibiles quasdam atque angustas plane vias. Quod si os ipsum venae arteriosae itidem semper patuisset, nullamque natura invenisset machinam, qua claudere ipsum, cum est tempestivum, ac rursus aperire queat; fieri nunquam potuisset, ut per invisibilia, atque exigua oscula, sanguis (contractus thorace) in arterias transumeretur. Neque enim similiter omnis ex quovis attrahitur, neque emititur: sed quemadmodum quod leve est facilius eo quod gravius, dilatatis instrumentis attrahitur, iisdem autem contractis exprimitur, ita & per latam viam celerius aliquid, quam per angustam trahitur ac rursus emititur. Cum autem thorax contrahitur, pulsae atque inter compressae undique foris, quae in pulmone sunt venosae arteriae, exprimunt quidem quam celerissime, qui in seipsis est spiritum; transsumunt autem per subtilia illa oscula sanguinis portantem aliquam, quod nunquam accidisset propter hoc, si sanguis per maximum os (cuiusmodi venae arteriosae) ad cor retro remeare potuisset. Nunc vero reditu per os magnum interclusum comprimatur undique, destillat quidpiam in arterias per exigua illa orificia. Et pau-

post sequ. capit. Quinto thorax contendit vehementius sanguinem elidens, tanto membranæ (videlicet valvulæ sigmoides) exactius os ipsum occludunt, & nihil remeare sinunt. Quod & eodem Capitulo 10. paulo ante. Nisi valvulæ essent, triplex sequeretur incommodum ita sanguis ipse frustra longum hoc curriculum subinde emetiretur: in Diastolis quidem pulmonis, adfluens & (quæ in ipso sunt) venas omnes refarciens; in Systolis vero, quasi æstus quidam maritimus, instar Euripi, motum identidem, huc atque illuc reciprocans; qui haud quaquam sanguini conveniret: at hoc videri posset exiguum. Quod vero interim ipsius quoque respirationis utilitatem labefaceret, id non amplius pro parvo est habendum, &c. Et paulo post: Atque etiam tertium secutum fuisset incommodum, haud quaquam contemnendum, cum sanguis retro in expirationibus remigrasset, nisi opifex noster membranarum Epiphysin fuisset fabricatus. Unde concludit Capit. 11. Communis autem ipsorum omnium, videlicet valvularum, est usus, ut materias retro remigrare prohibeant; utrarumque vero proprius, educentium quidem è corde materias, ne amplius ad ipsum remeent; inducentium vero, ne amplius ex ipso effluant. Non enim volebat natura vano labor cor fatigar, neque in eam partem mittere unde trahere præstiterat, neque rursus ex illa identidem ducere, ad quam mittere erat ne-

cesse. Proinde cum sint quatuor omnino orificia, bina in utroque ventriculo, alterum quidem inducit, alterum vero educit. Et paulo post: Porro cum vas alterum, quod tunica simplici constat, in cor infigatur, alterum, quod duplici, ex ipso producat; communem utrique locum, (videlicet ventriculum dextrum Galenus intelligit, & ego eadem ratione similiter sinistrum ventriculum cordis) quasi lacunam quandam parari necesse fuit, ad quam pertinentibus utrisque, per alterum quidem trahatur sanguis, per reliquum vero emittatur.

Quod argumentum Galenus, pro transitu sanguinis per dextrum ventriculum de vena cava in pulmones, adducit; eodem nobis rectius, pro transitu sanguinis, de venis per cor in arterias, mutatis tantum terminis, uti liceat. Ex Galeni igitur, viri divini, patris Medicorum, locis & verbis clare apparet, sanguinem per pulmones de vena arteriosa in arteriæ venosæ ramulos permeare, tum propter pulsum cordis, tum propter pulmonum & thoracis motum. (Vide Hofmanni doctissimi Commentarium supra Galeni libr. 6. de usu part. quem librum, postquam hæc à me scripta essent, vidi.)

Ex eodem patet cor continue in ventriculos, quasi lacunam, recipere & emittere sanguinem; & huic rei pro causa, valvularum genera quatuor, duo inductioni, emissioni san-

sanguinis duo inservire ; ne aut sanguis Euripi in morem, inconvenienter agitetur huc, illuc ; aut retro remeet, unde trahi præstiterat ; & ex illa ressuat parte, ad quam mitti erat necesse ; ne sic vano labore fatigetur & pulmonū respiratio præpediatur.

Denique, clare apparet assertio nostra, continue & continenter sanguinem per pulmonum porositates permeare, de dextro in ventriculum sinistrum, de vena cava in arteriam magnam. Nam cum continuo, de dextro ventriculo immittatur sanguis in pulmones per venam arteriosam ; & similiter cōtinue è pulmonibus in sinistrū attrahatur, (quod ex dictis & valvularū positione patet) quin pertranseat continue, fieri non potest.

Itidem, cum semper & continue ingreditur sanguis in cordis ventriculum dextrum & egrediatur, similiter de sinistro ventriculo (quod ratione & sensu patet) quin continuo pertranseat sanguis de vena cava in aortam, impossibile est.

Illud igitur in animalibus, majori ex parte & plane omnibus, dum primum crescunt, per patentissimas fieri vias, ex dissectione manifestum est ; quod in his jam adultis per pulmonum cæcas porositates & vasorum ejus oscula, tam ex *Galen*i verbis, quam ex ante dictis, fieri, æque manifestum est. Unde apparet, quod quanquam unus ventriculus

cordis, videlicet sinister, sufficiens esset sanguinis dispensationi per corpus & educationi. È vena cava (quemadmodum etiam fit in omnibus quæ pulmonibus carent) natura, cum voluerit sanguinem per pulmones transcolari, dextrum ventriculum superaddere coacta fuerit, cujus pulsu, per ipsos pulmones, è vena cava in sinistri ventriculi locum, sanguis compelleretur ; atque hoc modo, dextrum ventriculum, pulmonum causa, scilicet propter translationem sanguinis, non propter nutritionem duntaxat, factum esse dicendum. Quandoquidem, tanto proventus annonæ, compulso subministrato, & tanto puriore & spirituosiore (utpote immediate à ventriculis cordis subvesto) indigere alimento pulmones magis, quam aut cerebri purissimam substantiam, aut oculorum splendidissimam & divinam constitutionem, aut ipsius cordis carnem (quæ rectius per arteriam coronalem nutritur) inconueniens omnino est existimare.

CAP. VIII.

De copia sanguinis transeuntis per cor è venis in arterias, & de circulari motu sanguinis.

Huc usque de transfusione sanguinis è venis in arterias, & de viis per quas pertranseat, & quomodo pulsu cordis, transmittatur

mittatur dispenseturque: quorum forsā aliquis, qui antea sunt aut *Galenī* auctoritate, aut *Columbi*, aliorumve rationibus, adducti, assentiri se dicent. Nunc vero, quæ restant de copia & proventu istius pertransēuntis sanguinis (licet valdē digna consideratu) cum dixerō; adeo iis nova erunt & inaudita, ut non solum ex invidia quorundam, metum malum mihi, sed verear, ne habeam inimicos omnes homines. Tantum consuetudo, aut semel imbibita doctrīna, altisque defixa radicibus, quali altera natura, apud omnes valet, & antiquitatis veneranda opinio cogit. Utcunque sit, jam iacta est alea, spes mea in amantium veritatis & doctorum animorum candore sita.

Sane cum, copia quanta fuerit, sæpius mecum & serio considerassem; tum ex vivorum (experiendi causa) dissectione & articularum apertione disquisitioneque multimoda; tum ex ventriculorum cordis, & vasorum ingredientium & egredientium symmetria & magnitudine (cum natura nihil faciens frustra, tantam magnitudinem, proportionabiliter his vasibus frustra non tribuerit) tum ex concinno & diligenti valvularum & fibrarum artificio, reliquaue cordis fabrica; tum ex aliis multis : cumque animo diutius evolvissem, quanta scilicet esset copia transmissi sanguinis ; quam brevi tempore ea

transmissio fieret; anne suppeditare ingestum
alimenti succus eam posset; animadverti
tandem, venas inanitas & omnino exhaustas,
& arterias ex altera parte, nimia sanguinis
intrusione, disruptas fore; nisi sanguis ali-
qua via ex arteriis denuo in venas remearet,
& ad cordis dextrum ventriculum regrede-
retur.

Cœpi egomet mecum cogitare, an mo-
tionem quandam quasi in circulo haberet:
quam postea veram esse reperi, & sanguinē,
ē corde per arterias, in habitum corporis &
omnes partes, protrudi & impelli, à sinistri
cordis ventriculi pulsu (quemadmodum in
pulmones per venam arteriosam à dextri) &
rursus per venulas in venam cavam, & usque
ad auriculam dextram remeare; quemad-
modum ex pulmonibus per arteriam dictam
venosam, ad sinistrum ventriculum, ut ante
dictum est.

Quem motum circularem eo pacto no-
minare liceat, quo *Aristoteles*, aerem & plu-
viam circularem superiorum motum æmu-
lari, dixit. Terra enim madida à Sole cale-
facta evaporat; vapores furtum elati con-
densantur; condensati in pluvias rursus de-
scendunt; terram madefaciunt; & hoc pacto
sunt hic generationes & similiter tempesta-
tum & meteororum ortus, à Solis circulari
motu, accessu & recessu.

Sic

Sic verisimiliter contingit in corpore, motu sanguinis, partes omnes sanguine calidiores, perfectiores, vaporosiores, spirituosiores (& ut dicam) alimentativo nutriri, foveri, vegetari; in partibus sanguinem refrigerari, coagulati, & quasi effectum reddi; inde ad principium, videlicet cor, tanquam ad fontem sive ad lares corporis, perfectionis recuperandæ causa, reverti; ibi calore naturali, potenti, fervido, tanquam vitæ thesauró, de novo colliquari; & spiritibus (ut ita dicam) tanquam balsamo prægnantem, inde rursus in omnes partes dispensari; atq; hæc omnia à motu & pulsu cordis dependere.

Ita cor principium vitæ & Sol microcosmi (ut proportionabiliter Sol cor mundi appellari mereatur) cujus virtute & pulsu sanguis movetur, perficitur, vegetatur, & à corruptione & grumefactione vindicatur, sumq; officium nutriendo, fovendo, vegetando, toti corpori præstat lar iste familiaris, fundamentum vitæ, auctor omnium. Sed de his convenientius, cum de hujusmodi motus causa finali speculabimur.

Hinc, cum venæ fiat vitæ quædam, & vasa deferentia sanguinem, duplex est genus ipsarum: cava, & aorta; non ratione lateris (ut *Aristoteles*) sed officio; & non (ut vulgo) constitutione, cum in multis animalibus ut dixi) in tunica crassitie, vena ab arteria

teria non differat, sed munere & usu distinctæ sunt. Vena & arteria, ambæ à Veteribus Venæ non immerito dictæ, ut *Galenus* annotavit; eo quod hæc, videlicet arteria, vas est deferens sanguinem, è corde in habitum corporis; illa sanguinem ab habitu rursus in cor: hæc, via à corde; ad cor usque, illa: illa continet sanguinem crudorem, effœtum, nutritioni jam redditum idoneum; hæc, coctum, perfectum, alimentativum.

CAP. IX.

Esse sanguinis circuitum, ex primo supposito confirmato.

Sed ne, verba dare nos, dicat quispiam, & assertiones speciosas tantum facere sine fundamento & non iusta de causa innovare; tria confirmanda veniunt, quibus positus, necessario hanc sequi veritatem, & rem palam esse arbitror.

Primo, continue & continenter, sanguinem è vena cava in arterias, in tanta copia, transmitti pulsu cordis, ut ab assumptis supeditari non possit, adeo ut tota massa brevi tempore illinc pertranseat.

Secundo, continue æquabiliter & continenter sanguinem, in quodcunque membrum & partem, pulsu arteriarum, impelli & ingredi,

di, majori copia multo, quam nutritioni necessarium sit, vel tota massa suppeditari possit.

Et similiter tertio, ab unoquoque membro, ipsas venas, hunc sanguinem perpetuo retroducere ad cordis locum.

His positis, sanguinem circumire, revolvi, propelli & remeare, à corde in extremitates, & inde in cor rursus, & sic quasi circulationem motum peragere, manifestum puto fore.

Supponamus (vel cogitatione, vel experimento) quantum sanguinis similiter ventriculus in dilatatione (quum repletus sit) contineat sive $\frac{3}{4}$ ij, sive $\frac{3}{4}$ iij, sive $\frac{3}{4}$ j β : ego in mortuo reperi ultra $\frac{3}{4}$ ij.

Supponamus similiter, quanto minus in ipsa contractione, vel quando sese contrahit cor sit, & quanto minorem ventriculus capacitatem habeat in ipsa contractione, tanto minus continere, atque inde quantum sanguinis in arteriam magnam protrudatur: (protruditur in Systole enim aliquid semper, quod ante demonstratum est cap. 3. & omnes fatentur, ex fabrica valvularum persuasi) verisimili conjectura ponere licet, in arteriam immitti partem vel quartam vel quintam, vel sextam, & ad minimum octavam.

Ita in homine protrudi, singulis cordis pulsibus

pulsibus, supponamus $\frac{3}{4}$ β , vel 3 iij, vel 3 j sanguinis, qui, propter impedimentum valvularum, in cor remeare non potest.

Cor una semihora plus quam mille pulsus facit; imo in aliquibus, & aliquando bis, ter, vel quater mille. Iam multiplicatis drachmis, videbis una semihora aut millies drachmas tres, vel drachmas duas, aut uncias quinquies centum, aut talem aliquam proportionatam quantitatem sanguinis, per cor in arterias transfusam; quæ major est copia quam in universo corpore contingat reperi. Similiter in ove, aut cane, si pertransit (esto) scrupulus unus, in una cordis contractione; tum una semihora mille scrupuli vel circiter libræ tres & semi sanguinis transeunt; in quorum corpore plerumque non continetur plus quatuor libris sanguinis; quod in ove expertus sum.

Ita pene, supputatione facta, secundum quam nimirum conjectare possumus transmissi sanguinis copiam, enumeratis pulsationibus, videtur omnis quantitas sanguineæ massæ pertransire, de venis in arterias per cor, similiter per pulmones.

Sed esto, quod non una semihora, sed integra, vel una die, utcumque velis, fiat; manifestum est plus sanguinis per cor, ejus pulsu transmitti continue, quam vel ingestum alimentum suppeditare, vel in venis simul contineri possit.

Nec

Nec est dicendum, quod cor in sua contractione aliquando protrudat, aliquando non, vel quasi nihil & imaginarium quid. Hoc à me ante refutatum est, & præterea sensui contrarium est & rationi. Si enim, dilatato corde, repleri necesse est ventriculos sanguine; contracto, necesse est protrudere semper & non parum, cum & ductus non parvi & contractio non pauca sit: in quavis propulsione proportio sanguinis exclusi (videlicet, subtripla, sextupla, vel suboctupla) debet respondere quantitati prius contentæ, & in dilatatione replenti; uti se habet capacitas contracti ventriculi ad dilatati: quemadmodum eum in dilatatione non contingit repleri nihilo vel imaginario, ita in contractione nunquã nihil vel imaginariũ expellit, sed semper aliquid secundũ proportionem contractionis. Quare concludendũ, si uno pulsu in homine, vel ove, vel bove, cor emittat drachmam unã, & mille fiant pulsus in una semihora, contingere eodẽ tempore, libras decem & uncias quinque transmissas esse; si uno pulsu drachmas duas, $\text{℥} \text{xx}$ & $\text{℥} \text{x}$; si semi-unciam, $\text{℥} \text{xlj}$, & $\text{℥} \text{viiij}$, si $\text{℥} \text{j}$ $\text{℥} \text{lxxxiiij}$ & $\text{℥} \text{iiij}$ contingere in una semihora transfusas (inquam) esse de venis in arterias.

Sed quantum, in unoquoque, protrudatur singulis pulsationibus, & quando plus, & quando minus, & qua de causa, accuratius post

post hæc, ex multis observationibus, à me forsàn palam fiet.

Interim hoc sciò, & omnes admonitos velim, quod aliquando uberiori copia pertranslit sanguis, aliquando minore; & sanguinis circuitus quandoque citius, quandoque tardius peragitur, secundum temperamentum, ætatem, causas extetnas & internas, & res naturales & non naturales, somnum, quietem, victum, exercitia, animi pathemata, & similia.

Verum enimvero, cum per pulmones & cor, vel minima copia transeat sanguis, longe uberiori proventu, in arterias & totum corpus deducitur, quam ab alimentorum ingestione suppeditari possibile sit, nisi regressu per circuitum facto.

Hoc etiam palam fit sensu, vivorum dissectionem intuentibus, non solum aperta magna arteria, sed (quod confirmat *Galenus*, in ipso homine) si quævis vel minima arteria dissecta fuerit, unius pene semihoræ spatium, totam sanguinis massam, è toto corpore, tam venis quam arteriis, exhaustam fore.

Similiter Laniones, hoc satis attestari possunt, quando, rescissis arteriis jugularibus, in mactando bove, unius horæ quadrante minus; totam sanguinis massam exhaustiunt, & vasa omnia inanita reddunt: in
mem-

membrorum excisione & tumorum, ex larga sanguinis profusione, itidem comperimus aliquando brevi contingere.

Nec astringit hujus argumenti vim, quod, per venas effluere (in jugulatione & in membrorum excisione) æque sanguinem, si non magis, quam per arterias, dicat quispiam; cum contra se res habeat. Venæ enim quia sublidunt, quia in ipsis nulla vis cogens toras, & quia impedimento valvularum compositio est (ut postea patebit) parum admodum reddunt: arteriæ vero impetu impulsam sanguinem foras, largius, impetuosius, tanquam cum syphone ejectum, profundunt.

Experienda res est: omissa vena & incisa jugulari arteria in ovis, vel cane; adn irabile videbitur, quanto impetu, quanta protractione, quam cito, omnem sanguinem, è toto corpore, tam venis, quam arteriis, contingat inaniri.

Arterias autem nullibi sanguinem è venis recipere, nisi transmissione facta per cor, ex ante dictis, patet. Quare, ligando aortam ad radicem cordis, & aperiendo jugularem, vel aliam arteriam, si arterias inanitas & solum venas repletas conspexeris, mirari non convenit.

Hæc causam aperte videbis, cur in Anatomie tantum sanguinis reperiatur in venis,
parum

parum vero in arteriis ; cur multum in dextro ventriculo , parum in sinistro ; causa forsitan est , quod de venis in arterias nullibi datur transitus , nisi per cor ipsum & per pulmones.

Hæc res forsitan antiquis dubitandi præbuit occasionem & existimandi , spiritus solos in illis concavitatibus contineri , dum vitæ superstes animal esset.

Cum enim expiraverint pulmones & moveri desiverint , de venæ arteriosæ ramulis in arteriam venosam , & inde in sinistrum ventriculum cordis , sanguis permeare prohibetur ; cumque una cum pulmonibus cor non desinat moveri , sed postea pulsare & supervivere pergat ; contingit sinistrum ventriculum & arterias emittere , in venas ad habitum corporis sanguinem & per pulmones non recipere , ac proinde inanitas ire.

Sed hoc nec uno cordis ventriculo donatis , nec quibus uterque pro uno inservit (ut in embryone notatum antea est) accidit : iis non prohibetur , ob defectum pulmonum motus , oscula & porositates cæcas & invisibiles aperientis & claudentis , sanguinis transitus ; dum is per apertas manifestasque anastomoses (foramen ovale & ductum arteriosum) perfluat.

Quod in rem nostram non parum facit fidei,

dei, cum hujus nulla alia causa (nisi quam nos ex nostra suppositione afferimus) adduci possit.

Præterea hinc patet, quo magis, aut vehementius arteriæ pulsant, eo citius, in omni sanguinis hæmorrhagia, inanitum iri corpus.

Hinc etiam in omni lipothymia, omni timore, & hujusmodi, quando cor languidius & infirmius, nullo impetu pulsat, omnem contingit hæmorrhagiam sedari & cohiberi.

Hinc etiam est, quod corpore mortuo, postquam cor cessavit pulsare, non possit, vel è jugularibus, vel cruralibus venis & arteriis apertis, ullo conatu, massæ sanguineæ plus quam pars media elici. Nec lanio, si bovi (postquam ejus caput percusserit, & attolitum reddiderit) jugulum prius non secuerit quam cor pulsare desierit, totum sanguinem exhaustire inde poterit.

Denique, hinc, de Anastomosi venarum & arteriarum (ubi sit & quomodo sit, & quæ de causa) neminem hætenus recte quidquam dixisse, licet suspicari; ego in illa disquisitione jam sum.

C A P. X.

Primum suppositum (de copia pertranseuntis sanguinis è venis in arterias & esse sanguinis circuitum) ab objectionibus vindicatur, & experimentis ulterius confirmatur.

HActenus primum suppositum confirmatum est, siue res ad calculum revocetur, siue ad experimenta & autopsiam referatur. Videlicet: quod sanguis pertranseat in arterias, majori copia continue, quam ab alimento suppeditari possit, ita ut, tota massa brevi spatio illac pertranseunte, necesse sit, ut circuitus fiat & sanguis regrediatur.

Verum si quis hic dicat, quod magna copia possit pertransire, & non necesse circuitum fieri, cum ab assumptis refarcire contingat; & exemplo esse lactis in mammis proventum: vacca enim una die lactis congios tres, vel quatuor, vel septem, vel amplius reddit; mulier itidem duas vel tres heminas, aleudo infantem unum vel duos, singulis diebus præbet, quod ab assumptis restitui manifestum est. Respondendum, quod cor tantundem vel amplius, una hora vel altera, computatione facta, remittere, constet.

Sin vero nondum persuasus, instaret usque,

que, dicendo; quod, licet dissecta arteria, quasi data & aperta via, præter naturam contingat sanguinem cum impetu effundi, non tamen ideo contingere, integro corpore & non dato exitu & arteriis plenis vel secundum naturam constitutis, tantam copiam pertransire tam brevi spatio, adeo ut regressum fieri sit necesse. Respondendum, quod, ex ante dicta computatione, subducta ratione, apparet, quantum cor repletum ulterius contineat in sua dilatatione quam in constrictione, tantundem (majori ex parte) singulis pulsationibus emitti, & proinde in tanta copia, pertransire integro corpore, & secundum naturam constituto.

Sed in serpentibus & piscibus quibusdam, ligando venas per aliquod spatium infra cor, videtur spatium inter ligaturam & cor valde cito inaniri, ita ut regredi sanguinem (nisi autopsiam neget) asserere necesse habeas. Posterius etiam idem clare patebit in secundi suppositi confirmatione.

Hæc omnia, uno exemplo confirmantes, concludamus, quo fidem oculis propriis adhibere unusquisque possit.

Qui anguem vivum dissecuerit, videbit plus quam per integram horam cor placide, distincte pulsare, & sese tanquam vermem in contrictione (cum oblongum sit) secundum longitudinem contrahere & propellere;
in

in Syftole albidiori colore effe , contra in Diastole; & reliqua pœne omnia, quibus evidenter (cum hic longiora & distinctiora sint) hanc veritatem confirmatam iri diximus.

Sed hoc peculiariter & luce clarius meridiana experiri licet : vena cava partem inferiorem cordis subingreditur, exit arteria parte superiori ; jam comprehensa vena cava vel tenaculis, vel digito & pollice, sanguinisque cursu intercepto , per aliquod spatium infra cor, videbitur, à pulsu statim pœne inaniri illam partem intra digitos & cor ; sanguine exhausto à cordis pulsu , simul cor albidiori multo colore effe ; etiam in dilatatione sua, ob defectum sanguinis, minus effe, & languidius tandem pulsare , sic ut emori denique videatur : cum contra statim, soluta vena , color & dilatationis magnitudo redeant cordi.

Postea si relinquas venam; & arterias similiter, per aliquam distantiam à corde, ligaveris vel compresseris ; videbis contra , illas vehementer turgere in parte comprehensa, & cor ultra modum distendi, purpureum colorem contrahere usque ad livorem, & tandem opprimi sanguine , sic ut suffocatum iri credas : soluto vero vinculo , rursus ad naturalem constitutionem, in colore & magnitudine pulsus redire cerneris.

Ecce

Ecce jam duo sunt genera mortis, extinctio ob defectum, & suffocatio ob copiam: hic ad oculos utriusque exemplum habere licet, & dictam veritatem autopsia in corde confirmare.

C A P. XI.

Secundum suppositum confirmatur.

SECUNDUM confirmandum à nobis, quod ut clarius intuentibus appareat, annotanda sunt experimenta quædam, ex quibus patet sanguinem in quodcumque membrum per arterias ingredi, & per venas remeare; & arterias vasa esse deferentia sanguinem à corde, & venas vasa & vias esse regerendi sanguinis ad cor ipsum: in membris etiam & extremitatibus sanguinem (vel per anastomosis immediate, vel mediate per carnis porositates, vel utroque modo) transire ab arteriis in venas; sicut ante in corde & thorace à venis in arterias; unde in circuitum moveri, illinc huc, & hinc illuc, à centro in extrema scilicet, & ab extremis rursus ad centrum, manifestum fit.

Postea quin etiam, computatione facta, similiter manifestum ibidem est, de copia, quod neque ab assumptis possit suppeditari, neque ad nutritionem necessario requiratur.

Simul

Simul etiam de ligaturis manifestum est, quomodo eæ attrahant; quod neque calore, neque dolore, neque vi vacui, neque ulla, ante hac cognita, causa fieri potest: similiter ligaturæ quam commoditatem & usum afferre possint in medicina; quomodo hæmorrhagiam suppriment & provocent; & qua de causa gangrenas & mortificationes membrorum inducant; & sic in castratione animalium quorundam, & tumorum carnosorum & verrucarum exemptione usui sint.

Enimvero, quia nemo harum omnium causas & rationes recte assecutus sit, hinc factum est, licet omnes fere, ex antiquorum sententia, in morbis curandis, proponant & consulant ligaturas; quod pauci, earum administratione, curationibus suis vix aliquid adjumenti afferant.

Ligatura alia stricta est, alia mediocris.

Strictam ligaturam dico, cum ita arte undique contrictum membrum sit fascia, vel laqueo, ut, ultra ipsam ligaturam nullibi, arterias pulsare percipiatur. Tali utimur in membrorum excisione, fluxui sanguinis prospicientes: tali etiam utuntur in castratione animalium, & tumorum ablatione; quæ ligatura, affluxu alimenti & caloris omnino intercepto, tabescere & emori testiculos, & ingentes sarcoscs, & postea decidere videmus.

Mej

Mediocre[m] vero dico ligaturam, quæ undique membrum comprimit, sed citra dolorem: & sic, ut ultra ligaturam aliquantulum arteriam pulsare sinat; qualis, in attractione & in sanguinis missione usui est: nam licet supra cubitum fiat ligatura, tamen, arterias in carpo aliquantulum pulsare, tactu percipies, si recte in phlebomotomia fiat ligatura.

Jam experimentum fiat in brachio hominis, vel adhibita fascia quali in sanguinis missione utuntur, vel ipsius manus fortiore comprehensione; quod quidem commodius fit in macilento corpore, cui venæ sunt ampliores, & quando (calefacto corpore) calent extrema, & major quantitas sanguinis in extremitatibus est, & pulsus vehementiores; omnia enim ibi evidentiora apparebunt.

Facta itaque stricta ligatura (quam arcte fieri, & quis eam ferre, possit, constringendo) observare licet, primum, ultra ligaturam videlicet versus manum, non pulsare in carpo vel uspiam arteriam; deinde, immediate supra ligaturam incipere arteriam, altius suam diastolem habere, & magis vehementer pulsare, & prope ipsam ligaturam, æstu quasi quodam intumescere (ac si fluxum interceptum & transitum inhibutum perrumpere & referare conaretur) magisque
D
quam

quam par sit, ibi repletam apparere: interea manus suum colorem retinet & constitutionem; solum tractu temporis refrigerari aliquantulum incipit, nihil vero attrahitur in eam.

Postquam per aliquod spatium permanferit ista ligatura & derepente paululum solvatur in mediocrem, quali, ut dixi, in sanguinis missione utuntur; observabitur manum totam statim colorari & distendi, & ejus venas tumidas & varicosas fieri; & spatio decem vel duodecim pulsationum arteriam, multo sanguine impulso atque impacto, reforescentissimam cerni, & ab illa ligatura mediocri, multam copiam sanguinis affatim attractam iri absque dolore, vel calore, vel fuga vacui, vel ulla alia antehac commemorata causa.

Si quis interea, in ipso illius solutionis momento, prope ligaturam, digitum ad arteriam jam pulsantem applicaverit, quasi subtus præterlabentem sanguinem sentiet.

Ipse porro, cujus in brachio fit experimentum, ab ipsa mutatione ligaturæ strictæ in mediocrem, plane calorem & sanguinem pulsu ingredientem, quasi semoto obstaculo, illico sentiet; & aliquid, secundum ductum arteriarum, tanquam confestim inflatum & sparsim per manum transmissum, per-

percipiet, & continuo calefieri manum & distendi.

Quemadmodum in stricta ligatura, arteriæ supra distenduntur & pulsant, non infra, & venæ minores fiunt; ita in mediocri, venæ infra ligaturam turgent & renitentes fiunt, supra vero nequaquam, & arteriæ minores sunt. Imo, si venas tumidas compresseris (nisi valde fortiter) vix, aut supra ligaturam sanguinem diffundi, aut venas detumescere, conspicies.

Ita ex his, cuivis diligentius observanti, facile est noscere, sanguinem ingredi per arterias: ipsarum enim stricta ligatura nihil attrahitur, manus colorem servat, nihil influit, neque fit distensio; ipsis vero paululum solutis (ut in mediocri ligatura) vi & impulsu affatim sanguinem intus trudi, manumque tumidam fieri, manifestum est. Ubi sanguis profluit, ut in mediocri ligatura, arteriæ pulsant scilicet; ubi vero non, ut in stricta, pulsant nequaquam, nisi supra ligaturam. Interim venis compressis, nihil per ipsas refluere potest; cujus hoc est signum, quod infra ligaturam tumidiores multo sunt, quam supra, & quam dempta ligatura solent esse. Hinc quod compressæ, nihil superioribus suggerant, & quod ligatura impediat regressum sanguinis per venas ad superiora, easque infra ligaturam tumidas faciat permanere, clare patet. D 2 Ar-

Arteriæ vero in isto casu, non obstante mediocri ligatura, vi & impulsu cordis, ab internis corporis partibus, foras ultra ligaturam, sanguinem trudent. Hæc est differentia strictæ ligaturæ à mediocri, quod illa (stricta ligatura) non solum transitum sanguinis in venis, sed in arteriis intercipiat; hæc (quæ mediocri) vim pulificam, quominus ultra ligaturam se exporrigat, ad extremasque corporis partes propellat sanguinem, non impediat.

Adeo ut sic ratiocinari liceat: mediocri ligatura quando venas turgidas & distentas esse & manum plurimo sanguine impleri videmus, unde fit hoc? Aut enim per venas aut per arterias, aut per cœcas porositates, infra ligaturam sanguis advenit: è venis, non potest: per cœcos ductus, minus: ergo per arterias, secundum quod dictum, necesse est. Per venas influere non posse, patet; cum non retro sanguinem remeare contingat supra ligaturam, nisi ablata omnino ligatura: sed tunc subito omnes venas detumescere, & sese in superiores partes exonerare, manum dealbari, & sursum omnem prius collectum & tumorem & sanguinem affatim evanescere, videtur.

Amplius; sentiet ipse, cui ita post multum spatium ligatum corpus aut brachium erat, & manus tumidæ pauloque frigidiore
inde

inde redditæ; sentiet (inquam) de solutione mediocris ligaturæ, frigidum quid sursum, usque ad cubitum vel axillas, obrepere, una scilicet cum revertente sanguine : quem ego frigidi sanguinis recursum (post sanguinis missionem) ad cor usque (soluta vinculo) causam esse lipothymix arbitrarer; quam etiam robustis aliquando supervenire vidimus, & maxime à solutione ligaturæ : quod vulgo dicunt à conversione sanguinis fieri.

Præterea, cum statim, à solutione strictæ ligaturæ, in mediocri, immissione sanguinis per arterias, continuo venas intumescere videmus infra ligaturam comprehensas, non autem arterias; signum est sanguinem ab arteriis in venas, & non contra, permeare; & aut anastomosis vasorum esse, aut porositates, carnis & partium solidarum, pervias sanguini esse.

Item signum est, venas plurimas inter sese communicare, cum, ligatura mediocri supra cubitum facta, multæ attollantur simul & turgeant; ex una vero venula, scalpello exitu sanguini dato, omnes statim detumescant, & in illam unam sese exonerantes, subsidant simul pene omnes.

Hinc unusquisque potest causas attractionis, quæ fit per ligaturas, & forsan omnis fluxionis, cognoscere; videlicet (quemad-

D. 3. modum

modum in manu, per ligaturam, quam dico mediocrem) quando compressæ sunt venæ sanguis exire non potest; interea si per arterias vi (scilicet cordis) impingatur, dum non potest exire inde, ut repleatur & distendatur pars, necesse est.

Alias enim qui fieri posset? Calor, dolor, & vis vacui attrahunt quidem, sed ut impleatur tantum pars, non ut distendatur, aut tumefiat ultra naturalem constitutionem: sed ob infarctum & arcte impactum vi sanguinem, tam violeater & tam subito opprimi membrum, ut caro continui solutionem pati, & vasa disrumpi cernantur, nunquam tamen hoc aut calore, aut dolore, aut vi vacui fieri posse, credibile aut demonstrabile est.

Insuper ligatura contingit attractionem fieri, absque omni dolore, calore, aut ulla vi vacui. Quod si à dolore aliquo accideret sanguinem attrahi; quo modo ad cubitum, ligato brachio, infra ligaturam, intumescerent & manus & digiti, & venæ varicosæ fierent? cum propter ligaturæ compressionem eo pervenire sanguis per venas non possit: atque quare supra ligaturam, neque tumoris aut repletionis signum, neque venarum turgescentiæ, neque attractionis aut affluxus vestigium omnino apparet?

Sed

Sed est attractionis infra ligaturam, & tumefactionis ultra naturæ modum, in manu & digitis, hæc causa manifesta; nempe, quod sanguis cum impetu & affatim ingreditur, exire vero nequeat. Hinc omnis tumoris causa (ut est apud *Avicen.*) & omnis redundantia opprimentis in parte; quia via ingressus apertæ, egressus clausæ, inde humorem abundare, & in tumorem partem attolli necesse est.

An hinc etiam contingat in tuberculis inflammatoriis, quod quousque tumor incrementum capescit, & non sit in ultimo statu, sentiatur eo loci pulsus plenus. præsertim calidioribus tumoribus, in quibus incrementum derepente fieri solet, posterioris disquisitionis erit: uti an etiam hinc contingat, quod in me ipso casu expertus sum. Ego è curru delapsus, aliquantum fronte percussus, quo loco arteriæ ramulus è temporibus prorepat, statim ab ipsa percussione, spatio fere viginti pulsationum, tumorem ovi magnitudine, absque vel calore vel multo dolore, passus sum; propter videlicet arteriæ vicinitatem, in locum contusum, sanguis, affatim magis & velocius, impingebatur.

Hinc apparet, qua de causa phlebotomia, quando sanguinem longius proflire & majori impetu exire volumus, supra sectio-

nem ligamus, non infra; quod si per venas inde efflueret tanta copia à partibus superioribus, ligatura illa non modo non adjuvaret, sed impediret: etenim inferius ligandum verisimilius esset, quo sanguis inhibitus uberius exiret, si ex partibus superioribus eo per venas descendens emanaret. Sed quia aliunde per arterias impellitur in venas inferiores, in quibus regressus per ligaturam præpeditur, ideo venæ turgent, & distentæ ipsum majori impetu per orificium elidere & longius ejicere possunt; soluta vero ligatura, viaque regressus aperta, ecce sanguis non amplius, nisi guttatim decedit; & quod omnes norunt, si vel vinculum solveris in administranda phlebotomia, vel infra ligaveris, vel stricta nimis ligatura membrum constrinxeris, tum tanquam ablato impetu non exit: quia scilicet via, ingressus & influxus sanguinis per arterias, intercepta est stricta illa ligatura; aut regressus liberior datur, per venas, ligatura soluta.

C A P. XII.

Esse sanguinis circuitum, ex secundo supposito confirmato.

HÆc cum ita sint, constat confirmatum iri etiam aliud, quod antea, per cor

cor continuo sanguinem transire, dicebam. Videmus enim in corporis habitu, ab arteriis sanguinem in venas dimanare, non è venis in arterias: videmus insuper vel pene totam massam sanguinis exhauriri posse ab ipso brachio (idque una vena cuticulari scalpello aperta, si fiat ligatura decens:) videmus præterea, ita impetuose & affatim effundi, ut non solum brevi & cito evacuari, qui ante sectionem, in brachio infra ligaturam, comprehensus erat sanguis, sed ex toto brachio & toto corpore, tam arteriis quam venis, constet.

Quare confiteri necesse est primo; vi & impetu suppeditari, & vi impingi ultra ligaturam; (vi enim & impulsu exit) & proinde à cordis pulsu & robore; vis enim & impulsio sanguinis solum à corde.

Deinde, à corde provenire hunc fluxum, &, per cor transitu facto è venis magnis, hac effluere, similiter confiteri necesse; cum intra ligaturam sanguis per arterias ingreditur, non per venas, & arteriæ nusquam sanguinem è venis recipiunt, nisi è sinistro ventriculo cordis.

Neque omnino aliter, ex una vena (facta supra ligatura) tanta copia exhauriri ullo modo potuisset, præsertim tam impetuose & affatim, tam facile, tam subito, nisi à cordis vi & impulsu consecutio fiat, dicto modo.

Si hæc ita sint, de copia computationem facere, & de circulari motu sanguinis argumentari, apertissime possumus. Si etenim in phlebotomia (eo quo solet prorumpere effusione & impetu) aliquis per semihoram provenire sineret sanguinem, nulli dubium, quin maxima ipsius parte exhausta, lipothymia & syncope adventarent, & non solum arteriæ, sed & venæ magnæ pene inanitiæ forent: transire ergo rationabile est, semihoræ illo spatio, tantundem è vena magna per cor in aortam.

Uterius, si quot unciz per unum brachium perfluant, vel quot in viginti vel 30 pulsationibus intra mediocrem ligaturam trudentur sanguinis, supputares; daret profecto existimandi copiam, quantum per aliud brachium interea, per utrumque crus, per collum utrinque, & per alias omnes arterias & venas corporis pertranseat; & quod his omnibus, fluxus, qui per pulmones & cordis ventriculos fit, novum continuo sanguinem suggerere, & per venas circuitum facere necessario debeat; cum tanta quantitas nec suppeditari ab assumptis possit, sed longe major sit, quam partium nutritioni conveniat.

Amplius observandum; quod in administratione phlebotomia quandoque contingat, hanc veritatem confirmari. Nam, recte brachium

chium quanquam ligaveris, & scalpello debito modo dissecueris, apto orificio & omnibus rite administratis; tamen si timor, aut quævis alia causa, aut animi pathema lipoplychia adveniat, ut cor languidius pulset, nullo modo sanguis exhibit, nisi guttatim: præsertim si ligatura strictior paulo facta sit.

Ratio est, quia compressam arteriam languidior pulsus & impellens vis infirmior recludere & sanguinem infra ligaturam trudere non valet: imo per pulmones deducere, aut è venis in arterias copiose transferre, enervatum & languidum cor non potest.

Sic eodem modo, & eisdem de causis contingit, mulierum menstrua, & omnem hæmorrhagiam sedari.

Ex contrariis etiam hoc patet; quoniam, redintegrato animo, amoto metu, cum ad se redeunt, jam adaucto robore pulsificante, arterias statim vehementius pulsare (etiam in parte ligata) in carpo moveri, & sanguinem per orificium longius proflire, continuo videbitur.

C A P. XIII.

Tertium suppositum confirmatur, & esse sanguinis circuitum, ex tertio supposito.

HActenus de copia pertranseuntis sanguinis in cor & pulmones, centrum corporis,

corporis, & similiter ab arteriis in venas & habitum corporis. Restat, ut explicemus, quomodo per venas ab extremitatibus ad cor retro sanguis remeet, & quomodo venæ sint vasa deferentia eundem ab extremitatibus ad centrum: quo facto, tria illa proposita fundamenta pro circuitu sanguinis, fore aperta, vera, stabilia, & ad fidem sufficientia faciendam, existimamus.

Hoc autem, ex valvularum, quæ in venarum cavitatibus reperiuntur, usu, & oculari-
bus experimentis, satis erit apertum.

Clarissimus *Hieron. Fabr. ab Aquapend.*
peritissimus Anatomicus & venerabilis fen-
nex (vel, ut voluit doctissimus *Riolanus, Jac. Sylvius*) primus in venis membraneas val-
vulas delineavit, figura sigmoides vel semi-
lunares, portiunculas tunicæ interioris ve-
narum, eminentes & tenuissimas. Sitæ sunt
distantibus in locis, vario modo in variis ho-
minibus, ad venarum latera connatæ, sur-
sum, versus radices earum, spectantes, & in
media capacitæ ambæ (ut plurimum enim
duæ sunt) se invicem respicientes, atque de-
bite contingentes, ut extremitatibus cohæ-
rere, copularique aptæ sint; &, ne quid à ra-
dice venarum in ramos, vel à majoribus in
minores remearet, omnino impendant: ita fi-
tæ sunt, ut sequentium cornua, præceden-
tium convexorum media (& sic versis vici-
bus) respiciant.

Harum

Harum valvularum usum inventor non est affecutus, neque alii, qui dixerunt, ne pondere deorsum sanguis in inferiora subito ruat, creatas. Sunt namque in jugularibus deorsum spectantes, & sanguinem sursum prohibentes ferri: nam ubique spectant, à radicibus venarum, versus cordis locum.

Ego, ut alii etiam, aliquando reperi in emulgentibus & ramis mesenterii, venam cavam & portam spectantes. Adde insuper, quod in arteriis nullę sint; & notandū, quod canes & boves omnes habeant valvulas, in divisione cruralium venarum, ad principium ossis sacri, vel in ramis iliaticis prope coxendicem, in quibus, nil tale timendum, propter erectam (ut in homine) staturam.

Nec ob metum apoplexię (ut alii dicunt) sunt in jugularibus valvulę; quia materia, in somno, per arterias soporales, influere in caput prona est.

Nec ut sanguis in divaricationibus subsistat, nec in ramos exiles, vel in magis apertos & capaces totus irruat; nam positę etiam sunt ubi nullę divaricationes; licet frequentiores conspiciantur (fateor) ubi divaricationes sunt.

Nec ut motus sanguinis à centro corporis retardetur; verisimilius enim est tarde factis sua sponte, è majoribus in minores ramu-


los intrudi, à massa & fonte separari, aut è locis calidioribus in frigidiora migrare.


Sed omnino valvulæ factæ sunt, ne, à venis magnis in minores, moveretur sanguis, & sic illas dilaceraret, aut varicosas efficeret; neve à centro corporis in extrema, sed potius ab extremitatibus ad centrum progredere-tur. Itaque ab hoc motu valvulæ tenues facile occluduntur, & sibi contrarium omnino supprimunt: sic enim positæ & ordinatæ, ut si quid per cornua superiorum minus prohiberetur transitu, sed quasi per rimas elaberetur, convexitas subsequantium transversum posita id exciperet, & listeret ne ulterius transiret.

Ego illud sæpissime in dissectione exper-tus sum, si, à radice venarum initio facto, versus exiles ramos specillum immitterem (quanto potuerim artificio) ob impedimen-tum valvularum longius impelli non po-tuiss; contra vero forinsecus à ramulis radice-m versus, facillime.

Pluribus in locis, valvulæ binæ ad in-vicem ita positæ & aptatæ sunt, ut ad a-mussum (dum elevantur) in media venæ cavitate cohæreant & uniantur, extremita-tibus & convexis, invicem; ut neque visu cernere, neque satis explorare rimulam aut coitum liceat: contra vero forinsecus intro immisso stylo cedunt, & (valvula-rum,


1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100






rum, quibus cursus fluminum inhibentur, in morem) facillime reclinantur, ut motum sanguinis, profectum à corde & vena cava, intercipient, & ad amussim pluribus in locis (elevatæ invicem dum clauduntur) omnino inhibeant & suppriment; neque sursum ad caput, neque deorsum ad pedes, neque ad latera brachii, sanguinem à corde moveri (ita sunt constitutæ) usquam sinant; sed motui omni sanguinis, qui à majoribus venis auspicatus in minores desinit, adversentur & obsistant: ei vero qui à venis exilibus incipiens in majores delinit, obsecundent, liberamque & patentem viam expédiant.

Sed quo veritas hæc apertius elucescat; ligetur brachium supra cubitum vivo homini, tanquam ad mittendum sanguinem; A A: per intervalla apparebunt, præcipue in rusticis & varicosis, tanquam nodi quidam & tubercula, B, C, DD, E, F, non solum ubi est divaricatio E, F, sed etiam ubi nulla; [C, D] & isti nodi à valvulis fiunt. Hoc modo apparentibus in interiore parte manus vel cubiti, si à nodo O, inferius, pollice vel digito comprimendo, sanguinem deduxeris ad H secundæ figuræ, videbis nullum (inhibente omnino valvula) subsequi posse; & venæ portionem (H, O, secundæ figuræ) intra tuberculum, digitum deductum,







tractum, obliteratedam, & tamen supra tuberculum vel valvulam (O, G) satis distantam; imo si ita detractum sanguinem, & venam inanitam (H) retinueris, & altera manu venæ (O tertiæ figuræ) partem superiorem distantem, deorsum compresseris (K tertiæ) nulla vi cogi aut impelli trans valvulam (O) posse videbis; sed quanto majori conatu hoc feceris, videbis tanto magis ad valvulam vel tuberculum (O tertiæ) venam turgentem, distantem, & tamen inferius vacuum esse (H, O, tertiæ figuræ.)

Hoc, cum pluribus locis experiri quis possit, apparet valvularum officium in venis idem esse, cum sigmoidum & tricuspdatum, quæ in orificio aortæ & venæ arteriosæ fabricatæ sunt; videlicet, ut ad amissum claudantur, ne retro sanguinem transeuntem remeare sinant.

Præterea ligato brachio uti prius (A, A) & venis turgentibus, si infra tuberculum aliquid sive valvulam, venam firmaveris per aliquod spatium (L fig. 4) & postea sanguinem sursum, usque supra valvulam (N digito (M) compuleris, vacuum illam partem venæ permanere videbis (L, N) nec retro per valvulam regredi possit (H, O, 2 figuræ) ablato vero digito tertiæ, vel L quartæ figuræ) rursus repelli ab inferioribus, & esse ut (D, 1) prima





primæ) ut hinc sursum , ab inferioribus ad superiora & ad cor , sanguinem moveri in venis, & non contrario modo, plane constet.

Licet aliquibus in locis à valvulis , quæ non ita ad amussim clauduntur, aut ubi unica solum est , transitus sanguinis à centro non videatur prorsus impediri ; tamen ut plurimum ita apparet; vel saltem, quod aliquibi negligentius fieri visum est , illud , ex subsequantium in ordine valvularum, vel frequentia, vel diligentia, vel alio modo videtur compensari; adeo ut venæ , viæ patentæ & apertæ sint, regredienti sanguini ad cor, progredienti vero à corde omnino occlusæ.

Notandum hoc insuper, ligato ut prius brachio & venis turgentibus , apparentibus nodis sive valvulis , si infra aliquam valvulam , in loco ubi subsequentem inveneris, pollicem, qui venam firmet, applicueris, ne quid à manu sursum sanguinis progrediat; digito tum sanguinem ab illa venæ portione , sursum supra valvulam [L, N] exprime, ut ante dictum est ; & ablato digito [L] finito rursus repleti ab inferioribus , ut [D, C] & rursus premente pollice, identidem, sursum, exprime sanguinem [L, N, & H, O] & hoc millies in brevi tempore facito.

Jam si rem supputaveris , quantum una
com-

compressione , sursum moveatur valvulam supprimendo , & facta per numerum millenarium multiplicatione , tantum sanguinis hoc modo per unius venæ partem , in non longo tempore, transmissum reperies , ut de circuitu sanguinis, & ab ejus celeri motu, te persuasissimum sensurus sis.

Sed ne hoc experimento naturæ vim afferri dicas ; in longe distantibus valvulis, illud si feceris, observaverisque ablato pollice, quam cito , & quam celeriter , sanguis sursum recurrat, & venam ab inferiori parte repleat, illud ipsum exploratum tibi fore non dubito.

C A P. XIV.

conclusio demonstrationis de sanguinis circuitu.

IAm denique nostram de circuitu sanguinis sententiam ferre , & omnibus proponere liceat.

Cum confirmatum sit, rationibus & ocularibus experimentis, quod sanguis, per pulmones & cor , pulsu ventriculorum pertranseat, & in universum corpus impellatur & immittatur , atque in venas & porositates carnis obrepat, & per ipsas , undique de circumferentia ad centrum, ab exiguis venis in majores remeet ; unde in venam cavam,
ad

ad auriculam cordis tandem veniat, tanta copia, tanto fluxu, refluxu, hinc per arterias illuc, & illinc per venas huc retro, ut ab assumptis suppeditari non possit, atque multo quidem majori (quam conveniret nutritioni) proventu: necessarium est concludere, circulari quodam motu, in circuitum, agitari in animalibus sanguinem & esse in perpetuo motu; & hinc fieri actionem sive functionem cordis, qua pulsum peragit, & denique, motus & pulsus cordis causam unicam esse.

C A P. XV.

Sanguinis circuitus rationibus verisimilibus confirmatur.

SEd hoc etiam subungere non abs re fuerit, quod secundum communes quasdam ratiocinationes, ita est conveniens & necessarium. Primum (*Aristot. de respirat. & libr. 2. & 3. de partibus animalium & alibi*) cum mors sit corruptio propter calidi defectum, & viventia omnia calida, mortua frigida sint, locum & originem esse oportet caloris (quasi lares focusque) quo naturæ fomes & primordia ignis nativi, contineantur & conserventur; à quo calor & vita in omnes partes, tanquam ab origine, profluant, alimentum adveniat, concoctio & nutritio & omnis denique vegetatio dependeat.

Hunc

Hunc autem locum , unde principium vitæ, cor esse (eo quo dictum est modo) neminem velim dubitare.

Sanguini itaque motu opus est, atque tali, ut ad cor rursus revertatur; nam in externas corporis partes amandatus , longe (ut *Arist. 2. de partib. animal.*) à suo fonte, immotus coagularetur: motu enim in omnibus calorem & spiritus generari & conservari videmus, quiete evanescere. Cum itaque sanguis in externis partibus subsistens, à frigore extremorum & aeris ambientis geletur & spiritibus (uti in mortuis) destituatur ; ut rursus à fonte & origine, tam calorem quam spiritus , & omnino præservationem suam repetat , & revertendo redintegret necesse est.

Videmus, à frigore exteriori, extremitates aliquando algere, ut lividi & nasus & manus & genæ, quasi mortuorum , appareant ; quia sanguis in ipsis (qualis cadaverum, locis pronis solet decumbere) consistat: unde membra adeo torpida & ægre mobilia evadunt, ut vitam pene amisisse videantur. Nullo modo profecto rursus (præsertim tam cito) calorem , colorem & vitam recuperarent, nisi novo ab origine affluxu & appulsu caloris foverentur. Attrahere enim quomodo possent, quibus calor & vita pene extincti sunt ? aut quibus meatus condensati , & gelato

gelato sanguine repleti, quomodo adveniens admitterent alimentum & sanguinem, nisi contentum admitterent? nisi omnino cor esset hujusmodi principium, unde (his refrigeratis) remanarent vita & calor (ut *Aristot. respirat. 2.*) & unde novo, per arterias transmissio sanguine calido, spiritibus imbuto, quod frigesactum & effœtum est propelleretur, & omnes particulæ, calorem languidum & vitalem fomitem pene extinctum repararent?

Hinc ita est, ut cæteris omnibus partibus & vitam restitui, & sanitatem recuperari, corde illæso, contingere possit: corde vero vel refrigerato, vel vitio gravi aliquo affecto, totum animal pati & corruptum iri necesse est.

Quando principium corrumpitur & patitur, nihil est (ut *Aristot. 3. de partib. animal.*) quod aut ipsi, aut cæteris quæ ab ipso pendeant, præbere auxilium potest.

Hinc obiter forsan petenda ratio est, cur mœrore, amore, invidia, curis & hujusmodi coactis, tabes & extenuatio contingant, aut cacochymia & proventus cruditarum, quæ morbos plurimos inducunt & homines conficiunt: omne namque animi pathema, quod cum dolore & gaudio, spe, aut anxietate humanas exagitat mentes, & ad cor usque pertingit, & ibi mutationem à natu-

naturali constitutione , intemperie & pulsu & reliquis facit , illud in principio totum alimentum inquinando & vires infirmando, minime mirum videri debet, quod varia genera morborum incurabilium , in membris & corpore, subinde procreet; quandoquidem totum corpus, in illo casu , vitiato alimento & inopia calidi nativi, laborat.

Præter hæc cum alimento vivant omnia animalia interius concocto , necesse est concoctionem perfectam esse , simul & distributionem ; & proinde locum & conceptaculum , ubi perficiatur alimentum & unde derivetur in singula membra. Hic locus autem cor est ; cum solum ex omnibus partibus (quamvis in vena & arteria coronali privato usui) in cavitatibus suis tanquam in cisternis, & promptuario (auriculis scilicet & ventriculis) publico usui, sanguinem contineat: reliquæ omnes partes, sui ipsius tantum causa & privato usui, in vasis duntaxat, habeant. Adde : cor solum ita situm & constitutum est, ut inde pulsu suo , in omnes partes (idque secundum justitiam & proportionem cavitatum arteriarum , unicuique particulæ inservientium) æqualiter dispenset , distribuat , & indigentibus (quali è thesauro & fonte) hoc modo largiatur.

Amplius; ad hanc distributionem & motum sanguinis , impetu & violentia opus est
&

& impulsore, quale cor est. Adde; sanguis sponte sua versus principium (quasi pars ad totum, vel gutta aquæ sparsæ super tabulam ad massam) facile concentratur & coit: uti celerrime à levibus causis solet, scilicet frigore, timore, horrore & hujusmodi aliis.

Præterea, è venis capillaribus in parvas ramificationes & inde in majores exprimitur motu membrorum & à musculorum compressione: proclivis etiam est & magis pronus sanguis, ut à circumferentia moveatur in centrum, quam contra, quoniam valvulæ impedimento nullæ sunt. Unde sequitur; si principium relinquit, & loca stricta & frigidiora init, & contra spontaneum movetur sanguis, violentia opus habere & impulsore: tale cor solum est, quod dictum est modo.

CAP. XVI.

Sanguinis circuitus ex consequentibus probatur.

Sunt insuper problemata, quæ, ex hac veritate supposita, tanquam consequentia, ad fidem faciendam (veluti à posteriore) non sunt inutilia: hæc licet multa ambiguitate & obscuritate involuta videantur esse, tamen & rationem & causas assignari facile patiuntur.

E

Vide;

Videmus in contagione, ictu venenato, & serpentum aut canis rabidi morfu, in lue venerea, & hujusmodi, illæsa particula contacta, tamen totum habitum contingere vitari: lues venerea, illæsis aliquando genitalibus, primo omnium vel scapularum, vel capitis dolore, vel aliis symptomatibus, sese prodere solet. Vulnere, facto à morfu canis rabidi, curato, febrem tamen & reliqua horrenda symptomata supervenisse experti sumus. Quoniam, in particulam impressum contagium, una cum revertente sanguine ad cor ferri & totum corpus postea inquinare posse, hinc patet. In tertianæ febris principio, morbifica causa cor petens, circa cor & pulmones quando immoratur, anheloses, suspiriosos & ignavos facit; quia principium aggravatur vitale, & sanguis in pulmones impingitur, incrassatur, non transit (hoc ego ex dissectione illorum qui in principio accessionis mortui sunt, expertus loquor) tunc semper pulsus frequentes, parvi & quandoque inordinati sunt; ab adaucto vero calore, attenuata materia, apertis viis & transitu facto, incalescit universum corpus, pulsus majores fiunt & vehementiores, ingravescente paroxysmo febrili. Calor, scilicet præter naturalis, accensus in corde, inde in totum corpus per arterias diffunditur, una cum materia morbifica, quæ

eo modo à natura exsuperatur & dissolvitur.

Cum etiam exterius applicata medicamenta vires intro exerceant suas, ac si intro sumpta essent, (colocynthis & aloe ventrem solvunt, cantharides urinas movent, allium plantis pedum alligatum expectorat & cordialia roborant, & hujus generis infinita) hinc constat forsàn non irrationabiliter dici, venas per orificia, ab exterius admotis, absorbere aliquid & intro cum sanguine deferre, non alio modo, quam illæ in mesenterio, ex intestinis chylum exsugunt & ad jecur una cum sanguine apportant.

In mesenterio etiam sanguis, per arterias coeliacas, mesentericam superiorem & inferiorem ingressus, ad intestina progreditur: à quibus, una cum chylo in venas attracto, per illarum frequentissimas ramificationes in portam jecoris revertitur, & per ipsum in venam cavam. Sic contingit, ut sanguis, in his venis, eodem sit imbutus & colore & consistentia, qua in reliquis; contra quam plures opinantur.

Nam duos contrarios motus in capillari propagine, chyli sursum, sanguinis deorsum, convenienter & probabiliter fieri, existimare necesse esset.

Sed an non summa naturæ providentia hoc sit? si enim chylus cum sanguine, crudus

cum concocto, æquis portionibus confunderetur, non concoctio, transmutatio & sanguificatio exinde proveniret; sed magis (cum invicem activa & passiva sint) ex alteratorum unione mistio, & medium quid, (ut in confusione vini cum aqua oinocraton;) jam vero quando multo cum præterlabente sanguine, exigua portio chyli hoc modo admixta sit, & quasi nulla notabili proportionem, contingit illud facilius quod (ut ait *Aristoteles*) cum una gutta aquæ indita vini dolio, aut è contra, totum non mistum, sed vel vinum vel aqua sit. Ita in venis meseraicis dissectis, nec chymus, nec chylus & sanguis separati, sed confusi reperiuntur, & idem qui in reliquis venis sanguis colore & consistentia ad sensum apparet. In quo tamen quia chyli quiddam incoctum (licet insensibiliter) insit, natura jecur apposuit, in cujus mæandris moras trahit ut plenioris transmutationem acquirat, ne præmature crudum ad cor perveniens, vitæ principium obruat.

Hinc in embryone pœne nullus usus jecoris, ubi vena umbilicalis jecur manifeste integra pertransit; nam à porta jecoris extra foramen vel anastomosis, ut sanguis regrediens ab intestinis fœtus, non per jecur, sed in dictam umbilicalem transiens, cor (cum materno sanguine revertente à placenta uteri)

utēri) petat, unde etiam, in prima fœtus conformatione, jecur posterius fieri, contingit. Nos etiam, in fœtu humano, observavimus, perfecte delineata omnia membra, imo genitalia distincta, nondum tamen jecoris posita pœne fuisse rudimenta. Et sane quousque membra (ut vel cor ipsum in initio) alba omnia apparent, & præterea in venis nequidquam ruboris continetur, nihil præter rudem quasi extravasati sanguinis collectionem loco jecoris videbis, quam contusionem quandam, vel ruptam venam existimares.

Sunt in ovo duo quasi vasa umbilicalia ; unum ab albumine, integrum pertransiens jecur & ad cor recta tendens ; alterum à luteo in venam portæ desinens ; quippe contingit in ovo pullum, primum ex albumine tantum formari & nutriri, à luteo vero post perfectionem & exclusionem : nam intra intestina in ventre pulli contentum, post multos dies ab exclusione, potest luteū reperiri, & respondet nutrimento lactis cæterorum animalium.

Sed hæc convenientius in observationibus circa fœtus formationem ; ubi hujus generis possunt esse problemata plurima ; cur hoc prius factum aut perfectum sit, illud posterius, & de principatu membrorū, quænam particula alterius causa sit ; circa cor

etiam plurima : uti, cur primum (ut *Aristot. de part. anim. 3.*) consistens factum sit & habere videatur in se vitam, motum & sensum, antequam quidquam reliqui corporis perfectum sit : & similiter de sanguine, quare ante omnia, & qualiter principium vitæ & animalis in se habeat ; cur moveri atque huc illuc impelli desideret : dein cujus causa cor factum fuisse videatur.

Eodem modo in pulsum speculatione ; cur videlicet isti lethales, aut contra ; & in omnibus generibus, ipsorum causas & præfagia contemplando, quid isti significant, quid hi, & quare.

Similiter in crisis & expurgationibus naturæ, in nutritione, præsertim distributione alimenti, similiter & omni fluxione.

Denique in omni parte medicinæ, Physiologica, Pathologica, Semeiotica, Therapeutica, cum quot problemata determinari possint ex hac data veritate & luce ; quanta dubia solvi & quot obscura dilucidari, animo mecum reputo, campum invenio spatiosissimum, ubi longius percurrere & latius expatiari adeo possum, ut non solum in volumen excreceret, præter institutum meum, hoc opus, sed mihi forsitan vita ad finem faciendum deficeret.

Hoc itaque loco (*sequente videlicet capitulo*) solummodo, quæ in administranda Anatomie

anatomie circa fabricam cordis & arteriarum apparent, ad suos usus & causas veras referre enitar : ibi enim quo me convertam, plurima, quæ ex hac veritate lucem recipiunt, & hanc vicissim illustriorem reddant, reperiuntur ; quæ Anatomicis argumentis firmata & exornata præ cæteris velim.

Est unum, quod, licet inter observationes nostras de lienis usu, locum habere deberet, tamen hic quoq; obiter annotare non erit impertinens. A ramo splenico in pancreate deducto, è parte superiore, venæ oriuntur, coronalis postica, gastrica & gastroepiploica, quæ omnes plurimis surculis & ramificationibus in ventriculum (veluti metæraicæ in intestina) disseminentur ; similiter, à parte inferiori illius splenici, deorsum in colon & longanone usque, deducitur vena hæmorrhoidalis ; per has venas utrinque sanguis regrediens, & succum crudiorem secum (hinc à ventriculo aqueum, tenuem nondum perfecta chylicatione ; illinc crassum & terrestriorem tanquam è sæcibus) reportans, in hoc ramo splenico, contrariorum permissione, convenienter attemperatur, & ambos hos succos difficilioris coctionis (propter contrarias tantum indispositiones) natura permiscendo, & multa copia calidioris sanguinis, à liene uberrime (propter multitudinem arteriarum) scaturientis, super-

infusa, magis præparatos, ad jecoris portam adducit, & defectum utrorumque, tali venarum fabrica, supplet & compensat.

CAP. XVII.

Confirmatur sanguinis motus & circuitus, ex apparentibus in corde, & ex iis, quæ ex dissectione Anatomica patent.

COR non in omnibus animalibus invenio distinctam esse & separatam particulam; alia enim (quasi dicas) Plant-animalia cor non habent; & quæ animalia sunt frigidiora, exiguæ corpulentia, mollioris texturæ, & similis cujusdam constitutionis (ut erucarum genus & lumbricorum & plurima quæ ex putredine oriuntur, non servantia speciem) iis cor non est, ut quibus impulso non opus sit, quo alimentum in extrema deferatur; corpus enim connatum & unum, absque membris indistinctum habent, sic ut contractione & relaxatione totius corporis, introsument & expellant, moveant & removeant alimentum.

Plant-animalia dicta, Ostrea, Mytili, Spongiæ & Zoophytorum genera omnia, cor non habent; pro corde enim toto corpore utuntur, & quasi cor, hujusmodi animal est.

In plurimis & pœne omnibus insectorum generibus, propter corpulentia exiguam,

cor

cor recte discernere non possumus; attamen in apibus, muscis, crabronibus & hujusmodi aliquando (ope perspicilli) licet.

Pulsans quiddam intueri, etiam in pediculis, in quibus & transitum alimenti per intestina (cum translucidum sit animal) instar maculae nigrae cernere insuper clare poteris, multiplicantis illius specilli ope.

Sed in exanguibus & frigidioribus quibusdam, ut cochleis, conchis, squillis crustatis & similibus inest pulsans particula, quasi vesicula quaedam vel auricula sine corde, rarius contractionem & pulsus suum faciens, & quem non, nisi aestate aut calidiori tempestate, discernere licet: in his ita se habet ista particula.

Impulsi aliquo opus est, ad alimenti distributionem, propter parvum organicarum varietatem, aut densitatem substantiae: sed rarius fiunt pulsationes, & quandoque omnino non, ob frigiditatem, prout conveniens illis est, quia dubiae sunt naturae, ita ut quandoque vivere, quandoque emori, videantur, & quandoque vitam animalis agere, quandoque plantae.

Hoc etiam insectis videtur contingere, cum hyeme lateant, & quasi mortua occultentur, vel plantae vitam tantummodo agant: sed an idem etiam quibusdam sanguineis animalibus accidat, ut ranis, testudinibus, serpentibus, hirundinibus, non injuria dubitare licet.

In animalibus paulo majoribus & calidioribus, utpote sanguineis, impulsore alimentati & vi forsan majori pollente, opus est: proinde (uti piscibus, serpentibus, lacertulis, testudinibus, ranis & hujusmodi aliis) tum auricula, tum cordis ventriculus unus est. Unde & verissimum illud (*Aristot. de part. animal. 3.*) quod nullum sanguineum animal careat corde, quo impulsore validius & robustius redditur, & non solum ab auricula agitur alimentum, sed ab hoc longius & celerius protruditur.

Qui in adhuc majoribus, calidioribus & perfectioribus animalibus (utpote plurimo ferventiori & spirituoso sanguine abundantibus) quo protrudatur fortius, celerius & impetu majori, propter corporis magnitudinem, aut habitus densitatem, alimentum, in his robustum cor magis & carnosius desideratur.

Insuper, quia perfectioribus, perfectiori opus alimento & uberiori calore nativo, ut alimentum concoquatur & ulteriorem perfectionem nanciscatur, illis animalibus, pulmones habere & alterum ventriculum, qui per ipsos alimentum trumat, conveniebat.

Sic quibuscunque insunt pulmones, illis duo ventriculi cordis dexter & sinister; & ubicunque dexter ibi sinister quoque inest, non è contra ubi sinister ibi dexter quoque:
(sinistrum

(sinistrum voco ventriculum, usu non vero
 seu distinctum, videlicet qui sanguinem in
 totum corpus diffundat, non in pulmones so-
 lum) hinc sinister ventriculus per se cor effi-
 cere videtur, & in medio situs, scrobiculis al-
 tioribus ita insculptus & majori diligentia
 fabrefactus est; ut cor sinistri ventriculi gra-
 tia factum videatur, & dexter ventriculus
 quasi famuletur sinistro, nec ad conum ejus
 pertingat, & tenuiori triplo pariete sit, &
 quasi articulationem quandam (ut *Aristot.*)
 supra sinistrum habeat & majorem capacita-
 tem, utpote, qui non solum sinistro materi-
 am, sed & pulmonibus alimentum praebeat.

Notandum vero, quod in embryone aliter
 se habeant ista, & non tanta differentia sit
 ventriculorum, sed (tanquam in nuce nuclei
 gemelli) æqualiter pene se habeant, dextri
 conus ad sinistri summitatem pertingat, ut
 cor in his tanquam duplici apice in cono sit.
 Hæc fiunt quoniam in his (dum sanguis non
 transit per pulmones, utique de dextro cor-
 dis sinu in sinistrum) ambo ventriculi,
 per foramen ovale & transitum arteriosum
 (ut dictum est) idem officium traducendi
 sanguinem, è vena cava in arteriam ma-
 gnâ, pariter præstant, & in universum cor-
 pus inæqualiter, unde æqualis consti-
 tutio.

Cum vero pulmones usui esse & uniones
 dictas

dictas occludi, sit tempestivum, tum hæc differentia ventriculorum incipit in robore, ut reliquis, esse; quia dexter duntaxat per pulmones, sinister per totum corpus impellit.

Sunt ultra hæc etiam in corde lacertuli (ut ita dicam) sive carnosæ virgulæ & fibrosi nexus plurimi, (quos *Aristot. lib. de respir. & de part. anim. 3.* Nervos vocat) qui partim separatim diverso modo tenduntur, partim in parietibus & mediastino (altis factis scrobiculis) sulcatim reconditi sunt tanquam musculi quidam parvi; qui ad robustiorem & ad validiorem impulsu sanguinis & constrictionem cordis, quasi succenturiantur & superadduntur cordi, ad ulteriorem expulsionem sanguinis auxiliares, & ut (tanquam in navi funium diligens & artificiosus apparatus) corde undiquaq; se contrahente, undique adjumento forent, & sanguinem plenius & validius è ventriculis expellerent.

Hoc autem manifestum ex eo; quod quibusdam animalibus sint, quibusdam minime; & omnibus quibus sunt, illis plures & fortiores in sinistro, quam dextro: quibusdam animalibus, in sinistro sunt, dextro vero nequaquam: in hominibus, plures in sinistro quam dextro ventriculo, & plures in ventriculis quam auriculis, & aliquibus in auriculis quasi nulli: in torosis, musculosis
&

& agrestibus corporibus & durioris habitus plures; in tenellis corporibus & foeminis, pauciores.

In quibus animalibus ventriculi cordis intus leves, omnino absque fibris & lacertulis, neque scrobiculis fissi sunt (ut avibus minoribus pœne omnibus, serpentibus, ranis, testudinibus & hujusmodi, perdice etiam, gallina, piscium maxima parte) in his neque nervi sive fibræ dictæ, neque valvulae tricuspidales in ventriculis reperiuntur. Quibusdam animalibus dexter ventriculus intus levis est, sinister vero fibrosos illos nexus habet, ut in anserem, cygno & avibus majoribus: in his eadem est ratio, quæ in omnibus; cum spongiosi, rari & molles sint ipsis pulmones, ad protrusionem sanguinis per ipsos vim tantam non desiderant; proinde in dextro ventriculo aut non sunt illis fibræ, aut pauciores & infirmiores, nec ita carnosæ, aut musculos æmulantes: in sinistro vero sunt robustiores & plures, carnosiores & musculosi; quia sinister ventriculus majori robore & vi opus habet, quo per universum corpus longius sanguinem prosequi debet.

Hinc etiam medium cordis possidet, & triplo crassiorē parietem & robustior est sinister ventriculus dextro. Hinc omnia animalia, etiam homines, quo densiori, duriori
&

& solidiori habitu sunt carnis, & quo magis carnosa & lacertosa habent extrema membra & magis à corde distantia, eo magis fibrosum, crassum, robustum & musculosum habent cor, idque manifestum est & necessarium: quo contra rariori textura & molliori sunt habitu & corpulentia minore, flaccidum magis, mollius & intus minus (aut non omnino) fibrosum & enervatum cor gerunt.

Valvularum similiter usum considera; quæ ideo factæ, ne semel emissus sanguis in cordis ventriculos regeratur, & tam in orificio arteriæ quam venæ (dum sursum elevata & invicem conjunctæ triquetram lineam, qualis ab hirudinum morso relinquitur, effingunt) quo arctius obseratæ, sanguinis refluxum arceant.

Tricuspidēs in introitu, venæ cavæ & arteriæ venosæ janitores sunt, ne, cum maxime impellitur sanguis, retro labatur; ea de causa non insunt omnibus animalibus; neque quibus insunt, eadem naturæ solertia factæ apparent, sed in aliis exactius, in aliis remissius & negligentius clauduntur, pro majori vel minori impulsione à ventriculorum constrictione. Ideo in sinistro ventriculo, uti ad majorem impulsione diligentior oclusio fiat, duæ tantum sunt instar mitræ, habentes, ut arctissime claudantur, longe

longe usque in eorum, per ejus medium, pertingentes lacertulas. Hæc res imposuit forsan *Aristoteli*, ut hunc ventriculum duplicem, sectione per transversum facta, existimaret. Ne retro in arteriam venosam labatur sanguis, & exinde robur sinistri ventriculi exsolvatur, in propellendo per universum corpus, ideo valvulæ istæ, mole & robore & exacta clausura, longe in dextro positas exsuperant. Hinc etiam necessario nullum cor sine ventriculo conspicitur, cum lacunar, fons & promptuarium esse sanguinis debeat. Idem vero in cerebro esse non semper contingit; avium enim genera, pœne omnia, nullum habent in cerebro ventriculum, ut patet in anser & cygno: horum cerebrum, quamvis à cuniculi cerebro pœne magnitudine æquetur, cuniculi tamen ventriculos in cerebro habent, anser non habet. Similiter ubicunque cordis ventriculus unus, ibi una auricula appendet, flaccida, cuticularis, intus cava, sanguine referta; ubi duo ventriculi, duæ similiter auriculæ. Contra vero aliquibus auricula duntaxat inest animalibus, vel saltem vesica auriculæ analogæ, vel vena ipsa dilatata (non autem cordis ventriculus) cordis loco pulsum faciens, uti apparet in crabronibus & apibus & aliis insectis; quæ non solum pulsum habere, sed & respirationem in illa parte quam caudam

dam nominant, experimentis quibusdam me posse demonstrare arbitror: unde ipsam elongari & contrahi contingit modo frequentius, modo rarius, prout anhelosi magis videntur, & aere magis indigere: sed de his in *Traſſatu de reſpiratione*.

Auriculas ſimiliter pulſare apertum eſt, & ſeſe contrahere (ut ante dixi) & ſanguinem in ventriculos conjicere; unde ubicunque ventriculus, ibi auricula eſt neceſſaria; non ſolum, quod vulgo creditur, ut ſit ſanguinis receptaculum & promptuarium (quid enim opus eſt pulſatione ad retinendum?) ſed motores primi ſanguinis ſunt auriculæ, præfertim dextra, primum vivens & ultimum moriens (ut ante dictum) quare neceſſariæ, ut ſcilicet ſanguinem in ventriculum ſubſervientes infundant. Ventriculus vero continuo (ſeipſum contrahendo) jam ante in motu exiſtentem ſanguinem commodius elidit & violentius propellit; uti cum ludis, pilam fortius & longius, à reverberatione percutiendo quam ſimpliciter projiciendo, impellere poteris. Quin etiam contra vulgarem opinionem, quia, neque cor neque aliud quidquam, ſeipſum extendere ſic poteſt, ut in ſeipſum attrahere ſua diſtole quicquam poſſit, (niſi ut ſpongia vi prius compreſſa, dum redit ad conſtitutionem ſuam) ſed omnem motum localem in animalibus pri-

rum fieri, & principium sumplisse constat à contractione alicujus particulæ, ideo à contractione auricularum conjicitur sanguis in ventriculos, ut ante patefeci, & inde à contractione ventriculorum ulterius projicitur & transfertur.

Quæ veritas de motu locali & quod immediatum organum motivum, in omni motu omnium animalium, quibus spiritus motivus (ut *Aristoteles* dicit *lib. de spiritu* & alibi) primo inest, sit contractile, & (quemadmodum *ῥέγειν* à *ῥέω*, *nuto*) à contrahendo dicatur; & quod *Aristoteles* musculos cognoverit, cum operam omnem & motum in animalibus retulit ad nervos sive ad contractile & proinde illas lacertulas incordē nervos appellaverit; si quando de motivis organis animalium & de musculorum fabrica, ex observationibus nostris, quandoque demonstrare liceat, palam arbitror fore.

Quin institutum prosequentes, de auricularum usu (quem ad ventriculos implendos sanguine ante demonstravimus esse) contingere videmus, quo magis densum, compactum cor & pariete crassiore est, eo auriculas nervosiores & magis musculosas, ad impellendum & implendum esse; quibus vero contra, iis tanquam vesica sanguinea & membrana continens sanguinem apparet, ut

in piscibus ; ibi enim tenuissima & adeo am-
pla est vesica, quæ auriculæ loco est, ut super
ipsam cor natare videatur: at quibus piscibus
carnosior paulo illa vesica est, perbelle pul-
mones æmulari & ementiri videtur : ut in
cyprino, barbo, tinca & aliis.

In aliquibus hominibus, torosis videli-
cet & durioris habitus, dextram auriculam
ita robustam, & cum lacertulis & vario fi-
brarum contextu intus affabre concinna-
tam reperi ; ut aliorum ventriculis robore
videretur æquipollere; & mirabar sane quod
in hominibus diversis, tanta esset differen-
tia.

Sed notandum, quod in foetu auriculæ
longe majores, quam pro proportionem in-
sunt; quia, antequam cor fiat, aut suam fun-
ctionem præstet, (ut ante demonstratum est)
cordis quasi officium faciunt.

Sed quæ in formatione foetus observavi
(ut antea retuli, & *Aristoteles* in ovo confir-
mat) maximam huic rei fidem & lucem affe-
runt. Primum, dum foetus, quasi vermiculus
mollis, & (ut dicitur) in lacte est, inest so-
lum punctum sanguineum, sive vesicula pul-
sans, & umbilicalis venæ portio, in princi-
pio vel basi dilatata: postea cum foetus de-
lineatus, jam corpulentiam quandam du-
riorem habere incipit, ista vesica carno-
sior & robustior facta in auriculas (mu-
tata

tata constitutione) transit, super quas cordis corpus pullulare incipit, nondum ullum officium faciens publicum: formato vero foetu, cum jam distincta ossa à carnibus sunt, & perfectum est animal & motum habere sentitur, tum cor quoque, intus pulsans habetur, & (ut dixi) utroque ventriculo sanguinem è vena cava in arteriam transfundit.

Sic natura perfecta & divina, nihil faciens frustra, nec cuiquam animali cor addidit ubi non erat opus, neque, priusquam esset ejus usus, fecit; sed iisdem gradibus, in formatione cujuscunque animalis, transiens per omnium animalium constitutiones (ut ita dicam, ovum, vermem, foetum) perfectionem in singulis acquirit. Hæc alibi in foetus formatione, multis observationibus confirmanda sunt.

Denique non immerito *Hippocrates*, in libro de Corde, ipsum Musculum nuncupavit, cum eadem utriusque actio & idem officium sit, videlicet seipsum contrahere, aliud movere, nempe contentum sanguinem.

Insuper ex fibrarum constitutione, motivaque fabrica, ut in musculis ipsis, cordis actionem & usum licet cernere. Omnes Anatomici cum *Galeno* annotarunt, cordis corpus fibrarum ductu, videlicet recto, transverso & obliquo fabrefactum esse,

At in corde elixo, aliter se habereprehenditur fibrarum structura: omnes enim fibræ in parietibus & septo circulares sunt, quales in sphinctere; illæ vero, quæ sunt in lacertulis secundum longitudinem exporrectis, obliquæ: sic fit, dum omnes fibræ simul contractæ sunt, ut contingat & conum ad basin à lacertulis adductum esse, & parietes in orbe circumclusas & cor undique contractum esse, & ventriculos coarctari; proinde, cum ipsius actio sit contractio, functionem ejus esse sanguinem in arterias protrudere, existimandum est.

Nec minus *Aristoteli de principatu cordis* assentiendum; à cerebro motum & sensum non accipere, nec à jecore sanguinem; sed principium venarum & sanguinis esse & hujusmodi

Qui ipsum redarguere conantur, illud principale argumentum omittunt, aut non intelligunt, quod cor nempe primum subsistens sit, & habeat in se sanguinē, vitam, sensum, motū, antequam aut cerebrum aut jecur facta erāt, vel plane distincta apparuerant, vel saltem ullam functionem edere potuerant.

Adde; suis propriis organis ad motum fabricatis, cor, tanquam animal quoddam internum, diutius consistit: quasi, hoc primo facto, ab ipso postea fieri, nutrirī, conservari, perfici, totum animal, tanquam hujus opus

opus & domicilium, natura voluisset : cor tanquam in republica princeps, penes quem primum & summum imperium ubique gubernans sit ; à quo tanquam ab origine & à fundamento omnis in animali potestas derivetur & dependeat.

At amplius circa arterias plurima similiter veritatem hanc illustrant & confirmant, quando consideratur cur arteria venosa non pulsatur, cum numeretur inter arterias ; aut cur in vena arteriosa pulsus sentitur, quando pulsus arteriarum à sanguinis impulsione est ; aut quod arteriæ in sua tunicarum crassitie & robore tantum à venis differant, quia sustinent impetum impellentis cordis & prorumpentis sanguinis.

Hinc, cum natura perfecta nihil faciat frustra, & in omnibus sit sufficiens, quanto arteriæ propinquiores cordi sunt, tanto magis à venis in constitutione differunt, & robustiores sunt & ligamentosæ magis ; in ultimis vero disseminationibus ipsarum, ut manu, pede, cerebro, mesenterio, spermaticis, ita constitutione similes sunt, ut oculari tunicarum inspectione, alterum ab altero internoscere difficile sit. Hoc autem iustis de causis sic se habet ; nam quo longius arteriæ distant à corde, eo minore multo vi, ictu cordis per multum spacium refracto, percutiuntur.

Adde,

Adde, quod cordis impulsus, cum in omnibus arteriarum truncis & ramulis sufficiens sanguini esse debeat, ad divisiones singulas quasi partitus imminuitur: adeo ut ultimæ divisiones capillares arteriosæ videantur venæ, non solum constitutione, sed & officio & sensibilem pulsum aut nullum aut non semper edant, nisi cum pulsat cor vehementius, aut arteriola in quavis particula dilatata aut aperta magis est. Inde fit ut in dentibus quandoq; & tuberculis, quandoque in digitis sentire pulsum, quandoque non possimus. Unde pueros (quibus pulsus semper sunt celeres & frequentes) hoc uno signo febricitare certo observavi; & similiter in tenellis & delicatulis, ex compressione digitorum, quando febris in vigore esset, facile ex pulsu digitorum percipere potui.

Ex altera parte, quando cor languidius pulsatur, non solum, non in digitis, sed nec in carpo aut temporibus pulsum sentire contingit, ut in lipothymia, hystericis symptomatibus, asphyxia, debilioribus & morituris.

Hic ne decipiantur, monendi sunt Chirurghi, quod, in amputatione membrorum, tumorum carnosorum excisione & vulneribus, sanguis vi prodeat quidem ab arteria, sed non semper cum saltu exeat; & quod exiles arteriæ non pulsan, præsertim si ligatura compressæ fuerint.

Præterea quod vena arteriosa non solum arteriæ constitutionem & tunicam habeat, sed quod tam multum, in crassitie tunicæ, non differat à venis, quam aorta; ratio est, quia majorem à sinistro ventriculo impulsu sustinet aorta, quam illa à dextro; ideo tanto molliori tunicarum constitutione, quā aorta est, quanto dexter ventriculus cordis & pariete & carne, sinistro infirmior; & quantum pulmones in textura & mollitie, ab habitu corporis & carnis recedunt, tantum differt venæ arteriosæ tunica, ab aortæ.

Semper hæc omnia ubique proportionem servant, in hominibus: quanto enim magis torosi, musculosi & durioris sint habitus, & cor habeant robustum, crassum, densum & fibrosum magis, tanto auriculas & arterias proportionabiliter in omnibus, crassitie & robore habent magis respondentes.

Hinc quibus animalibus, leves ventriculi cordis intus sunt, absque villis aut valvulis, & pariete tenuiore (ut piscibus, avibus, serpentibus & quam pluribus generibus animalium) in illis arteriæ parum aut nihil à venis differunt in tunicarum crassitie.

Amplius, pulmones tam ampla habent vasa, venam & arteriam, ut truncus arteriæ venosæ excedat utrosque ramos crurales & jugulares; & tanto referta sunt sanguine, ut per experientiam & autopsiam, monitu
etiam

etiam *Arist.* (nec decepti inspectione eorum, quæ vidimus in dissectis animalibus) sciimus, quod ex eorum vulnere sanguis totus effluxerit: causa est, quia in pulmonibus & corde promptuarium, fons & thesaurus sanguinis & officina perfectionis est.

Similiter arteriam venosam & sinistrum ventriculum abundare videmus (in Anatomica dissectione) tanta copia sanguinis & ejusdem quidem coloris & consistentiæ, quo dexter ventriculus & vena arteriosa replentur, similiter nigricante & grumescente; quoniam illinc huc continenter peragrat pulmones sanguis.

Denique vena arteriosa dicta, vulgo constitutionem arteriæ, arteria venosa venæ, habent: quia revera, officio & constitutione & omnibus, illa arteria, hæc vena est, contra quam vulgo creditur. Præterea vena arteriosa tam amplum habet orificium: quia multo plus defert sanguinis quam alendis pulmonibus sit necessarium.

Hæc omnia phænomena inter dissecandum observanda & plurima alia, si recte perpensa fuerint, ante dictam veritatem videntur luculenter illustrare & plane confirmare, simulque vulgaribus opinionibus adversari: cum, quando ob causam ita constituta sint hæc omnia, difficile cuiquam admodum sit (nisi quo nos modo) explicare.

Finis.

Exercitationes Anatomice Duæ

De Circulatione Sanguinis,

A D

J. R I O L A N U M,

J. Filium.

E X E R C I T A T I O I.

PRODIT non multis abhinc
 mensibus Clarissimi RIO-
 LANI Opusculum Anato-
 micum & Pathologicum, pro-
 pter quod, ipsissima authoris
 manu mihi transmissum, gratias lubens re-
 fero: gratulor equidem felicitati illius Vi-
 ri, quod institutum maxima dignissimum
 laude perficiendum susceperit.

Omnium morborum sedes ante oculos
 ponere, onus est, non nisi divino ingenio ex-
 amilandum; gravem sane subiit provinciam,
 qui morbos, pœne intellectus aciem fugien-
 tes, oculis prospiciendos tradidit. Decent
 hæc conamina. Anatomicorum principem:
 nulla enim est scientia, quæ non ex præex-
 istente cognitione oritur, nullaque certa &
 F. plene

plene cognita notitia, quæ non ex sensu originem duxit.

Quocirca res ipsa & tanti viri exemplum, laborem meum efflagitans, animum invitans, meam quoque Anatomiam medicam ad medicinæ usum maxime accommodatam literis mandare & huic adjungere. Non, ut ille, solum locos morborum ex cadaveribus sanorum indagando, & secundum mentem aliorum, morborum species, qui iis in locis videri potuissent, recensendo; sed ut, ex multis dissectionibus corporum ægrotorum, gravissimis & miris affectionibus confectorum, quomodo & qualiter partes interiores in situ, magnitudine, constitutione, figura, substantia & reliquis accidentibus sensibilibus, à naturali forma & apparentia (quam vulgo omnes Anatomici describunt) permutantur, & quam variis modis & miris afficiantur, enarrandum susceperem.

Sicut enim sanorum & boni habitus corporum dissectio plurimum ad philosophiam & rectam physiologiam facit; ita corporum morbosorum & cachecticorum inspectio potissimum ad pathologiam philosophicam. Quippe eorum, quæ sunt secundum naturam, contemplatio physiologica est prius à Medicis noscenda; quoniam, quod secundum naturam est, id rectum

rectum & tum sui tum obliqui regula, cujus luce errores affectusque præternaturales definiendo, Pathologia postea clarius innotescit; & ex Pathologia, usus & ars medendi, novaque plurima remedia inveniendi occasiones occurrunt.

Neque quisquam facile crederet, quantum in morbis, præsertim chronicis, interiora pervertantur, & quanta partium interiorum monstra in morbis gignantur. Ausim dicere, plus una dissectio & apertio tabidi, aut morbo aliquo antiquo vel venenato confecti corporis, ad medicinam attulit commodi, quam decem corporum strangulatorum.

Non igitur improbo doctissimi & expertissimi *Anatomici Riolani* institutum, sed summis laudibus celebrandum puto, quippe ad medicinam utile admodum, quod physiologicam partem illustrat: non minus interim medendi arti proficuum fore existimo, si non solum locos, sed una locorum affectus oculis conspiciendos exhiberem, vel observatos & perlustratos enarrarem, & ex multis meis dissectionibus experientiam meam recorderer.

Verum quæ, in illo libro, de circuitu sanguinis à me invento, traducta sunt, & ad me unice spectare videntur, à me perpen-

denda prius & potissimum veniunt. Non enim parvi faciendum, de re tanta, tanti viri iudicium (qui omnium, quotquot sunt illius aevi, Anatomie Princeps, Coryphæus æstimatur) sed plus, quam aliorum omnium vel applaudentium vel repugnantium, ducenda hujus unius viri sententia in gloriam, aut censura respicienda pensitanda. Ipse igitur *Enchir.* l. 3. c. 8. noster sanguinis nostrum in animalibus agnoscit, & in nostras partes nostramque decurrit sanguinis sententiam venit; non tamen ex toto & aperte: ait enim *lib.* 2. c. 2. quod sanguis in porta contentus non circuletur, ut sanguis in vena cava: & *lib.* 3. cap. 1. esse sanguinem qui circulatur, & vasa circulatoria esse, scilicet, aortam & venam cavam. Negat tamen eorum propagines circulationem recipere, quia effusus, inquit, sanguis in omnes partes secundæ & tertiæ regionis ibi remanet ad nutritionem; nec refluit ad majora vasa, nisi vi revulsus, in maxima inopia sanguinis vasorum majorum, vel impetu & æstu percitus affluat ad majora vasa circulatoria. Atque ita (paulo post) sive sanguis venarum perpetuo ascendat naturaliter, sive remeet in cor, sive sanguis arteriarum descendat sive decedat à corde; attamen, si venæ minores brachiorum & crurum fuerint depletæ, potest succedere vacuati, venarum sanguis descendere: quod

clare demonstravi, inquit, contra Harvæum & Wallæum. Et quia Galenus & quotidiana experientia confirmet anastomoses venarum & arteriarum, & necessitas circulationis sanguinis, videtis, inquit, quomodo fiat circulatio sanguinis citra perturbationem & confusionem humorum & veteris Medicinæ destructionem.

Quibus verbis apertum est, qua de causa peremptus clarissimus Vir sanguinis circuitum agnoscere partim, partim denegare voluit, & cur titubantem inconstantemque de circuitu opinionem astruere conetur. Nemo, ne veterem medicinam destrueret, non veritate ductus (quā non cernere non potuisset) sed magis ob cautelam, veretur aperte loqui, ne veterem medicinam offenderet, aut forsan ne traditam, ab ipso in Anatomicologia, Physiologiam retractare videretur. Nam sanguinis circuitus veterem medicinam non destruit, sed promouet magis; medicorum Physiologiam & speculationem de rebus naturalibus ostendit, quamvis doctrinam Anatomicam de usu & actione cordis, pulmonum, cæterorumque viscerum, redarguat. Hæc quod ita sint, facile cum ex ipsius verbis & confessione, tum ex iis, quæ hic subjungam, apparebunt; scilicet, totum sanguinem, ubicunque fuerit in corpore vivente, moveri & mutare locum.

locum (tam qui in venis majoribus & eorum propaginibus & fibris, quam qui in partium cujuscunque regionis porositatibus continetur) à corde fluere & ad cor refluere continue & continenter, & nusquam sine detrimento manere: licet, quod non repugnat, quandoque quibusdam in locis velocior aut tardior ejus motus fiat.

Primum itaque negat solummodo doctissimus Vir, sanguinem propaginibus venarum portæ contentum circulari; quod redargueret, neque negare potuisset, si vim argumenti sui non dissimulasset: ait enim (l. 3 c. 8.) *in singulis pulsationibus cor admittat guttam sanguinis, quam expellit in aortam, & intra horam bis millenas pulsationes edat, necessarium est magnam sanguinis portionem transire.* Idem quoque de mesenterio affirmare necessarium habet, quando, per arteriam coeliacam & mesentericas arterias, plus quam gutta sanguinis pulsationibus singulis intruditur & impingitur in mesenterium & ejus venas: adeo ut vel aliquo exire pro rata ingredientis portione debeat necessario, vel venarum portarum rami tandem disrumpantur.

Nec (quod hoc dubium solvit) probabiliter dici aut fieri potest, ut per eadem arterias influat & refluat, Euripi in morem, irritò & vano labore, sanguis mesenterii: nec relapsus è mesenterio per eadem

dem vias & transvasatio , qua exonerare voluit mesenterium sese in aortam , verisimilis est ; aut contra vim ingredienris prevalere contrario motu potest : nec datur vicissitudo ubi continue , continenter & incessanter, certum est influxum fieri : sed eadem necessitate , qua in corde arguitur sanguinem impactum in mesenterium alio exire, compellitur.

Hoc manifestum est , nam alias omnem circulationem eo argumento & subterfugio everteret ; si idem eadem verisimilitudine de cordis ventriculis dicendo , affirmaverit : quod nempe in systole cordis impellitur in aortam sanguis, & diastole remeat, aortaque sese in cordis ventriculos exonerat , ut ventriculi vicissim in aortam : atque ita neque in corde neque in mesenterio circulatio , sed fluxus & refluxus vicissitudinarius , vano labore , agigaretur. Si itaque in corde, ob dictam rationem à se probatam , necessario sanguinis circulatio arguitur , eadem argumenti vis in mesenterio quoque locum habet ; sin vero in mesenterio nullus sanguinis circuitus , neque similiter in corde : utraque enim affirmatio , hæc scilicet de corde illa de mesenterio, ejusdem argumenti vi, mutatis verbis , pendet stabiliturque aut cadit similiter.

Dicit , in corde impediunt regressum.

sigmoides valvulæ; nullæ sunt vero in mesenterio valvulæ. Respondeo neque hoc verum esse; in ramo enim splenico, quinetiam quandoque in aliis, repertæ valvulæ. Præterea in venis valvulæ non ubique requiruntur, neque in profundis venis artuum, sed in cutaneis magis, reperiuntur: ubi è minoribus ramis profluens naturaliter sanguis satis proclivis est in majores ramos fluere, & retro meare plus quam satis impeditur, compressione musculorum circumjacentium & qua patet iter cogitur, ibi valvulis quicquid opus est?

Quantum autem sanguinis singulis pulsationibus in mesenterium impellitur, perinde computatur ac si in carpo mediocri ligatura venas è manu egredientes, non vero arterias ingredientes, constrinxeris (majores etenim sunt arteriæ mesenterii quam carpi) si quot pulsationibus distendi vasa manus & tumescere in molem totam manum numeraveris, dividendo & subductione facta, multo plus quam guttam sanguinis ingredi (non obstante ligatura) singulis pulsibus, nec retro meare posse; quin potius replendo, manum totam vi distendere & in molem efferre reperies. Eadem quantitate sanguinem ingredi mesenterium, per analogiam, colligere licet, si non majori, quanto majores arteriæ mesenterii sunt quam carpi.

Si

Si quisquam viderit & cogitaverit quanta difficultate & molimine, compressionibus, ligaturis apparatuque multiplici cohibetur impetuosus profiliens sanguis, & rescissa vel disrupta minima arteriola, quantis viribus (veluti si syphone ejaculetur) omnem apparatus projicit, propellit, aut pertransit, vix puto, crederet verisimile, quidquam retro meare posse contra tantum ingredientis sanguinis influxum & impulsum, præcipue unde non pari vi repelli queat. Quapropter hæc animo secum revolvens, è mesenterio, contra influxum per arterias adeo impetuosum & fortem, sanguinem è venis portæ per easdem vias obrepere & ita mesenterium exonerare, haud puto animum induceret ad credendum.

Insuper, si non circulari motu moveri sanguinem & mutari arbitretur Vir doctissimus, sed semper eundem in mesenterii propaginibus stagnare, supponere videtur, duplicem esse sanguinem, diversumque diversoque usui & fini inservientem, & proinde diversæ naturæ in venis portæ & cava: quia hic circulatione indiget ad sui conservationem, ille non indiget; quod neque apparet, neque ipse doctissimus Vir demonstrat verum esse.

Præterea addit Vir doctiss. (*Enchir.l.2.c. 18.*) *quartum genus vasorum mesenterio, quæ*

venæ lacteæ dicuntur (inventæ ab Assel.) quibus positis, videtur astringere, omne alimentum ab intestinis extractum per ipsas ad jecur, officinam sanguinis, derivari, quo inibi concocto & in sanguinem transmutato, (dicit l. 3. c. 8.) ad dextrum cordis ventriculum traduciur, quibus positis, inquit, omnes difficultates quæ olim movebantur, de distributione chyli & sanguinis, per eundem canalem, cessant; nam *venæ lacteæ* vehunt chylum ad hepar, & proinde seorsum isti canales sunt & seorsum obstrui possunt. Verum enim vero cum sanguinem in ramis portæ, in finem hepatis numerosissime distributis, contentum, neget doctissimus Vir hepar pertransire posse, ut sic circulatio fiat; quomodo (si è lacteis lac in jecur transfundatur & inde per cavam ad cordis ventriculum pertransseat,) & unde hoc verisimile esse demonstratur, scire velim, præsertim cum & spirituosior & penetrativus magis sanguis, quam chylus aut lac in illis lacteis valis contentum, apparet, & adhuc ab arteriarum pulsu urgetur, ut alicubi viam inveniat.

Doctissimus Vir mentionem facit tractatus cujusdam sui de circulatione sanguinis: utinam viderem, forsan resipiscerem.

Sed enim Vir doctissimus si maluisset, in portæ venis & cavæ ramulis, ponere circulationem motum sanguinis (uti dicit lib. 3. cap. 8. in venis sanguis perpetuo & naturaliter ascendit,

dit, siue remeat ad cor, sicut is in omnibus arteriis descendit siue discedit à corde,) non video, inquam, quin hoc posito, omnes difficultates, quæ olim movebantur de distributione chyli & sanguinis per eosdem canales, æque cessarent; ut & ultra non necesse haberet seorsum vasa chyli inquirere aut ponere.

Quandoquidem, sicut venæ umbilicales ab ovi liquoribus succum alimentativum absorbent, deferuntque ad nutriendum & augmentandum pullum, adhuc embryonem existentem; ita venæ meseraicæ ab intestinis chylum sugunt & in jecur deferunt, idemque officium adulto præstare quid prohibet asseverare? cessant enim omnes motæ difficultates, cum in iisdem vasis non duo contrarii simul motus supponantur, sed & idem continuus motus per meseraicas ab intestinis in jecur supponatur.

De venis lacteis quid sentiendum alibi dicam, cum de lacte tractavero, in diversis recens natorum partibus reperto, præsertim humano; reperitur enim in mesenterio & omnibus ejus glandulis, in thymo quoque & axillis etiam: è mammis infantum lacte obstetrices emungunt, ut putant, in salutem.

At insuper doctissimo *Riolano* non modo in mesenterio contentum sanguinem circulatione

latione privari placuit, sed neque propagines venæ cavæ, aut arteriæ, neque ullas partes secundæ aut tertiæ regionis circulationem recipere affirmat; adeo ut vasa circulatoria tantum nominet numeretque venam cavam & aortam, cujus *lib. 3. c. 8.* rationem reddit valde infirmam. *Quia effusus*, inquit, *sanguis in omnes partes secundæ & tertiæ regionis, ibi remanet ad nutritionem, nec refluit ad majora vasa, nisi vi revulsus & inopia sanguinis maxima vasorum majorum, vel impetu percitus affluat ad vasa circulatoria.*

Remanere quidem illam portionem quæ in nutrimentum abire debet necesse est; alias enim non nutriret, si non in locum perditum assimilaretur & cohæreat, unumque fiat: at vero totum influentem sanguinem ibi remanere, ut tantilla portio convertatur, non est necesse: non enim tanto sanguine quantum pars quævis in suis arteriis, venis & porositatibus ubique continet, pro alimento utitur; neque dum affluit & refluit necesse ut aliquid nutrimenti interius relinquatur, quare multo minus ut nutriat necesse est ut totus permaneat: sed & ipse doctissimus Vir, eodem libello quo hoc affirmat, pene ubique contrarium asseverare videtur; præsertim ubi circulationem in cerebro describit; & quatenus per circulationem cerebrum remittere

tere (ait) sanguinem ad cor; & ita cor refrigerari. Hoc modo & omnes partes remotæ cor refrigerare dicuntur: unde & in febribus cum præcordia vehementer ardore febrili torrentur & æstuant, nudatis artubus, remotis stragulis, refrigerium ægrotantes cordi quærunt.

Dum, ut in cerebro, affirmat Vir doctissimus refrigeratum sanguinem & ardore con-
temperatum, cor deinde per venas petere & refrigerare: videtur Vir doctissimus necessitatem quandam insinuare, uti à cerebro, ita ab omnibus partibus circulationem esse, contra quam antea apertis verbis dixerat. Sed enim caute asserit & ambigue, non refluere ex partibus secundæ & tertiæ regionis sanguinem, nisi, inquit, vi revulsus & maxima inopia sanguinis majorum vasorum, vel impetu affluat ad majora vasa circulatoria; quod verissimum est si vero sensu hæc verba intelligantur: nam per majora vasa, in quibus inopia causat refluxum, puto ipsum intelligere venam cavam, aut venas circulatorias, non arterias: nam arteriæ nunquam deplentur, nisi in venas aut porositates partium, sed continue à pulsu cordis infarciuntur; in venam cavam & vasa circulatoria, è quibus cum sanguis cito pede labitur & ad cor properat, maxima statim inopia sanguinis foret, nisi omnes partes incessanter

cor petere ; & idem mecum doctissimus Vir sentire videtur. Ideo non opus est, imo supervacaneum foret, huc meas, quas in libello de motu sanguinis rationes edidi, ad hujus veritatis confirmationem amplio rem transferre : quæ, tum ex fabrica vasorum, positione valvularum, aliisque experimentis & observationibus desumuntur ; præsertim cum nondum viderim Tractatum doctissimi *de circulatione sanguinis*, neque adhuc ulla argumenta viri doctissimi, præter nudam negationem, repperim, quibus adductus circulationem, quam universalem, quamvis in plerisque partibus, regionibus & vasis repudiat, admittit.

Verum quidem quod, tanquam pro subterfugio, adduxerim *Galen*i auctoritatem de anastomosi vasorum ; sed tantus vir, Anatomicus expertus, curiosus & diligens, prius, de majoribus arteriis ad venas majores, anastomoses easque patentes, visibiles, tanto torrenti & massæ sanguineæ profluvio gurgites proportionales & orificiis propaginum (quibus aufert circulationē) majores patefacere & ostendere debuisset ; antequā vias notas probabiliores & patentiores repudiaret ; ubi ex sint & qualiter fabrefactæ : num ad intromittendum tantummodo sanguinē in venas idoneæ, (uti ureterum intertiones in vesicam urinariā cernimus) & non ad remeandum, vel
quo

quo alio modo fuissent, tenebatur demonstrare & declarare. Sed (nimis forsitan audacter dico) nec ipse Vir doctissimus, nec ipse *Galenus*, neque ulla experientia, unquam sensibiles anastomoses conspexerunt, aut ad sensum ostendere potuerunt.

Ego qua potui diligentia perquisivi, & non parum olei & operæ peridi, in anastomoli exploranda; nusquam autem invenire potui vasa invicem, arterias scilicet cum venis, per orificia copulari: libenter ab aliis discerem, qui *Galeno* tantum ascribunt, ut ad verba ejus jurare ausi sint,

Neque in jecore, liene, pulmonibus, renibus, aut aliquo viscere est aliquis anastomosis, licet in illis coctis, usq; quo friabile totum redderetur parenchyma, & tanquam pulvis, ab omnibus vasorum fibris esset excussum & acutetractum, ut omnes cujusvis divaricationis fibras, omnia capillamenta evidenter cernere potuerim. Audacter igitur affirmare ausus sum, neq; anastomoses esse vel venarum portæ cum cava, articularum cum venis, aut pori cholidochi capillarium ramulorum, qui, per totam hepatis sinum, disperguntur cum venis.

Hoc solummodo in jecore recenti observare licet, omnes propagines venæ cavæ, per gibbam hepatis perreptantes, tunicas habere infinitis puncticulis cribrosas, tanquam in sentina, ad decumbentem sanguinem recipiendum

revolvitur & in circuitum agitur: Nempe, ut omnes partes ab ipso dependentes, primo calido innato in vita & suo esse vitali & vegetativo retineantur, & omnia sua munia peragant, dum (ut physiologi loquuntur) ab influente calore & spiritibus vitalibus sustentantur & actuantur: ita duorum extremorum, nempe frigoris & caloris beneficio, corporum animalium temperies, in sua mediocritate, retinetur.

Ut aer enim inspiratus sanguinis, nimium fervorem, in pulmonibus & centro corporis, temperat, fuliginumque suffocantium ventilationem procurat; ita vicissim sanguis æstuans, per arterias in universum corpus projectus, extremitates omnes fovet, nutrit, in vivis sustentat, & ab externi frigoris vi extinctionem prohibet.

Iniquum itaque foret & mirum, si singulæ particulæ cujuscunque regionis, transmutatione sanguinis & circulationis beneficio non fruerentur, quarum gratia potissimum videtur à natura instituta circulatio.

Itaque ut concludam, videtis enim quomodo circulatio sanguinis fiat citra confusionem & perturbationem humorum, in toto corpore & singulis particulis, tum in majoribus, tum minoribus vasis, idque ex necessitate, in partium omnium beneficium; sine illa, neque refrigeratæ & impotentes
unquam

unquam restituerentur, aut in vivis permanerent. Satis quoniam patet omnem influentiam caloris conservantis per arterias adventare & circulationis opera fieri.

Quare mihi videtur, doctissimum *Riolanum*, cum negat quibusdam partibus inesse circulationem, magis officiose in suo *Enchiridio* loqui, quam vere; ut scilicet quamplurimis placeret & neminem oppugnaret, & humaniter magis, quam graviter, veritatis studio, scripsisse. Sicut quoque videtur agere, cum sanguinem per septum cordis & incertos quosdam (*lib. 3. cap. 8.*) cæcosque meatus, in sinistrum ventriculum pervenire maluerit, quam per amplissima & patentissima pulmonum vasa, artificio valvularum regressum impredientium fabrefacta: rationem impossibilitatis & incommoditatis, quam alibi dicit se proposuisse, videre cupie. Mirum esset cum eadem magnitudo, constitutio & fabrica sit aortæ & venæ arteriosæ, si non earum idem officium.

Sed illud valde improbabile, magnum flumen totius massæ sanguineæ per tantillos cæcosque septi mæandros in tanta copia ventriculum sinistrum petere, quæ responderet tum ingressui à vena cava in dextro latere cordis, tum egressui de sinistro, qui ambo tam ampla requirunt orificia.

Sed inconstanter quoque hæc protulit,
nam

nam (*libr. 3. 6.*) pulmones cordi tanquam emunctorium & emissarium constituit, & ait, pulmo afficitur ab isto sanguine transeunte, dum ejus sordes eo confluunt simul cum sanguine. Sic etiam dicit, labem pulmones acquirunt à visceribus intemperatis & male moratis, quæ suggerunt cordi sanguinem impurum, cujus vitium non potest emendare cor, nisi per multas circulationes. Idem ibidem, circa missionem sanguinis in peripneumoniam & communicatione venarum cum vasis pulmonum contra Galenum dicit; Si verum sit naturaliter sanguinem transire à dextro cordis ventriculo ad pulmonem, ut deducatur in sinistrum ventriculum, inde in aortam; atque si sanguinis circulatio admittatur, quis non videt in affectibus pulmonum, sanguinem maiori copia eo confluere & opprimere pulmones, nisi vacuentur primo liberaliter, dein paritis vicibus ad eos sublevandos; quod fuit consilium Hippocratis, qui in pulmone tunc monte, ex omnibus corporis partibus, capite, naso, lingua, brachiis, pedibus detrahit sanguinem, ut minuatur quantitas, atque revellatur à pulmone, & educit sanguinem donec corpus fuerit exsangue. Supposita circulatione (inquit ibidem) facilius deplentur pulmones, per venæ sectionem: si rejiciatur, non video, quomodo sanguis possit inde revelli; nam si refluat, per venam arteriosam in ventriculum dextrum, obstant valvule sigmoides, & à cordis ventri-

ventriculo dextro regressum, in cavam venam, sistunt valvulae tricuspidales. Ergo, per circulationem exhauritur sanguis, sectis venis brachii & pedis. Simulque destruitur Fernellii opinio, scilicet, in pulmonum affectibus, sanguinem esse potius deirahendum, è brachio dextro quam sinistro, quia sanguis non potest remigrare in venam cavam, nisi ruptis duobus claustris & obicibus in corde positis.

Addit insuper eodem loco (lib. 3. cap. 6.) Si admittatur circulatio sanguinis & transeat sapius per pulmones, non per septum medium cordis, duplex circulatio sanguinis assignanda; una quæ perficitur à corde & pulmonibus, dum sanguis, à dextro cordis ventriculo proficiens, traducitur per pulmones, ut perveniat ad sinistrum cordis ventriculum; nam, ab eodem viscere exsiliens, ad idem recurrit: deinde, per alteram circulationem longiorem à sinistro cordis ventriculo emanans, circuit universum corpus, per arterias & per venas, ut recurrat ad dextrum cordis ventriculum.

Poterat hic addere doctissimus vir, tertiam circulationem brevissimam, è sinistro nempe ventriculo cordis, ad dextrum, circumagentem portionem sanguinis per arterias & venas coronales, suis ramulis per cordis corpus, parietes & septum distributas.

Qui admittit, inquit, unam circulationem non potest alteram repudiare. Ita addere potuisset,

tuiſſet, *non poteſt tertiam denegare.* Quorſum enim pulſarent arteriæ coronales in corde, ſi non ſanguinem eo pulſu impellerent? & quorſum venæ (quarum officium & finis eſt ſanguinem ab arteriis ingeſtum recipere) niſi ut ſanguinem è corde tranarent?

Adde inſuper, in venæ coronalis orificio valvulam (ut ipſe Vir doctus fatetur *lib. 3. cap. 9.*) ſæpiſſime reperiri ingreſſum prohibentem, egreſſui reclinantem: ergo tertiam certe non poteſt non admittere circulationem, qui alteram univerſalem & per pulmones quoque & cerebrum (*l. 4. c. 2.*) ſanguinem tranſire admittit. Neque enim, in ſingulis partibus cujuſcunque regionis, fieri ſimiliter à pulſu ingreſſum ſanguinis, & per venas regreſſū, omneſque proinde particulas circulationē recipere, haud poteſt denegari.

Ex his verbis iſſiſſimis itaque Viri doctiſſimi clare patet, qualis ipſius eſt ſententia, tum de circuitu ſanguinis per univerſum corpus, tum per pulmones cæterasque omnes partes: nam ipſe, qui primam circulationem admittit, aperte patet reliquas non repudiare. Qui etenim fieri poteſt, ut, qui circulationem per univerſum corpus toties aſſirmaverit & per vaſa circulatoria majora, ipſe, ullis propaginibus aut ullis partibus, ſecundæ aut tertiæ regionis, univerſalem circulationem ineſſe repugnaret? Tanquam

si omnes venæ & majora, quæ vocat, vasa circulatoria, in secunda regione corporis non esse, ab omnibus & ab ipso numerarentur.

An per universum possibile sit esse circulationem, quæ non per omnes partes? ubi regit, titubanter propterea agit & in negationibus vacillat & verba solum dat; hic ubi asseverat, cordate loquitur & firmis additis rationibus, ut philosophum decet, & super hanc sententiam, tanquam medicus expertus & vir probus consulit, in periculosissimis morbis pulmonum, extremum sanguinis emissionem esse remedium, contra *Galenum* & *Fernelium* suum dilectissimum: ubi si dubitasset, longe absit à tam docto viro Christiano, quod posteris experimenta per mortes, vitæque humanæ discrimina commendaret; aut à *Galeno* vel *Fernelio* summæ apud ipsum authoritatis, sine aperta ratione recedere voluisset. Quicquid denegaverit itaque circuitus, vel in mesenterio, vel aliis partibus, siue venarum lactearum, siue veteris medicinæ in gratiam, siue alicujus alterius respectu, id humanitati & modestiæ tribuendum & condonandum est.

Haftenus satis puto manifeste apparere, ex ipsius viri clarissimi verbis & argumentis, circulationem ubique esse, & sanguinem ubicunque fuerit locum mutare & per venas

cor

ter sanguinem in ipsas effusum refunde-
rent.

Adde etiam quod impetu sanguinis intrusi & compulli singulis pulsationibus, & in omnibus partibus secundæ & tertriæ regionis contentus sanguis, de porositatibus in venulas, de propäginibus in majora vasa cogatur, partium circumjacentium motu & compressione : ab omni enim continente compresso & coarctato eliditur contentum : ita motibus musculorum & artuum, venarum propagines interobrepentes pressæ & coarctatæ, sanguinem de minoribus ad majores trudent.

Quod sanguis autem in singulas partes continue & incessanter ab arteriis impellitur & impetum facit nec refluat haud dubitandum; si admittatur, quod in singulis pulsationibus arteriæ omnes simul distendantur à propulso sanguine, & (ut ipse Vir doctissimus fatetur) diastole arteriarum à systole cordis fiat; neque semel egressus sanguis unquam intra ventriculos cordis regreditur propter oclusas valvulas : si hæc, inquam, Vir doctus, ut videtur, supponat, manifestum erit singulas partes cujuscunque regionis, in quas infarctu & impetu sanguis vi detrusus propellitur, si non remeet, distendi. Adde quod, quo usque pulsant arteriæ, eo usque influxus & impetus pertingat; sed
in

in omnibus cujuscunque regionis partibus sentitur : & ubique pulsus vel in summis digitis & sub unguibus est : nec aliqua particula est in toto corpore, vel phlegmone vel furunculo dolens, quæ lancinantem pulsationis arteriarum motum & solutionem continui tentantem, non persentiscat.

Verum amplius, quod ipse sanguis è porositatibus partium regrediatur, in cute manuum & pedum manifestum : quandoquidem, in summo gelu & frigidis temporibus, adeo refrigeratas manus & artus videmus, præsertim puerorum, ut, ad tactum ipsum, glaciei frigiditatem pœne referant, adeoque stupore percitas & rigentes, ut vix sensum retineant, nec moveri queant; tamen interim sanguine saturæ, conspiciuntur rubræ aut lividæ; quæ partes recalescere nullo modo possunt, nisi, per circulationem propulso, scilicet, sanguine refrigerato & spiritibus & calore orbato, in ejus locum ab arteriis influens novus calens & spirituosus sanguis, partes refoveat, recalfaciat, motumq; & sensum restituat : neque enim igne vel externo calore magis, quam mortuorum membra, redintegrarentur ac restituerentur, nisi ab interno influente calido refocillarentur.

Revera iste circulationis præcipuus usus quidem & finis est, cujus gratia sanguis suo continuo cursu & influentia perpetua

re-

piendum fabrefactas. Portæ rami non similiter se habent, sed in propagines divaricantur, & ut utraque distributio horum vasorum, hujus in lima parte, illius in gibba, ubique ad externum usque visceris umbonem excurrant sine anastomosis.

Tribus, duntaxat, in locis quod æquipollet anastomosi reperio. 1. In cerebro, è soporalibus arteriis in basin perreptantibus, frequentes & implexæ fibræ oriuntur, quæ plexum choroidem postea efformant, & ventriculos transeuntes, tandem in sinum tertium, ubi officio venæ funguntur, unitæ desinunt. 2. In vasis spermaticis, præparantibus vulgo dictis, arteriolæ è magna arteria deductæ, venis, dictis præparantibus, quas comitantur, adhærent, & tandem intra tunicas illarum ita recipiuntur, ut ultima quasi eadem habeantur: adeo ut, ubi ad testiculorum particulam superiorem, coniformem processum, corpus varicosum & pampini-forme dictum, desinunt, incertum plane sit an venæ an arteriæ an utriusque fines æstimemus. 3. Pariter & arteriarum, venam umbilicalem adeuntium, ultima stamina in venæ illius tunicis obliterantur.

Quid dubitandum, cum per tantam voraginem arteriæ magnæ, ejus ramuli sanguinis impulsu & infarctu dissenti, tam magno & conspicuo etiam torrente depleri debeant;

beant ; num sensibiles saltem & visibiles transitus, vortices & gurgites iis natura denegasset ; si omnem sanguinis fluxum eo divertere, & proinde minores propagines & partes solidas, influxus beneficio omnino privatas esse, voluisset ?

Denique, hoc unum experimentum commemorabo, quod, ad anastomoses declarandas & earum (si qui sint) usum, ad transitum sanguinis de venis in arterias per illas vias & regressum evertendum, sufficiens esse videtur.

Aperto pectore cujusvis animalis & ligata vena cava juxta cor, adeo ut nihil illac in cor migret, & confestim rescindantur arteriæ jugulares, illæsis venis, utriusque : Si inde arterias, data porta, illico inanitas conspexeris & non pariter venas ; manifestum fore arbitror, nullibi sanguinem è venis in arterias, nisi per cordis ventriculos derivari. Alioquin enim venas, ex illarum arteriarum effluvio (ut notavit *Galenus*) brevissimo spatio temporis, similiter ac arterias, sanguine destitutas cerneremus.

Quod restat, *Riolane*, & mihi & tibi ipsi gratulor ; mihi ob sententiam qua circulationem exornasti ; tibi etiam, ob librum doctum, politum, succinctum, quo nil magis elegans, mihi transmissum ; pro quo gratias habeo amplissimas, laudesq; meritas

146 *Exercitatio Anatomica II.*

referre & debeo & cupio ; me autem tam
 oneri imparem esse fateor : plus enim digno-
 tatis *Riolani* nomen subscriptum, quam eu-
 comia mea (quæ velim maxima) Enche-
 ridio allaturum scio. Vivet in æternum co-
 lebris libellus, nominisque tui gloriam (pe-
 eunte etiam marmore) posteris enarrab-
 Anatomien pathologiæ summa cum gra-
 tia conjunxisti, osteologia nova utilissim-
 magno cum fructu locuplerasti : macte illi
 virtute, Vir insignissime, & me ama, qui
 foelicem simul & longævum & ut omnia tua
 celeberrima scripta sempiternæ laudi tibi
 sint, exoptat,

GUILIELMUS HARVÆUS.

Exer.

Exercitatio altera,

A D

J. RIOLANUM

J. Filium.

In qua multe contra Circuitum Sanguinis objectiones refelluntur.

Aboris mei partem multis retro
abhinc annis (doctissime Riolane) obstetricante prælo, in lucem edidi. Nullus vero prope-
modum exstitit dies, à circuitus

sanguinis natali, nec minutissimum decursi
temporis spatium, in quo non bene & male
de circulatione à me inventa audiui : alii tem-
nellulum adhuc infantem convitiis lacerant,
tanquam luce indignum ; alii contra alen-
dum esse foetum adjudicant, scriptisque meis
favent & tuentur ; illi magno cum fastidio
oppugnant, hi ingenti cum applausu patro-
cinantur : hi me abunde experimentis, ob-
servationibus & autopsia confirmasse circui-
tum sanguinis, contra omnem argumētū
vim & impetum existimant ; illi vix adhuc
satis illustratum putant & nondū ab objecti-
onibus vindicatum. Sunt autem, qui me in-

anem vivorum dissectionum gloriam affectasse clamitant, & ranas, serpentes, muscas, aliaque viliora animalia in scenam adducta levitate puerili vituperant & irrident, nec maledictis abstinere. Maledicta autem maledictis rependere indignum philosopho & veritatem inquirenti iudico; satius & comulcius fore arbitror, tot malorum morum indicia, verarum luculentarumque observationum luce, diluere.

Ne oblatrent canes, aut suam ne evomant crapulam, aut ne inter philosophorum turbam annumerentur quoque cynici, evitare non potest: verum ne mordeant, aut vesarum sua rabie inficiant, vel canino dente rodant ipsa veritatis ossa & fundamenta, cavendum est.

Vituperatores, momos, scriptoresque comitiorum labe sordidos, ut nunquam legendos mecum statui, (à quibus nihil solidum aut præter maledicta egregium sperandum) ita multo minus responsione dignos iudicavi. Utantur suo malo genio; vituperantur a benevolis lectoribus habituros putare neque (quod præstantissimum & maximum optandum) sapientiam donat Deus optimus improbis; pergant maledicendo, donec ipsos (si non pudet) pigeat, vel denique tædeat.

Ad viliorum animalium inspectionem Heraclyto apud Aristotelem in casam furnarum

(sic dicam) introire si vultis, accedite, nam neque hic Dii defunt immortales; maximusque omnipotens pater in minimis & vilioribus quandoque conspectior est.

In libello de cordis & sanguinis motu in animalibus, illa tantum adhibui ex multis aliis observationibus meis, quibus aut errores redargui, aut veritatem satis stabilitam iri arbitrabar; plurima alia, dissectionis ope, sensu perceptibilia, tanquam redundantia & inutilia dereliqui; quorum quædam in gratiam studiosorum, qui illa efflagitant, paucis verbis nunc addam.

Tantum valet apud omnes *Galenus* magna auctoritas, ut multum hæsitare video nonnullos, circa experimentum illius, de ligatura arteriæ super fistulam, intra cavitatem immissam, quo demonstrari videtur pulsum arteriarum fieri à facultate per tunicas à corde transmissa, & non à sanguinis intra cavitates impulsu, & proinde arterias dilatari ut folles, non ut utres.

Hoc experimentum memoratur à *Vesalio*, viro Anatomæ peritissimo; sed neque *Vesalius*, neque *Galenus* dicit, experimentum hoc fuisse ab ipsis, sicut à me, probatum; tantummodo præscribit *Vesalius*, consulitque *Galenus* veritatis indagandæ studiosis, quo certiores fierent, non cogitans aut intelligens, difficultatem illius operis, neque, cum sit,

vanitatem : quandoquidem, licet omni diligentia admittatur, nil tamen pro illius opinionis confirmatione facit, quæ pulsus causam esse tunicas asseverat : sed magis declarat ab impulsu sanguinis concitari. Num super calamus aut fistulam quamprimum ac vinculo arteriam strinxeris, supra ligaturam arteria, statim ab impulsu sanguinis desuper impacti, dilatatur : ultra orbitam fistulæ, inde & fluxus inhibetur & impetus resingitur ; ita ut arteria vinculo subdita, obscure admodum pulset, quia est sine impetu transeuntis sanguinis, eo quod supra ligaturam reverberatur.

Sin vero infra fistulam abscissa arteria fuerit, videre licebit contrarium ex saltu sanguinis projecti & per fistulam impulli, sicut solet evenire (ut in libello de *sanguinis motu* notavi) in aneurismate, ab exelis arteriæ tunicis, hoc (intra membranas enim continetur sanguis) non tunicam arteriæ dilatam, sed circumpositam ex membranis & carne cylindricam præternaturaliter factam pro continente habet.

Inferiores arterias, trans aneurisma, pulsare valde exiliter senties, quando superius & præsertim in aneurismate ipso, pulsus magni & vehementes apparent ; quanquam ibi pulsationem & dilatationem fieri, ab arteriarum tunicis, aut facultate cylindricæ commu-
nicata,

nicata, fingere non possumus, sed plane ab impulsu sanguinis.

Sed enim, quo *Vesalii* error & aliorum in-
experientia appareat evidentior, qui asse-
rant (ut opinantur) partem fistulæ subdi-
tam non pulsare ligato vinculo, expertus di-
co, subditam partem pulsaturam, si recte
fiat experientia; & cum solveris vinculum,
ubi asserunt subditas arterias repulsare, aio,
minus pulsare partem subditam soluto,
quam stricto vinculo: nam sanguinis è vul-
nere profluentis effusio omnia perturbat &
irritum experimentum & vanum reddit: a-
deo ut nil certi ob impetum sanguinis, ut
dixi, demonstrari possit.

Si vero (quod experientia mihi cogni-
tum est) denudaveris arteriam & digitis com-
pressis detinueris rescissam partem, poteris,
ex arbitrio, multa tentare, ut veritas plane
tibi elucescat. Primum, singulis pulsibus
allisum sanguinem in arteriam descenden-
tem perferentes, quo arteriam dilatari vide-
bis. Poteris quoque sanguinem, prohibitu-
tuo, exprimere & dimittere; si exilem par-
tem orificii laxaveris, singulis pulsibus sub-
sultu ejaculari & (quemadmodum diximus
in arteriotomia aut perforatione cordis) sin-
gulis contractionibus cordis sanguinem eji-
ci, in arteriæ dilatatione, manifestum erit
perscrutanti.

Quod si toto & continuo fluxu perpetim emanare siveris, & sive per apertum caniculum sive aperto orificio erumpere permittas, in ipso flumine tum visu, tum tactu (si manum applicueris) omnes ictus cordis, omnemque ejus rhythmum, ordinem, vehementiam, intermissionemque persentisces ; haud aliter quam si in volam manus per siphonem diversis & variatis ejaculamentis, projectam aquam percipere liceret, sanguinem exilientem variato impetu & inæquali, tum visu tum motu percipies. Tanto quandoque impetu ex rescissa arteria jugulari erumpentem observavi, ut sanguis manui allisus, per quatuor vel quinque pedes, refractus reverberatusque resiliret.

Sed quo clarius, quod in dubio est, appareat, pulsificam vim non per arteriarum tunicas à corde manare, habeo, è nobilissimi viri cadavere, arteriæ descendens portionem, cum duobus cruralibus ramis, spirithamæ longitudine, exemptam, in os fistulosum conversam ; per cujus cavum, dum vivebat nobilissimus vir, descendens arteriosus sanguis in pedes, subditas arterias suo impulsu agitabat ; in quo tamen casu, arteria idem passa, tanquam si super canaliculū fistulosum constricta & ligata foret (secundum Galeni experimentum) ut neque dilatari eo loci, neque arctari, ut follis, neq; vim pulsificam

pulificam à corde inferioribus & subditis arteriis communicare, aut per soliditatem ossis facultatem, quam non susceperat, deducere potuerit. Nihilominus inferioris arteriæ pulsus agitari in cruribus & pedibus, optime memini, dum vivebat, me sæpissime observasse; fui enim ipsi Medicus assiduus, ille mihi amicus necessitudine conjunctissimus. Quare in illo nobilissimo viro, necesse inferiores arterias ab impulsu sanguinis, ut utres, dilatatas fuisse, non, ut folles, ab expansione tunicarum: siquidem, idem inconveniens, eademque interceptio facultatis pulsiæ, necesse est ut obveniat, tuniciæ arteriæ in calamum & tubulum osseum totaliter conversæ, quæ calamo vel tubulo constricto, quo minus arteriæ subditæ pulsant, obvenit. Alio quoque Viro nobilissimo & fortissimo, aortam partemque magnæ arteriæ juxta cor in os rotundum conversam novi.

Ita *Galen*i experimentum, vel saltem ejus analogon, quod industria non inventum, sed casu repertum est, fatis manifestum facit, interceptionem pulsiæ facultatis constrictione vel ligatura tunicarum arteriæ non impediri, ut inde arteriæ subditæ non pulsant; & *Galen*i experimentum (quam opinionem *Vesalius* inde confirmatam iri speraverat) redarguetur.

At non propterea omnem motum etiam tunicis arteriarum denegamus, sed, quem cordi tribuimus, concedimus, nimirum coarctationem & systolem, vel à distentione ad constitutionem naturalem regressum, ab ipsis tunicis fieri. Sed hoc annotandum, non, ab iisdem, dilatari & coarctari, sed à diversis causis & instrumentis, ut in motu omnium partium & ipso quoque corde observare licet. Ab auricula hoc distenditur, à se ipso contrahitur; ita arteriæ a corde dilatantur à se ipsis subsidunt.

Poteris & aliud experimentum eodem tempore facere. Si duo acetabula ejusdem mensuræ repleveris, alterum arterioso profliente sanguine, alterum venoso ex vena ejusdem animalis extracto, poteris sensu statim & postea, cum coagulati refrixerint ambo sanguines, quænam sit differentia, inter utrumvis, observare: contra eos, qui aliam speciem sanguinis in arteriis fingunt, quam in venis; nempe in illis floridiorem & nescio quomodo, spiritu copioso ebullientem, efflatum, (ad exemplum lactis aut mellis super ignem effervescentis & intumescens) amplio rem locum replentem faciunt.

Si namque sanguis, è sinistro cordis ventriculo in arterias impulsus, adeo in spumosam & sufflaram naturam fermentaretur, ut una aut altera gutta totum aortæ cavum disten-

distenderet, proculdubio, detumescente illa fermentatione, ad quantitatem guttarum quarundam rediret. (hanc causam assignant aliqui) cur, in mortuis inanita arteria reperiantur. & idem, in cotyla arterioso sanguine plena, conspiceretur. Ita enim & in lacte & in melle refrigerato obvenire experimur. Quod si in utraque cotyla sanguis eodem pœne colore & non multum dissimili consistentia coagulatus fuerit, similiter & serum exprimens; & pariter si utramque mensuram, dum calet & dum friget, compleverit, sufficiens erit cuivis, ad fidem faciendam & ad quorundam insomnia rejicienda, puto, argumentum.

Neque aliam speciem esse, sinistro quam dextro cordis ventriculo, sanguinis, & sensu indagare poteris & ratione; proportionabiliter enim venam arteriosam una spumante gutta distentam coassumatum opporret, & proinde eundem & similiter effervescentem & fermentantem sanguinem dextro quam sinistro; quandoquidem ingressus venæ arteriosæ & aortæ egressus æquipollens & æquibarabilis est.

Tria potissimum adducuntur ad hanc opinionem inducendam de diversitate sanguinis: unum, quod arterioromia floridiorem sanguinem extractum vident: alterum, quod in dissectione corporum mortuorum, tam

finis

sinistrum ventriculum cordis, quam arterias omnes adeo inanitas, reperiunt : tertium, quod sanguinem arteriosum spirituosorem & spiritibus repletum intelligunt, & ita majorem multo locum occupare cogitant: quorum omnium causas & rationes, quibus ea sic appareant, ipsa inspectio prodit.

Primum, quod ad colorem pertinet; semper & ubique exiens sanguis per angustum foramen, quasi percolatur, est tenuior & levior pars, quæ supernatare solet; hæc quia magis penetrativa est, eliditur: sic in phlebotomia, sanguis, majori fluxu aut vi erumpens, è majori orificio, longiusque profiliens crassior, corpulentior & colore obscuriore est: sin ex parvulo foramine & angusto guttatimque emanaverit (ut solet è vena soluta ligatura) floridior, tanquã enim transcolatus, exit pars solummodo tenuior & penetrativa magis; ut in hæmorrhagia narium, vel extractus per hirudines, vel cucurbitulas, vel quovis modo per diapedesin exiens, floridior cernitur: quia tunicæ ob crassitiem duritiemque angustiores redduntur, nec adeo facile reclinantes, ut exeunti sanguini viam præbeant patentem: sicut quoque contingit obesius corporibus, cum ex pinguedine subcutanea, venæ orificium opprimitur, sanguis tenuior & floridior tanquam arteriosus apparet. Ex adverso, si san-

guis

guis è rescissa arteria libere profluens acetabulo accipitur, venosus apparebit, multo floridior sanguis in pulmonibus, & exinde exprimitur, quam in arteriis reperitur.

Vacuitas arteriarum in corporibus mortuis (quæ forsan imposuit *Erasistrato*, ut arterias spiritus tantum aerios continere existimaret) inde evenit, quod quando subsident (meatibus occlusis) pulmones, nec ulterius respirant, per ipsos sanguis libere non potest transire: perseverat tamen interim per temporis spatium cor in expellendo, unde & sinistra cordis auricula contractior, & ventriculus, pariterque arteriæ inanitæ & sanguinis successione non repletæ, sed vacuæ apparent: si simul cor pulsare cessaverit & pulmones respirando transitum præbere, ut in iis, qui aqua frigida submersi suffocantur, aut syncope & morte subitanea extinguuntur, pariter repletæ & arteriæ reperiuntur.

Quod ad tertium attinet de spiritibus, quinam sint & qualiter in corpore & quali consistentia, an separati & distincti à sanguine & partibus solidis, an commixti, tot tamque diversæ opiniones sunt, ut non sit mirum, spiritus, quorum natura in ambiguo ita relinquitur, communi ignorationis subterfugio inservire. Vulgo enim scioli, cum

causas

causas assignare haud norunt, dicunt statim à spiritibus hoc fieri; & omnium opifices spiritus introducunt; & uti mali Poetæ, ad fabulæ explicationem & catastrophæ *Θιόν* *δο μιν* *αὐτῶν* advocant in scenam.

Fernelius & alii, spiritus aërios & invisibiles substantias, supponunt; probant enim esse spiritus animales (eodem modo quo *Erasistratus* in arteriis) quia in cerebro cellulae reperiuntur, quas, cum non datur vacuum, spiritum in vivis repleti concludunt. Tota tamen schola Medicorum, tres spirituum species constituit, naturales per venas, vitales per arterias, & per nervos animales tranari spiritus: unde dicunt Medici, ex *Galen*o, quandoque partes cerebri consensu laborare, quia prohibetur facultas cum essentia, id est, spiritu, quandoque citra essentiam. Insuper, præter influentes hos tres ordines spirituum, totidem implantatos videntur asserere. At nos neque in venis, nervis, arteriis aut cæteris partibus vivorum, dissectionibus explorando, ullos invenimus. Alii corporeos spiritus faciunt, alii incorporeos; qui corporeos volunt, quandoque sanguinem vel sanguinis tenuissimam partem, copulam animæ, quandoque in sanguine contentos (ut in nidore flamma) & continuo fluore insitos spiritus sustentatos subintelligunt, quandoque sanguini contra-

di-

distinctos. Qui spiritus incorporeos affirmant, non habent ubi insistant; sed & per potentias spiritus agnoscunt, ut spiritus concoctivos, chylificativos, procreativos, & tot spiritus quot facultates aut partes.

Sed & Scholastici, spiritum fortitudinis, prudentiæ, patientiæ, omniumque virtutum, & spiritum sapientiæ sanctissimum connumerant, omneque donum divinum. Ma- los item & bonos spiritus, assistere, possidere, deferere, vagari suspicantur: morbos à ca- coda mone, tanquam à cacochymia, opinan- tur causari.

Quamquam nil magis incertum & du- bium quam de spiritibus doctrina tradita, tamen ut plurimum omnes Medici cum Hippocrate concludere videntur, corpus no- strum ex tribus compositum esse partibus, scilicet continentibus, contentis, & impetum facientibus; per impetum facientes spiritus interpretantur. At si pro impetum facienti- bus, spiritus intelligendi; quicquid in vi- vis corporibus vim habet impetum agendi, spiritus nomine compellaretur. Nec ideo omnes spiritus sunt aeris substantiæ, nec potentia, nec habitus, ut neque incorpo- rei.

Sed quod ad propositum nostrum præci- pue spectat, omisso aliorum omnium signi- ficationum tædio, spiritus, per venas aut ar-
terias

terias excurrentes , à sanguine non separantur , ut nec flamma à nidore inflammabili ; sed sanguis & spiritus unum & idem significant, nec diverſi ſunt, ut vinum generoſum & ſpiritus ejus. Nam uti vinum ulterius vinum non eſt (amiſſo omni ſpiritu) ſed vappa , aut acetum , ita neque ſanguis ſine ſpiritu ſanguis eſt, ſed æquivoce cruor ; veluti manus lapidea aut mortua non amplius manus eſt ; ita nec ſanguis ſine ſpiritu vitali, ſanguis ; ſed corruptus ſtatim cenſendus , ſi ſpiritu deſtitutus fuerit. Spiritus itaque qui in arteriis ſanguini arterioſo inſeparabilis præcipue ineſt, aut actus ejus eſt , ſicut vini ſpiritus in vino & aquæ vitæ ſpiritus , aut ſicut flammula in vini ſpiritu accenſa & ſeſe nutriendo vivens.

Igitur ſanguis, plurimum ſpiritibus imbuti dicitur, non quod illis turgeat, aut fermentetur , aut inſletur , ut majorem locum deſideret & requirat (quod experimento allato per acetabulorum menſuram certiſſime dijudicare poteris) ſed hoc ſicut vinum , majoribus viribus & impetu agendi & efficiendi quod polleat, ſecundum mentem Hippocratis intelligendum eſt.

Idem itaque ſanguis, in arteriis, qui venis ineſt , licet ſpirituoſior agnoſcatur & majori vi vitali pollere : non autem in quid magis ærium convertitur, aut vaporoſior redditur.

Non

Non putandum nullos esse spiritus, nisi aërios; aut nullum impetum faciens, præter flatus & ventositates; sic neque spiritus animales, naturales, vitales, qui in solidis partibus, videlicet, ligamenti & nervi (præsertim si tot statuatur species) inhabitant, intra cœcos meandros contentos, tot aërias diversas esse formas, aut vaporum species arbitrandum.

Qui spiritus, in corporibus animalium, corporeos agnoscunt, sed consistentia aëria, vel vaporosa, vel flammea, ab illis scire libenter velim. An sine sanguine, huc, illuc, transire, refluere & vagari tanquam corpora distincta possint; An vero sanguinis motum sequantur spiritus, tanquam vel sanguinis partes sint, vel indissolubili connexu & interrupta exhalatione alligati; adeo ut neque derelinquere partes possint, neque transire sine sanguinis influxu & refluxu & transitu.

Si enim, sicut vapores aquæ attenuatæ calore, spiritus sint ex sanguine; quomodo, in continuo fluore & successione, partium existent pabulum? neque à pabulo remoti manere sine continua evanescencia possunt: proinde neque influere, neque refluere, neque transire quavis, neque permanere, sine sanguine influente, refluente, transeunte, tanquam eorum vel subjecto, vel vehiculo, vel pabulo sequi necesse est.

Deinde

Deinde scire ab illis velim , qui spiritus in corde fieri docent & eos ex vaporibus vel exhalationibus ex sanguine (sive calore cordis sive concussione) suscitatos aeri inspirato permiscent & componunt; An non tales spiritus , sanguine frigidiore multo sint æstimandi : quandoquidem partes ambæ , ex quibus componuntur, frigidiore multo sint, aer videlicet & vapor : vapor enim aquæ ferventis multo ipsa aqua tolerabilior, flamma quavis minus comburens quam carbonychnii, & carboligni quam ferrum, aut æscandens.

Uade videtur magis , spiritus huiusmodi, calorem suum à sanguine acceptum, referre, quam sanguinem à spiritu incallescere : & tales spiritus potius fuligines & effluvia excrementitia sanguinis & corporis, (veluti odores) quam naturales censendo opifices; præsertim cum tam cito , virtutem (si quam habent, à sanguine suo origine, acceptam) amitterent , fragiles adeo & evanidi existentes.

Unde quoque probabile foret, pulmonum expirationem datam esse , ut ea (vapores efflando) eventaretur & depuraretur sanguis : atque inspirationem, ut sanguis pertranseundo inter ventriculos duos cordis, contemperaretur , ambientis frigore : ne excandescens & intumescens , quadamque fermentatione

ratione inflatus (licuti effervescens mel & lac) adeo distenderet pulmonem, ut suffocaretur animal: quemadmodum sæpius in periculoso asthma vidimus: cujus etiam Galenus causam referens, dicit, ab obstructis levibus arteriis illud contingere, videlicet, vasis venosis & arteriosis. Hoc sum expertus, à suffocationis asthmaticæ summo discrimine cucurbitis affixis & multa subito gelida affusa aqua, liberatos fuisse non paucos. Hæc forsitan satis superque de spiritibus hæc loco, quos definire & docere, quid sint & quales, in tract. physiologico debemus: tantum addam,

Qui de calido innato, tanquam naturæ ad omnia communi instrumento, tractant; & influentis caloris, ad omnes partes fovendas & in vita retinendas, necessitatem docent; eum non sine subjecto existere agnoscunt: quia ob celeritatem influxus & refluxus (in animi pathematibus præsertim) hujusque caloris motum velocem, corpus mobile non proportionabile reperiunt; spiritus introducunt, tanquam corpora subtilissima, maxime penetrativa & mobilia; eosque haud aliter, quam operationum naturalium divinitatem mirabilem, ab illo communi instrumento (videlicet calido innato) provenientem, efferunt: illos spiritus, sublimes, lucidos, æthereos, cœlestis naturæ, divinos.

vincula animæ , esse consimiliter comminiscuntur ; veluti vulgus imperitorum , quorum operum causas non capiunt , Deos immediatos auctores opinantur & prædicant.

Unde calorem influentem, in singulas partes perperam per spiritus influxum , idque per arterias adventantem, decernunt ; tanquam si sanguis , nec tam cito moveri , nec penitus insinuari , nec tantopere fovere potuisset. Eoque provecti sunt hujus opinionis fiducia , ut contentum in arteriis sanguinem esse negent.

Sed levissimis argumentis conantur astruere , sanguinem arteriosum specie differentem esse, vel aeris hujusmodi spiritibus repletas esse arterias & non sanguine , contra ea omnia , quæ *Galenus* adversus *Erasistratum*, tum ab experientia, tum ratione petita attulit.

Verum enimvero , sanguinem arteriosum, non ita differre , superiori experimento & sensu, satis manifestum ; sanguinis influxum & spiritus non separatos à sanguine , sed, ut ejusdem corporis , per arterias influere, sensus quoque facere potest manifestum.

Observare licet, quando & quoties extrema, manus, pedes, vel auriculæ rigent & frigent, & influente calore rursus restituntur, quod

quod simul contingat eas partes colorari & calefieri & repleri, venasque antea exiles & obliteratas ad apparentiam tumefieri: unde & quandoque cum subito recalescunt, dolore afficiuntur partēs: ex quibus apparet, id, quod influxu suo calorem advehit, idem esse quod replēt & colorat: hoc autem præter sanguinem nihil aliud esse potest, sicut ante demonstratum est.

Longiori discissa arteria & vena, quivis sensu percipere evidenter potest, cum viderit partem venæ citiorem, versus cor, nihil sanguinis emitere, partem vero ulteriorem profundere copiosum & nil præter sanguinem (qualiter postea, pag. 249. in experimento meo commemorato in jugularibus internis facto.) Contra, rescissa arteria, sanguinis parum, ex parte posteriore dissecta manat; citior vero pars, tanquam è syphone, violento impulsu merum sanguinem ejaculat.

Quo experimento constat, qua transitus in utrisque sit, an hac, an illac; constat item, qua velocitate, quo motu sensibili, non sensim & guttatim, qua violentia insuper effusio fiat. Sed ne quis subterfugiendo prætendat spiritus esse invisibiles: dimittatur orificium vasis dissecti in aquam, vel oleum; si enim quidpiam exiret aereum, per bullas erumperet visibiles. Hoc enim modo, crabrones,
vespas

vespas & hujusmodi insecta, in oleo demersa & suffocata, ultimo aeris bullulas è cauda, dum moriuntur, emittunt; unde ita respirare vivos non est improbabile.

Animalia enim omnia, aqua submersa & suffocata, ultimo, cum profunduntur & sublidunt, bullulas, ex ore & pulmonibus, emittere solent, cum spiritum reddunt.

Constat denique eodem experimento, in venis valvulas ita exacte claudi, ut aer inflatus non penetret, multo minus sanguis. Constat inquam sensu, neque sensibilibiter, neque insensibilibiter, neque sensim, neque guttatim, sanguinem per venas à corde elongari.

Ne quis tandem eo confugiens dicat, hæc ita esse cum turbatur natura, & præternaturaliter constituta sit, non vero cum sibi relicta libere agat. Quandoquidem in morbofa & præternaturali constitutione, eadem apparent, quæ in naturali & sano statu; dicendum & existimandum non est, quod si, discissa vena, tantum sanguinis ex ulteriore parte emanare videatur, id præter naturam fieri, quia turbatur natura: non enim diffusio partem citiorem claudit, quo nihil exinde exeat, aut exprimi queat, siue turbetur natura siue non.

Alii similiter contendunt dicendo, quamquam

quam abscissa arteria prope cor, in tanta copia singulis pulsibus prorumpat statim sanguis, quod non propterea semper cor integrum, integra arteria, tantum pulsu pellar. Verisimilius tamen est, omnem pulsum aliquid impellere, neque posse sine alicujus contenti propulsu, pulsum continentis esse. Tamen quidam, quo se defenderent & circulationem vitarent, non verentur affirmare & asseverare, arterias, videlicet, in viventibus & secundum naturam sese habentibus, adeo plenas, ut ne ultra pauca grana sanguinis admittere valeant, & similiter de cordis ventriculis. Sed extra dubium est, quandoque & quousque dilatari & contrahi arteriis & ventriculis conceditur, recipere sanguinis quantitatem cavitatibus respondentem, idque ultra multa grana esse debere. Nam si ventriculi ita distendantur (ut vidimus quandoque in Anatomia vivorum) quoad nil amplius sanguinis admittere possint, restitit cor ab impulsu; tensum renitensque si permaneat, suffocatione mortem inducit.

Sanguis dum movetur, an attrahatur, an impellatur, an sua intrinseca natura sese moveat, satis, in libello de motu cordis & sanguinis, dictum est: ut & de actione, functione, dilatatione, contractione cordis, qualiter fiat ea, simul cum arteriarum diastole:
sic

sic ut , qui exinde argumenta contradicendi sumant , quæ dicta sunt , vel non intelligere , vel nolle visu rem explorare , videantur.

Haud quidquam puto in corpore attractum demonstrari posse præter alimentum , idque successione partium sensim in loca deperditi , sicut lucernæ oleum à flamma.

Unde , omnis attractionis sensibilis & impulsione commune organum primum illud est , quod nervi habet naturam , vel fibræ , vel musculi ; nempe ut sit contractile , quod (seipsum contrahendo) abbreviari possit , & ideo tendere , adducere , aut propellere : sed hæc fusius & apertius alibi in organis animalium motoriis declaranda.

Adeo iis qui circulationem repudiant , quia neque efficientem neque finalem causam vident , neque cui bone fiat , hæc pauca ad demonstrandum adhuc adjungam. Prius in confesso esse debet , quod sit circulatio , ante quam propter quid fiat , inquiratur : nam ex iis , quæ in circulatione & hac posita obveniunt , usus & utilitates , investigandæ veritatis sunt plures. Sunt enim in Physiologia , Pathologia & Therapeia recepta , quorum causas non novimus , esse tamen nullum dubitat ; videlicet , febrium putridarum , revulsionis , & purgationis excrementorum .

ea omnia, tamen, circuitus beneficio intelliguntur.

Quicumque itaque circulationem controversuntur, eo quod problemata medicinalia (stante circulatione) solvere non possint; aut in morbis curandis, & medicamentis usurpandis, apparentium causas exinde colligere nequeant; aut causas receptas à præceptoribus falsas esse videant; aut approbatas prius opiniones relinquere indignum putent; & per tot sæcula traditam disciplinam, veterumque auctoritatem, in dubium vocari nefas existiment:

His omnibus respondeo, naturæ opera facta manifesta sensui, nullas opiniones, nullamque antiquitatem morari; natura enim nihil antiquius, majorisque auctoritatis.

Ad problemata non solubilia (uti putant) è medicinalibus observationibus, tanquam impedimenta sanguinis circulationi, objiciunt, & suos errores declarando, opponunt.

Stante circuitu phlebotomia non revelli, cum sanguis nihilo minus parti affectæ impellatur.

Excrementorum pravorumque humorum transitum, per cor nobile viscus & principale metuendum.

Effluxum excretionemque mirantur,

H cum

cum quandoque ex eodem corpore , diversis partibus, imo ex eodem foramine , eodemque tempore , nonnunquam malus & corruptus sanguis egreditur ; cum , si continuus fluxu sanguis agigaretur , per cor transiens permisceretur concussus.

Hæc & hujusmodi plurima , è Medicorum schola prolata , qui fieri possint dubitant ; nam repugnare videntur , quo minus circulatio admittatur. Neque satis factum opinantur (sicut in Astronomia) nova systemata ordinare , nisi omnia phænomena forvant.

Non aliud hoc loco respondere visum est , quam circulationem non eandem, ubique & semper , esse ; sed multa contingunt, ex sanguinis motu velociori vel tardiori , cordis propellentis robore & infirmitate, sanguinis copia, conditione, vel constitutione, partium densitate, obstructione & similibus. Crassior sanguis per angustos meatus agrius transit ; pertransiens per jecoris parenchyma magis transcolatur , quam per pulmonem.

Non pari cursu , per carnis & parenchymatis rariorem texturam tranatur , ac per nervosarum partium compactam consistentiam. Tenuior enim & purior & spirituosior pars citius permeat ; crassior, terrestrior & cacochymica , diutius subsistens , repulsiatur.

diatur. Pars nutritiva (ultimum alimentum, sive ros, sive cambium) magis penetrativa est (liquidem ubique apponenda, vel ipsis cornibus, plumis, unguibus, pilis denique) si omniquaque enutritæ secundum omnes dimensiones augmentantur.

Excrementa quibusdam locis propterea secernuntur & coagmentantur quæ aggravant, aut concoquuntur: neque excrementa, vel pravy humores, semel segregata, neque lac, pituitam, sperma, neque ultimum alimentum (rorem & cambium) cum sanguine revolvî necesse puto, sed adhærere quod nutrit, ut agglutinetur, oportere.

De quibus omnibus, plurimisque aliis, in propriis locis determinandis & declarandis, nempe Physiologia, reliquisque artis medicinæ partibus; nec de circulationis sanguinis consequentibus, inconvenientiis, vel convenientiis, convenit disputare, priusquam ipsa circulatio stabilita sit, & pro concessio admittatur.

Astronomiæ exemplar non hic imitandum est, ubi ex apparentiis duntaxat & ipso quod sit, causæ & ipsum propter quid investiganda veniunt. Sed si ut quis eclipses causam perquirens, si supra L. nam si steretur, ibi eorum causam discerneret, quæ sub sensum cadunt, sensu, non ratiocinio sentibilibum; nulla alia certior demonstratio

ad fidem faciendam adduci poterit , quare
sensus & *αὐτοψία*.

Aliud experimentum insigne, apud omnes
studiosos veritatis, cupio exploratum, quo
pulsus arteriarum ab impulsu sanguinis fieri
& illustrari perspiciatur.

Intestinatorum canis, vel lupi, vel cuiusvis
animalis inflatorum & exicatorum (qualia
apud pharmacopœcos vidimus) si in quavis
longitudine, pars abscissa, aqua impleta
utrinque ligetur, ut sit tanquam farcimen-
tum, poteris ab una parte, digiti ictu, pulsa
vibrata, in altera extremitate adversa, appo-
natis digitis (ut supra carpi arteriam sol-
emus pulsum indagare) omnem ictum & mo-
tus differentiam clare sentire; atque hoc
modo (ut etiam in omni vena corporis tu-
gente, sive viventis, sive mortui) pote-
ris quispiam tyronibus omnes pulsum diff-
erentias, in magnitudine, frequentia, veheme-
tia, rhythmo ad sensum æmulando & docere
& indigitare.

Tanquam enim in longa vesica repleta
in tympano oblongo, omnis ictus uni
extremi in altero simul cernitur; proinde in hydrope ventris, sicut quoque
in omni abscessu liquida materia oppleto.

Solemus anasarcam à tympanite disti-
guere; si enim omnis impulsus & vibratio
in uno latere facta, clare in altero sentitur
tactum.

tactu, tympanitem censemus; non, ut falso existimatur, quia sonum tympani refert, & flatu tantum fit (quod nunquam accidit), sed quia, uti in tympano, omnis ictus levissimus pertranseat, & vibratio quævis percurrat: serosam enim & ichorosam, qualis urina est, substantiam subesse denotat, & non aut lentam, aut viscidam, ut in anasarca, quæ impressa ictus & impulsione vestigia servat, non transmittit. Hoc experimento in medium adducto, oritur potentissima objectio, contra sanguinis circuitum, à nemine, qui contra me scripserit, observata, aut opposita.

Quandoquidem in hoc experimento, pulsus systoles & diastoles videmus fieri posse, sine exitu liquoris; in arteriis idem posse ex ictu cordis contingere, sine circuitus necessitate, quis suspicabitur, & similiter Euripi in morem, illinc huc, & vicissim hinc illuc sanguinem agitari. Verum alias hanc difficultatem solvimus sufficienter, & nunc quoque dicimus, in arteriis viventium hoc non esse, quoniam continuo & continenter, auricula cordis dextra ventriculum implet sanguine, cui tricuspides valvulæ regressum negant, & simul auricula sinistra sinistrum, & uterque ventriculus in systole projicit sanguinem & protrudit, quem sigmoides valvulæ non sinunt remeare. Aut igitur ali-

cubi ex pulmonibus & pariter ex arteriis emigrare, continue & continenter debere aut tandem alicubi stagnans & infarctus, vel continentia vasa disrumperet, vel ipsum distendendo suffocaret; ut in viva dissectione anguis (in libello meo de sanguinis motu) ad sensum contingere annotavimus.

Ad hoc dubium declarandum, duo experimenta, inter multa alia commemorabo, quorum prius ante retuli, quo clare apparet sanguinem in venis, continuo & magno conatu & fluore, versus cor semper currere.

In jugulari vena interna denudata damna viva (coram multis Nobilibus & Rege Serenissimo Domino meo assistentibus) per medium divisa & abrupta, ex parte inferiori, è clavicula surgente, vix guttæ quædam prodierunt sanguinis; quando magno impetu & rotundo fluore prorumpente, longius deorsum è capite per alterum illius venæ orificium, sanguis uberrime scaturiret.

Idem quotidie poteris observare in phlebotomia profluente sanguine: si uno digito, paulo infra orificium, venam comprimas, assatim fluor sistitur: qua compressione soluta, abunde denuo effluit, ut prius.

In quavis visibili longa vena cubiti, sursum extensa manu & omni sanguine deorsum è manu, quoad poteris, depresso; videbis
venam,

venam, quasi (relicta in cute fovea) collapsam: quamprimum vero summitate unius digiti comprimias, statim partem, manum versus, oppleri, turgere & (adveniente è manu sanguine) tumesceri percipies.

Quid causæ est, quod, si detento spiritu & inde compressis pulmonibus, multo ingesto aere, simul vasa pectoris comprimantur, inde sanguis in faciem & oculos multo rubore compellatur?

Quid, quod (ut *Aristot.* in problematibus) omnes actiones, cum vi & robore magis obeuntur, detento anhelitu quam laxato?

Quare è vena frontis vel linguæ, compressione juguli & retento anhelitu elicitur sanguis uberior?

Ego aliquando in cadavere humano noviter strangulato, intra duas horas à suspensione, aperto pectore & pericardio (antequam faciei rubor evanuerat) auriculam dextram cordis & pulmones, plurimum distentos & infarctos sanguine, multis attestantibus ostendi, præcipue vero auriculam, ad maximi hominis pugni magnitudinem,urgentem adeo ut disruptam iri putares. Quæ moles die sequente, refrigerato penitus corpore & per alias vias cruore dilapso, detumescens evanuerat.

Ita, ex his & aliis experimentis, satis con-

stat sanguinem per venas omnes , ad cordis basin, procurrere, & nisi transitus daretur in alias vias, coacervari in corde & ipsum eo obrui : utri ex altera parte , si non ex arteriis efflueret, sed regurgitatus reperiretur, apparet quantum opprimeret.

Aliam observationem addam. Vir nobilis Eques Auratus Dominus *Robertus Darcy* , progener doctissimi viri & mihi amicissimi Medici celeberrimi Doctoris *Argent* ; cum erat consistente ætate , sæpe de dolore quodam pectoris oppressivo , conquestus est (præcipue nocturno tempore) ita ut quandoque lipothymiam , quandoque suffocationem à paroxysmo metuens, vitam inquietam & anxiam degeret. Multa incassum tentavit , omnium Medicorum consiliis usus ; tandem ingravescente morbo, cachecticus & hydropicus factus , tandem in uno paroxysmo vehementer oppressus , obiit. In hujus cadavere (præsente D. Doctore *Argent*, qui tunc temporis præsiciens Collegii Medicorum erat , & D. D. *Gorge*, Theologo & Prædicatore egregio , qui illius Parochii Pastor fuit) ex impedito transitu sanguinis , de sinistro ventriculo in arterias , paries ipsius ventriculi sinistri cordis (qui satis crassus & robustus cernebatur) disruptus & perforatus amplo hiatu sanguinem effundebat ; erat enim foramen tantæ magnitudinis ,

ut

ut facile aliquem ex meis digitis reciperet.

Alium virum cordatum novi, qui præ ira & indignatione, ob acceptam injuriam à potentiori & illatam contumeliam, adeo æstuans exardescibat, ut auctis ira & odio in dies (ob inhibitam vindictam) & animi passione vehementi, quo maxime exulceratus erat, nemini patefacto, tandem in mirum genus morbi incidit, summaque oppressione & dolore cordis & pectoris misere confictabatur, ut adhibitis expertissimorum Medicorum auxiliis non proficientibus, in scorbuticam tandem post aliquot annos cachexiam incidens, contabuerit & mortuus fuerit.

Huic tantummodo aliquid solaminis accidit, quoties & quamdiu, tota pectoris regio, à fortissimo viro comprimeretur, & (sic ut pistor panem subigit) depfaretur & tunderetur. Amici ipsū veneficio à malefica affectum putabant, aut cacodemone obsessum.

Huic quoque arteriæ jugulares, pollicis magnitudine distentæ (tanquam utraque esset aorta ipsa, aut arteria magna descendens) alte & vehementer pulsabant, & tanquam aneurismata duo oblonga apparebant; unde & arteriotomiam circa tempora tentavimus, sed nullò levamine.

In cadavere dissecto inveni cor & aortam adeo distenta & sanguine referta, ut cor-

dis moles & ventriculorum cavitates, bovini cordis magnitudinem, compensarent & æquipollerent. Tantæ, sanguinis cohibiti vel conclusi, vires sunt, tantusque impetus.

Quaquam (per experimentum pridem allatum) impulsus fieri, sine exitu (conquassata hinc inde aqua) poterit in sarcimine prædicto, idem tamen non potest sanguini, in valis viventium contingere, sine summis & gravissimis impedimentis & periculis.

Veruntamen exinde manifestum est, sanguinem in suo circuitu, non eadem velocitate & celeritate ubique transire, neque eadem vehementia, in omnibus locis & partibus & temporibus: sed pro ætate, sexu, temperie, habitu corporis, cæterisque rebus contingentibus internis, vel externis, naturalibus, vel non naturalibus, multum variari.

Non enim per vias & meandros occlusos, obstructos, aut impeditos, eadem celeritate transit, qua per apertos, reseratos & patentes; neque per corpora aut partes densas, contractas, infarctas, uti per raras, relaxatas & deobstructas. Neque cum debiliter, lente & molliter sit impulsus, ita expedite procurrit, aut penetrat, uti cum vi & robore impingitur, vel vehementia & copia cogitur.

Neque

Neque crassus ipse sanguis , aut solidior , aut terrestrior factus , adeo penetrativus , uti cum serosior , attenuatus & liquidior existit.

Præinde rationabiliter existimandum est , sanguinem in circuitu suo , tardius pertransire per renes , quam per cordis substantiam ; celerius per jecur , quam per renes ; per lienem , quam per jecur ; per pulmones , quam per carnes , aut alia aliqua viscera similis consistentiæ.

Similiter contemplari licet , de ætate , sexu , temperie , habituque corporis molli vel duro , de ambientis frigore densante corpora , quando vix venæ appareant in artubus , aut color sanguineus cernitur , aut calor sentitur , à pastu liquidiore facto sanguine ab accessione alimenti.

Ita quoque venæ , conspicue magis & libere effundunt in phlebotomia , calefacto corpore , quam refrigerato. Videmus cum ab animæ passione (dum administratur phlebotomia) inciderit pavidus in lipothymiam , statim sistatur sanguinis effluxus , & pallor exsanguis totam corporis superficiem occupet , rigeant membra , sibilent aures , oculi occæcentur & convellantur. Campum invenio ubi longius percurrere & latius speculando exspatiari possum. Sed enim tanta hinc veritatis elucescit lux , qua tot
pro,

problemata explanari, tot dubia solvi, tot affectionum & morborum causæ & curandi occasiones investigari possunt, ut peculiariter tractatum postulare videantur. De quibus omnibus, in observationibus meis medicinalibus, admiratione digna tradam.

Quid enim magis admirari contingit, quam quomodo in omni affectu, appetitu, spe vel timore, corpus nostrum diversimode patitur, & vultus evariatur ipse, & sanguis huc aut illuc subterfugere videtur? Ira rubent oculi, constringitur pupilla in verecundia ruboreque profunduntur genæ; timore, infamia & pudore pallida est facies, rubent auriculæ tanquam male audita; cupidine tactis adolescentibus, quam celeriter impletur nervus sanguine & erigitur, ac tenditur. Scire autem Medicis est observatione dignissimum & utilissimum, quare omnem dolorem, sanguinis emissio, cucurbitulæ & arteriæ deferentis fluxum compressio & coarctatio artificiosa (præsertim interea dum fiunt) tanquam incantamento sedant & auferunt; hæc, inquam, ad observationes, ubi clare enodantur, referenda.

Perperam, anatomica dissectione confirmanda & ex *avroſia* quæ sunt credenda, inepti & inexperti, dialecticis & longe petitis argumentis, conantur vel evertere, vel stabilire.

bilire. Quicumque scire desiderat, an sit nec ne, quod in quæstione sensibile & visibile est, is vel expertis credere, vel ipse videre teneatur oportet; nam nulla alia certitudine clariori erudiri, aut doceri poterit.

Quis vinum dulce, mustumve aquæ potum antecellere, iis, qui nunquam degustant, persuadebit? Quibus argumentis, Solem esse lucidum & supra omnes stellas splendentem, à nativitate cæcis confirmabit? Sic de sanguinis circuitu, quem tot sensibilibus ad autopsiam experimentis confirmatum, jam per tot annos, habuerunt omnes; Nemo inventus est, qui rem sensibilem (videlicet motum fluxus & refluxus) sensibilibus pariter observationibus redarguere, aut experientiam allatam infringere, experimentis valuit; imo contrarium astruere ex *autopsiæ*, ne tentavit quidem.

Cum interim non desint, qui, ob inexperientiam & rudem ignorantiam anatomicam, nihil quidquam sensibile, in contrarium quod afferrent, habentes, vanis quibusdam & fictis, ex præceptorum auctoritate receptis assertionibus & non probabilibus suppositis, sed quibusdam captivaculis vacuis obstrepunt; multis verbis insuper, iisque haud dignis, sed maledictis, nec sine convitiis & contumelia oblatrant: quibus nihilo plus agunt, quam ut dent operam,
vani

vanitatem & ineptias suas & malos mores; argumentorumque (quæ à sensu petenda essent) inopiam prodere; ut cum falsa sophistica ratione, adversus sensum insanire videantur. Haud aliter, quam maris ficuli ventorum turbine concitati fluctus, contra scopulos intra Charybdin allisi, fremunt, & refracti & reverberati spumant, hi contra sensum ratiocinium.

Si nihil admitteretur per sensum sine rationis testimonio, aut contra quandoque rationis receptæ dictamen, jam nulla essent problemata disputanda. Si non certissima per sensum fides foret, eaque ratiocinando stabilita (ut in suis constructionibus Geometri solent) nullam perfecto admitteremus scientiam: quippe, ex sensibilibus de sensibilibus demonstratio rationalis, Geometrica est.

Ad cuius exemplar, abstrusa & à sensu remota, ex apparentibus manifestioribus & notioribus, innotescunt. Melius multo *Aristoteles* nos admonet (*lib. 3. de gener. anim.*) de generatione *Apum* disputans; rationi fides adhibenda, inquit, si quæ demonstrantur, conveniunt cum iis, quæ sensu percipiuntur, rebus: quæ cum satis cognita habebuntur, tum sensui magis credendum quam rationi.

Unde probare vel improbare vel reprobare omnia ab examinatione minutim facta debet.

debemus: examinare vero & experiri, an recte an perperam dicta sint, ad sensum deducere oportet, & sensus iudicio confirmare & stabilire; ubi si quid fictum, non latet. Unde *Plato* in *Critias*, difficilem non esse earum rerum explicationem asserit, quarum experientiam habere poterimus. Neque apti ad scientiam sunt auditores, qui nullam experientiam habent.

Quam arduum & difficile sit, nullam experientiam habentibus, illa, de quibus experientiam aut sensibilem cognitionem non habent, docere; & quam inepti & indociles, inexpertique auditores sint ad veram scientiam, cœcorum de coloribus, surdorum de consonantiis iudicia plane ostendunt. Quis unquam maris fluxum & refluxum, quis ex diagrammate geometrico angulorum quantitates, aut laterum rationes, cœcos docebit? aut eos qui neque mare viderunt, neque diagrammata?

Inexpertus in anatomicis, in quantum, propriis oculis & proprio exinde conceptu, rem non tenet, cœcus in iis quadantenus existimandus? & ineptus ad doctrinam: non enim, de quibus disputet *Anatomicus*, neque ex quibus in rei natura insitis, desumat argumenta, quidquam rite novit; sed cuncta illi pariter ignota sunt, tam quæ concluduntur & colliguntur, quam ex quibus.

Nulla

Nulla autem possibilis cognitio est, ex non præexistente cognitione, eaque notiori: hæc una potissimum causa est, cur tam incerta & conjecturalis nostra, de cœlestibus corporibus, scientia sit. Ab iis, qui causas & rationes omnium scioli adeo profitentur, scire velim, quare uti ambo oculi, simul hac atque illac, & quaqua versus sese intuen- do moveant, nec singulatim, iste illuc, hic istuc, se convertat oculus, ita nec ambo cor- dis auriculæ? &c.

Quia febrium causas, aut pestilentia, aut quorundam medicamentorum mirandas proprietates, ipsorumque causas non norunt, an propterea essent negandæ?

Cur foetus in utero, non respirans aerem, usque ad mensem decimum, ob defectum respirationis non suffocatur? Cum natus in septimo, vel octavo, quamprimum aerem inspiraverit, inhibita postmodum respira- tione, ob defectum aeris suffocetur? Qua- re in utero existens, vel adhuc in ra secundi- nas nondum exitum adeptus, vitam sine re- spiratione retinere poterit? quamprimum vero aeri semel expositus, nisi respiraverit, vitam retinere non possit?

Quoniam multos video hærere & de cir- culatione dubitare, & aliquos oppugnare ea, quæ de me non penitus intellexerunt; in eorum gratiam, breviter quid dictum ve- lim,

lim, quæ ex libello *de cordis & sanguinis motu* recapitulabo. Sanguis in venis contentus (suo quasi fundo) ubi copiosissimus (in vena scilicet cava) juxta cordis basin & auriculam dextram, sensim ab interno suo calore incalescens, & attenuatus turget & attollitur (fermentantium in modū) unde auricula dilatata, sua facultate pulsifica se contrahens propellit eum confestim in dextrum cordis ventriculum, qui impletus sua systole, subsequenter sese ab illo impulso sanguine expediens (cum egressum valvulæ tricuspidis impediunt) in venam arteriosam eundem (qua patens porta datur) compellit, quo illius distentionem faciat. In vase arterioso, jam sanguis adversus valvulas sigmoides recurrere impotens, sed quia inspiratione, simul & expiratione, extenti, ampliati & restricti sint pulmones & una quoque vasa ipsorum, huic sanguini viam, transitumque, in arteriam venosam præbent : ex quibus auricula sinistra, simul & pariter cum auricula dextra, motum, rhythmum, ordinem & functionem peragens, eundem, in sinistrum pariter ventriculum, sanguinem intromittit, quem dextra in dextrum : unde sinisterrime ventriculus simul & pariter cum dextro (quando regressus unde venerat propter eadem valvularum retinentiam impedimenta prohibetur) in capacitatem aortæ & con-

fe-

sequenter in omnes arteriæ ramos impellit & arteriæ hoc subitaneo impulsu repletæ, cum non ita subito sese exonerare possunt, distenduntur, impelluntur, & diastolen patiuntur.

Unde cum continue & continenter idem reiteretur, colligo, arterias, tum in pulmonibus, tum per universum, tot ictibus cordis & impulsionibus, sanguine adeo tandem distentas & infarctas iri, ut vel cessaret omnino impulsus, vel disrumperentur vel dilatarentur adeo, ut omnem massam sanguinis à venis exhaustam continerent, nisi alicubi effluente sanguine exonerarentur.

Idem quinetiam de cordis ventriculis ratiocinium, repletis & ab auriculis infarctis sanguine; nisi pariter sese deplerent in arterias, tandem ad extremum distenti ventriculi, ab omni motu destituti fixique permanerent. Hæc collectio mea demonstrativa & vera est & necessaria, si vera sint præmissa: illa autem vera esse vel falsa, sensus nos facere debet certiores, non recepta ratio; *αὐτοψία*, non mentis agitatio.

Sanguinem præterea in venis, assevero semper & ubique, de minoribus in majores currere, & versus cor ab omnibus particulis properare: unde colligo, quam copiam (continue intromissam) arteriæ receperunt per venas traditam, eandem reverti, tandemque

demque eo refluere unde primum pellere-
tur, & eo modo in circuitum sanguinem
moveri, fluxu & refluxu à corde per impul-
sum, cujus impetu per omnes arteriarum fi-
bras cogitur : postea, ab omnibus partibus,
continuato fluxu, regredi per venas successi-
ve, à quibus absorptus & exhaustus traduci-
tur : hæc vera esse docet sensus ipse & à sen-
sibilibus collectio necessaria omnem dubi-
tandi ansam tollens.

Denique hoc est, quod enarrare & pate-
facere, per observationes & experimenta coe-
nabar, non ex causis & principiis probabili-
bus demonstrare, sed, per sensum & experi-
entiam, confirmatam reddere, anatomico
more, tanquam majori autoritate, volui.

Ex his notandum, quantam vim & vio-
lentiam, concitatamque vehementiam in
corde & arteriis majoribus, tactu & visu per-
cipimus. Pulsus systolen & diastolen (in
animalibus majoribus calidioribus) non di-
co, in omnibus vasis sanguinem continentib-
us, eandem esse, neque omnibus sanguineis
animalibus ; sed talem & tantam in omni-
bus, ut exinde fluxus sanguinis & citatior
cursus, per arterias exiles, partium porosi-
tates, venarumque omnium ramos, necessa-
rio fiat, & exinde circulatio.

Nam neque exiles arteriæ, neque venæ
pulsant, sed duntaxat majores & cordi vici-
niores

niores pulsant arteriæ : eo quod non ita subito emittant, ac impellitur sanguis. Experiri poteris in dissecta arteria, ita ut libere exeat sanguis prout immittitur; nam pleno gurgite exiliente sanguine, in illa vix pulsus perferri, quia data porta transcurrentis sanguis illam non distendit.

In piscibus, serpentibus, frigidioribusq; animalibus, cor tarde & debiliter pulsat, ut vix in arteriis pulsus percipias, sanguinem quia transmittunt lento admodum gradu. Unde in his, ut etiam minoribus arteriarum ramulis in homine, nulla tunicarum cum venis distinctio, quia sanguinis impulsu non percelluntur.

Rescissam & apertam arteriam, (ut dixi) pertransiens sanguis non impellit, neque ea pulsat : unde clare cernitur, arterias neque innata facultate pulfica, neque à corde demandata, sed solo sanguinis impulsu, diastolen pati : nam tum pleno ipso in fluxu longius profluente, tam systolem quamdam, quam diastolen discernere & tactu percipere poteris, & ut antea dixi, omnes pulsationis cordis differentias, rhythum, quin etiam & ordinem, vehementiam, intermissionemque in emanante fluore (licet in speculo imaginem) evidenter agnoscere.

Quemadmodum, cum aqua, vi & impulsu syphonis, per fistulas plumbeas in altum cogitur,

cogitur, singulas compressiones instrumenti (per multa licet stadia distent) in ipso aquæ exeuntis fluxu, singulorum ictuum ordinem, principium, incrementum, finem, vehementiam observare & distinguere possumus; ita ex abscissæ arteriæ orificio. Ubi notandum, uti in exemplo aquæ, continuum effluxum esse videmus (licet modo longius exiliat modo propius) ita in arteriis, præter sanguinis concussionem, pulsum, vel vibrationem (quæ non in omnibus, æque cernitur) continuum exinde fluorem motumque fieri, quo usque primum sanguis (in auriculam nempe dextram) ubi incepit, regreditur.

Hæc in rescissâ aliqua arteria longiori (ut jugulari) quam intra digitos si comprehenderis, exirumque modereris sanguinis, magis aut minus pulsare, amittere pulsum & recuperare, pro tuo libitu poteris explorare, ut clare discernantur.

Sicut. integro pectore hæc manifesta hoc modo fiant, ita aperto pectore & exemptis exinde pulmonibus, amissoque motu respirandi, brevi experiri poteris; scilicet, contrahi auriculam sinistram, inaniri, albidior fieri, & tandem cum sinistro ventriculo pulsum intermittere, omittere, destituere & pariter ex rescissæ arteriæ foramine, minus & minus sanguinem, subtiliori filo & infirmiori pulsu, proruere, & denique (deficiente
nimirum

nimirum sanguine & ventriculi sinistri impulsu) nihil ultra emanare.

Præterea ligata vena arteriosa experiri poteris & auriculæ sinistræ pulsum auferri, & illa soluta restitui, pro arbitrio. Eodem hoc experimento, in moribundis, evidenter cernes ; quod sicut prius à motu & pulsu, ventriculus sinister desistat, postea sinistra auricula, deinde dexter, ultimo auricula dextra, quod ita à quo incipiat vitalis facultes & pulsus primo, deficiat ultimo.

Quibus per sensum exploratis, manifestum est, sanguinem non per septum cordis, sed per pulmones tantum pertransire, dumtaxat à respiratione commotos, non collapsos & requietos : hinc probabile est, quare in embryone (cum nondum respirat) natura pro transitu sanguinis, in arteria venosa (quo materia sinistro ventriculo & auriculæ sinistræ suggeratur,) foramen ovale aperit, quod adolescentibus & libere spirantibus occludit.

Patet quoque, cur opprimi & infarciri vasa pulmonum, vel in morbo graviore lædi respirationem; adeo periculosum & lethale signum sit.

Patet non minus, quare sanguis adeo rutilans sit pulmonum; tenuior enim est, ut qui inibi transcolatur. Notandum amplius ex Epilogo antedicto, iis qui causas circulationis

tionis efflagitant, cordisque virritem, omnium effectricem suspicantur, & pulsum, ut transmissionis, ita attractionis, generationisque sanguinis authorem credunt cum *Aristotele*; iidem à corde spiritus fieri, vitalemque calorem influentem arbitrantur, idque cordis innato calore, tanquam immediato animæ instrumento, vel vinculo communi & ad omnia vitæ opera peragenda organo primo: & ita sanguinem & spiritus motum, perfectionem, calorem & omnem sanguinis rationem (quam *Arist.* dicit inesse sanguini uti in aqua calida & in pulte ebulliente) à corde tanquam ab origine mutuari, corque causam primam esse pulsationis & vitæ existimant. Aperte si loquar, hæc ita esse (ut vulgo recepta sunt) non opinor: multa enim sunt, quæ me in aliam sententiam ire suadent in generatione partium observanda, quæ hic recitare non expedit; sed propediem forsan miraculosiora, majoremque lucem naturali philosophiæ allatura, à me in publicum dabuntur.

Interim dicam tantum & sine demonstratione proponam (bona cum venia doctissimorum virorum & antiquitatis reverentia) cor, cum dicatur omnium in corpore principium, author, fons & origo, primaque vitæ causa esse, una cum venis, arteriis omnibus, contentoque sanguine id subintelligi.

ligendum est. Sicut cerebrum, cum suis omnibus nervis sensoriis, organis & spinali medulla comprehensum, unum sensus organum adæquatum (ut loquuntur) est. Si vero per hoc vocabulum cor, corpus cordis, cum ventriculis & auriculis tantum subintelligatur, non puto esse sanguinis opificem, neque sanguinem, vim, virtutem, rationem, motum, aut calorem, ut cordis donum habere.

Deinde, neque eandem esse causam diastoles & distentionis, quæ systoles & contractionis, sive in arteriis, sive in auriculis, sive ventriculis cordis, arbitror: sed pulsus pars quæ diastole dicitur, aliam habet causam à systole diversam, & semper omnem systolen ubique præcedere debet.

Distentionis primam causam, calorem innatum esse, primamque distentionem esse in sanguine ipso (fermentantium in modum) sensim attenuato & turgente, in eoque ultimo extinctam puto. *Aristotelis*, pultis vel lactis in modum, exemplo assentior eo usque, ut illa elevatio, aut depressio sanguinis, non fiat à vaporibus, exhalationibus aut spiritibus, aut aliquo in formam vapoream vel aeriam concitato; neque sit causat ab externo agente, sed ab interno principio, regulante natura.

Neque cor (ut aliqui putant) tanquam
anthrax

anthrax, focus (instar lebetis calidi) caloris origo est & sanguinis; sed magis, sanguis calorem cordi (ut reliquis omnibus partibus) tribuit, quàm recipit, utpote omnium in corpore calidissimus.

Cordi arteriæ & venæ coronales assignantur, in eisdem usus, quibus cæteris partibus inserviunt; videlicet, ad caloris influxum, pro fotu & conservatione ipsius : ideo calidiores omnes partes, quo magis sanguineæ, & quo sanguine magis abundant, calidiores convertibiliter dicuntur. Eadem ratione, cor suis cavitatibus insigne, officina, fons, focus perennis, censendus est, non ratione corpulentiae, sed contenti sanguinis, instar lebetis calidi. Hac ratione jecur, lien, pulmones, ceteræque partes, calidæ reputantur, quia multas venas vel vasa continentia sanguinem habent.

Atque hoc modo autumo, calorem nativum, seu calidum innatum, ut omnium operationum commune instrumentum, sic pulsus quoque efficiens primum esse. Hoc non adhuc constanter assevero, sed tantum pro thesi propono. Quid in contrarium obijciatur à viris doctis & probis, sine verborum scurrilitate, convitiis, vel contumeliis, scire libenter velim; & si quis hanc rem susceperit, pergratum mihi fecerit.

Hæc itaque transitus sanguinis & circui-

tus tanquam partes & vestigia sunt. Nempe de auricula dextra, in ventriculum; de ventriculo per pulmones, in auriculam sinistram, inde in ventriculum sinistrum & in aortam, omnesque per arterias à corde, per partium porositates, in venas, & per venas, ad cordis basin, quam celeriter revertitur sanguis.

Uno experimento, quisquis cui placuerit, hoc discernere per venas poterit: ligetur brachium (ut solent) mediocri ligatura, & tamdiu brachium movendo, permaneat ligatum, quousque omnes venæ adprime turgeant, & infra ligaturam tota cutis insigniter rubescat; tum profundatur manus aqua gelidissima vel nive, donec collectus infra ligaturam sanguis refrigescat satis; dein soluta subito ligatura sentias ex sanguine frigido revertente, quam celeri cursu sursum ad cor properet, & quam mutationem reversus in corde faciat; ut mirum non sit, quosdam à soluta ligatura, post phlebotomiam, in lipothymiam incidisse. Hoc experimentum monstrat, quod infra ligaturam venæ turgeant non sanguine attenuato & spiritu vel vaporibus inflato, (talem enim ebullitionem immersio in frigidum deprimeret) sed solo sanguine, eoque, qui in arterias, vel per anastomoses, vel cæcos mæandros, reverberari non potest.

Docet

Docet insuper quomodo per altos montes nivosos oberrantes, morte sæpe de improviso opprimantur, atque alia multa hujusmodi.

Sanguinem pertransire per omnes partium poros, & quaquaversum meare posse, ne durum videatur, unum addam experimentum. Laqueo strangulatis & suspensis, accidit idem, quod brachio ligato, ut trans chordam, scilicet facies, oculi, labia, lingua, partesque omnes superiores capitis, plurimo infartiantur sanguine, maximo rubore perfundantur, turgescantque usque ad livorem: in hujusmodi cadavere, soluto laqueo, quacunque positione collocaveris, intra non multas horas, videbis omnem sanguinem, vultum & caput deferere, & à supinis & sursum positis partibus in pronas & subiectas, per poros cutis, carnis, cæterarumque partium (suo quasi ductum pondere) decumbentem, & omnes illas partes infra positas & cutem potissimum replentem, atrotabo colorare. Quanto magis sanguis vivus & spirituosus, vivo corpore, apertis porositatibus penetrativus, quam cruor mortuus coagulatus, præsertim per habitum corporis frigore mortis densatum, viisque stipatis & compressis; tanto facilius per quascunque partes, transitus in vivis est pronior.

Ingenio pollens, acutissimus vir, *Renatus Cartesius* (cui ob mentionem mei nominis honorificam plurimum debeo) & alii cum ipso, cum extractum cor piscium super planam tabulam expositum, pullum æmulari, colligendo seipsum, vident, quando erigitur, attollitur & vigoratur, ampliari, aperiri, ventriculosque suos exinde capaciores esse autumant ; quod haud recte mecum observant.

Collectum enim cum est, tunc temporis, coarctari potius capacitates ejus omnes & in sua systole esse, non diastole certum est : ut neque est, quando tanquam enervatum collabitur & relaxatur, in sua diastole & distensione, neque ventriculi exinde ampliores sunt : sic in mortuo, non dicimus in diastole esse cor, quia à systole concidit relaxatum, collapsum, omni motu destitutum & requietum, non distentum : distenditur enim & in sua diastole proprie est, cum ex impulsione sanguinis per contractionem auricularum impletur, ut in vivorum anatome evidenter satis apparet.

Latet acutissimum virum, quantum differant relaxatio & relapsus cordis & arterialium, à distensione vel diastole ; & quod eadem causa distensionis, relaxationis & constrictionis, non fit ; sed potius contrariorum effectuum causas contrarias, diversorum

motuum diversas : sicut adductionis & extensionis, in quovis membro, oppositos esse musculos antagonistas, sat omnes Anatomici norunt ; sic contrariis motibus, aut diversis, contraria & diversa activa organa, à natura, necessario fabricata.

Neque mihi arridet causa efficiens pulsus, quam posuit (secundum *Arist.*) eandem fore tam systoles quam diastoles, nempe effervescentiam sanguinis, tanquam ebullitione factam. Sunt enim cordis motus, subitanei ictus, celeresque percussiones : nihil vero ita quasi ictu oculi, fermentatione, vel ebullitione, assurgit & collabitur : sed lente sufflatur, quod affatim deprimitur. Præterquam quod in dissecatis, autopsia cernere liceat, ventriculos cordis, ab auricularum constrictione, distendi & repleri, & prout magis vel minus replentur, augeri ; distensionem etiam cordis, motum quendam violentum esse, ab impulsione, non ab attractione aliqua, factum.

Sunt aliqui, qui existimant, quod sicut ad plantarum nutritionem, impulsu alimentum non indigeat, sed sensim ab indigentibus particulis attrahatur in locum deperditi, ita neque animalibus esse aliquem impulsu necessarium ; quandoquidem similiter vegetativa facultas in his, atque illis, opus suum perficiat : verum diversa ratio est.

Calidum influens perpetim requiritur, ad animalium membra fovenda & in vivis vivifico calore conservanda, &, ab externis injuriis refracta, restituenda, non ad nutritionem duntaxat.

Hæc de circuitu : qui, si vel impeditur, vel pervertitur, vel nimium concitatur, multa periculosa morborum genera & symptomata admiranda consequuntur ; tam in venis, ut varices, apostemata, dolores, hæmorrhoides. hæmorrhagiæ ; quam in arteriis, ut tumores, phlegmones, dolores intensissimi & lancinantes, aneurismata, sarcofes, fluxiones, suffocationes subitanæ, asthma, stupor, apoplexia, & alia innumerabilia. Quomodo subito quandoque, instar incantamenti, auferantur & curentur quædam putata immedicabilia, non est hujus loci ut enarrem.


Inter medicinales observationes & in pathologia, ea tradere potero, quæ nunquam hæcenus à quovis observata comperio.

Concludam, ut tibi satisfactionem pleniorē faciam (*Doctissime Riolane*) qui in mesentericis venis, circulationem non fieri existimas, ligetur porta juxta jecoris finem, in viva dissectione (quod facile poteris experiri) idem ex venarum, infra ligaturam, turgescētia, quod in administratione phlebotomiæ, ex ligatura in brachio, accidere

dere videbis, quod transcursum inibi sanguinis patefaciat.

Sed cum opinari videaris sanguinem, de venis in arterias, per anastomoses, regredi posse; ligetur, in viva dissectione, vena magna discendens, juxta divaricationem ramorum cruralium; arteriam vero rescindas: sic, quia datur porta, omnem massam sanguinis, ex omnibus venis (etiam ex cava ascendente) breviter pulsu cordis exhaustam fore videbis; tamen ultra ligaturam, venas crurales & inferiores partes duntaxat repletas. Quod, si alicubi in arterias per anastomoses regredi potuisset sanguis, nullatenus accideret.

F I N I S.



JOHANNIS WALÆI
EPISTOLÆ DUÆ

DE

MOTU CHYLE

ET

SANGUINIS,

AD

THOMAM BARTHOLINUM,
CASP. FILIUM.

A R I S T O T E L E S,

3. de Hist. Animal. cap. 2.

Περὶ τῆς αἵματός τε καὶ φλεβῶν τε μετέπειτα
 εἰρηκότων τινὲς ὅτι ἀληθῶς λέγουσιν. αἵ-
 πον δὲ τῆς ἀγνοίας, τὸ δυνάμεναι αὐτῶν. ἐν
 μὲν γὰρ τοῖς πεθνεῶσι τῶν ζώων, ἀλλήλους ἢ φύ-
 σις τῶν κυριοτάτων φλεβῶν, διὰ τὸ συμπί-
 πτειν ἐνθὺς ἐξίοντες τῆς αἵματός, μέλιστα
 ταύτας ἐκ τέτων γὰρ ἐκχέεται ἀθρόον, ὥσπερ
 ἐξ ἀχείρου. καθ' αὐτὸ γὰρ εὐδὲν ἔχει αἷμα πλὴν
 ὀλίγον ἐν τῇ καρδίᾳ, ἀλλὰ τὸ πᾶν ἐστὶν ἐν ταῖς
 φλεψίν. ἐν δὲ τοῖς ζῶσι ἀδυνάτον εἶναι θεά-
 σαθαι ὥς ἔχουσιν. ἐντὸς γὰρ ἡ φύσις αὐτῶν
 ὥσθ' οἱ μὲν ἐν πεθνεῶσι καὶ διηρημένοις τοῖς
 ζώοις θεωρῶντες πᾶς μεγίστας ἀρχὰς ὅτι ἐθεώ-
 ρεν. οἱ δὲ ἐν τοῖς λελεπισμένοις ἑφόδρα ἀν-
 δρώποις, ἐκ τῶν τότε ἰζωθεν φαινομένων πᾶς
 ἀρχὰς τῶν φλεβῶν διώρισαν.

EPISTOLA PRIMA,
DE
MOTU CHYLI
ET
SANGUINIS:

AD
THOMAM BARTHOLINUM,
CASP. FILIUM.



Xercuit ab omni ævo Reipubl.
& Sacrorum Antistites de
primatu contentio: sed nullo
seculo Literati ambitiosius
quam hodie conati sunt præ
reliquis erudiri videri. Et quo id impetrent,
non verentur plurimi in auxilium calumni-
as aliasque peiores artes vocare. Nemo
edere in publicum, nemo communicare a-
mico scriptum potest, quod egregium qui-
busdam videbitur, qui non statim obtrecta-
torem inveniat, qui eum pungat, scindat,
laceret crudelissime. Nihil aliud autem suis
curis, suis laboribus, quam invidiam & ani-
mi ægritudinem quærere, extrema dementia
est.

H.e.,

Hæ, fateor, impediverunt me causæ quominus crebræ tuæ petitioni potuerim satisfacere ; simul & quod ea non libenter definitio quæ longa annorum experientia aut probare non potuit, aut non potuit satis limitare. Tu tamen rogare non desistis, & ego pudore suffundor semper negare. Necessitatem quasi quoque mihi imposuit vir quidam doctus, ut meam de motu sanguinis sententiam aliis debeam aperire. Theses enim quasdam de motu sanguinis me Præfide disputatas, etiam si Defendens vere in iis profiteatur suas esse, ut meas tamen aggressus est vellicare. Quamvis autem pudere illum juvenem illarum thesium non debet ; nolim tamen aliena, etiam meo præsidio defensa, pro meis æstimari. Nec earationes in obscuro sunt, qui meam in disputando libertatem, aut Academiæ nostræ consuetudinem noverit.

Quare nunc meam de motu sanguinis opinionem habe.

Sanguis qui è dissectis majoribus arteriis exilit, calidior, tenuior, rarior, & floridiori colore est, quam is qui è dissectis fluit venis: non ideo tamen dixerim sanguinem arteriosum à venoso tota forma differre : id enim habere sanguis arteriosus præ venoso potest, quod ille recens quasi à foco caleat, majorique spirituum copia abundet ; ut ebulliens
lac

lac à refrigerato eadem ratione videmus discrepare. Et certe sanguis arteriosus qualitates eas non aliunde quam à majori calore & spirituum copia habere videtur : qui enim in minoribus arteriis à foco jam remotior est, animadvertitur minus à venoso differre. Et ubi è majoribus arteriis, imo è vivi animalis corde sanguinem accepimus, & ex eodem animali sumpsimus è venis, sivismusque refrigerari utrumque & concreescere, nunquam potuimus in illis differentiam observare. Ut non aliud appareat quam sanguinem arteriosum, ejusdem generis cum venoso esse.

Venosum sanguinem duorum esse generum pauciores volunt; alium qui in vena cava, alium qui in vena portæ continetur. Sed nec in his, sive receptaculis suis inclusi, sive ex iis effusi sunt, ullum licet discrimen animadvertere : Idem prorsus rationem dictare mox videbimus.

Præter hos alius quoque concipi sanguis potest, qui è chylo in hepate confectus, ulteriorem perfectionem in corde non accipit : qualis is naturæ sit scire non possumus, cum, ut mox audiemus, in vena cava illi sanguini sit permixtus qui ulteriorem aliquam perfectionem in corde acquisivit. Et parum nostra interest ejus naturam cognovisse, quem ad breve prorsus tempus
talem

talem tantum perdurare videbimus, ut *unius tantum sanguinis* motus sit nobis inquirendus.

Moveri autem sanguis posset, vel in ea arteria venæve parte in qua continetur, vel ex ea parte in aliam.

Sanguis *in una arteria venæve parte* naturaliter sursum, deorsum, ut ebulliens aqua, non conspicitur moveri; nec in vase receptus, nec in vivo calenteque corpore dimissus, nec in ipsa arteria, si ea utrinque ligata intermedio superiorique loco dissecetur. Imo discisso à nobis sæpius vivi cordis mucrone, cordeque erecto, calere sanguis deprehensus est, nunquam ebullire.

Moveri autem sanguinem *ab una arteria venæve parte in aliam* res oppido manifesta est. Nam in extremitatum venis sanguis continetur, qui cum ibi genitus non sit, eo debet pervenisse. Et manifestò satis in vivis ex vena cava in cor sanguis fluit, & è corde in Aortam effluit.

Quo autem totus ille *sanguinis motus* nobis possit innotescere, ab ipso fonte videtur arcessendus.

Solidum *cibum* in vivis canibus sæpissime conspeximus eum in ventriculo ordinem, quo assumptus est, observare: nisi nimio potu distentus ventriculus fluctuare cibum, & eum ordinem perimittat immutari.

Quem

Quem recepit cibum ventriculus, etiamsi duarum tantum unciarum sit, manifesto undiquaque complectitur; non absimili ratione ac plicatas crumenas globulum videmus continere. simul & coarctatur superius inferiusque orificium: quod facto in vicinio foramineim, misso minimo digito, stylove, promptum est explorare. Inferius tamen orificium, dum deprehenditur plane occlusum, concidisse potius quam esse constrictum videtur, quod minima pressione ventriculi chylum sinat transfluere. Non raro quoque debiliior ventriculus, orificiaque ab illa naturali constrictione deficiunt; & tum solent laxiora sentiri.

Retentus in ventriculo cibus, totus à cibi, potus, salivæque liquore permadescit: nec ira multo post porosus & plane spongiosus conspicitur: quandoquidem, ut verosimile est, is liquor aliquid substantiæ cibi elicuit & imbibit.

Paulo post in minima inciditur & quasi discerpitur frustilla, & tenuis & crassior cibus, imo in canibus ipsæ ovorum testæ: quod sine dubio ab humore quodā acido contingit, qui vim dissolvendi habet. Ita experimur ventriculum cibi mole aut crassitie gravatum assumpto aceto, succo citri, oleo sulphuris aut vitrioli, levamen sentire. Neq; id quisquam in salivam aut bilem in ventriculum regurgi-

gitantem referet, qui in calida saliva, bileve bubula, aliquot horis panem macerari viderit, & ab iis tamen non communi: in cenantis quoque & pluribus canibus, quos hanc ob causam vivos secavimus, invenimus tantum in duobus bilem in ventriculum confluxisse; quorum unus in ediam passus erat per triduum, & in ejus ventriculo, mirandum visu, biliosa spuma erat ita densa, ita bullans, qualem in lixivio lavantibus lotricibus videmus innatare.

Acidum autem illum humorem conjectamur ex liene in ventriculum venire, quod non alia pars acida in corpore nostro sentiatur: quodque deglutito cocto liene & præsertim suillo, gravitas quoque ventriculi à copia & crassitie cibi emendetur.

Ita cibus liquori per minima commixtus, tractu temporis consistentiam tenuioris cremoris hordei coctione adipiscitur: quam ubi accepit, tum demum cibus ad intestina protrahitur.

Verum enimvero hanc in ventriculo commutationem æque cito omnis cibus non accipit; peragitur ea breviori mora de die, in paucis cibo, in tenui, beneve masticato; longius tempus exposit noctu, magna copia, crassus cibus, magnis fructis deglutitus: adeo ut dentibus bene comminutus in cremorem mutari incipiat, quando is
etiam

etiamnum solidus est qui majoribus est devoratus.

Lac jusculaque de diè, horæ spatio aut citius suam perfectionem accipiunt, & nisi aliud impediat tum quoque distribuuntur; quod vel urinæ emictio ab iis assumtis, sine ulla sectione, evidenter ostendit; tardius olea Panis ratione concoctionis medium videtur substantiæ modum habere; videre autem est eum prima hora cum dimidia immutari quam minimum, sequenti hora rarum & prorsus madidæ spongiæ similem fieri, ea elapsa in minima dividi frustilla & potui permixtum totum liquidum apparere, mox maxime concoqui; ac tandem quod è pane concoctum est, inter quartam quintamque ab assumptione horam per pylorum à ventriculo ad intestina propelli: remanere vero aliquid à pane reliquum & illud sensim debitam perfectionem accipere, ut & si quis alius cibus cum pane forte ingestus sit, qui eo concoctu sit difficilior: quos hoc animadvertimus ordine concoqui. Primum legumina, inde pisces, mox carnes, & eas demum intra sextam septimamque horam perfici & excerni: Bubulam intra septimam & octavam; etiamnum tardius earum partes membranosas, & ovorum testas; ossa in tertium usque diem mansisse in ventriculo, & interea facta esse cartilaginea vidimus.

Imo.

Imo in horummet ciborum partibus magna sæpe varietas conspicitur, ut è pane carneque etiamsi integræ in ventriculo videantur, aliquid tamen licet exigua copia prima quandoq; hora ad venas lacteas distribuatur.

Adeo ut quidquid concoctum est, alterius concoctionem neququam expectet, nec ab incocto quoque remoretur, sed quamprimum excidat & ad intestina transferatur: imo raro etiamsi ante horas sedecim canis comedit, ventriculus cibo plane vacuus reperitur.

Hæc autem observare nobis promptum fuit in canibus, quos vario post assumptum cibum tempore vivos secavimus.

In intestinis *chylus* colore cineritius est, nec nisi raro à bilis flavedine tingitur: ab ipso autem jam duodeno incipit *Alellii* venas lacteas ingredi, nec is ingressus in ullis cessat intestinis quā diu aliquid in intestinis chyli reperitur, ut rectum ipsum intestinum venis lacteis donatum sit, quæ ab affluxu chyli non raro conspiciuntur candicare. Et ne arbitrari possemus eum lacteum succum aliunde quam ex intestinis venire, venas has lacteas, corpori intestinorum insertas ligavimus, & animadvertimus à cavitate intestinorum ad ligaturam repleri evidenter & intumescere, à ligatura vero mesenterium versus depleri & concidere.

Nun-

Nunquam autem chylus animadversus est venam ullam in ventriculi corpore, nec ullam meseraicam intrare; ut nec sanguis ligatura venæ portæ, cujus ratio postea contabit, in venis meseraicis immensum adauctus, unquam visus est lacteas venas ingredi. Ut non aliud appareat, quam naturam venas lacteas deferendo tantum in chylo, venas ventriculi & meseraicas deferendo tantum sanguini destinavisse.

Chylus in venis lacteis semper candidus est, etiamsi ex chylo cineritio in intestinis, aut bilis tinctura flavo devenierit.

Per has venas lacteas chylus sursum vergit; quo id modo, res non satis expedita est. Id nobis videtur maxime verosimile, quod in magnis macilentisque canibus venaticis animadvertimus, venarum lactearum quasdam ab intestinis uno & continuato ductu in ramum mesentericum, quasdam in ipsam portæ venam, in cava hepatis quasdam, paucissimas quandoque in venam cavam prope emulgentes desinere. Ea enim animalia glandulam in Mesenterii principio unicam non habent, quam Asellius pancreas appellavit, & harum venarum ductum solet obscurare; sed ibi minoribus, ut plurimum quinque, glandulis sunt donatæ, quæ manifesto intervallo à se invicem sejunctæ, per id intervallum quibusdam venis lacteis liberum

berum transitum largiuntur. Sed cum supra has glandulas pauciores venarum lactearum rami, quarum & quædam majores, quam infra sint; crediderim prope eas glandulas, venas lacteas in ramos dividi, & eas ut alibi in corpore, vasorum divaricationi inservire.

Aliquando quoque venæ lacteæ nobis monstratæ fuere quæ lienem ingrederentur; sed cum præsentibus ipsis indicibus eas examinarem accuratius, nervos esse comperimus.

Per lacteas has venas delatus chylus permiscetur sanguini in mesenterico ramo, in portæ vena, in ipsoque hepate: quocunque enim loco ligentur venæ lacteæ semper intumescunt, quia impediuntur his partibus chylum transmittere; ac soluta ligatura eum illis partibus manifesto infundunt.

Rami venæ portæ in hepate, quamvis variis in locis annectentur ramis venæ cavæ, nullibi tamen in ramum majorem venæ cavæ aperiuntur, sed minimi venæ portæ rami in minimos venæ cavæ ramos chylum hunc sanguini mistum transfundunt: ut inflato excarni hepate aquæ innatante animadvertere facillimum est. Idem reliquo chylo sanguini mixto accidere, postea demum manifestum evadet.

E ramulis venæ cavæ in hepate, sanguis omnium

omnium judicio ipsi *trunco venæ cavæ* infunditur : & manifesto ea supra hepar in vis ligata ab influente sanguine intumescit.

Ex *vena cava cordis ventriculū dextrum* ingreditur ; ligataque alterutra *venæ cavæ* parte, quæ supra intrave cor sita est, observavimus aliquoties, præsertim in anguilla, eam citissime versus cor inaniri; quod & observavit *Harvejus* libelli sui cap. 10.

E dextro cordis ventriculo, manifesto satis *venam arteriosam* intrat, & per eam in *pulmones* fertur.

Aliquid quoque sanguinis è dextro cordis ventriculo , per *septum intermedium*, in sinistrum ventriculū transfluere non aulim asserere , cum alibi apertas vias , hic nullas inveniam. Refert *Petrus Gassendus*, vir diffusæ eruditionis & candidus , Exercitat. in Floddan. Philosoph. part. 3. cap. 17. vidisse se *Paganum* ostendentem *septum cordis intermedium* per varios *mæandros flexuosos*que quasi cuniculos pervium esse : eosque posse inveniri, si stylo in foveam aliquā leviter immisso, eum sursum deortum & ad latera patientissime contorqueas , & ulteriorem aditum semper explores, usque dum ejus extremum invenias. Et revera id non raro succedere sumus experti ; sed observavimus simul eas vias , eos *mæandros* nequaquam à natura

natura factos esse; sed à stylo aut cuspidē cultri fieri, dum factam viam aperimus, aut ulteriorem quærimus: caro enim cordis ita tenera simul & consistens est, ut minimo rei perforantis attactu statim disrumpatur, & cavitatem relinquat; adeo ut & latera cordis ita potuerimus pervia invenire.

Ingressum per venam arteriosam in pulmones sanguinem per *arteriam venosam* ad *sinistrum cordis ventriculum* redire hinc colligimus, quod ligato prope pericardium in pulmone vivo arteriæ venosæ majori ramo, vidimus eum versus pulmonis ambitum indurari & in tumorem attolli, ea parte inanita & concidente qua cor spectabat, solutaque ligatura sanguinem ad sinistrum cordis ventriculum moveri: idque facillimum est in cuniculis observare. Hic autem sanguis cum aliunde venire non possit, ex vena arteriosa huc debet defluere.

Leonardus Botallus, vir doctissimus, in fine libelli de Catharro invenisse se aliam viam arbitratur, qua è dextro in sinistrum ventriculum perpetuo sanguis eat. Paulo supra Coronalem, inquit, satis conspicuum reperi ductum juxta auriculam dextram, qui statim in sinistram aurem recto tramite fertur.

Hic ductus nisi progressus sit venæ cavæ ad arteriam venosam, quem foramen ovale

ap.

appellamus, aut alius ductus quem aliquando in ovillo corde reperimus calami triticei magnitudine ex una auricula obliquo ductu ad aliam vadere; nisi, inquam, aliquis horum sit, difficile est quis fuerit divinare.

Jam autem id foramen ovale ubique quidem æqualiter non occluditur, & sæpe in medio accrescens membranula tenuissima & pellucida est, minimoque styli attactu facile disrumpitur; rarissime tamen in adultis ulla ratione apertum invenitur. Et transfluens per arteriam venosam è pulmone sanguis membranam illi foramini propositam affigit, ut etiam quando connata non est difficulter aliquid illac possit transire.

Obliquus vero ille ductus nobis in ovillo corde visus, alte sæpe auriculæ substantiam penetrat, sed rarenter prorsus ad alteram auriculam fertur. Putamusque eum auriculæ ad nutritionem datum esse, quæ ramos non solet à Coronaria accipere.

Ex iis vero quæ raro accidunt, nihil eorum concludendum est quæ perpetuo debent evenire: in cordis quippe fabrica non raro ludit natura. Ita in bovini cordis septo intermedio superna parte secundum cordis longitudinem aliquando finum invenimus, ad sinistrum ventriculum circa mucronem patulum, qui longitudine amplitudineque digitum indicem æquabat.

Cui

Cui similem videre *Aristoteles* potuit, cum 3. part. cap. 4. asseruit majora animalia tres in corde ventriculos habere. Nam maxima animalia duos tantum ventriculos habent, ut in dissecto balæne fœtu animadvertimus.

Adeo ut videatur sanguis, non alia via ordinatim, quam per pulmones ad sinistrum cordis ventriculum vadere.

Ita ad sinistrum cordis ventriculum delatus sanguis, inde ad arteriam aortam, mediores, mininasque arteriolas pergit: iis enim vivis ligatis mirum in modum versus cor intumescunt, & extrema versus concidunt, ac aperta ligatura manifesto sanguinem ad ulteriora dimittunt.

Sanguis è minoribus arteriis potest venas intrare: arterie enim quibusdam in osculis in venas pervie sunt. Et quo esse certi possemus per ea oscula sanguinem posse transire, venam & arteriam in demortui canis pede liberavimus ab iis, quæ earum solent visum impedire, inanivimusque venam cruralem majorem & eam in illis ligavimus, ne illac aliquid sanguinis deflueret; in genu vero ligavimus venam hanc simul & vicinam arteriam: tum digitis sanguinem in arteriis iliatis ad genu usque adigimus, atque ita inanivimus cruralem arteriam; vena vero cruralis visa est manifeste

sto

sto repleti; cumque in venam superne inferneque ligatam, ex ejus ramulis nisi perparum devenire posset, ea vero multum impleatur, deplereturque prorsus arteria; colligebamus eum sanguinem quo impleretur vena per oscula ex arteriis inanitis esse depulsum.

Eam vero opinionem novam non esse ipse Galenus de *us. pulsus* cap. 5. ostendit. Arteriarum venarumque Synastomoses sensum nostrum effugiunt: unde si ipsis seu parum constantibus merito fidem abroges, per alia certe que veteribus sunt prodita eos esse credas: neque in postremis ex hac rei evidentia: si quis namque accepto animali quovis ex iis quibus ample manifestaeque venae & arteriae sunt, veluti bove, suae, asino, equo, ovis, urso, simia, pardali, homine ipso, vel similibus aliquo, magnas multasque illarum arterias vulneret, universum animalis sanguinem per eas exhauriet. Hujus rei periculum subinde fecimus, & cum semper vacuatas cum arteriis venas deprehendissemus, verum esse dogma de communibus arteriarum & venarum osculis, & communi de una in alteram transitu, nobis persuasimus. Imo recepta communisque opinio est, sanguinem arteriosum naturaliter minimas venulas intrare, quo partes arterioso venosoque sanguine nutrantur.

Et revera sanguinem ex arteriis per ea
K oscula

oscula naturaliter in viventibus *venas ingredi*, hæc indicia luculenter attestantur.

Qui in vivis dissectionibus ad eam copiam attendit quæ per arterias partibus venisque communicatur, haud facile ab animo suo impetrabit, eam omnem à partibus nutritione consumi; præsertim si attenderit sanguinem arteriosum satis crassum esse, nec quarta parte esse venoso rariorem, ut sæpius animadvertimus ubi refrigerari utrumque sivimus & condescere. Unde merito cum *Harveio* colligi potest communicatum ab arteriis, venis partibusque sanguinem magna ex parte ad majores venas remeare.

Deinde, ubi venam in brachio ligato secamus, si venæ tumentis partem foramini propinquam quæ versus manum est pollice comprimamus, aut similem superiori ligaturam brachio prope vulnus versus manum injicias, nihil sanguinis videbis effluxurum; unde videtur colligendum, eum à manu venire, qui per factum vulnus exilit. Et cum is sanguis venæ sectione sæpe ad libras educatur, tantumque in inferiori venarum brachii parte contineri non possit, is eo debet ex arteriis venisse, quæ ligatura supra sectam venam occlusæ non sunt, ut integer earum pulsus ostendit.

Sed quo id nobis ad oculum liqueret, aliquoties

quoties in vivis canibus, etiam majoribus, venam & arteriam amplam in inguine ab iis liberavimus quæ earum visum impediabant; quod facile fieri potest, nisi musculis substernantur: venam autem illam filo ligavimus, animadvertimusque eam venæ partem quæ cavam spectaret concidere & inaniri, reliquam vero pedem versus admodum intumescere, adeo ut præ plenitudine durior ipsa arteria videretur; at soluta ligatura sanguinem mox sursum moveri, & venæ duritiem ac plenitudinem admodum imminui. Ligata vero arteria intumescere mirum in modum eam partem quæ Aortæ vicinior esset, concidere remotiorem; nec venam tum ligatam evidenter intumescere: Idque sæpius factum accidere semper eodem modo.

Ne tamen ullus nobis superesse scrupulus posset & animadverteremus simul quid intus in vena ageretur, denudatam ita venam & arteriam elevavimus nonnihil, & sub iis firmiter ipsum crus ligavimus, ne per aliam quam eam quam elevassemus venam sursum aut deorsum moveri sanguis posset. Tum demum filo suspensam & simul occlusam venam, figura expressimus, supra filum & infra filum aperuimus levi vulnere. Statim autem ex ea venæ parte quæ à corde remotior esset sanguis rivulose, copiose, & impe-

tu effluxit. Illa vero pars venæ quæ à filo cor spectaret, paucas tantum guttas destillantes dedit. Unde nobis videbatur evidens sanguinem non deorsum è venis majoribus, sed sursum è venis minoribus ad majores devenire, præsertim cum injecta alia ligatura eidem venæ remotius à corde, è vulnere quò ita impetuose exilierat, nihil amplius videremus sanguinis effluere. Arbitrabamur enim eas guttas quæ è vulnere cordi viciniore laberentur, provenire posse è sanguine, quem cum vulneraretur vena contineret forte, aut quem ex minori ramo venæ cruralis supra filum sito continenter acciperet; verum hæc causa mox clarior evadet.

Obvium est idem sine ulla sectione in iis experiri, qui conspicuas admodum venas brachii habent. In quibus si uno digito venam prope manum occludas, altera manu sanguinem sursum adigas, tota videbitur vena inanita; quæ mox replebitur, simulac inferiorem venæ partem à digito liberares; non superiorem; ut *Harveius* quoque observavit libelli sui cap. 13. Superior enim sanguis ad majores venas vadit, & descensum remoratur valvula quæ nihil facile delabi permittit, nisi eo usque vena dilatata sit, ut inter eam valvulasque majusculum spatium relinquatur.

Cum

Cum itaque à manibus pedibusque sanguis veniat, manus autem pedesque sanguinem novum non generent, quem toti corpori debeant suppeditare, nobis non sit dubium quin ex arteriis ibi sanguis continuo & naturaliter venas ingrediatur, & ex minoribus venis ad majores eat.

Neque vereor arteriosum sanguinem, simplici venarum tunica contineri non posse, quem video in arteriis minimis, & in aneurismate contineri, ubi arteria unicam tantum tunicam habent. Quod vero propinquiores cordi arteriæ duplicem tunicam acceperint, fieri potuit ne impetu effluentis è corde sanguinis arteria laxaretur; ut eam laxari à valido palpitantis cordis motu videamus.

Sed an non quoque ut ex arteriis ita ex maximis venis sanguis ad minores venas fluit? Id videri possit venæ sectio indicare quæ revulsionis gratia instituitur: secta enim vena brachii in pleuritide, is revelli sanguis videtur, qui è vena cava in azygon, ex azygo pleuram influebat. Sed nullum indicium est ita sanguinem revelli; potest enim secta brachii basilica, sanguis trahi ex arteriis brachii, brachii arteriæ trahunt ex axillari, axillaris ex aorta, per cujus intercostales ramulos in pleuram, non vero per azygi ramulos fluxerat, ut mox videbimus. Et

certe nisi in pleuritide sanguis per arterias revelleretur, ratio nulla esset quare ad revelendum venam affecti lateris potius quam dextram secemus; cum azygos à dextro venæ cavæ latere oriatur, & ut fiat venæ sectio *na S' 124*, eo latere secanda vena esset, secundum quod latus sanguis in affectam partem fluit.

Sed quid? an non ligatis quibusdam partibus, & sæpe brachio in iis quibus id fistula excavatur, brachium quodam modo emacrescit, quod ligata vena ad inferiores brachii partes debite nequeat sanguis descendere? Non est necessarium. potest enim id fieri quod ligata sit arteria. Et revera ita fieri hoc indicio est, quod non raro arteria in eo brachio cui fontanella inest, languidius, minusque quam in sano pulsare comperitur, inhibito aliquo modo per ligaturam sanguinis spirituumque influxu. Forasan tamen posset & pars aliqua emaciari, ligata tantum vena, quod natura copiose novum sanguinem per arteriam in partem infundere non possit, qui per venas libere nequit remeare. Et quamvis copiam tum sanguinis arteriæ & venæ contineant, forsan is minus aptus quo partes bene nutriantur; verum id postea constabit.

Manifestum tamen est in varicosis sanguinem è vena cava ad majores, à majoribus
ad

ad minores venas descendere. Id enim in varice femoris, pedis, & hæmorrhoidibus obvium est videre. Verum ille motus sanguinis potest præter naturam contingere, quod debilitatæ venæ sanguinem sursum non mittant, sed colligant; & quod humores sua gravitate motui naturali sursum renituntur & descendant, unde in inferioribus venis cumulati, ac edente semper ex arteriis novo sanguine, earum dilatationem & varicem faciant. Ita fontes artificiales circa ea loca è quibus ascendunt, rimas potissimum agere observamus, tandem à gravitate aquæ divulsi; quæ tamen ex natura fontium sursum deberet ascendere. Et omnino vero similis ex hac ratione varicem fieri; quia humores in varicosis, quando ad motum in exercitio impetum habent, majorem venæ dilatationem non faciunt, sed ubi ab exercitio quiescere; quod minori motui humores obniti possunt & gravitate sua descendere.

Adeo ut hæc indicia non sint, sanguinem è majoribus venis in minores, sed ea ipsa potius indicare sanguinem ex arteriis in venas intrare, & è minoribus venis ad majores ipsamque venam cavam deferri.

Ex vena cava jam ante diximus sanguinem dextrum cordis ventriculum ingredi. Sed quid? isne sanguis qui jam antea è vena

cava cor intraverat, & è corde in arterias erat effusus, indeque redierat in venas, an is iterum cor ingreditur? an vero is solummodo qui de novo in hepate genitus venam cavam primum ingreditur, nec unquam cor transgressus est? Certe uterque.

Facile enim id fieri potuit, cum uterque cordi æque sit vicinus; & fieri debuit, cum qui rediit ex arteriis ad cavam, copiosior sit quam qui omnis in nutritionem venæ cavæ consumatur, & is ad minores non feratur venas. Omnino id fieri indicio est, quod ligata vena cava prope cor, non parum tantum, sed admodum inanitur, omnemque quem habet sanguinem, non aliquem tantum, cordi tribuit.

Cor quoque videtur plus sanguinis in arteriam Aortam infundere, quam ei suppeditare hepar saltem non in aliquot dierum inedia possit. In pluribus enim sumus experti cor una hora plures quam ter mille pulsus edere. Cor autem, quamdiu non est plane languidum, singulis pulsibus aliquid expellit: ligata enim prope cor arteria aorta, inter cor ligaturamque superius aperuimus arteriam, vidimusque per foramen singulis pulsibus aliquid exire, nisi ubi prorsus cor languesceret, tum ternis quaternisque demum pulsibus aliquid effluere: quod tam parum è corde pelleretur, quod nonnisi cumulatum sur-

furfum poffet moveri & per fuperius arteriæ foramen exire.

Abfcidimus quoque cordi mucronem , & corde erecto animadvertimus , etiamfi ventriculi pleni non effent, fingulis pulfibus aliquid effundi; quod & cap. 2. notat *Harveius*. Imo & per medium defciffio corde fingulis pulfibus aliquid effluere prius non defuit quam vel emoreretur animal , vel fuperiori parte concrefceret fanguis & quali pelliculam faceret , ut non amplius illac poffet effluere. Et certe aliquid femper exire pulfu è corde debuit, cum in eo femper cor fiat anguftius, ut pofttea conftabit.

Quantum autem id fit quod fingulis pulfibus è corde exit , definire non poffumus, hoc testari poffumus, è corde cuniculi fingulis pulfibus femidrachmā fanguinis effluxiffe, è corde majori canis aquatici femiunciam : putamus tamen dum vivum difsecatur animal plus quam in fano effundi. Et fi quis conjectura ex iis quæ vidimus definiri velit, quantum in homine fano patemus exire, iis non adverfabimur, qui è corde fingulis pulfibus in homine in aortam , femiunciam effundi afferunt.

Sed fingamus tantum fcrupulum effe, cum cor 3000. una hora pulfus & plures edat, fingulis horis plus quam decem fanguinis libræ cor tranfibunt, quantum non com-

edimus ; nec hepar potest cordi suppeditare.

Adeo ut omnino necesse sit , eum qui semel cor transiit sanguinem , iterum in cor fluere , & ex eo in arterias redire. Atque ita motum quendam sanguinis esse quasi in orbem , à vena cava in cor , è corde in arterias , ex arteriis in venas , à quibus iterum in cor & arterias deferatur.

Equidem ego satis mirari non possum tot retroactis seculis hunc sanguinis motum incognitum fuisse , cum ejus varia nec levia indicia apud veteres inveniam.

In volumine operum Hippocraticorum Autor libr. I. de victus ratione , tres calori nostro & humori circuitus tribuit , quibus introrsum extrorsumque à variis partibus movetur.

Hippocrates in medio libelli de ossium natura, *Vene* (sub quibus & arterias complectitur) per corpus, inquit, diffusæ spiritum, fluxionem & motum exhibent , ab una multas propagines emittentes. Hæc autem una unde exordium sumat, & ubi desinat, non satis mihi compertum est. Circulo enim factò principium non invenias. Quem circulum eum potissimum in distributione humorum intelligere , examinanti locum patebit.

Ut & in fine libri de natura humana; Crassæ vena sibi mutuo alimentum subministrant ,
interne

internæ externis , vicissimque externæ internis.

Et manifestius Autor libr. de Alimento; Omnium quæ nutriunt , unum est principium; unusque omnium finis , idemque finis & principium; quare mox hæc subjungit ἡ τοῦ τροφῆς καὶ τοῦ ὄνυχας καὶ τῶν ἐλατῶν ἐπιφανείων ἐνδοθεν ἀφικνέται, ἔξωθεν τροφῆς καὶ τῶν ἐλατῶν ἐπιφανείων. ἐνδοθεν ἀφικνέται. Ἐν ὅλοις μία, Ἐν μέλεσιν μία, Ἐν ὅλοις πάντα. Alimentum in pilos , in ungues, & in extimam superficiem ab internis partibus pervenit; ab externis partibus alimentum, ab externa superficie, ad intima pervenit: cōfluxia una, conspiratio una, consensientia omnia.

Ab hac quoque opinione non alienus videtur Diogenes Apollonita fuisse , apud Aristotelem 3. histor. animal. cap. 2. Crassissimus sanguis à partibus carniformibus exugitur; qui vero redundat in hæc loca, venas scilicet majores , tenuis , calidus & spumofus fit.

Imo quæ à Platone de sanguine in Timeo traduntur, melius huic opinioni, quam communi conveniunt.

Ipse Aristoteles non difficulter in hanc pertrahi opinionem posset. Ita enim ille lib. de Somno cap. 3. Non omnis impotentia sentienti somnus est , sed ea solum quam divaporatio committit alimenti; quod enim rarefactum est , quadantenus attolli, deinde regredi & effluere.

effluere instar Euripi necesse est : nam animantis cujusque calidum in sublime natura fertur; at ubi eo loci subvectum est, mox universum reciprocatur ac descendit.

Qui hos consecuti sunt scriptores, non satis sanguinis motum excoluisse, imo hunc obscurasse suspicio est, quod ea quæ præcedentes suis venis, hoc est, venis & arteriis adscriberent, hi venis, ut arteriis opponuntur, iverint attributum. Et cum Galenus Medicorum summus, omnibus restituendis in integrum non sufficeret; posterioresque Græci, ut & Arabes & Latini, nimis presse eum sequerentur aut describerent, inde suspicamur hunc sanguinis motum in hoc usque seculum delituisse.

Quo vir incomparabilis *Paulus Servita Venetus* valvularum in venis fabricam observavit accuratius, quam magnus Anatomicus *Fabritius* ab *Aquapendente* postea edidit, & ex ea valvarum constitutione aliisque experimentis hunc sanguinis motum deduxit, egregioque scripto asseruit, quod etiamnum intelligo apud Venetos asservari.

Ab hoc *Servita* edoctus vir doctissimus *Guilielmus Harveius* sanguinis hunc motum accuratius indagavit, inventis auxit, probavit firmiter, & suo divulgavit nomine.

Hæc inventio, hoc fatum hujus sanguinis motus fuit.

Nos

Nos vero quæramus jam porro an per omnes venas arteriasque ita sanguis fluat, an in quibusdam aliis alium insuper motum habeat? De qua re ut nobis certo constaret, ad motum sanguinis in pluribus vivorum venis arteriisque attendimus, & invenimus, præter id quod jam de arteriis in venis brachii crurumque diximus, sanguinem per arterias spermaticas ad testes; per venas à testibus ad emulgentem sinistram aut venam cavam in dextris moveri; per arterias mesentericas ad intestina; per venas ad ramum mesentericum: per arterias coeliacas ad lienem: per ramum venæ portæ splenicum continuo ad hepar; per ramos arteriæ coeliacæ, qui sequentibus venis respondent, ad ventriculum & omentum; per venas gastricas & epiploicas ad ramum splenicum: vasa breviora arteriosa & venosa, arteriæ coeliacæ venæque splenicæ ramulos esse, qui ubi ad locum inter ventriculum lienemque medium devenere, in duos dividantur furculos, quorum unus ventriculum, alius lienem adeat: per hunc arteriæ furculum ad lienem, per furculum ventriculi ad ventriculum vadere; per furculos vero venosos ad truncum vasis brevis, à ventriculo & à liene moveri per arterias emulgentes ad renes; per venas emulgentes ad venam cavam: per arteriam cordis coronalem in venam; ex ve-
na

a cordis coronali in venam cavam : per arterias intercostales in pleuram, è pleura per venas in azygon, & inde in venam cavam. Invenimus autem id venarum arteriarumque in vivis ligatura ; quæ intumescere ea parte quæ spectabat partes à quibus fluxum fieri diximus ; reliqua non detumescere tantum, sed & concidere. Cavimus autem sedulo ne cum vena arteriam ligaremus ; quod alias intumescens, cor versus arteria, impositam sibi venam attolleret, atque ita appareret quasi vena ab utraque ligaturæ parte amplius repleretur.

In capite autem & collo vidimus, idque in vivo anseri facillime & gallina, ligatam jugularem intumescere à capite ligaturam versus, à ligatura vero ad cavam inaniri, ut & ibi manifestum sit sanguinem à capite per venas ad cor redire. Sed quomodo ad jugulares venas veniat, definire non possumus, cum ob cranii duritiem vivum accurate de-scindere cerebrum non licuerit, quin animal interea expirarit : credibile tamen est per arterias carotides & cervicales ad quatuor cerebri sinus fluere, eæ enim ad illos sinus usque perviæ sunt. Retulerunt quippe mihi viri Doctissimi Fr. Sylvius & Fr. vander Schagen, retracta illa fibrosa substantia, quæ non raro concreta in venis arteriisque cadaverum invenitur, eam ubi in carotide
arteria

John Hare

arteria retraheretur, motum aliquem usque in tertium cerebri sinum ostendisse : & certe cum è sinibus per jugulares sanguis ad cor refluat, non possunt eum aliunde sinus quam ex arteriis accipere. An autem arteriæ immediate eum in sinus infundant, an vero in ramulos quæ à sinibus oriuntur, non ita obvium est videre ; quia arteriæ ab illis ramulis difficulter distingui possunt, cum in cerebro unicam tantum tunicam quoque arteriæ habeant : crediderim tamen arterias in ramulos sinuū sanguinem infundere potius quam in ipsos sinus, quod observem ea vasa quæ sinibus inseruntur circa sinus esse maxima, ut solent rami esse in exortu.

Ita quidem in adultis ; *in fœtu* vero paulo alia videtur esse circulatio ; quam ita fieri concipimus. Ex utero materno sanguis, non arterias umbilicales ingreditur quæ ex observatione Arantii utero non junguntur ; sed venam umbilicalem intrat, à qua in hepatis, venam cavam, & dextrum cordis ventriculum ; cor enim in fœtu etiam imperfectum pulsatur. Ex dextro ventriculo, in venam arteriosam ; sed cum pulmones non respirent, ideoque nec patentes fiant, affatim nequeant sanguinem recipere & ad arteriam venosam dimittere ; quare è vena arteriosa per peculiarem ductum in aortam vadit, & quoque per peculiare venæ cavæ foramen,

foramen, arteriam venosam ingressus, auriculæ cordis sinistræ, ejusque sinistro ventriculo infunditur. E sinistro cordis ventriculo, non aliter ac is è vena arteriosa, arteriam aortam ingreditur : ut in fœtu natura duobus ventriculis pro uno utatur, ne in fœtu qui copiosi, non intensi caloris, nec siccus esse debebat, bis sanguis excoctus adureretur, pulmonum refrigerio & ventilatione destitutus. Ex arteria aorta sanguis ad arterias umbilicales vadit ; iis enim ligatis pars quæ fœtum spectat pulsat & intumescit, reliqua versus uterum pulsu destituitur. Ex arteriis umbilicalibus ad Placentiam ; ubi arteriæ venis, manifestis anastomosibus, junguntur, & per eas anastomoses sanguis venam ingressus, toto memorato jam ductu iterum defertur.

Hæc vasa sunt per quæ sanguis & à corde & ad cor fluit. *A vase autem arteriarum in venas duplici ratione venit ; Primo facillime & frequentissime per Anastomoses quibus arteriæ venis junguntur, quæ Anastomoses magnæ quandoque sunt & in majoribus vasis, ut circa lienem, in vesica, in utero, in uterino hepate. Similem quoque Anastomosin accuratissimus Besslerus, arteriæ aortæ in venam cavam abdominis annotat, sed nec in humano, nec in brutorum corpore unquam nobis datum est eam invenire.*

Quare

Quare neque omnes in extremitatibus tantum corporis sunt, sed & in locis intermediis : unde videmus amputatis membris, in mutilo tamen sanguinis illum motum ex arteriis in venas fieri. Secundo & sanguis ex arteriis *per ipsam* videtur posse *carne* in venas redire : videmus enim secta vena usque dum mutetur color, inflammationes detumescere, quod extravasatus sanguis è carne trahatur. Verum hac via sanguinis transitum esse parciorem rarioremque existimaverim.

Ut jam esse planum arbitrer quis *sanguinis motus* sit, & per quas is vias fiat : sequitur nunc inquirendum *qualis is sit*, & quomodo peragatur.

Sanguinis illum motum à corde in arterias, ab arteriis in venas, à venis ad cor esse *continuum* observavimus, nec ullo momento eum desinere aut interrumpi. Et certe cum is fiat, ut mox videbimus, quia cor accipit & transmittit, cumque is cordis motus continuo toto vitæ cursu perduret, sanguinis ille motus non potest nisi secundum naturam continuus esse.

Celer quoque sanguinis motus est ; ligata enim & compressa arteria venave, quamprimum admodum intumescit, & in duritiem attollitur : eaque à compressione aut ligatura liberata citissime conspicitur sanguis moveri,

Quam

Quam cito autem sanguis circuitum suum à corde iterum ad cor absolvat, præcise definire non possumus. Citius quidem animadvertitur per Anastomosis cordi vicinam, quam per remotam fieri; nec admodum illi refragaremur qui maximum circuitum & per extremitates assereret, breviori tempore quam *horæ quadrante peragi*; celerissime enim sanguis vadit. Attamen non ita deferitur celeriter, ut eum secta arteria venave videmus exilire; quod is in tenui liberoque moveatur aere; in corpore vero vas suum attollere, & anteriorem sanguinem propellere cogatur. Quare dissectam arteriam præsertim minus remotam à corde, citius inaniri videmus, quam cor novum possit sanguinem suppeditare.

Sed hoc si verum sit, quare singulis horarum quadrantibus febres non redeunt, cum futurus paroxysmus videatur, cum corrupta materia ad cor venit; nunc autem aliæ quotidie, aliæ tertio, aliæ quarto demum die redeunt? Equidem non negaverim id possibile contingere, ut corrupta materia ad cor accedente paroxysmus eveniat, ut ejus exemplum habet *Harveius* libelli sui cap 16. Non putem tamen id necessarium esse: potest enim è foco aut decidere portiuncula, aut elevari fuligo, cor petere & febrim accendere, quomodo videntur pleræque febres ab inflammatione

inflammatione partium oriri, quæ aperta vomica, evacuato pure desinunt. Et ut tales symptomaticæ febres, ita & quædam fieri intermittentes febres possunt, à materia vel in vasis vel extra vasa conclusa, quæ per putredinem vel quotidie, vel tertio, vel quarto die, in patula vasa regurgitans aut effumans, paroxysmum faciant.

In continuis fateor, quarum materia in vasis majoribus hæere putatur, difficilius est causam dicere quare singulis circuitibus paroxysmus non fiat. Videmur tamen eandem dare posse, quam vulgo dant causam, quare continuæ, non continenter æquales videantur; quod etiamsi materia cordi satis propinqua sit, tamen citius paroxysmum non faciat, quam certum putredinis acquisiverit gradum: & eum paroxysmum tamdiu durare, usque dum putrida ea materia sit evacuata quæ cor tangit, aut ei suos fumos mittit. Verum non arbitrer quemquam ob causam quare paroxysmi febriles certis diebus redeant, quæ prorsus & abstrusa & ignota est, motum sanguinis velle negare satis celerem esse, qui est manifestus.

Præter celeritatem, sanguis in motu & *vehementiam habet*, quæ ex iis apparet quæ diximus de duritie & tensione quam arteriæ & venæ ligatæ acquirunt: nihil enim à tenui liquidaque materia in summam duritiem

em tendi potest, præsertim sursum, nisi vehementer in id impellatur retineaturve. Secunda ea motus vehementia maxima est prope cor, à quo sensim fit minor, adeo ut extrema arteriola non pulsant, nisi major solito sanguinis impulsus accidar, ut id in febribus fieri observamus. Quare & videntur venæ non pulsare, quod is impulsus etiam minor sit in his, quam in minimis arteriis & quod venæ Anastomosi arteriis junctæ ubi bifurcæ sunt, in plures se ramulos quarumque arteriæ dividant; ubi enim in plura brachia flumina ducuntur, motus ille impetus imminuitur. Quare & quædam venæ occluduntur brachiis, vel a re comprimente, ut in quibusdam morbis, vel ab aliquo obstruente, ut in hæmorrhoidibus, gravitate sua relabente, & denuo revertitur denuo impetu illius, & hæc hæc conspiciuntur: plerumque hæc hæc hæc in pueris, à flatibus hæc hæc hæc, nihil aliud quam hæc hæc hæc, in venis transparen- tibus per cutim, non raro nobis licuit

Quia autem motus vehementior in arteriis quam in venis est, videtur, prima fronte in arteriis quoque celerior, quam in venis esse, non aliter ac homines, equi, aliaque animalia quæ magno se conatu movent, male sæpe videntur plus promovere. Etenim

per arterias protrusus sanguis non omnis potest Anastomoses transire, quod è lato in angustum veniat, unde accumulatur in arteriis, eæ dilatantur, in qua dilatatione aliquantulum peristunt; quare dimidio dilatationis totoque quietis tempore, perparum ille impetus ad motus celeritatem facit: qui motus interea expeditior per venas est, quod ex angusto in latum & per plures vias peragatur. Ratio autem hic dicitur in hoc sanguinis motu celeritatem utrobique æqualem esse debere, nisi quantum hepatis cordi sanguinis novi è chylo suppeditat, arteriæve nutrimenti partibus largiuntur; aut alias tandem cor humore defituendum. Quod & ipsum sensus confirmat: toties enim pulsatur vena cava, toto illo tractu ab hepate in jugulum, ideoque in cor propellit, quoties animadvertitur arteria pulsare & ideo è corde admittere: sed de illo mox plura dicemus.

In ipsis tamen arteriis, sanguis *celerius* movetur, *quando cor propellit*; à qua celeritate sensim deficit, quando cor quietescere incipit & postea dilatatur. Imo & in ipsis venis motus sanguinis pulsante corde vehementior est & celerior; quod ut in vivorum sectione observavimus, ita id & animadvertimus aliquoties, quando in brachio vena secaretur, in quo à ligatura non admodum

modum distenderentur venæ. Jam dictæ quoque venarum palpitaciones non videntur aliunde procedere, quam quod à relabente sanguine, aliove modo arctatis venis, cum sanguis impetu protrusus transire non possit, is venam attollat, quæ concidat iterum quando is impetus imminuitur, aut vena transfluente sanguini liberiores largitur transitum.

Non arbitrer autem sanguinem qui per arterias v. g. crurales ad crurales venas delatus est semel, eum continuo iis viis deferri, sed eum ubi ad cor rediit, ei qui ex aliis venit partibus permisceri, atque ita promiscue partibus distribui : sic enim melius nutriri partes poterunt, si semper novum sanguinem habeant, è quo elicere possunt, quod illis maxime ad nutrimentum & robur facit : ita melius crescunt plantæ, quæ in eodem & immoto solo semper non seruntur.

Hæc tota ratio est, qua sanguis movetur : Et quoque, cum sanguini permisti sint, quæ movent vitales spiritus.

Animalium spirituum motum sæpe conati sumus indagare, sed non potuimus eum alibi observare quam in musculis, qui videbantur ab iis in latum profundumque distendi, & dissecti tremere & palpitari : Nervi enim ligati à ligatura nec tument nec disten-

distenduntur, & discissi non alium motum exhibent, quam quod in se contrahantur. Ligare autem nervos sexti paris qui per thoracem libere vagantur, res perquam facilis existit.

Motus vero chyli per venas lacteas manifestissimus est. Non est autem ut sanguinis continuus, cum non semper suppetat chylus. Quando autem ex intestinis per lacteas venas vagatur, celerius ipso sanguine incedit, & ligatæ venæ intumescunt citissime. Quam ob causam nec diu in vivis dissectis apparent, nec in cadaveribus inveniuntur; nisi quando aliquod obstaculum chyli motui fuit objectum. Quod vero ligatæ non intumescant in duritiem, signum esse videtur, non ita vehementem chyli motum ut sanguinis esse: forsan quod cum per minus spatium moveri chylus deberet, non is in motu impetus requireretur.

Sed jam tempus est ut in horum *motuum causas*, & primum *sanguinis*, inquiramus.

Quidquid sit, vel insita virtute ita movebitur sanguis, vel aliquo motu qui advectionem, tractionem, pulsionem sit referendus.

Propria virtute eo modo moveri sanguinem, nec in sanguine in pelvim recepto, nec in corpus effuso, observamus, quem esse in momento corruptum durum est asserere:

nec in ulla alia re inanimata talem spontaneum motum licet videre. Quod autem *Harveius* cap. 4. annotat, se quiescente auricula, motum in ea sanguinis deprehendisse; id & nos quoque, ut & in quiescente corde, sensimus; sed simul eum motum in auricula inditum sanguini à vena cava fuisse, in corde, ab auricula; ut statim videbimus.

Vehi hic sanguinem à spiritibus nullo potest indicio probari: & ii levitate sua fursum sanguinem veherent, quem hic deorsum quoque moveri & ad latera videmus.

Quare reliquum est ut vel trahatur sanguis, vel pellatur.

Protrudi sanguinem viri quidam ingenio præclari arbitrantur, quod calore cordis immensum rarescens, majorem locum exposcat, ideoque eum cor dilatare & attollere: cumque nec in dilatato corde contineri queat, in venam arteriosam arteriamque aortam tali effundi impetu, ut omnes distendat arterias & faciat pulsare. Sux autem opinionis hoc argumentum adferunt, quod cor anguillæ alteriusve animalis, ubi pulsare desinit, si à substrato calefiat igne denuo pulsum edere conspiciatur. Sed an is pulsus fieri non posset, quod spiritus à calore vegetior factus, melius ei causæ possit inservire quæ in corde pulsum facit? non aliter ac calefactis in vivorum sectione intestinis,

testinis, musculisque, in quibus tamen nulla ebullitio est, restitui motus videtur. Omnino enim levis tantum quædam rarefactio à tepore quodam in corde est, nulla ebullitio, aut diffusio subita. Et revera ob rarefactionem sanguinem è corde non exilire, in validis sæpe canibus conspeximus; quorum cor discisso mucrone, cum ob effluxum sanguinis dimidia parte non repletur, id erectum, à rarefactione repletum non fuit: sed accedente constrictione, portio illa sanguinis quæ in corde reliqua erat, ultra quatuor pedes fuit ejecta, ut in magna frequentia nos & vicini conspurcaremur. Unde evidens est, sanguinem à parte propelli.

Propellitur autem, quod ita mutatus sanguis cordi illisque partibus sit molestus. Si enim cor integrum, aut ejus vivi dissectique mucro, aliave major particula, cultello aciculave pungatur; quoties pungitur, toties se quasi naturali motu commovebit, etiam si jam aliquamdiu omnem amisisset motum videatur.

Pelli autem à vena cava sanguinem in dextram cordis auriculam, manifesto vivis dissectis animalibus conspeximus: in omni enim cordis motu à vena cava primum motus initium est. quod cum dubitaremus an non fieret, quia cava auriculæ cordiq; connexa esset, cor & auriculā resecurimus prorsus

in canibus vivis à vena cava, & animadver-
timus etiam tum venam cavam pulsare mini-
mum, & singulis vicibus aliquid sanguinis
effundere. Quare & plerumque circa cor
vena cava carneas quasdam fibras accipit,
quas alibi in vena cava haud invenias : eæ
autem admodum conspicuæ in hominis, bo-
vis, canis cava possunt videri. Motus autem
ille venæ cavæ prope cor evidentissimus est,
ut plurimum tamen eum quoque in vivis
canibus observavimus toto illo ductu ab he-
pate & à jugulo in cor usque.

Auricula dextra quem accipit sanguinem
tensione quadam & constrictione *in dextrum*
cordis ventriculum pellit ; nam & in auricu-
la motus constrictionis momento prior,
quam in corde est. Et dextro cordis ventri-
culo ad auriculam usque discisso, manifesto
apparuit singulis constrictionibus aliquid
ex auricula in cor propelli, quod & notat
Harveius cap. 4.

Ita quidem pulsione præcipue sanguis ad
dextrum cordis ventriculum venit: sed an
non quoque & in auriculam & in dextrum
ventriculum *trahitur*? Ita arbitramur: par-
te enim ejus sanguinis quem accipiunt inter-
ius ali debent : quod autem alere debet,
trahi debet, quo pars eum sanguinem acci-
piat qui illi est utilissimus ; pulsione enim
etiam inutile amandatur ; ut optime *Gale-*

mus, ut solet omnino, deducit libris 1, 2, 3.
de nat. fac. Tractio autem hæc non tantum est vicini sanguinis; sed etiam remotioris, ut omnes partes vim eam habent, ne cito alimento destituantur.

Sed an non quoque cor quia dilatatur trahit, metu vacui, ut solemus appellare? Non est verosimile, quia in ejus dilatatione nullus metus vacui esse potest, ut mox fiet evidentius.

Ut sanguis ad dextrum cordis ventriculum, ita quoque ad sinistrum venit, nisi quod impulsione sanguinis concidente pulmone, ex arteria venosa in sinistram auriculam non tam validam quam è vena cava potuerimus observare; aliqua tamen manifesto est.

Impulsio autem in utramque auriculam & in cordis utrumque ventriculum eodem momento accidit: nisi in moribundis, in quibus aliquando observavimus non eodem tempore utramque auriculam, aut utrumque ventriculum pulsare.

Ubi autem ita sanguis in ventriculos cordis pellitur, cor nullum oculis manifestum notum habet, sed imposito cordi digito aliquid intrare in cor sentimus & cor plenius feri: quod & observavit *Harveius* cap. 4. Imo septuagies, aliquando centies pulsasse auriculam observavimus, antequam cordis sentiretur motus.

Ut jam habeamus quomodo sanguis in cor moveatur: Videndum nunc quomodo moveatur in arterias.

In Arterias sanguis pulsione movetur: facto enim in arteria foramine dum cor se constringeret, exire sanguinem vidimus, ita & discilla à corde aorta aut vena arteriosa cum cor constringeretur, sanguinem effundi; discisso cordis mucrone eoque erecto expelli sanguinem & è corde exilire; discisso corde medio transversum in systole sanguinem expelli, nec unquam in diastole exivisse vidimus. Quod autem quidam in vivis dissectis se in dilatatione vidisse exire sanguinem asserunt, in eo fuisse illos falsos arbitror, quod dilatationem eam esse existimaverint, quæ revera est constrictio: quod insignis ille Anatomicus, Columbus quoque notavit, l. 14. de re Anatomica.

Etenim in motu cordis, oportet ejus constrictionem, quietem, & dilatationem exacte distinguere.

In constrictione cordis, sive systole, mucrone cordis accedit ad basin, ideoque nonnihil latior fit. Et in iis animalibus quibus aorta non basi cordis, sed versus medium nonnihil inseritur, ut in cuniculis, anguillis & similibus, basis quoque cordis accedit ad mucronem. Latera autem cordis quæ costas dexteris sinistrasque spectant propius ad

mutu

mutuo veniunt, adeo ut si alterutro lateri mucronem abscideris, ut appendeat, in con- strictione ad integrum latus, & quasi in lo- cum suum redibit. Latus autem cordis quod sternum spectat attollitur, & quidem præci- pue circa basin : atque ita totum cor undi- quaque tenditur. Eaque pars vicina basi sublata, maxime videtur pectus ferire & quem sentimus pulsum facere ; quamvis & mutuo possit, quod magnus ille Anatomicus *Riolanus* quoque observavit, lib. 6. suæ *An- throp.* cap. 12.

Eum autem cordis motum quem jam de- scripsimus, revera constrictionem esse, quò nobis certo constaret, cordi aliquando ab- scidimus mucronem, aliquando transversim dissecuimus per medium, & manifesto vidi- mus, cum eum quem diximus motum ede- ret, ventriculorum cavitatem minorem fie- ri, & immisso cordi digito, ventriculos ad digitum sensimus constringi. Eum autem quem jam diximus motum cor exterius o- stendere dum constringitur, interius quoque ostendit ; nisi quod in septo intermedio nullus motus videatur, forsan nè si septum ad sinistram ventriculum constringendum, sinistram cordis accessisset latus, dextram ventriculi cavitatem reliquisset majore- rem.

Hæc cordis tensio constrictioque est, qua

sanguis è cordis ventriculis in arteriosam venam & aortam pellitur. Ea autem ubi languida est, fit ope tantum fibrarum quibus caro cordis donatur; sed ad validiorem, majores illæ fibræ concurrunt, quæ in ventriculis cordis visuntur: ut sæpe dissectis cordis ventriculis in vivis observavimus.

Fibræ autem illæ in ventriculis, & in ipsius cordis substantia manifesto constrictionem faciunt, quia in latum undique distenduntur, quare in longitudinem abbreviantur non aliter ac musculosæ omnes nostri corporis partes ita motum absolvunt: quare ubi cibum masticare volumus, tumere & indurescere musculus temporalem sentimus. Hoc tumore cavitas quoque ventriculorum cordis redditur angustior. Et quidem tumor ille, carnis majorumque fibrarum à basi incipit, & sensim usque ad mucronem pergit. Quem ob motum si *Maximus Medicorum* in initio lib. de corde, cor quoque musculus validum appellavit, eleganter sanè ejus motus rationem explicavit.

Ubi in arterias sanguinem sua constrictione cor expulit, cor ad naturalem statum redit. Mucro enim recedit à basi, ut quoque basis à mucrone in iis animalibus quæ egressum in arteriam aortam in basi non habent dextrum vero sinistrumque cordis latus ve-

fus costas se extendit, & quod sternum respicit lat is concidit, ibi maxime ubi orificio aortæ respondet. atque tum totum cor *quiescit* ac laxum & molle sentitur.

Nisi autem superius illud latus concideret prorsus, hoc ad naturalem statum reditu cor dilataretur: ut corde dissecto tangere & videre facillimum est. Verum id superius latus concidere debuit, ne præcedenti constrictione cor inanitum, vacuum pateretur. Ubi vero è vena cava, arteriaque venosa novus sanguis in cor propellitur, & qui in eo continetur sanguis à calore rarefcit, tum superius latus assurgit; & reliqua latera, ut jam diximus, manent extensa. Atque ita tum cor in sua *dilatatione* est; nec aliam totius cordis dilatationem præter hanc est observare.

In particulis vivi cordis dissectis è corpore exemptis, non alia quoque dilatatio est quam à constrictione remissio. Equidem in illis particulis ubi constrictio defuit, reliqua quandoque videtur quædam palpitatio, sed ea alterius generis motus est à spiritu in carne contento & quærente exitum; qualis & non raro in musculis integris aut dissectis mox ab obitu in dissectis animalibus potest videri.

Adeo ut dilatatio cordis & constrictio eadem ratione ut reliquarum partium acci-

dat, ventriculi, intestinorum, vesicæ, uteri, quæ ab eo quod illis immittitur extenduntur; quod ubi expulere, ad naturalem statum redeunt.

Hunc autem cordis motum non melius possimus observare, quam in iis animalibus quæ unicum tantum cordis ventriculum habent, aut si habeant geminum quando incipiunt animalia languere; alias ubi ea animalia valida sunt ob celeritatem motus, eum agnoscere difficile est; simul & quod ventriculi illos motus geminos exhibeant; quodque conus dextri ventriculi, cum minus altus sinistro sit, ubi retrahitur ad basin obliquum motum faciat.

Sed redeamus in viam, videamusque porro quomodo sanguis ex arteriis cordi vicinis, per totius corporis arterias dispergatur? Illud manifesto fit impulsu: ligata enim quavis arteria, ad ligaturam intumescebat valde & tenditur in summam duritiem.

Sanguinis tamen gravitas ejus motum deorsum promover, unde cor propinquius capiti, quam pedibus esse situm videtur.

Trahi quoque in omnes arterias sanguinem verosimile est, quo illæ illisque vicinæ partes convenienti sanguine nutriantur.

Sed dilatatione trahere arterias nulla videtur esse necessitas: solo enim impulsu sanguis propelli potest, & arteriæ possunt pulsare:

sare: disrupta quippe arteria & facto in carne aneurismate, aneurisma in carne, eadem ratione ut arteriæ, pulsare sentitur, in quo manifesto caro sanguinem dilatazione non attrahit, sed in eam sanguis pellitur. Quale miserandum exemplum nuper in Experientissimo viro *D. Iohanne Elemanno* vidimus, cui disrupta arteria aneurisma quartam thoracis partem occupaverat. Quale & observavit *Riolanus* lib. 6. *Anthrop.* cap. 12. Et revera ab impulsu sanguinis arteriarum pulsus fieri, pulsus undosus, vermiculans, formicans videntur ostendere, aliique non pauci qui motum sanguinis in arteria evidenter imitantur.

Equidem verum est, in *Galeni* libello an sanguis in arteriis contineatur, verbis ultimis asseri, intrusa arteriis canula, arteriaque supra cannulam ligata, ultra ligaturam arteriam non pulsare, etiamsi sanguis per cannulam pelli possit. Sed mutilum eum esse locum mihi suspicio est, quod ea ratione qua ibi describitur, succedere rarissime & difficillime operatio possit: libera enim arteria præscribitur ibi secanda, è qua dissecta nemo non novit quanta vis sanguinis exiliat, adeo ut vel moriatur animal, vel præ languore nullæ arteriæ, vel saltem non remotiores queant pulsare.

Sed locus integer sit, & uti jam descri-

bitur operatio successerit, fieri potuit ut languente prorsus animali ob sanguinis effluxum, citra cannulam pulsus sentiretur, quod cannula intrusa arteriam reddens angustiolem ex parte sanguinem sisteret, ut facile sanguis replere arteriam posset & attollere. Ita non raro vidimus arterias quæ vel languidum vel nullum exhibebant pulsum, manifestum edidisse quando non ita remote à corde comprimerentur. Ultra vero cannulam à Galeno pulsus non fuit animadversus, quod per cannulam arteria multo angustiolem, minus sanguinis arteriæ reciperent. Et tale quid facile potuisse contingere in cuniculo animadvertimus, cuius aortæ, ea utrimque ligata, cannulam intrusimus, sed quod soluta ligatura animal emoreretur, operæ pretium non videbatur supra cannulam arteriam ligare, visi tamen nobis sumus aliquem usque ad cannulam pulsum sentire, nullum vero potuimus supra aut ultra cannulam.

Nec præterea id experimentum nobis unquam successit, quod haud facile sit commodam arteriam invenire. Et ea ubi oblata debiteque dissecta sit, ocysime tamen animal aut hæmorrhagia, aut, quod mirum est, convulsione moriatur.

Ut non aliud appareat quam impulsum sanguinem arterias posse permeare, & ab eo quoque

quoque arterias posse distendi. Nec aliam videri ad arteriarum pulsum causam arcescendam, cum ab his peragi pulsus possit.

Solet tamen sæpissime natura plura auxilia ad operationes suas instituendas advocare, quam nobis quidem necessaria videantur, qui non semper ejus possumus secreta rimari. Ita hic quædam à *Galeno* indicia observata sunt, præter eam dilatationem quam arteriæ ab impulsu sanguinis habent, eas quoque propriam dilatationem moliri. Omnes arterias nostri corporis & in sanis & in vivis dissectis eodem momento pulsare: nihil autem quod in distans movetur eodem momento ubique esse potest; quare nec eodem momento ubique distentionem facere. Intestina dum flatu *Anatomici* replent, & coqui, vicina parte prius quam remota distendi conspiciuntur. Verum equidem est, arterias non inanes, ut intestina, sed ex parte sanguine plenas dilatari: cum tamen qui è corde venit sanguis propellere vicinum debeat, & is iterum vicinum, atque ita porro usque dum ubivis repleantur arteriæ & distendantur, non videtur etiamsi è lato in angustum sit, hoc uno momento peragi posse. non aliter ac videmus à pueris viginti lapides serie, majores primum, collocatos, primo celeriter disjecto, reliquos omnes uno momento non cadere.

Quare

Quare suspicandum videtur, arteriarum diastolen & ab impulsu sanguinis & à propria dilatatione fieri : & utrumque ad movendum sanguinem operas conferre.

Hinc quoque apparet impulsus illum sanguinis tantum à corde fieri, nec unam arteriarum partem in aliam pellere : nam quæ pars constrictione propellit, ea eodem momento nequit dilatari; omnes autem eodem momento dilatantur.

Atque ita quidem sanguis movetur per arterias : *Ex arteriis autem in venas*, è venis minoribus in majores ipsamque venam cavam, sanguis quoque *impulsus* movetur. Quavis enim in vivis ligata vena, versus cor concidit; repletur vero ex parte, quæ à corde remotior est.

Ea autem pulsio ad cor, à quavis videtur venæ parte contingere; ligata quippe vel compressa in brachio vivo vena, non tantum remotiori à corde parte tenditur, sed & in reliqua quæ cordi vicinior est concidit & inanitur; quam viciniorem si quoque liges, & ea ultra ligaturam distendetur & intumescet. Pulsio autem illa contingit fibris quibus venæ constituuntur.

Arbitramur tamen quoque *venas trahere*, ne sine delectu sanguinem accipiant, sed id allicere queant quod sibi est ultimum :
pulsio;

pulsione tamen magis videntur sanguinem quam tractione accipere, quod ligatae venae miram in modum tendantur.

In vena cava sanguinis quoddam penarium est, in quo sanguis in futuros usus recondatur, quando copiosior est quam qui cordi omnis debeat suppeditari.

Atque hæ omnes causæ motus naturalis sanguinis sunt. Quibus *causæ motus chyli* non sunt ab similes; etenim fibris suis se constringens *ventriculus*, quidquid chyli concoctum est *exprimit*. Et ea pressione aperire quoque simul pylorum videtur: non enim spontaneus ullus in pyloro motus, qualis in ventriculo aut intestinis, videtur.

In *intestinis* chylus longam moram non trahit, sed quamprimum *fibrarum transversarum constrictione* propellitur: dum autem multæ & quæ se mutuo consequuntur fibræ simul agunt, premitur chylus, nec totus potest deorsum elabi, unde pressi chyli aliquid venas lacteas ingreditur: ne tamen chylus nimis cito ad anum defluat, inferioris transversæ fibræ constrictione sistitur: atque ita inferne superneque conclusus compressusque, per rugosam intestini tunicam ad venas lacteas quasi per colatorium premitur. Hæc autem fibrarum transversarum constrictione, in omnibus intestinis tenuibus omnibusque; crassius, certa serie, per intervalla, contingit.

Per

Per venas lacteas chylum in venas portæ, in hepar, quandoque quoque venam cavam pulsu moveri, ligatura ostendit.

Vero quoque simile est, ex intestinis lacteisque chylum *attrahi*; celerius enim ex iis movetur, quam intestina venæve lacteæ pel-
lere videantur & promovere.

Chylus in ramo mesenterico, vena portæ, vena cava, sanguini permixtus, ab ea move-
tur causa, quam diximus ibi sanguinem mo-
vere.

Per peculiare autem venas potius, quam per mesaraicas sanguinem continentes de-
fertur chylus, quod mesaraicæ sanguinem admissuræ, aperiri oculis in intestina de-
buisse, per quæ facile sanguis in intestina
fuisse elapsus. nec ei incommodo poterat
vis tractrix obviam venire, quæ multo hic
obscurior, multo imbecillior expultrice
est.

Ut hic chyli motus, ita quoque sanguinis
quasi in orbem motus suos *usus*, suas com-
moditates habebit. quarum hæ videntur
præcipuæ.

Quod continuo illo per cor transitu, con-
tinuo quoque sanguis calefiat; & dum alius
paucies, alius pluries cor transivit, omnis
qualitatis sanguis in venis inveniatur: qui
dum ad singulas partes deferretur, & omnem
suum thesaurum natura illis exponit & of-
fert.

fert, melius calefieri, & accipere id alimentum possint, quod maxime ad earum nutrimentum & robur facit.

Sed & is motus non minimum confert, ut sanguis in integritate sua servetur : nam

Vitium capiunt, ni moveantur aquæ.

quod & in sanguine esse verissimum, quotidie obstructis vasis licet observare.

Contribuit quoque ad sanguinis perfectionem, dum continuo motu rarefcit & attenuatur. Verum præcipue ad ejus perfectionem facit, quod sanguis modo attenuatur, incalescit & rarefcit in corde, modo iterum condensatur & quasi concrefcit in corporis habitu. Nulla enim pars in corpore corde calidior, nulla minus calida corporis habitu sentitur. Unde quædam quasi circulatio contingit, non absimilis qua Chymici suos spiritus tenuissimos reddunt & perfectissimos. qui enim à calore attenuatus est sanguis, ubi à frigore condensatur, in ea potest tenuitate persistere, nec ad pristinam crassitiam redit : à qua tenuitate ad majorem tractu temporis calorem pervenit, in qua à frigore condensatus denuo conservatur ; atque ita tandem ad generationem vitalium spirituum aptissimus evadit.

Hunc ob finem sanguis in orbem movetur ; sed an non is præterea alicubi alium motum habet ? E minimis Arteriolis sanguini

guis recte in carnem defertur ut humorem Innominatum, rorem, gluten, cambium constituat: nec remeat unde venit; ne transfluens per carnem sanguis, humores hos agglutinari partibus impedivisset & affimilari.

Fluit hic autem quandoque præcipue, quod ex arterioli in carnem pellatur: Et non raro quoque præcipua causa movens attractio est: Etenim non sine tractione ossa ad sui nutritionem crassiorem accipere humoris partem possent, & reliquam tenuiorem humoris partem ad sui nutritionem ineptam in vasis relinquere.

Sunt quoque qui arbitrantur sanguinem à corde delatum retrorsum cedere & per arterias denuo ad cor redire. Quod illis ideo videtur statuendum, ut causa dari mechanica possit, qua cordis valvula in orificio arteriarum, decidant & occludantur. Nos equidem præclarum semper Erasistrati institutum æstimavimus, omnia quæ in corpore nostro contingunt Mechanice explicare, sed divinam sapientiam sua metiri temerarium judicamus. Eas vero machinas esse statuendas quas evidens ratio & potissimum sensus ostendant. Hic contra sensus observant à corde non ad cor per arterias sanguinem moveri; & in raro languidoque pulsu non ultimo arteriam qua cordi

necti.

nectitur, ut fieri deberet, sed primo intumescere. Valvulas quoque à remeante sanguine non occludi, hoc videmur indicium habere, quod si arteria duobus digitis à corde ligetur, & ea inter ligaturam valvulasque ita aperiatur ut libere exire sanguis possit, quare nec cedere retrorsum, nec remeare, valvulae tamen aliquoties bene constriquantur, cor ordinate moveatur, & non nisi in sua constrictione sanguinem effundat. Quamobrem si ulla hic nobis eligenda esset machinatio, communem admitteremus opinionem, quæ ut cordis ita & occlusionem valvularum, contractione fibrarum fieri asserit. Ea quippe fibrarum in corde contractio passim obvia in conspectum prodit.

Alia vero ratione sanguinem naturaliter recte moveri per venas à corde, per arterias cor versus, nullum equidem habemus indicio. In gaudio quidem humores extrorsum vergunt; sed id potest per arterias tantum contingere. Et in tristitia humores possunt introrsum per venas tantum moveri: & omnino debent, quod cum pulsus non cesset in hoc affectu, pulsu autem continuo aliquid per arterias extrorsum eat, difficillime posset aliquid per arterias introrsum & ad cor moveri.

Præter naturam tamen humores alium quam quem nunc descripsimus motum habent,

bent, dum humores levitate sua, vel alio impetu sursum vergunt, vel gravitate sua deorsum descendunt, ut in varicosis est manifestum. Occlusa quoque ea via qua solebant moveri, aliam quærere coguntur. Ita in Anate aliquoties in vasis pectoris variegatum sanguinem vidimus subcandidum alium, alium rubentem, qui constricta arteria ad cor & à corde movebatur secundum arteriæ latus diversum; is tamen motus non diu duravit, nec eo motu unquam sanguis cor ingressus est.

Atque his, præstantissime *Bartholine*, me tibi arbitror de motu sanguinis respondisse. In quem inquisivi scrupulosius, quo melius humorum naturam & eorum defluxum cognoscerem: à quo humorum fluxu innumeri morbi oriuntur. Credidi quoque me posse exactius intelligere quomodo bonus malusve sanguis generaretur, si cognita mihi ex partes essent à quibus transiens humor immutaretur. Putavi quoque me melius judicaturum, quomodo plurimi morbi curari debeant, si cognitum haberem cujus venæ incisio has illasve potius evacuet partes, & quas pertransire partes remedium debeat antequam ad affectam partem queat pervenire, Occurrebantque innumera per totam Medicinam diffusa, pulsuum doctrina, februm, inflammationum, obstructionumque gene-

generatio & cura, aliaque ob quæ desideravi hunc sanguinis motum cognitum habere.

Experimenta autem quibus in hanc opinionem veni, ita evidentia sunt, ut non dubitem asserere Medicos doctos cordatosque in posterum hunc sanguinis & chyli motum esse admissuros. in causis tamen nonnullis hujus motus quibusdamque circumstantiis non eum possum consensum polliceri: quot enim homines sumus, judicii quadam disparitate facile in diversas sententias imus.

De fide autem experimentorum dubitare *Bartholine* non potes, qui eorum non parvam partem ipse vidisti: adfuerunt autem sæpissime Medicinæ Doctores doctissimi tibi non ignoti, *Franciscus Sylvius*, *Johannes van Horn*, *Abasuerus Schmitnerus* in dissectionibus accuratissimi; & viri solidæ eruditionis *Franciscus vander Schagen*, & *Antonius Vockestaert*: nec adfuere tantum, verum ad facienda experimenta & manum & consilia contulere: quibus hoc nomine plurimum debeo. His vale, ornatissime *Bartholine*, & me ama. Dabam Lugd. Batav. x. Kal. Octob. Anno cLo Io cXl.

ALTERA EPISTOLA
DE
MOTU SANGUINIS,
AD EUNDEM.

EA Scriptorum fortuna est , ut etiam cum nolunt porro scribere cogantur , & Adversariis suis respondere , nisi aut sibi, aut causæ quam agunt, malint deesse. Mihi certe plane aliis intento Vir quidam Doctus hæc voluit extorquere. Quas enim antea vellicaverat Theses de motu sanguinis , hisce diebus peculiari scripto conatus est refutare. In eo scripto non pauca ingeniosa sunt & docta : verum id in auctore desidero quod in Albutio Rhetore Veteres, qui de omni causa dicere cupiebat , non quidquid debebat dici , sed quidquid poterat. Eum quoque sanguinis motum qui in vivorum animalium dissectionibus evidens est, nunquam conatus est observare : prorsus quasi certius res animo concipi, quam oculis posset videri. Verum hæc aliaque Thesium auctori Rogerio Drake curanda relinquo, nunc apud Londinenses Medicinæ Doctores acuti ingenii & solidæ eruditionis : Ego ea tantum

tum sectaturus sum , quæ motui sanguinis in orbem obfutura videbuntur. Et primo quidnam his nos doceat venæ sectio , de qua digna consideratu. Vir doctus annotavit.

Venam secaturus Chirurgus vinculum brachio injicit quo vena in tumorem attollatur. In tumorem attollitur vena, non quæ citra ligaturam cordi propinqua, sed quæ ultra ligaturam à corde est remota. Ejus autem tumoris causa, non est dolor, quo vinculo constricta pars afficitur: dolor enim sæpe exiguus aut fere nullus est in parte quæ ligatur. Et vellicatione combustione acriorive dolore affectum brachium, minus plerumq; tumentes venas , quam à simplici ligatura, habet.

Neque verosimilius est venas intumescere à ligatura , quod per venas ad ligaturam angustiores, copiosior sanguis & celerius ab hepate feratur ; ut circa pontes alibi ve ætata flumina rapidius labuntur. Fluminis enim defluens aqua circa angustum locum collecta evidenter in tumorem attollitur , à quo decidens celerius vadit : Ligato vero brachio contrarium evenit ; non enim hepatis propinquiore venæ à quibus sanguis veniret, sed ab hepate remotiores magis distenduntur.

Quare reliquum est , venas ultra ligaturam

ram tumere, quod sanguinis à minoribus venis ad cor redeuntis motus ligatura sistatur, ibique collectus venam distendat. Sed quo hac de re esse denuo certus possem, in vivis animalibus ramum jugularem cruralemque filo constrinxi arctissime, ut nihil sanguinis transflueret; aperui autem eam venæ partem quæ à corde remotior esset, & sanguinem copiose, celeriter & vehementer effudit. Mox vinculum laxavi & venam dissecai per medium; parsque ejus à corde remotior sursum è corpore extracta, continuo & celeriter sanguinem dedit: interea dum venæ pars cordi propinquior (nonnihil elavata, ne præ dolore se concutiens animal facile exprimeret sanguinem) primo parum, mox nihil sanguinis largiretur. Unde mihi videbatur evidens è venis remotioribus sanguinem ad cordi propinquiores venire, neque è majoribus ad minores; nisi forte data via aliquid vicini sanguinis elaboretur. Tantundem in venæ sectione brachii unusquisque facile potest experiri: si enim sanguinem qui supra ligaturam est, sursum digito adigat, ut vena inanita videatur, non minus tamen sanguinem infra ligaturam videbit effluere; qui per ramum superiorem jam inanitem non potuit venire.

Sed si ita vena à sanguine distenditur, qui à minoribus venis ad cor movetur, Quo-
modo

modo à ligatura potest arteria distendi, quam distentam non pauci præstantes Medici referunt fuisse pro vena dissectam? Sane à ligatura non intumescit arteria, nisi quæ cor respicit; remotiori vero parte concidit aliquantum & imminuitur, ut in vivorum dissectionibus centies & amplius sum experitus. A ligatura autem remotiorem distendi arteriam non plane authores voluisse arbitrari, verum id tantum intendisse, ubi vena non apparet quæ secanda est, tactu explorandum locum esse, ubi ea possit latere; & è fovea, motu, tumoreque sanguinis eum inveniendum: tactu autem invento apparente tumore, non statim judicandum ibi venam subesse; posse enim subesse arteriam quæ nimia ligatura pulsus amiserit, quæque ob tunicarum crassitiem non plane concidens, tumorem & quasi inflationem mentiat.

Verum insuper si à sanguine ad cor redeunte intumescit vena, cur vinculo ut supra, ita quoque infra secandam venam injecto, vena tamen intumescit & dissecta sanguinem fundit? qui sanguis ex inferioribus oblecto vinculo non videtur posse venire. Verum enimvero id non semper accidit, sed aliquando tantum, quando certo intervallo crurium ligatur. atque tum eum sanguinem venæ majores, loco intra duas ligaturas medio,

medio, & minoribus venis accipiunt; quæ minores venæ eum & minoribus habent arteriis, quæ Anastomosi minoribus venis junguntur. Revera autem illum sanguinem qui intra duas ligaturas effluit, Anastomosi ex arteriis venire, id indicio est, quod is majori impetu & calidior effluat, ac facilius citiusque ad ejus effluxum Lipothymia sequatur. Atque hac ligatura uti soleo, ubi spirituosum ferventemque sanguinem esse in vitio indicia habeo, jubeoque Chirurgum illas Anastomoses ligatura quærere: supra enim Anastomosis injecta silit sanguinis motum; infra vero non remoratur eum, sed calidior sanguis ad ægri tactum exilit.

Secta vena sanguineque effluente, quando sanguis minus copiose quam antea, aut ab initio non satis confertim fluit, ligaturam laxamus quo sanguis uberius effluat. Laxari autem non videtur ligatura quo sanguis per venas ab hepate veniat. Etiam si enim nihil aut minimum sanguinis supra ligaturam, imo fovea aliqua in vena appareat, promoveri tamen laxatione vinculi sanguinis effluxus videbitur, qui ex inani vena non potest venisse. Verum potest laxato vinculo melius sanguis per arterias descendere & ex iis venas intrare; quod arteriæ à ligatura compressæ, laxatione vinculi liberiores evadant. Arterias autem ligato brachio sæpe non satis liberas

liberas ligari testabuntur, qui arteriæ sæpe pulsum ad ligaturam persentiscunt, quem sensum compressa adfert arteria ubi ad carnem allidit. Et Medicus si exploret, sæpe minorem pulsum in ligato brachio quam in libero persentiet. Testarique possum, me aliquoties cum vinculum laxaretur, digitum carpo applicuisse, & animadvertisse, ubi à laxatione vinculi sanguis copiosior efflueret, pulsum factum esse majorem.

At si is sanguis qui secta vena effluit, ex arteriis in venas veniat, quomodo is potest copiosus educi? omnes enim arteriæ pulsant æqualiter, quare & videntur eadem mensura sanguinem venis largiri: si autem reliquæ arteriæ tantum suis venis, quantum arteriæ brachii tribuunt & educitur, an non cito cor omni sanguine destituetur: nullum certe periculum est: tam cito enim diximus sanguinem ad cor venire, quam ab eo pelli-
tur.

Non arbitrer tamen sanguinem æqualiter omnes venas intrare, etiamsi æqualiter arteriæ pulsare videantur: in locum enim vacuum facilius fluit, celeriusque omnis liquor, in quo nihil est quod adigere debet & propellere. Et insuper hic ab evacuatis venis sanguis, magis quam à repletis trahitur.

E vena autē secta cubiti copiosior sanguis,
M quam

quam è manu fluit, quod omnis ille sanguis qui per omnes anastomoses cubiti manus-que ad venas venit, per venas cubiti debeat redire; per manus autem venas parciore, & is tantum qui per Anastomoses manus venit.

E vulnerata quidem arteria, sanguis continuo effluit etiam si non ligetur. Verum id accidit quod sanguis per arterias vehementius, quam per venas feratur: quia vehementia arteriam replet, tunicam attollit & distendit; & ea si aperta sit, necessario impetu elabatur.

E secta vena ubi satis sanguinis effluxit, cum sistimus sublato vinculo, quod via pristina jam libera iterum queat sanguis deferri. Sin vero accadat ut collecto circa ligaturam sanguini nimis copioso, venæ celerem nequeant transitum largiri; aut ita vulnus amplum inflictum sit, ut illac qua conclusus antea deferebatur sanguis, jam recta queat elabi, nonnunquam laxato vinculo sanguis rivulose effertur.

Quem ut sistant plane nostri Chirurghi, hodie non raro, paulo infra vulnus venam comprimunt atque ita sanguinem sistunt; ne si supra vulnus comprimant, statim in vulnere retentus sanguis concreascet & venæ consolidationem remoretur. Hac autem ratione sisti posse sanguinem qui negant, nescio

nescio ubi illi debeant fidem mereri, qui in re obvia nobis audent imponere. Cum autem is sanguis inferiori parte compressa sistatur, liquet sane eum ex inferioribus venisse.

Sin vero contingat, non in venæ sectione quidem, sed alio infortunio, venam vulnerari ut sanguis sisti nequeat, vena transversim discinditur: unde, cum non amplius ut antea tendatur vena, sursum & deorsum discissæ partes in carnem trahuntur, à qua carne comprimuntur occludunturque venæ oscula, idque tanto facilius quod per vicinas venas tensas patulasque moveri sanguis his occlusis possit. quare & eam ob causam discissa minori arteria transversim, hæmorrhagia aut inflammatio non succedit.

Quæ cum ita sint, omnibus arbitror liquere ea quæ in venæ sectione accidunt, aut comprobare circularem sanguinis motum, aut ei saltem non refragari.

Sed cum alia quoque nobis objiciantur, excutienda & ea sunt. Et quidem quod sanguinem per venas non ex arteriis, sed proxime ab hepate venire eo comprobant, quod partes quædam sanguinem accipiant, & ab affluxu sanguinis tumores patiantur, quæ arterias non habent, inter quas pleuram numerant. Verum non sequitur, si partes

arterias non habent, earum venas sanguinem ad hepate non vero alibi ab arteriis accepisse. Ut enim diximus sanguinem ex arteriis mesentericis coeliacisque venas mesentericas splenicisque intrare per quas in hepate ferantur: ita & aliae venae accipere sanguinem ab arteriis possent; quem in partem ab arteriis remotiorem possent deferre. Nulla tamen corporis pars iustae molis est, in qua Anatomici conspicuas arterias non & vere agnoscant. Et infinitae adhuc illos latuere, quod minimae arteriae per carnes dispersae unicam tantum tunicam ut venae habeant. Imo in ipso hepate, tot rami arteriae coelicae sunt, quot sunt rami venae portae, & totidem quoque sunt rami ductus cholidochi; quae omnia hactenus ab Anatomicis pro venis portae habitae sunt, quod communi tunicae tria illa vasorum genera in hepate includantur. Saltem nemo pleurae arterias denegabit, qui vivi animalis thoracem unquam vidit aperiri; solet enim dum diffecatur is, e pleurae arteriis sanguis exilire.

Porro probant ex arteriis sanguinem venas non intrare, quod ligato brachio ita tamen ut pulsent arteriae, infra ligaturam brachium in immensam molem non distendatur; in eam autem molem videtur distendi debere, si ob ligaturam nihil ad majores

venas possit refluere , & singulis constrictionibus aliquid in venas inferiores arteriæ propellant ; quales arteriæ constrictiones plures una hora quam ter mille obeuntur. Verum enimvero fieri potest in illam modum brachium ligatum non intumescere , quod venæ prorsus non sint occlusæ , & sub ligatura per aliquos cuniculos latebrasve sanguis ad majores venas possit remeare : ut fascia repellente constrictam admodum partem ad plures menses annosve nutriri tamen à transfluente sanguine videmus. fieri quoque potest tam parum sanguinis per arterias ligati brachii impelli, quod non nisi longiori tempore id admodum queat distendere. Nisi enim tantum impellitur sanguis , distentis à plenitudine venis , qui in arteriis à ligatura usque ad manum est : qui enim supra ligaturam est per anastomoses liberas melius potest venas intrare. imo fieri posset cum distentæ venæ non amplius sanguinem in se impelli ab arteriis permittant , fisti arteriarum pulsus, aut sanguinem sursum regurgitare & per anastomoses supra ligaturam venas intrare : quale quid nos in Anate vidisse retulimus. Nisi aliquid horum eveniat , à ligatura intumescet prorsus brachium , & calidi innati à copia impulsu sanguinis suffocatio sequetur. Sæpe enim mihi aliisq; supra carpum brachium ligavi , & vidi venas sem-

per distendi, intumescere aliquantulum carnem & rubere; Arterias sæpissime, non tamen semper, sensim minorem pulsum edidisse, imo & aliquando intermisisse; mox ligatæ manus rubrum colorem in lividum mutatum esse; quare illico ligaturam dissolvi, exterritus hoc exemplo. Rustico cuidam vulnerato in brachio interno circa cubitum, cum pagi Chirurgus sistere sanguinem non posset, brachium circa vulnus arctissimo vinculo constrinxit, unde secuta est ingens inflammatio inferioris brachii, & is tumor, ut pro digitorum nodis altæ foveæ conspicerentur, intraque octodecim horas inferioris brachii gangrena & Sphacelus, quod Ewaldio Screvelio maximo Medico & me præfente, ab expertissimo Chirurgo Christiano Regio fuit amputatum.

Objiciunt præterea, si venosus sanguis ex arteriis venit, quomodo arteriosus sanguis plurimum potest à venoso differre? Verum sciendum est eum minus à venoso discrepare quam plerique arbitrantur, qui ex impetu exilientis arteriosi sanguinis copiam in eo spirituum & summam raritatem colligunt: cum is saltus ab impetu veniat quo cor sanguinem per arterias propellit. Ultra ligaturam quippe aperta arteria sanguis tantum guttatim emittitur. Ea autem quæ inter hos est differentia, potest & debet à majori minoriver

norive calore & spirituum copia provenire, prout magis minusve à foco & corde est remotus. multum enim differt sanguis prope cor ab eo qui in minimis arteriis invenitur, quem possis difficulter ab eo qui in minimis venis est distinguere. Et minores venæ rariorem calidioremque sanguinem quam majores habent : quod unusquisque facile in venæ sectione pedis manusque potest experiri. Imo si duplici ligatura venæ sectio, ut jam diximus, instituatur, calidior quam simplici exhibit.

E minoribus autem venis ad majores sanguinem non ire, probare mensuris conantur, quæ illorum judicio integro mense in venis circa uterum colliguntur ; & si ab utero in caput ferantur, ea venam cavam & cor putant non transire. Verum communis & vera opinio est, circa tempus consueti effluxus, menstrua demum ad uterum moveri, à quo humorum motu lumborum laterisque dolores eo tempore fere oriuntur. Et compertum habeo, si circa tempus menstrui fluxus cordis arteriarumque pulsus major fieri possit, menstrua melius promoveri, quod per arterias vehementius sanguis in uterum pellatur. Potest tamen contingere, menstrua colligi, & ea obstructionem in utero facere, neque tum ad majores venas impedito eo motu sanguinem redire: verum id præter naturam est.

Ubi autem menstrua ex utero in caput feruntur, incommoda non est via, per venam cavam, cor & aortæ arteriæ ramum ascendentem. Et revera ea per cor ire, videntur palpitaciones levesque lipothymix indicare, quæ suppressa solent menstrua comitari.

Sed annon videri debet periculosum futurum, si omnis, qui in corpore nostro, pravus humor semper cor penetrare & transire debeat? Verum sciendum est, ita corpus nostrum conditum, ut nobis sanis sit commodissimum, non ut nobis ægrotantibus. Deinde & humor qui ab obstructione putrescit & pessimus est, huc non venit, quod obstructa via impediatur. Neque cor ita imbecillum est, ut ab humore pravo, qui longas ibi moras non trahit, statim corrumpatur: observarunt enim magni illi viri *Galenus*, *Hollerius*, *Laurentius* pus empyicorum aliosque acres & foetidos humores critice & sine gravibus symptomatibus, per sinistrum cordis ventriculum transire. Et id non raro quoque in commodum ægri accidit, quibus pravus ille humor per cor transiens, cordis vi sæpe domatur.

Cætera quæ objiciunt, hujus motus causas tantum spectant, aut quasdam *circumstantias*, in quibus solet liberior esse dissensus. Videamus tamen ea breviter an aliquod pondus

us habeant, quo nostram sententiam queant operare.

Sanguinem asserunt singulis constrictionibus nec semiunciis, nec drachmis, nec scrupulis ex humano corde propelli, tribus de causis: Primo, quod sanguis is nimis spirituosus sit. Verum jam ostendimus minus eam esse spirituosum quam vulgo solent arbitrari. Secundo, quod valvulæ cordis exiles tantum rinas agant, moxque iterum occludantur. Quod experientiæ quoque non consentit: resecta enim arteria à corde, magni factis sanguinis radii è corde emittuntur. Tercio, quod arteriæ nimis plenæ sint quam quæ sanguinis queant semiunciam, drachmam, aut scrupulum admittere. Verum id nimis inconsiderate est assertum; nam constringente se corde omnes totius corporis arteriæ dilatantur, idque undique, ut non raro tactu deprehendi, dum nudatam arteriam digitis continerem. Quis jam dicat omnes totius corporis arterias dilatatas, præter eum quem habuerunt sanguinem, insuper ejus scrupulum, drachmam, imo semiunciam non admittere?

Negant quoque in foetu è vena cava per vasa cordis unita sanguinem arteriam aortam intrare, indeque ex arteriis umbilicibus ingredi venam umbilicalem & per eam ad cor remeare, quod insigne secuturum

absurdum putent, unicam venam sanguinem maternum vehere, & simul tantum sanguinis quantum duæ advexerant umbilicales arteriæ. Quasi vero nunquam flumina uno alveo tantum aquæ transmittant, quantum plura potuerunt brachia advehere. Et hic venæ umbilicalis ubi unica est, multo major est arteria. Sæpe unica tantum est arteria, aut geminæ sunt venæ; ut venis arteriæ quæ proxime respondeant. *In brutis*, inquit Fallopius insignis Anatomicus, *gemine semper sunt venæ atque geminæ arteriæ quæ usque ad umbilicum cum uracho perveniunt, venæque statim antequam abdomen ingrediantur in unam coeunt, quæ ad portas jecinoris pertingit, ut in ovibus, capris ac vaccis omnibus quorum fœtus secui, observavi. Sin autem de humano fœtu loquuntur, assero me aliquando geminas arterias umbilicales non vidiſſe, sed unam tantum arteriam atque unicam venam, una cum uracho ad umbilicum ascendentes: ubi iterum arteria in duas scinditur, quæ postea ad os sacri latera permeant. Revera autem illam vasorum cordis unionem in fœtu factam esse, ut illac sanguis è vena cava in aortam transeat, videntur nobis animalia aquatica. Anas, Anser, aliaque docere; quæ quod sæpe sub aqua respirare & dilatare pulmonem nequeant, quare nec illac sanguinem amittere, eas vasorum cordis uniones adultæ*

adulta quoque habent; quod & notat *Harveius* cap. 6.

Negant quoque frequentes venarum articularumque anastomoses, alias è fluxione congestioneque tumores non orituros. Quasi vero flumina etiamsi ostium habeant, si plus aquæ deferant, vicinos agros nequeant inundare; nec hic sanguis extravasatus, quod concreascit, potest facile in vasa redire. Fiunt præterea tumores quod obstructione sæpe ulterior sanguini occludatur transitus, quodque calore doloreque in carnem trahatur.

Illi autem tumores huic sanguinis motui in orbem potius favere videntur, quod à frigore, contusione, omnique viæ constrictione accidant, quodque aqua vitæ similive medicamento sæpe humor in tumoribus redditus fluxilior, hoc motu sanguinis in venas repariatur; tumorque citius quam repulsione, revulsione, concoctione, dissipatione plane percuretur.

De Causa motus sanguinis aliunde quoque nobis difficultates obveniunt; & cum negaverimus ita subito vehementerque ex naturæ instituto rarefieri in corde sanguinem, qui movere cor, totius corporis sanguinem, & ipsas arterias possit; viri magni hujus opinionis principes, eo se id probaturos arbitrantur, quod dum frigemus, omnes venæ no-
stri

stri corporis contrahantur & vix appareant; cum autem postea incallescimus, adeo turgescant, ut sanguis in iis contentus decuplo plus spatii quam prius occupare videatur.

Equidem ego ita existimo atque ita animum induco meum, cū qui tam sedulo jam aliquoties, hanc sanguinis rarefactionem persuadere publice sint conati, & vivorum animalium corda disseccuerint, inspexerint, nec ausi hactenus fuerint asserere eam se rarefactionem sanguinis in corde sensisse; eos revera talem sanguinis rarefactionem in corde animadvertere non potuisse, qualem hic volunt constituere: qualem revera non esse, ei qui parum vivorum sectioni assuetus est, videre per quam promptum fuerit. Quamobrem licet probari posset eam rarefactionem sanguinis quandoque præter naturam contingere, non tamen causa motus secundum naturam cordis, sanguinis, arteriarumque in eam ideo deberet conferri.

Sed nec satis certum videtur in eo quod proponunt exemplo ob rarefactionem sanguinem decuplo plus spatii quam antea occupare. Etenim annon facile exurgere ille exteriorum venarum tumor posset, quod cum antea præ frigore constrictæ venæ angustatæque forent, non multum recipere sanguinis possent, quare nec tumere: quo frigore postea simul & constrictione sublata,

ta, laxatisque à calore venis, multum illæ admittere sanguinis possent, qui in eas à corde pellitur, atque ita tumidæ apparere. Hanc non minimam tumoris venarum causam esse videntur nos febricitantes docere, qui si brachia exponant frigori, haud ita tumescentes venas habent; sin vero stragulis arceant, frigus valde tumidas: qui tumor si à rarefactione esset, utrobique propemodum esse æqualis deberet, cum in his rarefactio sanguinis ab interna causa proficiscatur.

Nec id quoque esse indubitatum arbitramur, ubi frigemus primo, & postea incallescimus, ut venas exteriores ita & interiores tumere. Ingens enim suspicio est, partes interiores minus quam antea caloris sanguinisque possidere, quod à quo antea non lædebantur frigore, ubi ita incaluisse assumpto frigido potu, mirum in modum debilitentur. Sane ut interiores venæ sæpe sanguinis penarium sunt in quo sanguis in futuros usus recondatur, ita & id penarium esse exteriores venæ possunt, atque tum turgentes apparere.

Hi ipsi cum animadverterent quoque id illorum sententiæ vehementer officere, quod in constrictione manifesto effundi sanguinem asseruimus; non illam esse cordis constrictionem, sed esse dilatationem asserunt

runt nos vero specie quadam delusos esse quod in nostra constrictione, in basi tantum constrictione sit, at circa mucronem vera dilatatio; quod commentum cum viderent alii subsistere non posse, ne & illi causam deferere viderentur, excogitarunt in cavitate quidem integri ventriculi constrictionem esse, sed in foveis meatibusque laterum, præsertim in canibus, esse extensionem quandam & revera dilatationem.

Sed certe non conspicitur superior pars cordis dilatari, quando inferior constringitur; nisi ubi moriente animali, ab impulsu sanguinis motus cordis undosus existit. Nec alia dilatatio constrictione fovearum, alia cavitatis ventriculorum potest observari. **A**lt tantum progressivus quidam motus in majori corde animadvertitur, quod dilatatio constrictione evidenter à basi incipiat & sensim ad mucronem pergat, quamvis toto momento ferme peragatur. Et quo mihi plane constaret interius quoque cor undique constringi, præciso utriusque ventriculi mucrone, vivo canis cuniculique cordi pollicem indicemque digitum inserui; sensique manifesto cordis latera digitos ad cordis septum æque in medio, mucrone, ac basi premere; foveas autem, ad sensum in majoribus animalibus, non majores, sed minores fieri. Mox autem remittente constrictione

ctione latera cordis supra, infra & in medio laxari, foveasque evidenter majores persentiri. In septo autem ipso nullus motus sentitur, nisi quod à spiritibus quærentibus exitum quædam quasi palpitatio videatur. Ubi vero motus sinistri ventriculi in moribundis definit, septum dextri ventriculi motum sequitur.

In dilatatione tamen cordis, non in constrictione naturaliter effundi sanguinem volunt, quod in vivorum vulnere corde in dilatatione exire sanguis conspiciatur. Et hoc quandoque verum est; sed quod inde colligunt, sensus ipsi attestantur verum non esse. Vel enim canis aliudve animal capite thoraceque elevato, demisso ventre, constituitur, atque ita cordi infligitur vulnus: in eo, jam, cum sanguis qui per venam cavam, arteriamque venosam cor intrat, altior quovis cordis vulnere sit, is simul ac irravit, quod in dilatationis initio est, non pulsus cordis, sed solummodo sua gravitate effluit, quare nec ulla vi, ut in arteriarum contingit pulsus, in distans propellitur. Sin vero, ut fieri æquum est, canis supinus capite ventreq; in eodem collocetur plano, & vulneratum cor digitis erigatur, quamdiu cordi aliquod robur adest, sanguinem quem accipit citius constrictione in distans ejicit, quam cor totum repletum sit aut dilatatum. ubi vero
cordis

cordis deficit robur, & non nisi raro aut prorsus non se constringit, quia robustiores sunt auriculæ, & eo tempore etiamnum pulsant, quo cor plane defecit; sanguis ab auriculis propulsus intrat cor, accumulatur, & quando majori copia ingressus est, quam quæ corde continere queat, exit è vulnere, non impetu quodam ut ad pulsum efficiendum foret necesse, sed leni motu & stillando. Ut sensus nullum validum motum sanguinis nisi in cordis constrictione queat animadvertere.

Per venas autem sanguinem ad cor tantum volunt redire, quod impulsus ad partes sanguis, ut aqua cornu infusa, regurgitet sursum, atque ita ad cor referatur. Veram jam indicia dedi aut trahi aut à singulis venarum partibus sanguinem propelli: præter quæ & hæc habeo; quod exempto è corpore corde, motus tamen sanguinis, isque satis celer in venis videatur. Et si vena ulla, etiam lactea, duobus locis ligetur, laxata ea sola ligatura quæ cordi propinquior est, dum partes adhuc calent, semper chylus ad hepar, sanguis ad cor movebitur: qui nec à corde per arterias, nec ab intestinis per lacteas, objecto potuit obice propelli: nec fluiditate sua potius sursum quam deorsum moveretur.

Sed absolvamus reliqua quæ priores obijciunt:

ciunt : putant si ita rapide sanguis moveretur, venas & arterias commode non posse nutriri. At canis sitim sedare potest è Nilo bibens & fugiens ; hic autem partes ad rivum morantur, & quidquid è sanguine traxere in suam substantiam recondunt, ne à transfluxu humoris eluatur.

Sanguini quoque non putant hunc motum plane utilem esse. Eum enim, quia calore nativo abundat, respiratione, transpirationeque ventilatur, satis posse conservari. Amplius tamen ventilari certum est si celeriter moveatur, minimæque etiam ejus particulæ eo motu agentur : ita Lacustris aqua etiamsi moveatur leniter & superna parte flabellum admittat, corrumpitur tamen ; interea dum undique agitata flumina manere saluberrima deprehenduntur.

Hæc ea sunt, Præstantissime *Bartholine*, quæ prioribus adjicienda esse videbantur, quo satisfaceret illis qui novam recipere opinionem non possunt, in qua obscuritatis aliquid aut difficultatis observant : quibus sæpe nec animus nec tempus est penitus in eam exactiusque inquirendi. Verum meo judicio neganda non sunt manifesta, etiamsi solvere non possemus quæ sunt difficilia.

De verbis autem cavillisve cum nemine unquam libuit altercari. Plurima egregiaque sunt quibus illud impendi tempus possit ;
quod

quod & sæpe non suppetit necessariis. Quæ-
renti quoque derisoriam scientiam ipsa sese ab-
scondit, sed studioso veritatis obviam venit
& se præbet conspiciendam. Vale, Doctissi-
me *Bartholine* : ex Academia Batava Ley-
densi, Kalend. Decembris. cIo. Io cxi.

F I N I S.



JACOBI DE BACK

apud Roterodamenses Me-
dici ordinarii

DISSERTATIO

DE

C O R D E;

Cum copioso
Tam Rerum quam Capitum
Indice.

EDITIO ALTERA.



LONDINI,

Ex officina ROGERI DANIELIS,
MDCLX.

DE
H A R V E I O
ET
B A C C I O,

Ad Lectorem

EPIGRAMMA.

Iam nova lux oritur, jam fas est cernere ve-
rum.


*Huc adsis, Medica cui placet artis opus.
Ecce tibi monstrat natura mira latentis
HARVEIUS, cujus BACCIUS au-
get opes.*

Zacharias Sylvius.

Reverendo & Doctissimo Viro

GUILIELMO HARVEIO,

Medico Regio.

Ogitanti mihi sub cujus nominis præsidio, nostra hæc de Corde dissertatio lucem visura, honestius & majori cum decore, prodiret; nullo eam melius & potiori jure dicandam, imo decorandam putavi, quam si non perituro tuo nomini, Doctissime *Harveie*, consecraretur; nulli quam tibi decuit offerri. siquidem tibi soli in illam jus est, tibi soli sui ortus debet principium, te sine lucem non vidisset, neque in publicum prodiiisset unquam: fateor candidè, nisi tuo invento excitatus invitatusque, neque veteris doctrinæ limites egrediendi, neque partium mihi naturam ulterius investigandi unquam data fuisset occasio. Eam itaque tibi lubens meritoque dedico & voveo: in quo duo mihi præstare videor: Animi ego mei gratitudinem ostendo; Doctissimusque Vir, incomparabili ingenii sui acumine acquisitæ doctrinæ fructuum primitias nanciscitur. Paucum equidem, ex nostra hac oblatione, tuo nomini, quod jam
per

per integram Europam notum, ad Indos & longe diffitos orbis tractus, cœlo evehitur, accedit. Plura debere scimus: sed quia in magnis voluisse sat est, sufficiat cum nostra hac dissertatione, dum majora facere non detur, oblatum tibi gratum animum. Petitionem oblationi annectimus, enixe rogantes, ut quas penes te innumeras, tua diligentia repertas, circa humani corporis fabricam, observationes habes, uti ex tuo edita *de motu cordis & sanguinis exercitatione* liquet, earum nos participes facere, & communi usui exponere, omnesque veritatis amantes tibi multo devinctiores reddere, digneris; præcipue vero tuum.

I. DE BACK.


AD

AD

LECTORES

ALLOQUIUM.

In quo tractantur honores & reverentis artis inventoribus debiti : sentiendi libertas pluris habita : artis medicæ fundamentum veritas : *Harveius* circulationis sanguinis author : hac multa veterum statuta inversa : Authoris scribendi causa : Medicinæ compendii brevis norma.

 Vanti apud Antiquos habiti, qui, sedulo nitentes, communi bono & concivium saluti invigilantes, cœvis posterisque suos labores & inventa communicarent, statuta antiquitus præmia, tributique honores satis luculenter ostendunt. Medicinæ inventores inter Deos, qui studiis liberalibusque artibus excellere inter Musis Parnassique cultores numerati ; divinis omnes honoribus afficiebantur. Hæc semper, urbium, rerum publicarum, regnorumque fundatoribus, cura fuit, ut hujuscemodi præmiis tamquam ablectamento & stimulo ad meliores artes & scientias subditorum ingenia incitarent : nec in eo acquiescentes, sed magna ipsorum opera pluribus in locis instructa ædes, quibus

quibus publicis alendos sumptibus, lautisque additis præmiis, doctrina excellentes ad se allicerent extraneos. Sunt & erecta ad erudiendam juventutem gymnasia, quæ præceptorum doctrina imbuta ad similes tendens honores, veterum inventis sua superaddere novis præmiis invitabatur. Neque artium inventorum meritis honoribusque posterorum sedula diligentia & conatu quippiam derogari judicabatur, quasi non integram, aut omnibus absolutam numeris, tradidissent artem; satius erat, ab ipsis jacta esse fundamenta, quibus tamquam tramite & via pedibus insistere artis filii, ut in scientiis apte erudiri, vel sciendi amore seu desiderio flagrantibus ad multo altiora evehi possent. Ne perfectionem suæ arti attribuere videretur, ab excusatione divinus Senex aphoristicam doctrinam incipit; Vita brevis, ars longa: bene pensare, non solum unius vitam, sed omne ævum artis nostræ longitudo superavit; quæ perfectionem nondum adhuc nacta, eandem apud posteros inveniet forte nunquam; tam præcepti perscrutandi occasio, tantaque judicandi difficultas est! tanto magis, si neque æger, neque astantes, reliquaque Medico officium facienti obsequantur: præcipue si certis animi devincti regulis ulterius ad veritatem indagandam excurrere impediuntur. Hippocratis non satis æstimandus interpretes, lib. 3. nat. facult. cap. 10. Quisquis (non artis perfectionem summam) quid supra vulgum scire desiderat,

desiderat, ait, non natura modo, sed doctrinarum rudimentis præstare cæteris, veritatis tanquam insano amore teneri, nocte dieque contendere, quæque à clarissimis viris tradita sunt discere, judicare, multoque tempore explorare, ac quæ rebus sensui patentibus consentiant, quæque rursus dissentiant considerare debere. Præterea idem Galenus, tanti inquirendæ veritatis libertatem æstimat, ut 6. epidem. 4. aphor. 7. tyrannidem vocitet alicui sententiæ sine demonstrationibus decentibus quempiam teneri velle. Etiam 6. epid. sect. 2. aphor. 17. acriter reprehendit magistro sese alligantes & sine examine dedentes: Qui alicujus, inquit, seiplos vel servos, vel libertos pronuntiarunt, hi, ubi scriptum ab ipso aliquid inventum est, confestim comprobant, tum temere, tum inconsulte. Manifestum ex hisce est, quam candide veritatis lucem clara hæc Medicinæ lumina, in artis Iatricæ decorem & communem hominum salutem, dilexerint, ut veritatem inquirendi, rationes scrutandi, & de re qualibet ipsis ducibus sentiendi libertatem, tyrannidi & servitio præferant. Qui excellere in arte medica velit, nec jurare in alicujus auctoris sententiam, sed ab omni sectæ genere alienus, nudam tantum veritatem sectari eique subscribere debet: sic enim claustris confractis, & sui juris reddita (secundum Lucret.)

Vivida vis animi pervicit & extra
 Proceffit longe flammantia mœnia mundi;
 Atque omne immensum peragravit mentis
 animoque,
 Unde refert nobis victor quid possit oriri,
 Quid nequeat; finita potestas denique cui
 que
 Quanam sit ratione; utque alte terminum
 hæreat.

*In horum Heroum relicta doctrina à tenera ad
 adolescentia instructus & quasi educatus, tradita
 ab ipsis dogmata serio sum amplexus, & quæ
 religio fuit ea defendere: & merito, siquidem
 artis Patres ejusdem nos filios crearunt: iis de
 bebamus, quod in arte profecimus; & cognitio
 nem, at quam sumus evehi, ipsorum adjumen
 to & traditorum ope, acquisivisse fateri cogimur.
 Præterea juramento Hippocratico astricti arti
 filii sese invicem fratrum, & quorum auxilium
 artem addidicere, parentum habere loco tene
 tur. Si itaque patri honorem & reverentiam
 debet filius, quid ni nos artis filii nostros patri
 nos & genitores revereri colereque tenemur?*

*Horum monitu fixum mihi immortumque
 animi semper habui ad Doctoratus honorem ac
 missus, nihil in praxi tentare, nisi ad hoc ratio
 nis examine inducerer; vel si ab alio quidquam
 bene factum dictumve audirem, quin de re obvi
 rationes investigare, quibus ad minimum mihi
 ipsi*

ipsi satisfaceret, conarer. Tali mihi instructo ani-
 mo, ante annos circiter quindecim contigit in
 manus incidere Guilielmi Harveii Exercita-
 tionem Anatomicam de motu cordis & sa-
 guinis, cum jam ante quinque vel sex annos in
 lucem prodierat, quamplurimis insignis doctrinae
 viris in sententiam tractis. In hac (relictis plu-
 rimis veteris doctrinae statutis, cujus ego funda-
 menta jeceram) sanguinem non per venas ab he-
 pate in singularum partium nutritionem, earun-
 dem attractione, moveri; sed, à corde per
 arterias, eundem, in totum corpus dicto usui,
 impelli, & superfluum per venas remeare, ut
 in corde denuo refocillatus (sic illi visum) &
 novis imbutus spiritibus, omnibus membris de-
 integro reportaretur, & circulari motu continuo
 saepius, idque parvo temporis spatio, reducireretur
 per eandem viam. Hanc ego rem novam
 examino, quae primo aggressu facile refutari
 posse videbatur; sed justè exagitata trutina,
 a libita cum ratione autopsia, inexpugnabilis,
 imo cogente veritatis stimulo, ambabus ample-
 ctenda vlnis reperiēbatur. Quid faciendum? An re-
 relinquendus Hippocrates, postponendusque Ga-
 lenus? Minime: si veritatem, rationibus, ipsis-
 que sensibus munitam, sectamur, sumus Hip-
 pocratis, sumus Galeni. Nihil contemnē-
 dum, ait Senex, nihil judicandum temere. Cla-
 rissimorum virorum scripta, hic anne sensibus
 bateant, anne dissentiant, examinare jubet: verè

fundamentis rationalis & dogmatica Medicina
 nititur; &, nisi quod veritate comprobatur
 firmum stabileque nihil judicandum est. Accre-
 visses hęc primo putata in Medicina heresis,
 non solum Anglię nativi soli Academias, sive
 & Germaniæ, Gallię, Italię, & Belgii nostri
 Universitates perambulaverit, & præter ingentem
 doctissimorum virorum numerum, etiam
 Professores pluribus in locis sibi additos red-
 derit: quorum nonnulli publicis lectionibus
 disputationibusque, nec non editis scriptis op-
 inionem hanc tandem divulgaverunt perquam ma-
 gno studiosorum applausu; ut vix reperias cre-
 atum Doctorem, cui sanguinis circulatio non
 innotescat, imo arrideat. Sed quemadmodum,
 uno supposito vero, mille desumuntur conseque-
 tię, cum ratione convenientes; atque, uni ac
 structę, positiones innitentes mille vacillant &
 corruunt: sic contigit concessio statutoque sa-
 guinis circulatorio motu, innumera veteris
 doctrina statuta inverti; unde totus docendi or-
 der turbatus, præpostere & sine certa methodo a-
 doctrina omnino confuse instituitur & addiscitur
 quam, positionibus catenatim coherentibus &
 certo ordine instructis, stabiliri decet. Hęc ratio
 est, quod omnes in aliquibus non satis convenie-
 tes, aut in causa motus sanguinis, aut in ef-
 fectum modo, aut in effectu dissentiant; vel re-
 tamquam nimis laboriosam & collegis invisam
 ulterius non investigantes, relinquant: cui
 prius

prius, rationibus & autopsia adducti & evicti
Harveii inventum de motu sanguinis suscepis-
sent, & editis scriptis approbassent. Mihi vero
cum hujus rei examen negligere, aut vacillan-
tibus insistere pedibus, non satis decorum videretur;
rationes, quousque meo animo satisfactum
foret, versare & perquirere suscipio, & parti-
um actiones & usus novo examine indagando,
destructum ordinem brevi methodo redintegrare
& illustrare tento. Sed cum tanto hoc non per-
agitur silentio, quin inter collegas, aliosque fa-
miliares ea de re quam sepiissime sint orti sermo-
nes; quinetiam in Anatomicis demonstratio-
nibus aliquando, quæ de circuitu sanguinis oc-
currerent, attacta sint & ventilata: unde acci-
dit, cum nonnulli ea, idque seria disquisitione,
perscrutarentur, semper novis occurrentibus du-
biis, ut à me sedulo & amice petierint, ut, quæ
de materia hac premeditata haberem, publicis
scriptis in communem usum divulgare vellem:
quod quamvis mihi senescenti molestum foret,
secundo supra trigesimum jam fere elapso anno,
quo me praxi dedidi, & uti fit, theoreticam ali-
quo modo Medicinam reliqui (si eam hæc de
circulatione materia non resuscitasset) & tam
propriis negotiis, quam praxi occupato vix tem-
pus superesset, quod huic operi largiri possem;
ut tamen amicis complacerem, me invitum re-
cusantemque sive exorari tandem, eo usque, ut

Eximii Viri D. HARVEII, de cor-

dis & sanguinis motu, tractatui (quem de nos-
tro ARNOEDUS LEERS Bibliopola vi-
gilans prelo excudendum commisit) quod ad
eandem materiam faciat, aliquid adderemus.
Dissertationem itaque de corde scribere sum ag-
gressus, partim, quia cum Doct. Harveii mate-
ria convenit; partim etiam, quia cordis exa-
men esse exactius tractandum & seduliori cura
perscrutandam existimo. Hujus enim opinata
excellentia & splendor, tantum, cum Medicor-
um, tum Philosophorum veterum & neoteri-
corum mentes, tanquam fascino, devinxit, ocu-
losque occæcavit, ut clarum veritatis lumen non
videntes, nulla, nisi obscura & imaginatione
concepta, pro veris recipiant.

Mentibus itaque hasce caligines & catara-
ctas oculis adimere dum aggredior, ne mihi im-
ponatur unice rogo, me veteribus suos honores,
artisque patribus debitam reverentiam, frater-
namque cum artis filiis concordiam velle dimi-
nuere, si praxillulum, quod mente concepi, tan-
quam in concilium vocatur, quando de re for-
manda Medicine methodo agitur, in medium
adfero. Ne vero eam magis turbare velle vi-
dear, (veluti si circulatorio motu introducto,
anime naturales & vitales confundi facultates
mihi non satis sit) & veterem de corporis & o-
mnium doctrinam omnino rejicere, & negatis-
sime Hippocraticam corporis humani divi-
sionem, ab omnibus huc usque receptam, ejusque
doctrinæ

doctrinæ fundamentum, me invertere, accuseri;
 isti malo fore remedium confido, si de eo in ipso
 ne limine excusam & liberem.

Analytica docendi methodus, ad humanæ na-
 uræ indagationem explicatio, quæ, semper com-
 modior Medicinæ proceribus dum visa fuit, ex
 Hippoc. scriptis divisionem desumpsere, qua
 corpus in continentia, contenta & impellentia
 partiuntur. Continentia vocarunt partes solidas,
 contenta humores, impellentia spiritus. Sed,
 spiritibus quæ adscribitur substantiæ subtilitas,
 nobilitatem quidem & ad motum promptitudi-
 nem inducere potest, non vero activum motum;
 præterea si aliqui dentur, contentorum nomine
 merentur; vita etiam destituti, ut ab alio mo-
 veantur, necessum habent: si itaque divisi-
 onem Hippocraticam firmam stabilitamque veli-
 mus, aliud quid querendum est, cui impellendi
 vis & potestas competat meliusque quadret.
 Fiet hoc, si viventem hominem in continens,
 contentum & impellens dividamus: per conti-
 nens intelligendo corporis massam solidam, pro-
 ut ab Anatomico tanquam subjectam tracta-
 tur; per contentum, sanguinem sive alimen-
 tarium humorem, prout à corpore sive substantia
 solida continetur. Neque est, quod inferamus,
 plures in corpore reperiri humores, cum omnes,
 quotquot sunt, faciant ad sanguinis constitu-
 tionem; vel enim occurrunt tanquam partes
 constituentes, vel ejus excrementa inutilia ad

excretionem separata sunt. Impellentis nomine non spiritus, sed incorporea anima est insignienda, quæ, nam inepta contineri, est in toto & qualibet parte tota, cum omnibus suis facultatibus: ab hac omnis impetus & impulsio; hæc vivificante & impellente, partes d' spositæ actiones edunt & peragunt.

Generalem de homine doctrinam Anthropologiam voco; partes cujus statuo, secundum hanc divisionem, Psychologiam, Somatologiam, & Hematologiam, in animæ, corporis, & sanguinis doctrinam: ab anima enim impellente, corpore dispositio operante, sanguine adjuvante, seu tanquam medio concurrente, omnes, quotquot in homine spectantur, tam occultæ, quam evidentes, peraguntur functiones.

Psychologia doctrina est, quæ animam humanam, ejusque effectus rimatur. Hæc, ψυχὴ dicta, est hominis ipsa forma, sine qua talis (scilicet homo) esse non potest, omnium motuum & functionum insita causa: Ab Aristotele ψυχολογία etymo notatur (quod Hermolaus Barbarus perfecti habiam vertit) diciturque actus primus corporis organici potentia viventis.

Lubet Ludov. Vivis præclare dictum hic inferere. Anima est agens præcipuum (inquit lib. 2. de anim.) habitans in corpore apto ad vitam. Agens nominatur, quasi artifex: nam quod agit quippiam per instrumenta, in eo ipso vis inest agendi illud ipsum, ut in piktore

pictore pingendi præcipuum additur. Nam si quis calorem, vel humorem, vel spiritus, aliquid dicat agere in corpore, sciat, illa omnia non per se agere, sed ab anima id habere, ut agant. Ergo anima ipsa artifex est, non aliunde: in eo utique corpore vim suam mutuans.

Vere illi actus nomen quadrat, quia suum corpus actuat: imo mere activa est, nullis passionibus obnoxia. Passivum & immortale uni subiecto convenire nequeunt: siquidem quod patitur, tandem interit.

Afferto huic objiciet forte aliquis, quæ Medici de animi affectibus statuunt: imo Hippoc. lib. 2. aphor. 6. Si dolentes dolorem non sentiunt, mens ægrotat.

Verum est plerosque animum & mentem cum anima confundere, imo humanæ menti omnes animæ qualitates tribuere.

Differunt tamen inter se anima & animus; quod illa vitæ sit & qua vivimus; hic consilii, & quo sapimus: unde Philosophi etiam sine animo vitam manere, & sine mente animam durare, dicunt.

Animi pathemata, passionēs, non animæ, sed mentis aut animi, à sensuum organorum affectibus, excitatæ mutationes sunt quas corporis dispositiones cum anima percipit, non patitur: percipere enim, non pati, sed agere est.

Animatum (forte animal) hinc dicitur, quidquid in se motus principium habet. Pro actionum & effectuum in corpore elucescentium diversitate, diversas animæ ponimus potentias & facultates.

*Facultas est animæ agendi functionesque e-
dendi per corporis actiones semet exerens vis & aptitudo.*

Quibus singulis, ut in actum ducantur, concessa propria sunt organa, quæ vulgo pro actionum auctoribus habentur; quamvis sola animæ ad agendum instrumenta sint.

Animam in corpore tria precipue moliri cernimus; vitam nimirum, vitam meliorem commodioremque, & tandem perennem: pro tribus hisce actionibus, tres ei præcipuas adscribimus facultates, sub quibus dein reliquas tanquam inservientes comprehendimus.

Vitam dum corpori anima procurat. illam vim, facultatem vitalem sive naturalem aut etiam vegetativam nuncupamus; fluxile vero, quod ipsa assiduo deperit, tanquam æconomus, novo pabulo refarciendo, quia sustentat & auget, æconomicam dicimus.

Hanc dividimus in preparatricem, dispensatricem & assimilatricem, quæ, magna ex parte, hac nostra dissertatione ventilabuntur.

Pabulum quod omnino dissimile est nutritionis gratia (quæ similis appositione peragitur) ut simile reddi & in eandem cum nutriendo substantiam

substantiam converti possit, novam, corpori partive aptam & propriam formam induat necesse est.

Sed tam magnum opus quia non protinus, & primo aggressu (uti apud omnes, credo, in confesso est) perficitur : si quidem ipsi addi, quod utile ad tam alienam massam subigendam, & adimi, quod est inutile, ad mutationem ineptum & nocivum, requiritur. Cumque una pars tanti oneris sit impar, plures ad hoc exequendum desiderantur, in quibus assumptum nutrimentum suas metamorphoses subeat.

Tres sunt evidentiores, quas patitur formarum mutationes ; convertitur enim in chylum, chymum, & sanguinem ; unde facultates emergunt chylica, chymifica, & hæmatopœtica : quibus addi possunt, quia ad hanc contribuunt, bilifica cystis, & melancholifica vasorum atrabiliariorum, &c.

Dispensatrix animæ facultas est quæ illa omnibus & singulis partibus nutrimentum suppeditat : hæc enim propter continuum alimonii effluviū, novo semper refocillari foveri & vigorari debent ut ad suas actiones aptentur & incitentur. Auricularum & cordis ad hoc servitio, cum arteriarum adjumento, utitur.

Auriculæ (sic, ab aurium figura, dictæ) corpora concava venarum sunt tanquam appendices, carnosæ fibræ ad faciliorem cōtractionem donatæ, insitæ cordi, lateribus, ad ejus basin & principium

principium seu ingressum ventriculorum, à quibus earum sinus solis valvulis, foris apertis scad intus clausis, separantur; promptuaria sunt sanguinis, in quibus per venas, communem cum illis habentes cavitatem, tam è toto quam pulmonibus redux sanguis colligitur, ut in cordis ventriculos deponi possit. Numerus pro ventriculorum numero variat: quibus animantibus unus contigit, iis una itidem est auricula; quibus duo, due.

In fetu tenello ante cordis formationem, vesicula, quæ progressu temporis in auriculas abit, apparet pulsans, dispensatricis munere fungens; sed illo crescente, vesicula sive auriculæ tanto labori impotenti cor in adiumentum additur.

Cor dura vastaque contractili carne (tanquam rusticus ad laborem) instructum, in amplexibus, dum quiesceret, ventriculis receptum sanguinem, per patentia ostia, valvulis regressum inhibentibus munita, magna vi & impetu semet ab accepto onere expediens, in arterias protrudit. Hoc dum fungitur cor ministerio, agentis & dispensanti animæ, ad totius corporis nutritionem materiam suggerit. Hinc omnes ejus emanant dignitates; hinc rex, Microcosmi Solaris calor fons & focus, omnium actionum, ipsiusque vitæ auctor nuncupatur: quamvis solum molestiam, quam à distendente sanguine patitur, excutere intendat.

Arteriæ, teretes, concavæ, duplici satisque firma

firma, ut tanto impetui sint pares, tunica donatæ, in omnes nutriendas partes sanguinem tanquam canales deducunt.

Hunc agendi modum, qui multorum subsultuum & collapsuum seu contractionum interventu perficitur, pulsationem & pulsum; hancque animæ vim, facultatem pulsificam vulgo nominant.

Assimilatrix facultas ea animæ vis est, quæ corpori sanguinis particule familiares jam redditæ, secundum omnes dimensiones appositæ, in propriam & eandem formam ducuntur. Dicimus, sanguinis particulas, partim ob tam minutam divisionem, qua dirimuntur, ut etiam minimis corporis secundum omnes dimensionesungi possint: partim quod omnis sanguis tam minutim divisus familiaris non sit, sed plurimum inepti cum eo fluat, quod in venas denuo remeat, & quandoque magnam partem prius assimilati, & in constitutione morbosa rursus liquati, vel hoc novitio dissoluti, secum rapit multis iterum circuitibus alterandum & purgandum.

Si pari cum dissoluti quantitate nutrimentum ad partis restorationem concurrat, dicitur nutritio; si majori, accretio sive augmentio; si vero minori, vel si partem assimilati secum rapiat, maceratio vel extenuatio vocatur.

Facultatibus hæc plures aliæ inserviunt; à
partibus

partibus enim (tam ubi preparatio & assimulatio fit, quam unde dispensatio) præparandum, assimilandum & dispensandum recipi & admitti convenit; ibique pro tempore, si opus est, retineri, & tandem propelli: hinc facultates emergunt, receptorix, retentrix, concoctrix, & propultrix, vel, si mavis, expultrix.

Attrahicem ullibi usu venire, præterquam ad inspirandum, aliosque motus locales qui musculorum ope perficiuntur, equidem nescio: siquidem partes omnes fortiores, in debiliores sua onera deponunt, quæ in quiescentes fortiores, vel dispensatoris beneficio adjunctæ, per patientiores vias sese expediunt. Quidpiam ab aliqua parte attrahi ad sui distentionem non est verisimile: extendi enim pati est, cum attrahendi actione non quadrans.

Recipere & admittere partes in sua penetralia videmus (quamvis violenter & à fortius agente mittatur) naturaliter, quod familiare est; uti & alienum & molestum, si modo per patentes convenientesque ductus vel in, à natura concessa, receptaculo id ipsum, molestiam arcendo, deponere possint.

Præter naturam (quod proprie violenter fieri creditur) accipiunt partes debiliores, à fortioribus subito influxu, quod familiare minus est, vel paulatim congestione in alveis morborum materiam, à qua commode liberari non poterant, in perniciem admittunt.

Retentio

Retentio ad aliquod tempus summe partibus necessaria est ; ventriculo ad cibi digestionem ; intestinis ad tenuioris chyli expressionem ; moram trahit in sua cysti, tam ad conservationem, quam in requisitam necessitatem, bilis ; in vesica lotium, uti & in recto alvinæ feces ad munditiam & honestatem ; omnium summopere partibus reficiendis nutrimenti, jam ad æquitatem redacti, retentio, ob adhæſionis & assimilationis causam, competit ; sic seminis in parastatibus, fœtus in utero, lactisque in mammis ad prolis propagationem, educationemque.

Concoctrix est ea anima vis, qua alimentum dissimile, vel quod in corpore nocivum est, additione vel abstractione, in benigniorem naturam, ut in corporis substantiam facile verti possit, alteratur.

Concoctiones pro subjecti varietate variant, & varias habent appellationes, inter quas generaliores sunt πέψις & πεπασμός.

Pepsis est cibi in propriam nutriendi formam alteratio.

Pepasium generaliori significatu Galen. 6. epid. comm. 5. omnem deductionem ad mediocrem temperiem appellat ; comm. 2. vero lib. 1. epid morbi & eorum quæ præter naturam sunt coctionem : sic ut Pepsis circa nutrimentum, Pepasmus circa causam morbificam versetur, quorum coctiones sunt. Differunt præterea quod in hoc major pars tanquam
inutile

inutile adimatur, in Pepsi aliter in bona constitutione eveniat. Sed quia additione & detractio-
ne utraque peragitur, si morbificum in partes
quapiam infixum haerens affluente sanguine di-
luatur & dissolvatur, resolvi & discuti dici-
tur; si non, putrescens corrumpitur, vel in-
pus convertitur, unde resolutio, discussio, putre-
factio, suppuratio, quæ omnes coctionum modi
sunt.

Propultrix vel Expultrix (si ita mavis) ea
est facultas, cum qua vita primum incipit, &
qua cessante, vita tandem desinit. In animalis
primordio, ab humoris appulsu elevata vesicula
cum sese contrahit, ut influxum promoveat, pro-
trudatque elevantem liquorem, & pulsus &
vitæ primum signum dat.

Sic enim unumquodque natura comparatum
est, ut à noxio & quantitate qualitateve mole-
sto abhorreat, illudque quantum potest contra-
ctione removeat: contractione, inquam, quæ
omnes totius corporis peraguntur motus tam na-
turales & æconomici, quam animales & vo-
luntarii: sua sponte, quidquid per vim elevatur
& extenditur, ad naturam & priorem constitu-
tionem conatur reverti.

Considerandum quod nulla pars in alterius
commodum propulsionem intenet, ut alteri, sci-
licet, subveniat in auxilium; sed semetipsam à
molesto & nocivo, hoc expellendo, liberare ni-
tatur: quamvis sic cor & partes omnes sunt dis-
positæ,

posite, ut hæc omnium actio, proprio respectu, peculiaris contractio & expulsio sit, ab anima tamen agente in totius corporis commune commodum instituitur & dirigitur.

Meliorem corpori vitam largitur, quando, sensu & motu, atque omnium maxime rationis beneficio, id decorat. Animalem hanc vim, quæ à vegetabilibus animalia discernit, vocamus; ab hisce vero hominem rationalem.

Animalia, vegetabilibus longe superiora, voluntariis motibus, cælestium astrorum motus dignitate excedere, cum judicentur; in quonam meliori illustriorique excellentiæ seu eminentiæ solio rationem, homini super cæteris attributam, collocabimus? Huic, in mundi exordio, cerebrum (sentiendi voluntarieque movendi præcipuum organum) tam concinne de meliori luto fabricavit Prometheus, ut animæ, divino ore inflandæ, aptum accommodatumque foret instrumentum, quo sua origine dignas ederet actiones. Hoc substantia molli & mobili ad singulas cordis pulsationes respondente, meningibus exquisitissime sentientibus septa constans, mediantibus nervis (qui ex substantia hac meningibusque miro modo intertextæ productiones sunt) sensoriis externis continuum, in perenni motu existens, & pro communi sensorio inserviens, objectorum affectiones externis sensoriis receptas facillime percipit; perceptas ideas seu signaturas in memoria recondit; quas phantasia resuscitans, si sola, appetitui,

petitui, si concurrente ratione & intellectus iudicio, voluntati offert: quo loco-motivæ executivæ facultati imperet, ut convenientia prosequatur vel inconvenientia fugiat, ad salutem & incolumitatem.

Perennem & perpetuam vitam dum in individuo, ob substantiæ, unde componitur, ineptitudinem, conservare non potest, id in alio, novam speciem producendo, efficere anima conatur, quam facultatem procreaticam appellamus.

Quæ est novæ prolis, seu similis individui creandi producens, huc potest.

Hujus rei, quia multis occultata involucribus, quamvis perceptio sit difficilis, unde & ardua procul omni dubio ejus explicatio, paucis nihilominus, quæ super ea materia (Harveiana lucem viam monstrante) ut mee menti satis facerem, concepimus, in medium (sub facta conditione tanquam in concilium admissus) afferre aggrediar.

Est tanta eximii viri Guil. Harveji in naturæ penetralia scrutando diligentia & sagacitas, & in observata tradendo tam candida sinceritas, ut ejus tradita, quæ omnium fide facile merentur, amplecti non erubescamus: in perpetuam ipsi laudem cedit, quod invenerit, communique commodo liberaliter tradiderit de sanguinis motu & animalium generatione,

quæ longa vetustas

Occulit arcanis oracula mersa tenebris.

Procreatio

Procreatio ab uno non dependet individuo; duorum utriusque sexus concursu, tertium producit; quorum singula in communem hanc rem sua contribuunt: mas potentiam, foemina materiam, conceptus actum, utriusque complementum.

Procreationis sunt diversae partes; generatio, formatio, & parturitio.

Generatio est prolifici seminis effectio, & ad animam cujusque adipiscendam formam via, fecundatione & conceptione peragitur.

Verum semen est Aristoteli (lib. i. de generat. anim. cap. 18.) quod, ex ambobus coeuntibus originem trahens, utriusque sexus naturam obtinet.

Sic, quod maris & foemina coeuntium fructus, futuri fetus semen est, conceptus vocatur, aliquid praexistens, à quo scilicet in creatur & producit.

Quod vero à generante provenit, quamvis generationis sit principium & causa efficiens, genitura dici debet, non semen: quia, quod ab utrisque coeuntibus requiritur, non habet; scilicet vim plasticam & materiam, in qua illa in actum duci possit.

Mari genitura, ex sanguine, tanquam materiæ, quem arteriae, spermaticae dictae, in filamenta innumera divisi, ne eo assatim influente obruantur, in testibus elaboratur, & à sanguinea massa (quam in capillares numerosas venulas,

las, retiformem plexum cum arteriarum filamentis venulis perquam similibus, constituentes deponunt) separatur, mediantibusque ejaculatoriis, per variciformes parastatas in prostates glandulas deducta, ad usum ab iis conservatur; vel in variare coitu cum sanguine, quem adduxere ad nutritionem arterie, in venas re-meant.

Mulieri non omnino absimilem materiam, partes spermaticæ vulgo dictæ, producant, quam variis consideratione dignis rationibus adductus, venerandus Senex, genituram esse vel quidpiam ad generationem facere, Aristotelem secutus, negat.

Instrumenta, huic materie generandæ adscripta, esse inepta, neque omnibus inesse, quibus insunt, nunquam eodem modo reperiri, asserit: testes quia femellis, coitionis tempore, sicuti masculorum, non alterentur, & huiusmodi humore turgant; quia ejaculatoria dicta vasa aliter disposita (quæ uterinis animalium cornibus quadrare dicit, uterique tubas vocat) alteri usui inserviant; quia uterum neque in coitu, neque postea talis materia ingrediatur, sed tanquam excrementum excernatur (quamvis aliqua humorem quendam, in coitu, emittant) ad conceptum necessario non requiri concludit.

Sed cum tantus ad hanc materiam in corpora muliebris cernatur apparatus; & ex se testibus

bas animalia foemina castrentur & infœcunda reddantur; denique cum humorem hunc incitata & in coitu (quamvis non omni) cum voluptate vel majori vel minori mulieres ejiciant: ignoscet eximius Vir, si hæsitandi mihi dubitandique occasionem hæc præbeant; primo, num tamquam medium, inter genituram masculam & uterum interveniat hæc materia, quæ cum familiarior & naturalis magis corpori, à quo producta, quam externe adveniens sit, suo concursu, facilius atque commodius uteri corpus, nova temperie, à maris genitura inficitur, quæ concipiendo & semini sive conceptui in suo sinu generando aptum reddatur: temperies enim hæc cum sine materia traduci non possit, muliebri intervenitu, viri geniuræ apta portio ab utero, secundum corpus non vero secundum cavitatem, æquabilius admittitur; ut inde fecundetur, & ad conceptum, prolis exordium, in sinu suo, producendum aptetur. Secundo, num ad fœtus, jam auctioris, alimoniam & augmentationem conferat: siquidem ad pulli nutritionem duplex pabulum, albumen & vitellus, concurrat: num similiter & fœtus duplex sibi alimentum, per placentam vitello, per tubas albumini respondens, hauriat.

Quidquid sit, nisi viri amplexu, ejusque genituræ intervenitu foemininus uterus (ad generationem corpus & cavitatem seu sinum, conceptionis locum, contribuens) fecundetur, id est, se-

secundum corpus sive substantiam, seminifica-
vi imbuatur, neq; in sua cavitate semen concipiet,
neq; ad maturitatem, ut sit plantarum semi-
mini, oviparorumve ovo simile & analogum,
fœtus scilicet præexistens principium, produ-
cet.

Natura in operibus sibi consona, similibus
usibus consimiles partes instituit; eademque via
& methodo, in rebus generandis & procrean-
dis, tam in viviparis quam oviparis, procedit:
quippe ordine in ovario ovum, & ex eo postea
pullus, sic in utero conceptus, & ex eodem fœtus
formatur & producitur.

Ovum Aristoteli est, ex cujus parte animal
gignitur, reliquo in alimentum cedente. Con-
ceptui conditiones hæc conveniunt, estque mem-
brana obductum, sine testa ovum: in hoc diffe-
runt, quod ovum, in se habeat quidquid ad pulli
constitutionem & augmentum facit, conceptus
sit foris expositus, unde pullus procreatur: con-
ceptus vero, quia ad incrementum plus alimenti
à matre requirat, est ovum intus manens, donec
fœtus perfectionem adquisiverit.

Animalium brutorum, novem mensibus utero
gerentium, accurata crebraque sectione (nam
eodem modo generationes fiunt) compertum est,
coitus tempore & postea, ne quidem alicujus
rei vestigium in utero reperiri, neque maris
genituram, neque aliud quippiam in cavitate
ejus herere: uterus solum major & aliquan-
tulum

zulum crassior conspicitur floridior colore: unde affectum corpus facile colligere est, ejusque mutatum cum aliqua materia temperiem: post mensem fere, hac interiora versus migrante, minorem uterus molem præ se ferre incipit; interioris cavitatis pariete, tanquam si inflaretur, intumescente; ut per omnem fere sinum, tam tener levisque evadat, ut totus mollißima pulposa substantia, etiam carunculas, in eo sitas (quæ inde nihilo majores paululum albescent) involvente, oppleatur.

Paulo post hæc tuberantia flaccescens paulatim subsidet atque extenuatur; hoc tempore per mediam uteri cavita'em mucosa quedam filamenta ducuntur, quæ juncta mucilaginosam tunicam exhibent, plexum choroidem per cerebri ventriculos excurrentem, referentem.

Hæc post aliquot dies aquosa, alba, lenta & albuginea materia impletur, & uteri lateribus, ut nihilominus facile separari possit, aliquantulum adheret.

Conceptus hic verus est, & utriusque sexus virtute præditum, verum semen: Aristoteli est ovum membrana obtectum, cui putamen detractum sit: eidem pro ovo habetur, id, ex cujus parte animal gignitur, & reliquum cibus est ei, quod gignitur.

Viviparinum itaque ovum cum ratione dicitur; hoc constituunt bini humores totidemque membrana seu tunica.

Humores sunt albugineus & crystallinus.

Albugineus copiosior & alteri comparatus turbidior paululum est, fracti gallinacei ovi, tenuiori & liquidiori prius effluenti humori respondens.

Crystallinus humor, crystalli instar transparentis & limpidus, priori purior & crassior, ovi crassiori albumini perquam similis.

In hoc forte tertius reperitur humor, Fabricii cicatriculam seu maculam in ovo representans, qui Harveio oculus vere dicitur, quia vitelli tunica adherens, albus, planus, & circularis avicula pupillam referat; sed ideo (ut opinor) magis, quia ex eo, tamquam arbori ex oculo, pullo omnis origo & vita exurgat: opinionem hanc mihi parit, quia præter duos numeratos humores evidentes, in ovo is reperiatur; dein quia sicuti in plantæ semine oculus, gemma, & germen protuberans cernitur, sic in hujus fere meditullio futuri fœtus exordium punctum primo saliens, dein vesicula pulsans, reperitur & conspicitur. Hoc notandum, quod crystallini hujus binarium ternariumve numerum venturæ totidem proles æmulantur.

Humores hi viviparorum conceptibus omnibus semper insunt; & quoniam ovo in testa concluso in pabulam tot cedere cernuntur totidem, fœtui cum suis secundinis migrare in substantiam confido: differre etiam ab aqueo humore, in quo natate postea fœtus deprehenditur, & à quo consistencia

sistentia variat, existimo; & hunc, prioribus absumptis, è secundinarum interiore superficie in chorii sinum exsudare, ut fœtui pro aere inferuiat, scilicet ut hic in eo moveri, & humectando nutrimento frui possit.

Membranarum siue tunicarum exterior & solidior chorion dicitur: hæc per uteri cavum extensa, totum conceptum involvens & continens, immediate liquorem albugineum, & postea aqueum in suo sinu amplectitur.

Altera tunica, amnium dicta, exteriore multo tenerior est & transparent; humorem crystallinum circumdans, intra prioris ambitum, in albugineo natat. Si gemellificus sit conceptus (ubi bini reperiuntur humores crystallini) binæ continentes membranæ siue tunicæ, exterioris, totum conceptum involventis, amplexu, cum albugineo humore, colligatæ conspiciuntur.

Hæ sunt in sinu fœcundati uteri conceptus conspicuæ partes; si semen, ovum aut conceptus vocitetur, ad idem res redit; præexistens quidpiam est & fœcundati uteri fructus ex quo fœtus formatur & producitur.

Sive fœcundatio fiat à sola contaminante qualitate sine materia; siue subtilissimam materiam, temperiem & vim prolificam inducentem, adjunctam habeat, quæ à sola maris genitura, vel fœminæ tanquam medio interveniente (unde non solum utriusque parentis similitudo sed & avorum, & quandoque morbi, liberis in-

O

duntur)

duntur) sin minus; hoc certo constat in congressu seu coitu, nec virilem nec muliebrem genituram (vulgo semen nuncupatam) ab utero in suo sinu recipi; sed circiter mensem integrum inanem reperiri; & tandem ab exiguo initio, hominis in utero, brutorum vero in cornibus, conceptionem fieri.

Dum hisce scribendis occupatus sum, videre mihi contigit muliebrem effluxum, conceptum scilicet integrum, nona circiter, post prægnationem, septimana rejectum, ex rotundo oblongum, minoris ovi gallinacei magnitudine, cineritio colore albescentem; hic flaccidus nonnihil subsidebat; satis crassam, quamvis levis texture, habebat tunicam; pars acutior, cui rubescencia filamenta tanquam lanuginea (non aliter quam si ibi abruptus esset) appendebant, nigredinem quandam, à contento simili grumescenti sanguini, ostendebat, dimidii minoris fabæ magnitudine, quod principium jecoris uterini judicabam. Aperta scalpello tunica albugineus statim effluxit liquor, manente crystallino satis elato, ut transparente membranula adhuc contineri videretur: in hoc duo conspiciebantur rubescencia corpuscula, minimi digiti latitudine, à se invicem disjuncta, oblonga, in se contracta, magnitudine & forma qua scrupulum notare solemus; explicabant se in aqua nonnihil, ut capita, in quo puncta nigra pusilla, tanquam infixi acus vestigia, oculos referebant, alias,
ut

ut & brachiorum & crurum rudimenta, infor-
mia: è contractura medio utrique, veluti pulpo-
sum filamentum prominebant umbilici produ-
ctiones; quæ cuncta gemellorum conceptum satis
evidenter demonstravere.

Mirum alicui videri non debet, si in acutiori
conceptus hujus fastigio inventa placenta sit,
cum obtusiori parti adherere soleat: id ob du-
plicem rationem contingere potuit; enixu enim
pars utero annexa nonnihil elongata, altera vero
propter gemellorum conceptionem (ubi duo
sunt amnii totidem humores crystallinos cum
embryonibus continentes) consueto amplior
fuit.

Vidimus aliquando circa duodecimam septi-
manam expulsos foetus sesquipollicis longitudi-
ne, quibus tam perfecte essent delineata mem-
bra, ut in aqua tepida explicatorum, & un-
guium rudimenta cernere & sexus dignosci
possent. Nuperrime sexdecim hebdomedarum
abortum masculum longitudine quatuor polli-
cum latitudinem superantem perfectis omnibus
membris cernere contigit.

Quemadmodum pulli in ovo formatio per-
agitur, eodem modo in conceptu foetus suam
formam acquirit: matris siquidem amplexu &
interno calore non aliter fovetur, quam à
gallinæ incubatu, vel alterius externi similiter
calore blando, orum ad pullulationem excitatur:
cum hac tamen differentia, quod pullo cum ovo

nutrimentum producat, ut sic pabulum congenitum consumendo, eoque fruendo vivat; cum fœtus, cui hoc perperam largitur, à matre victum sive nutrimentum obtineat: à qua interim, non magis quam pullus ab incubante gallina, aut fervente calore, fabricatur aut formatur, sed ab interna congenita causa, seu propriæ animæ plasticæ vi, quæ sibi tanquam habitaculum & domicilium instruit & fabricatur, ex materia primum membranis contenta & conceptui congenita; dein adultiore fœtu, ea quam à matre per placentam & uteri forte tubas haurit, illa vitello, hac albumini analoga.

In crystallino humore apparet primum punctum saliens ad Solem vel perspicillo conspicuum; hoc in rubescentem vesiculam vel alteram pulsantem migrat, auriculas tempore constituentem; huic atlineantur fibræ, venularum & arteriolarum propagines, paulatim majorem rubedinem acquirentes, accrescitque postea massula carnosæ contractibilis, ad majus robur, cor scilicet, majori vi in dictas fibras inchoatum sanguinem movens: unde, quæ per integrum prius crystallinum & aqueum dein humorem vagabantur, crescentes, & ad exteriorem tunicam usque excurrentes, umbilicum & placentam efficiunt: hac, tanquam syssarcorseos copula, fœtus utero accrescit & nectitur; siquidem primum conceptus membrana, placentam annexam non habet, sed obtusiore parte tanquam

quam tenui musco aut lanugine vestita accrescentis placenta principium præbet: cum per anteriorem ejus superficiem levem & lubricam plurima ferantur filamenta, umbilicalium vasorum propagines exhibentia.

Hanc vidimus, plus quam semel, & ante & circa tertium prægnationis mensem, enixam, omnino rubentem & crassam, ut frustum grumati sanguinis referret; quæ undique clarsa embryonem vix figuratum, altera vero vice perfecte delineatum, ex umbilico pendentem, contineret: quapropter dubitavi interdum, integram in placenta, & solummodo membranosiore magis extensilem partem, propter foetus augmentum extensam. chorii nomen servare: si quidem ab hoc sit inseparabilis, & ex ejus medio umbilicalia vasa omnia membrana cum ea communi colligata pendere videantur, quæ per integrum chorium dispergi solebant.

Placenta ab edulii generis, sic vocati, forma, quam exclusa refert, vel ab hepatis & pancreatis similitudine, uterinum jecur, chorii pancreas, ab obstetricibus matrix, & secundina dicitur: in mulieribus, cæterorum animalium uterinis carunculis annexarum cotyledonum seu acetalorum vices agit: caro lienis parenchymati similis, mollis & ex rubro nigrescens, multifidos venæ & arteriolarum umbilicalium surculos fulcit, fovet & tuetur: cava sua parte foetum spectat, convexa uterum, cujus superficiei ag-

glutinalur, non autem inseritur; terminal quippe fœtus vasa, quorum nulla utero largitur aut ab eo admittit.

Umbilicus dicitur fœtus pars, quæ, intestini fere forma, ex ventris medio enata, tegumento membranoso, securitatis ergo, tria vasa cum uracho involvente, constans, in placentam inserta cernitur.

Fœtus partem vocamus, quoniam secundine, non uteri, sed fœtus, à quo nutriuntur & augmentantur, partes censendæ.

Constat ex duabus arteriis, vena, uracho, & membrana integente.

Urachus, non ultra trium transversorum digitorum longitudine, in adulto, supra abdomen excurrens, in umbilici membrana obliteratur.

Arteria ex iliacis orta, extraneis fœtus partibus seu secundinis nutritium humorem advehunt.

Vena à portæ trunco excreescens, sub umbilici regmine excurrens in secundinis, ramularum divisa, dispargitur, ut ex iis nutritium humorem allebunt fœtui adducat.

Nutritum pro fœtus constitutione varia, etiam variat: principio vegetantem vitam degens, & exile primordium natus, congenitis nutritur, delineatur & formatur humoribus, secundinis suam partem accipientibus; quibus absumptis ab utero pabulum priori simile nascitur,

ciscitur, quod ovi albumini non absimile ab utero
 placente offertur : unde vero illud emanet dum
 res obscura est, suspicari licet. Vterus prægnans
 majorem acquirit crassitiem, ejus vasorum ex-
 teriorum maxima pars arteriæ sunt, interiorum
 venæ : à sanguine arteriis extrinsecus adveſto,
 matrix portionem fœtui nutrimento aptam ſepa-
 rat, placenteque tanquam exudando, largitur;
 aliam venulæ circulationis ordine recipiunt
 & cordi revehunt. Roris instar accedentem hanc
 materiam, non vero sanguinem (cui se forte
 associat à tubis adventans) placenta admittens
 cum rubescenſe ſucco, per arterias umbilicales
 allato, diluit, & venæ ſurculis fœtui adducen-
 dum, bene præparatum apponit.

Hinc indies sanguis augetur fœtus vero gran-
 descens ore humorem viciniorem ſugere & in
 ventriculū admittere incipit (unde & in
 ventriculo & intestinis ſuperioribus chylus,
 craſſioribus fæces reperiuntur) ut tandem, par-
 tibus hiſce, ad munia præſtanda aſuefactis, ipſe,
 in ſugendi arte exercitatus, & perfectam matu-
 ritatem naſtus, liberam auram capturus, promo-
 veatur ad partum.

Partus ut ſit naturalis, diverſa requiruntur,
 quæ à parturiente matre & pariendo fœtu de-
 ſumuntur; ſiquidem mutuas ſibi operas invicem
 præſtare tenentur; niſi enim ad actionem hanc
 æque maturi paratique contribuunt, vix ſelix
 ſolet eſſe partus.

Maturus fœtus æstimatur qui (cum jam a. l. æconomicas obeundas functiones dispositæ sunt partes) liberio rem desiderans aerem, capite declivi versus uteri collum inflexus, matrem ad commune opus, velit nolit, incitans & urgens, exitum sibi molitur & parat.

Matri matura matrix, ad inferiora, emollita descendit, & orificium aperit, unde chorii pars, cum contenta aqua, in vaginam labitur; coxendicis osium synchondrosis emollitur, & ut fœtui exeundi via pateat, laxatur; totius corporis conspirantis commotio percipitur & concitatus pulsus.

Hiscæ concurrentibus, utriusque constantibus viribus, partum naturalem & fœlicem instare judicamus: qui maxime naturalis censetur, si cum ambientibus membranis excludatur illæsis, non aliter quam maturus ab arbore fructus integer, seminibus non effluentibus, solvitur: si secus eveniat, membranæ ruptis hærente placenta, quæ interdum difficulter separatur, prava quandoque symptomata inducuntur. Post hunc naturalis magis, si capite deductis ad latera brachiis prodeat; & quo ab hac positione differat magis, à naturali recedere judicatur: quamvis, mortuo fœtu, quæ pedibus inchoatur parturitio æstimetur commodior.

Ad viam unde digressus redeo.

Animæ potentiis partes, quibus ea exeruntur, appropriatæ sunt, quæ veluti etiam humores,

res, ab illa elaborantur & perfectionem acquirunt.

Quamobrem, cum animæ facultatibus numeratis, functionum seu partium actionum etiam numerus sit evidens, easque opera & effectus consequantur, si earum in Psychologia brevibus verbis ordinem complectar, eundem & in cæteris me demonstrasse confido.

Anthropologicam hanc scientiam quia mere physica physiologiam, quæ vero affectuum doctrinam comprehendit, sive naturales, sive præternaturales sint, pathologiam appellandam existimo. Illis actiones corporis perquam bene peraguntur; hisce vero leduntur; in hac classe de morbo, ejus causis & accidentibus; in illa de sanitate, causis & similiter de accidentibus ejus agitur. Curat autem therapeuticus sanitatem conservando, & deperditam, si Deo visum, restituendo.

Compendiosæ hujus normæ narrationem dissertationi nostræ præmisimus, ut, quæ in ea examini subjicimus, non sine methodo prodire notum sit: in qua etiam brevitatis adeo fuimus studiosi, ut illi, quæ in rerum obviarum descriptionibus ab aliis tradita & dilucide satis explicata sunt, repetere superfluum judicando prætereamus, eaque sola, quæ ratione fulta à vulgo recepta opinione discrepant, proferamus. Potuissent hæc philologico comitu & disertiore stylo exornata prodire: sed

Nobis non licet esse tam disertis
Musas qui colimus severiores.

Neque etiam decei: materia enim hæc tam longe à communi sententia diversa, narrande fabule in modum, prolata videretur: veluti faciunt, qui res viles & abjectas, culicem, pediculum, asinum, rara eloquentia, quam summis laudibus extollere gestiunt; aut absurda & sensuum omnium judicio falsa, veluti, mulieres non esse homines, aut res multo absurdiores non solum defendere, sed fucatis & sophisticis argumentis veritatis similitudine vestire conantur, ut per ea ingenii alacritatem & in doctrina excellentiam ostentarent. Tale mihi in animo nunquam fuit; neque alia de causa quam amicorum instantiis adactus, nulla arrogantia aut contradicendi desiderio, sed solo veritatis studio inductus, hæc ad veritatis, semper uniformis sibi que similis, incudem, regulam generalissimam & omnium normam, nullis sophisticis argutiis aut incognitis fictisve vocabulis obscurata, examinanda offerimus.

Non inconueniens nobis visum est, cum, una cum obseruantissimi Senis Gu. Harveji Exercitationibus Anatomicis, & nostram de Corde dissertationem, secundo ARNOLDUS LEERS prælo excudendam committeret, si & iudicium nostrum de nonnullis, quæ postera hæc ætas, acutissimorum ingeniorum feracissima, post primam editionem, examinanda obtulerit, ali-
quibus

quibus in locis , ubi commodius id fieri posset,
inserirerem : partim ut de noviter inventis &
nostram opinionem exhibeam ; partim ut prola-
tam antehac sententiam, uti decet, ab objectioni-
bus iniquis liberem.

Quæ rejicite , si veris rationibus & autopsia
minime munita , si vero consideratione ea digna
& amplectenda judicaveritis , iis fruimini &
valete.



JACOBI DE BACK

*Dissertationis de Corde,**Sectionis prima,*

CAPUT I.

*De re quapiam laturus sententiam qualis : cor
nondum bene perscrutatum : quanti illud
astimarint Veteres : ejus etymii expositio : u-
nius partis in aliam nullum dominium : cor
pars servilis : facultates non influunt.*



Uⁱ de rei alicujus veritate latu-
rus sententiam est, neque illu-
stris cujusdam viri auctorita-
te, neque opinionis prius re-
ceptæ amore, neque ullius rei
studio, moveri, sed iis, quæ oculis viden-
tur, manuum tactu percipiuntur, & ab ipsa
autopsia depromptis rationibus confirman-
tur, fidere debet : quod solius imaginatio-
nis inventum, nullo sensu stabilitum est, li-
cet communiter & ab omnibus fere rece-
ptum sit, non adeo adhærere tenetur, quin
potius evidentia, perceptibilibus sensili-
busque rationibus comprobata amplecti
velit.

Ratum

Ratum hoc ante omnia fiet, qui cordis fabricam, motum & usum, veris certisque rationibus examinare statuit.

Momus Iovis opera reprehendens, inter cætera, fenestram in humano pectore requiebat, per quam, & cor, & quod in eo lateret, conspici posset: sed toto aperto pectore, ipsoque corde viso, revisoque toties, tam vivo quam emortuo, sedulis etiam & accuratis doctissimorum virorum exercitationibus, observationibusque adhibitis, decertatum nihilominus est ante nostra secula in hoc usque ævum, neque adhuc de illius motus causa, effectu & usu inter viros graves & doctrina illustres convenit.

Sunt qui à semel recepta opinione nunquam desistentes, cum multis errare malunt, quam cum paucis bene sentire: alii relicta autopsyia, ea sequi gaudent, quæ neque visa, neque sensibus ullis comperta sunt unquam; quibus tamen tanquam fundamentis superstruunt innumera, quæ non aliter quam è tripode *Apollinis* prolata, à viris equidem eruditis versatisque sedulo amplectuntur, atque acriter sua quisque omni zelo allatisque rationibus defendere pergunt; ut dubitares, cuinam parti palmam tradere debeas.

Præbuit nuper clarissimus ingeniosissimusque *Guilielmus Harveius*, Angliæ Regis Medicus.

Medicus peritissimus, & Anatomes in Londinenſi Collegio Profeſſor eximius, invento ſuo de cordis & ſanguinis motu, occaſionem ex hoc labyrintho tanquam *Ariadnes* filo evadendi; niſi ipſe author in ſervando veterum placita curioſior, cordi attributum principatum nimis religioſe eſſet veneratus.

Accceſſit, quod ævum hoc acutiſſimorum ingeniorum ferax, tam in arte noſtra quam philoſophia excellentium, obtulerit nobis incomparabili ingenio virum, extaneum quidem, ſed in hoc noſtro Belgio degentem, qui doctiſſimis ſuis ſcriptis quamplurima veterum Philoſophorum placita rejiciens, aliaque luce clariora dogmata exhibens, novam nobis de cauſa motus cordis opinionem fabricavit, à venerandi *Guilielmi Harveji* ſtatuto nonnihil decedens: & quamvis cum illius de ſanguinis circularis motus invento conſentiat, in cordis tamen motus cauſa non convenit: anne jure, inter alia, quæ antehac de corde tradita ſunt, examinare aggrediar.

A longo jam ævo audivit cor, non tantum vitæ, ſed & univerſi corporis unicum eſſe principium, in quo ſuum anima cœpit domicilium, & è quo tanquam fonte facultates & ſpiritus vitales ſcaturiunt. *Platoni* hic irascibilis, *Ariſtotelei* vero vegetantis, ſentientis & ratiocinantis animæ ſedes ſtabilitur.

tur. Præterea humidi officina, calorisque nativi focus & fomes, nostri corporis Sol, cujus influxu omnia viscera calent & recreantur, esse gloriatur: adde; hic, ut aiunt, artificiosus *Zenonis* ignis continetur, hic divinus & cœlestis calor servatur, quem *Prometheum* è cœlo furatum, ut hominem vita donaret, Poetæ fingunt; atque ideo primum movens primusque motor dicitur, primaque & unica, si non conficiendi, saltem perficendi sanguinis, officina.

Propter tot dotes, tantasque dignitates, totius corporis pars nobilissima, quæ digniorem sedem obtinens, tanquam Monarcha proclamatur, microcosmici imperii habenas solus administrans.

Haud multos regnare bonum est, Rex unicus esto.

Hinc Cor à Græco *Κῆρ*, contracto ex *Κίαρ*, quod à *Κίω* ur̄o derivant: & Græcum *Καρδίαν*, quasi *Κεῖται*, à quodam dominio & principatu dictum volunt: cum potius à verbo *Καρδαίω*, quod est *moveo, vibro*, deducatur: bene vernacula nostra lingua *hardt* appellatur, quod *durum* Latinis sonat, quia inter partes molles & carnosas durum est; vel quia (nam *harden durare* significat) in actione sua & motu, sine fatigatione perseverando, durat.

Hiscæ honoris titulis, imo pluribus, si non divinis & supernaturalibus (nam cordis

cordis calore, sine animæ adjumento, actiones in corpore omnes, præter cogitare, exeri, creditur) tanquam Æsopica cornicula aliarum avium amicta & decorata plumis, ab auctoribus exornatur cor, tanta confidentia & zelo, ut religio foret obloqui vel contradicere : sed videamus, anne (quemadmodum illa, cum singulæ aviculæ jure merito suas repeterent plumas, exuta & nudata saltare non desit) plus quam saltus ipsi superfuert, cum & anima & partes aliæ sua receperint.

Unius partis in aliam principatum expuldit *Phrygius Æsopus* in sua, de membrorum pro primatus dignitate altercantium certamine, fabula.

Sed serio : quomodo imperabit, quod ipsum agenti animæ pro instrumento inferviens, toti corpori, omni tempore, sine mora, famulari natum est, & non aliter, quam asinus molam trahens, prout instigatur tardius aut velocius, vel pro viribus fortius aut debilius, procedit ?

At dices, cordis opera in vita nos indigere non posse, vitamque à cordis motu incipera. Idem evenit in organi lusu, ubi famulus tubos & fistulas follibus primum inflat, neque sine ista inflatione luditur; non tamen ille, sed qui sonos rite modulatur, ludere dicitur.

Primatus,

Primatus, major dignitas, & perfectio, non ideo alicui parti competit, si ejus opera prius anima indigeat, aut si ante alias fabricata sit : ostendunt suo exemplo hoc, umbilicus & secundinæ (foetus enim partes sunt) ante alia membra & ipsum cor formata; foetu vero perfecto & in lucem edito, indignæ & inutiles abjiciuntur.

Perfectiora, non prima aggressione, sed mora & longiore tempore, talia evadunt.

Asserere facultates à parte quapiam influere, imaginarium, si non à ratione alienum: illæ enim, animæ ubique præsentis, ad agendum potentiæ sunt : hæc in toto & quolibet parte tota judicatur esse, cum omnibus suis facultatibus ; & ubique, modo apta inveniat instrumenta, corporis omnes, tanquam artifex, actiones edere in confesso est.

Membra ejusdem animæ organa suam ad agendum aptitudinem, cordi non magis, quam cæteris partibus, cum quibus communi vita fruuntur, referre possunt : si-
milarium temperiem, dissimilarium con-
formationem apta forma, situ, numero & magnitudine constantem, & utriusque convenientem unionem, à corde vel parte quapiam in aliam influere, neminem credere existimo.

Hæc

Hæc & alia levia sunt , neque multifascienda tanquam rixæ inutiles: sed spirituum elaborationem, sanguinis perfectionem, peculiariterque implantatum calorem, duarum priorum , ut & actionum omnium (quem admodum censent) authorem cordi , attribui non posse , si evincatur , omnes facile ipsi affectæ præminentia evertentur & corruent.

C A P. II.

Spiritus etymæ acceptio ; ejusdem veterum definitio ; in corpore tale non reperitur : vel triplex in qualibet parte substantia, sic etiam in sanguine : spiritus & calor male confunduntur : spirituosæ substantia à sanguine inseparabilis : spiritus animæ & corporis non est vinculum, nec animæ instrumentum proprium : animalis facultas per spiritum non ducitur in actum: quomodo sensationes sunt spirituosæ partium substantia spiritus non est : Harveii sententia: D. de Reeck quid iis sentiat.

SPIRITUS etymon variè accipitur ; sed , hic in considerationem venit , nonnihil definitur, Corpus tenuissimum ac subtilissimum, calidum & purissimum , ex tenuissima & maxime sincera parte sanguinis gestum. Vel aliis , est substantia tenuissima rarissima

rariſſima, ex ſanguinis vapore & aere genita, primum & proximum animæ in obeundis functionibus instrumentum.

Ex quibus definitionibus colligitur, spiritum eſſe ſubſtantiam quandam à ſanguine diverſam, per ſe & ſeparatim ſubſiſtentem ; quoniam ex ejus ſincera & tenuiſſima parte, vel ex ejus vapore & aere genitus dicitur.

Sed ubinam, quæſo, aliquid tale in corpore unquam factum vel repertum eſt ?

Triplicem contendunt eſſe ſpiritum ; naturalem, vitalem, & animale, tribus facultatibus partibusque principibus, unde ſingulus (ut aiunt) oritur, accommodatum. Sed in fœtu, ante partium principum non ſolum aptitudinem, ſed delineationem plasticam functio evidens eſt : ſi à ſpiritu conceptui ingenito fieri putes, à quo ille fovebitur ? ſiquidem novo influenti pabulo ſuſtentari debeat ; cedetne, contra naturæ ordinem, ingenitus in influentem, & vice verſa ? Si à matre habere dicas, ne quidem ſanguinem ab ea habet, ſed propria hæmatopoietica vi illum ſibi parat, etiam ante creatum & ipſum cor : ſi itaque ſanguinem, quem ſpiritus materiam dicunt, ſibi concinnet, debet & hunc ſibi efficere ; quod ante organorum creationem abſurdum, ſi non impoſſibile judicamus. Præterea nec creatæ & perfectæ principes dictæ partes ſpiritus ullos efficiunt:

efficiunt: in hepate naturalem non gignit, jam à longo tempore pro nobis evictum est.

In corde, quod solum pro ductu & transitu (sinuum respectu) inservit, quia nullam sanguis in ejus ventriculis moram trahit, neque ibi ullam, dum nihil ipsi addatur vel adimatur, mutationem subit, effici credibile non est.

Si in cerebro fiant, erit hoc in ventriculis vel substantia: prius *Herculeis* acutissimus *Hofmannus* argumentis evincit (quæ contra mine nimis invalido, in suo *Enchiridio* celeberrimus *Riolanus* tentat evertere.) Alterum ab omnibus, pro ventriculis pugnantibus non admittitur, neque ab ipso *Hofmanno* probatur.

Si instetur cerebrum, elaborandis spiritibus, per nares & palatum aerem attrahere neque eo propterea indigere posse; negamus id spirituum causa fieri. Admittitur ille in ventriculis, recrementorum receptaculis, spatiis inter utramque meningem datis, cerebri, quod continue movetur, liber non impeditus posset esse motus: nam ad ejus systolem accedit, à diastole vero recedit.

Si spiritus ullibi in corpore reperiatur, deberet inveniri in corporis habitu, vel contineri vasis ei ascriptis, arteriis venis, nervis: quod asserere imaginarium, neque ullis demonstrationibus firmatum est.

In habitu , sive qualibet parte corporis , consideratur quidem triplex substantia ; spirituosa , humerosa , solida : sed illas separare , est ipsam partis structuram invertere , nō minus quam si , quod ex quatuor elementis congestum est , in diversas ad sensum existentes substantias dividere aliquis vellet : dissoluta hac substantiarum compage , neque tantum viventis pars , sed corporis esse desinit.

Si in vasis reperitur , erit hoc præcipue ubi maxima ejus judicatur esse copia , in corde scilicet & arteriis. Sed *Galen*i auctoritas , & experimentum ab ipsis sensibus petitum , quibus maxime est habenda fides , contrarium edocet , & nil præter sanguinem in arteriis contineri.

Si denudatam arteriam , supra infraque ligatam , inter duo vincula in longum aperias , nihil præter sanguinem invenies , tanta copia effluentem , quantam arteriæ capacitas comprehendere poterat.

Si , cum sanguine fluere , quis dicat , & tenuissimam esse partem illius , qui arteriis & venis continetur ; quamvis spirituosæ substantiæ spiritus nomen concederemus , concluderemus interea non esse aliquid à sanguine separatum ; quomodo separatum esse posset , quod cum sanguine mixtum tam celeri cum eo motu agitur ?

Con-

Concedimus in sanguine partem esse aeream., qua dum destituitur (nam de substantia ejus est) cruor, grumus & sanies vocitatur, estque sanguinis muneri exequendo omnino ineptus: sit itaq; in sanguine etiam triplex substantia non aliter quā in qualibet parte (crassamētū scilicet, humor, & aer) sed, sine formæ ejus destructione, inseparabilis.

Qui de spiritu differunt, cum calore adeo eum confundunt, ut, unum posse sine altero esse, negent: quinimo re & substantia unum esse, sola ratione differre, totque calores quorū spiritus, debere statui, contendunt: quem admodum calor quidam fixus partibus singularis est connatus ab ortu primo, cujus ministerio naturales actiones eduntur; sic etiam spiritum à primis natalibus partibus singularis affixum & insitum esse omnium functionum ministrum; proinde, quot sunt partes substantiis & temperamentis differentes, tot esse spiritus fixos specie distinctos concludunt.

Sed quia hic singularum partium calor spiritus promptissime & indefinenter evanescit, debuit, ut aiunt, à principibus partibus alius mitti, influens dictus, cujus continuo accessu prioris jactura juste reparetur.

Quibus positis (quamvis calorem qualitatem cum spirituosa substantia apte combinari posse non concedimus) permitimus equidem

equidem, nam similia similibus nutriuntur & reficiuntur, sanguinem, qui in vasis fluit, triplici dicta substantia eaque inseparabili præditum posse dici: cum partes exinde constitutæ, eo nutriantur & reficiantur.

Sed statuendum non existimo, solam partium spirituosam substantiam, sine humerosa & solida refocillari posse in nutritione, nisi suam partem ad justitiam proportionatam etiam hæ accipiant.

Quæro tamen, cum talis spiritus (liceat sic dicere) sive substantia spiritiuosa pertineat ad constitutionem partium & similiter sanguinis, quare distincte (cum unum simul ens efficiant) consideratur? nam, non coacte multiplicare entia, est præter omnium Philosophorum edictum, & rationi repugnat.

Sed videamus cui bono, aut in quem usum spiritus animantibus datos existimant: ut sint animæ, aiunt, cum corpore vinculum; quia incorporea & immortalis hominis anima caduco corpori, nisi per intermedium spiritum, copulari non posset.

Quasi vero substantia incorporea cum corpore solido, nisi subtilioris interventu, convenire non posset; dum tamen, non majorē, cum uno quam cum altero, consensum habeat, omnino hæc vana videtur esse assertio.

Addunt proximum animæ esse instrumentum,

mentum, quo actiones edit : sed ane hoc de insito, ane de influente dicitur ? insitus de substantia partis est, sive substantia ejus spirituosâ, quæ aliis combinata, separatas actiones nullas edit : tribuitur sola partibus animæ, ut, ad actiones edendas, impellens sit, non vero insitus spiritus. Influens vero, dum non vivens, sed à sanguine inseparabilis sit substantia, nisi in partis substantiam cesserit, proxime nihil quicquam, ad actionem edendam, afferre potest.

Pars enim iusta temperie, concinna conformatione, & debita unione instructa, animæ potentia vivificata, & sanguinis motu circulari calefacta mobilisque reddita, actiones quaslibet, mea sententia, perficit.

Magna super facultates animales videtur posse moveri difficultas, à quibus tam sensus quam motus peraguntur mediantibus nervis; hisce obstructis, compressis aut incisis, ipsa parte manente integra, sensus tamen & motus tolluntur, quia spirituum (uti asserunt) meatus impeditur; hi enim substantię tenuissimæ nervorum poros citissime permeantes, facultatem ad membrum & speciem sensibilem ad cerebrum gerunt & regerunt.

Re perspecta & bene considerata, itus ille & reditus spirituum, neque etiam levissimæ auræ, quamvis liberæ, tam subitus, ne imaginatione quidem, esse posset.

Quare

Quare multiplicamus entia & confugimus ad non demonstrabilia ? evidentia, quæ sensu percipi possunt, sectanda sunt.

Præstat, meo iudicio, id non à spirituum interceptione expectare ; sed potius ab impedita, quæ cerebro cum nervis communis est, actione, mediante quodam, quo illi à cerebro imbuuntur, humore.

Nam censendum est, spiritus, non minus hic, quam alibi, substantiam esse spirituosam, è qua nervi & succus nutritius, quo abundant, non aliter, quam aliæ partes, & ipse sanguis compositi sunt; quæque, à carnosâ & solida omnino inseparabilis, sola subsistere non potest.

Sed ne quis dubitet de humoris hujus existentia, nervo vel punctum solum læso tanta copia interdum exstillat, ut ab imperito Chirurgo compesci vix possit.

Notandum enim, quemadmodum corpus continuo & indefinenter novo nutrimento refocillatur ; sic & nervos perpetuo sine intermissione refici, non sanguine immediate ex arteriis in ipsos deposito, quod forte soli carni accidit, sed succo ipsis cum cerebro familiari, à quo eum copiose accipiunt, tam ut ipsis cedat in nutrimentum, quam ut partibus aliis sensu præditis communicetur.

Nutrimentum à cerebro habere nervos

P

præ-

præparatum evidenter demonstrant : primo quia sunt cerebro, cum spinali medulla, continui, sine læsione inseparabiles, & partes ex substantiæ cerebri meningibus obductæ portione conflatæ, ut diceret cerebrum per totum corpus extensum esse.

Præterea quod nullas, visibiles ad minimum, arterias & venas habeant.

Neque de humoris hoc copioso proveniunt, qui continuo in nervos pulsu impellitur, neque de impulsiva vi in extremas partes eum movente, quasi molle cerebrum tantæ potentia præditum non sit, movenda difficultas est : cum per arterias carotides tantæ copia sanguis deferatur in cerebrum, imo multo majore, nisi foret in usum communem, quam indigeat ; tanta etiam vi impellitur, ut hoc, motu continuo pulsatorio, non aliter quam arteriæ ipsæ, inquietum pulset, & simul succum separatoria sua vi à sanguine (cujus superfluum venæ recipiunt) segregatum, vel sua mole exprimente, vel sequentibus pulsibus moventibus, nervis nutrimentum suppeditet.

Hisce positis, facillime concipitur quomodo moveantur sensus, & sensationes fiant.

Cerebro substantia contigit mollis & mobilis, ut ad singulas cordis pulsationes (ob adductum per arterias carotides sanguinem)

respondeat ; hæc à meningibus, membran-
nis contractilibus & exquisitissimo, à con-
formatione, sensu præditis, arctissime (præ-
cipue à pia, quæ sese per omnes ejus anfra-
ctus insinat) amplexa pro communi senso-
rio animæ inservit.

Illud itaque in continuo existens motu,
nervosque (qui sunt ejus substantiæ menin-
gibus obductæ portiones) sibi habens con-
tinuos & per omnes sensibiles partes disper-
sos, cum iis alibilem succum communicet,
affectionem vel etiam levissimam in objecto
sensorio excitatam, etiam in parte extrema,
percipit.

Vix vel pars aliqua attingitur, vel visibili
specie retina afficitur, quin hoc cerebrum
cordis pulsu incessanter concitatum, quia
ejus motus nonnihil ab hac affectione mu-
tatur, persentiscat, & per impressas notio-
nes cognoscat ; non aliter quam in cy-
tharæ chorda extensa, inter pulsandum, le-
viter digito attacta, sonum mutari animad-
vertimus.

Hæc actio cum sit tam subita, (imo citi-
or multo quam spirituum itus & reditus fie-
ri posset) tamque perceptibilis & evidens ;
quis non judicabit plausibilis, & majori
cum ratione statui debere (cum hæc cere-
bri meningibus, septi, &c. continua actio,
nervis omnibus per partes sensibiles disse-

minatis, hoc nutritio humore mediante, fit communis) cum propter nervi obstructionem, compressionem aut incisionem, partis actio lædatur, id à læsa potius functione cerebri, cum nervis communi, procedere, quam ad imaginariam missionem & remissionem nullibi apparentium spirituum confugere: nam impedita nutrimenti immissione, cerebrum, quæ ultra ligaturam, aut nervi læsionem, fiunt, percipere, neque eo usque voluntatem exerere valet.

Concludo itaque, cum neque in toto corpore talis substantia, quæ cum spirituum definitione convenit, reperiatur, neque alicui fini spiritibus attributo competat, nec spiritus esse ullos, nec in corde elaborari posse. Imaginari quidem posse fatemur in qualibet parte atque etiam sanguine esse substantiam aeream, quam spirituosam appellare veteribus placuit; sed illam spiritum posse dici (quia ab humorosa & solida inseparabilis) aut tale quid esse, quod sub spiritus descriptione comprehendere posset, negamus. Hujus rei plures rationes, cum in refutanda hæmatosi cordis occupabimur, sese offerent; ad quam antequam descendamus, operæ pretium videtur, quo eam ordine peragi existimem, narrare.

Ne solus interim, tam decantatæ & ab omni ævo receptæ de spiritibus opinioni,

me opponere videar, illustrium virorum mecum sentientium auctoritates adducere, in sententiæ nostræ confirmationem, videtur operæ pretium.

Nobis astipulatur reverendus & sagacissimus Senex HARVEIUS *de gener. anim. lib. exercit. 70.* quanti sit hujus Viri faciendum judicium, ejus asserta & inventa, omnium prædecessorum suppositis anteponenda, facile probant.

Assentitur nobis eximius plurimique æstimandus Doctor ARNOLDUS DE REECK, Hagienſium Medicorum suo tempore primarius: cujus epistolice quæſtionem, quam mihi ornatissimus Medicinæ Doctor I. BLANCKENDÆL, apud Hagienſes magna cum laude praxin exercens, communicavit, hic annectendam dedimus.

QUÆSTIO EPISTOLICA

Clarissimi Viri

ARNOLDI DE REECK,

Medicinæ Doctoris, apud Hagienſes, suo tempore primarii.

Antequam de spiritu agimus, prius dicendum est, quid per spiritum intelligamus. Dicunt itaque Medici, in corporibus viventibus

& anima sensitiva præditis, præter vapores (qui internas ubique opplent cavitates, & quos in corpore, propter calidi in humidum actionem, esse, non est dubitandum) esse insuper in variis partibus, præcipue autem in visceribus, corde, cerebro & hepate, & in canalibus ab istis visceribus oborientibus, in sensoriis quoque omnibus, aliqua corpora aerea, tenuia, pellucida, levia & mobilia, ex sanguine orta, ex intento peculiari, & speciali virtute, à natura procreata, parentia animæ imperio, quibus anima tanquam præcipuo instrumento utitur, ad omnes suas actiones obeundas, & sine quibus eas exerere non potest: & illa corpora appellant spiritus.

Queritur ergo an tales aliqui spiritus in corpore reperiantur? Videtur autem quod non.

Primo, entia non sunt multiplicanda sine necessitate; sed non videtur aliqua necessitas ponendi in corpore spiritus; ergo: minor probatur; quia in primis nullus sensus ejusmodi spiritus in nobis percipit.

Secundo, Ratio etiam non cogit eos ponere: ergo.

Hoc probatur, primo; quia si propter aliquam rationem spiritus essent ponendi, propter aliquam harum sequentium essent ponendi; sed propter nullam harum debent poni: Ergo.

Vel enim deberent poni, propterea quod essent medium conjunctionis animæ cum corpore; eo quod videatur, quod anima, quæ est spiritualis, nobilissima,

nobilissima, ac ætherea, non potest conjungi cum corpore terrestri & sordido, sine medio participante rationem utriusque : sed propter illam causam non debent poni : quia anima non indiget illo medio ad sui conjunctionem; etenim forma & materia uniuntur seipsis & immediate : at anima est vera forma, corpus est materia, & conjunguntur ut materia & forma, & faciunt ens unum per se : ergo non debent uniri medio ejusmodi spirituum.

Vel deberent poni, ut essent animæ instrumentum : sed propter illam causam etiam non ponuntur : nam videtur quod instrumenta animæ, seu potius corporis animati, sint potentiæ & temperamentum, & quod possit sufficienter cum illis agere seu operari; & non requiritur aliud instrumentum : imo videtur, quod anima non posset operari per spiritus, quia res naturales operantur per instrumenta sibi essentialia, & essentialiter intrinseca : atqui spiritus sunt externi corpori animato ; quia non sunt essentielles animæ ut patet; sunt etenim externi ipsi corpori: non enim essentialiter insunt corpori, nec sunt de essentia membrorum, saltem influentes.

Vel essent necessarii, ut iis mediantibus, facultates influerent, in ipsum corpus: sed, propter illam causam, etiam non sunt necessarii : quia ubi est anima, ibi in virtute sunt omnes facultates ejus ; atqui anima est in toto corpore : ergo, in toto corpore sunt essentialiter, quoad

actum primum, omnes animæ facultates: ergo nusquam debent influere: ergo non requiruntur spiritus, ut facultates per eos insuant.

Tertio; si essent ulli spiritus in nobis, essent congenæ naturæ cum vaporibus sanguinis & cum iis deberent misceri; si miscerentur, non essent idonee functionibus animæ, itaque frustra essent: ergo.

Videtur itaque quod omnes rationes & argumenta, quibus probatur spiritus esse, facillime possunt solvi, & nullam habent necessariam consequentiam.

SECTIONIS II.

CAP. I.

Sanguinis definitio: hæmatosis quid: quomodo peragitur: quomodo in fœtu exorditur: alendi aptitudo, non color, sanguinem facit: in una parte hæmatosis non perficitur: actiones additione & detractioe sunt.

SANGUIS est venis & arteriis contentus, animalis naturæ familiaris humor, ad partium nutritionem in se materiam aptam continens, toti corpori calorem, cum alitura, ad vitæ sustentationem administrans.

Humoris

Humoris hujus elaboratio *hæmatosis* seu *sanguificatio* appellatur.

Duplex in hac elaboratione cernitur differentia ; prior cum in ipsis partibus seu corporis totius habitu peragitur hæmatosis, ubi sanguis multis reiteratis vicibus, corpus circulatorio motu permeando, multis in locis recrementa deponendo, partiumque similitudinem tandem acceptando (neque potest ullibi melius similitudinem habere quam ab iis, quibus assimilari debet) præparatur, ut in ejus substantiam adaptari possit.

Altera est, ubi noviter assumptum alimentum sive cibus & potus præparatur, ut cum priore mixtum, ad corporis penetralia sine noxa admitti possit, & ad nutriendum, cæteraque sanguinis munia præstanda, aptum reddatur.

Hoc, sine priori modo præparati sanguinis interventu, non perficitur ; nam noviter assumptum, nisi variis in locis requisita additione, larga dilutione, perfectaque mixtione subactum, tale non evadit. Cum prioris differentię sanguine, vitam inchoari & subsistere, cum secunda vero sustentari incrementumque sumere certum est.

In primo animalis exordio, conceptus, præexistens utriusque sexus semen, seu viviparium ovum, dum materno calore sove-

tur, in humore crystallino, punctum primum nascitur saliens tam pusillum, ut præ exiguitate visum effugiat, & si non Solis lumine exponatur aut perspicillo exploretur, vix conspiciatur: huic rubescenti tantillum humoris, cui insidet, quantum ejus exiguitas patitur, per vices additur, ut in vesiculam rubentem denique attollatur, quæ manifestius renitens & sese contrahens, vitæ conspicuum exorsum præbet; dumque magis magisque, tam dicti, quam albugineri humoris aliquid admittitur, ipsa in auriculas migrante, corculum ac venarum & arteriarum principia & propagines delineantur, & rubro colore inficiuntur, ut tandem, grandescente foetu, & congenitis conceptui (albugineo & crystallino) humoribus in sanguinem facescentibus, nutrimenti penuriam compensans, novum mater continue largiatur alibilem succum, qui in uterino jecore præparatur, sanguineque ab embryone elaborato, & per arterias umbilicales adducto, diluitur, ut, mediante umbilicali vena, reducatur foetui, & ulteriorem perfectionem nactus, copiam sanguinis, quo nutrirî & augmentari is posset, augeat.

Per os adultiorem, in utero, aqueum humorem sugendo allicere, credibile est: si quidem maturus in lucem prodire debeat, qualis non esset, si ventriculus & interaneæ partes.

ad sua munia forent inepti ; aptitudinem nisi antea assuetæ non habent ; neque surgere recens natus, nisi prius edoctus tam cito posset ; quod tam cito dediscit si à mamma abstineat : adde, quod in ovo in aqueo humore rostrum interdum aperire pullus conspiciatur : præterea quod & chylus & excrementa in foetus intestinis reperiuntur, quæ certa per os assumptorum sunt indicia.

Hoc processu, tantillo semper adveniente, quod priori usque diluitur & familiare redditur, hæmatosis inchoatur, & crescente animali ad vitæ finem perseverat.

Non existimo humori, tenello corpori apto, antequam creatum hepar est, & dum adhuc albeat aut rubedinem nondum adhuc perfectum nactus sit, sanguinis nomen quempiam denegaturum ; nam alendi aptitudo, non vero hepatis præsentia & rubedo, sanguinem faciunt : plurimum animalium sanguis non rubet ; in adultorum venis contentus magis vel minus sanguis esset, prout magis vel minus ruberet.

Alterius vero differentię hæmatosis, cum assumptum alimentum in sanguinem convertitur, incipit : hoc enim à natura animalis omnino alienum, per varias mutationes, quas coctiones vocant, familiare simileque primo debere reddi, ut in corporis

sub

substantiam cedere posset, notum satiss est.

Omnes hæ coctiones in unum finem inservientes, aptando scilicet nutrimento, ut in sanguinem, corporis alituram, converti possit, hæmatosis causæ dici merentur: sed, cum à parte una tam diversæ functiones non peragantur, uni parti sanguificationem imponere est absurdum.

Galeno teste (de placit. Hippocrat. & Plat. lib. 6. cap. 10.) nullum perfectum & magnum opus, repente unaque aggressione fieri, totamque suam expolitionem ab uno naturali instrumento acquirere potest.

Mutationum sive coctionum harum narrationem, quo scilicet ordine & modo, secundum meam opinionem, eæ peragantur, aggressurus solum quæ fidem merentur, quia cum autopsia, tum sensibilibus demonstrationibus, & ad probationem sufficientibus rationibus munita videntur, recitare decrevi.

Ante omnia scitum velim, quod nullam manifestam & stabilem alimentum subeat coloris aut consistentiæ mutationem, nisi, vel additione rei utilis & convenientis, vel detractiōe inutilis & animantis naturæ repugnantis, eveniat: & quod nulla in parte seu membro, dici possit, coctionem fieri ad hæmatosim pertinentem, vel ad ejus perfectionem

fectionem facientem , ubi alterutra additio aut detractio , vel utraque, manifeste & evidenter non præstetur.

Hiscæ præmissis , in quibus partibus coctiones, & in quibus minime fiant; quænam ad hæmatosin faciant & quæ non ; nec non quæ pars perfectionem sanguini, quæve minime tribuere potest ; facillime , & luce clarius innotescet : probationem sequens narratio , in singulis periodis , secum afferet.

C A P. II.

Alimenti prior coctio : mediante ventriculi humore , non calore & contactu perficitur : ad cibi dilutionem non sufficere potum , qui ipse dilui debet : acidus sapor in ventriculo non à liene : anne aliquid à ventriculo feratur in lienem ; ejus usus.

Asumptum alimentum , oris saliva aliquantulum imbutum (ut tanto facilius ventriculi humorem admittat) linguæ , partiumque oris adjumento in œsophagum, atque ejusdem muscutorum fibrarumque ope in ventriculum relegatur: ibi humore, quem interior tunica continuo exsudat , perfunditur , contrahendique ventriculi vi miscetur, quantumque potest subigitur.

Videtur, quo distenditur magis, eo rarior fieri

fieri dicta tunica, ejusque pori patentiores, & vice versa: quare major, cum aliquid in capacitate ad diluendum contineat, humoriss hujus affunditur copia, quam cum conciderit; tum enim & densatur, & diluendi necessitas tantum non urget.

A solo contactu colorem consistentiamve mutari, ulla naturali operatione, sine substantiæ additione vel detractiōe, visum fuisse non existimo: speculo alius ab objecti specie color induci videtur, & à calore aqua dilatatur, imo seivum liquatur: sed, recedente objecto & ablato calore, speculum ad colorem, & quod dilatatum, liquidumve est ad naturalem consistentiam revertitur.

Calorem, quatenus homogenea colligit, & heterogonea disjungit, ad cōtionem facere confido; quamvis pisces, quorum interanea & ipse sanguis frigent, etiam integre diglutitam cum ossibus perfecte digerunt, & sunt ultra modum rapaces:

Hujus sententiæ veritatem si quis ipsis oculis videre desiderat, justæ magnitudinis piscis stomachum introspeciat, cum alium integrum pro pastu ingurgitaverit, (quoniam non totum corpus simul, sed partes exteriores & fundo ventriculi propiores prius digestionē consumuntur) piscis diglutiti superficiem, aliquo elapso tempore, videbit

debit fere consumtam digestamque, & circa stomachi parietes, succum (mucosum quidem, sed escæ minus permixtum) noviter è tunicæ interioris poris, sudoris instar, egressum; ut liquido pateat hunc subigendo cibodari; nam hoc maxime subactam & digestam portionem, in intestinis, per pylorum contrahendi vi ventriculi, protrusam conspiciet.

Decet equidem quod alienum est multo copiosoque humore familiari, ab ipso corpore deprompto, sufficienter dilui, (cum aliter melius simile reddi non potest) ne dissimile ad penetralia permeans, nutriendas partes offendat: adde, quod, nisi in ventriculo cibus humore hoc bene subigatur (dum alibi talis non reperitur, neque etiam elaborandi datur commoditas) primæ coctionis vitium non corrigatur postea à secunda.

Sed ne à potu, qui humectando macerandoque cibo assumitur, hoc fieri aliquis dubitet, certum est, hunc ipsum etiam hoc succo semper dilui, antequam ventriculum egrediatur (non vero tam longo tempore ad hoc habet opus, siquidem citius mollia & potius liquida digeruntur crassis) nam aliquo post assumptionem tempore vomitu rejectus crassior & muccaginosior conspicitur; nisi ventriculus male affectus, & debilis coctionis.

nis fuerit ; tunc enim liquidior & sæpe acidus prodit , quia benigno hoc succo destitutum ingestum omne acescit & corrumpitur.

Saporem hunc acidum lieni plures attribuant , immerito equidem , dum ab hoc nihil quidquam , neque limus , neque humor , neque spiritus acidus ad promovendam digestionem , aut incitandum appetitum , aliamve ob causam , ad ventriculum feratur : ratio est , quia nulla est via , neque ulli à liene in ventriculum immediati ductus.

Anne aliquid à ventriculo in lienem deferatur , asserere arduum est : scio existimare viros etiam graves & non contemnendi iudicii , portionem chyli tenuiorem sese insinuare in tunicarum ejus poros (simili modo quo imaginantur admitti ab intestinorum membranis & venis meseraicis tenuæ , quod post egressum è crasso residuo expressione separatur) & una cum sanguine remeante per venarum gastricarum ramulos in lienem duci , ibique ex arteriis copiosissimis , in venas transeunti sanguini misceri , & à calore ejusdem lienis subactam , deinde per ductum splenicum , cum hæmorrhoidali , in venam portæ & hepar confluere.

Hæc cum obscura sint neque satis manifesta , iis adhibere fidem , aut contradicere non audeo : tunica ventriculi tantum vide-

tur impedita emittendo humore ad coctionem requisito, ut suspicer, duobus contrariis motibus (è tunicæ poris in capacitatem, & è capacitatem in tunicæ poros) præcipue dum chylicandum adhuc in eo hæret, uno eodemque tempore inservire non posse.

Nihil probat, quod venæ quæ in lienem feruntur ligatæ, in animali vivo, versus ventriculum intumescant; hoc enim omnibus venis ligatis est familiare detumescere versus truncum, distendi vero cis ligamen.

Quare & hic; venæ enim gastricæ in ramum inferuntur splenicum, & quidem in liene adhuc latitantem, sed lienis substantiam, qui per eas mittitur, sanguis non attingit, confunditur tantum cum ex eo egrediente, & cito motu, sine mora in portam, diluendo chymo, è glandibus mesenterii ibi concurrente, fertur.

In hunc solum finem & usum (licet ipsi à viris doctissimis & Medicinæ proceribus plures attribuantur) lienem existimo fabricatum, ut scilicet sanguinem, quem copiose à ramo arteriæ celiacæ (& præter sanguinem nihil, neque ab alia quapiam parte quidquam) accipit, per raram & spongiosam suam substantiam percolatum, in portam deponat, ut ibi, una cum à reliquorum visce-

rum nutritione revertente, chymum paucum respectu affluentis sanguinis, sua copia diluat: cujus tanta est necessitas, ut, cum, obstructo liene, sanguinisque motu inhibito, chymus non apte diluatur, corpus extenuetur à depravato nutrimento, lien vero, à re stagnante sanguine, in majorem & molestem increseat molem.

C A P. III.

Venarum lactearum usus: descriptio pancreatis & ejus ductus: ejusdem cum aliis lacteis differentia: ductus pancreatis usus: respondetur objectionibus Bartholini & van Horne.

IN intestina postquam est demissus chylus, peristaltico motu quod crassum est ulterius semper movetur, per rarum vero ipsorum corpus, varie areriis & venis, tam vulgaribus quam lacteis, perforatum, quod tenue est, exprimitur.

Hæ venæ, scilicet lacteæ, in intestinorum sinu patentes, hoc (præcipue ipsarum maxima per pancreatis medium secundum longitudinem excurrentes, manifesto & apertiore, ipsi cum meatu biliario communi) lacteis instar albicans, in suos sinus admittunt, atque rursus à distentione sese liberare conantes, illæ in glandes mesenterii, hæc in pancreas elaborandum promoveant. Manifeste

teste hoc , cuilibet cum attentione & adhibita diligentia observanti , in canis vivi aperto abdomine , videndum se exhibet , ut nulli sit , quam propriis oculis , credendum.

Pancreas seu *Callicreas*, *Pandenon* alicui, nonnullis, propter candorem & molliem, *lactes*, dicitur. Corpus est carneum, enatum prope primam lumborum vertebra, latum tres quatuorve digitos , à liene secundum suam longitudinem , humani ventriculi parti posteriori ejusque fundo subjacens , & renibus incumbens ad intestinum duodenum & hepatis concavum exporrigitur: præter glandulosam & mollem carnem , membranam qua vestitur , arterias à cæliaca , venas portæ continuas , & nervos sexti paris propagines , habet & ductum per ejus carnem varie distributum ac divaricatum.

Ductus hic venarum lactearum maxima, manifesto, sibi cum meatu biliario communi, hiatu ab intestino jejunio satis conspicuo incipit , secundum corporis latitudinem, & pancreatis longitudinem , calami scriptorii fere crassitiem adæquans , extenditur: in cadavere nihil quicquam , dum aperitur, continet, aliarum lactearum more , quæ tamen omnes, ob exiguitatem, & quod membranis quibus fulciuntur, nimis sint similes,
inanitæ

inanitæ disparent, visumque nostrum effugiunt; hic vero, propter magnitudinem, & quia per carnem, à qua facile discernitur, excurrit, satis est conspicuus: in animali vivo, aliquot post pastum horis, aperto, albo humore impletus tumet; ligatura constrictus, in testinum versus intumet magis, ultra vero statim inanitur.

Cui quæso fini lacteus succus adducitur. Anne ut in nutrimentum pancreati cedat. Minime: est enim humor hic ad nutriendum ineptus: dein arterias habet pancreas ex ramo cœliaco huic operi accommodatas, in majores multo quam parva ejus moles requirat: evidens signum etiam alteri usui majori, scilicet communi bono inservire, nam in molli & spongiosa carne depositus succus lacteus, sanguine (qui copiosus est ob dictam rationem, confluxerat) perfusus atque subactus, ejusdem colorem & consistentiam nactus, in venas transfertur.

Affertum hoc de pancreatici canalis usum duobus præclaris hujus seculi luminibus arridere non videtur, *Thomæ Bartholino* & *anni van Horne* Medicinæ Doctoribus, & Academiis Hafniensi & Lugduno-Batavi Professoribus eximiis, in tractatibus, illi, *lacteis thoracis lib. 3.* huic, *de novo ductu cœliferi*, circa finem.

Ille citato loco plures recenset, inter alios

Clarissimum Petrum Gassendum apud Parisienses Matheseos Professore, Nathanaelem Highmorum Artium & Medicinæ Doctorem Oxoniensem, & me cujus nomen non bene novit.

Doctissimus & editis scriptis insignis Gassendus in *app. de nutrit. anim.* (unde extractus discursus scepticus, qui Gallice olim prædiit, de *via chyli, & motu cordis*) ipsa autopsia variisque rationibus instigatus, cholidochum ductum non tantum egerendæ cholerae, sed & ingerendo chylo destinatum gestit.

Diligentissimum naturæ indagatorem Highmorum inculcat, quod *Anatom. Disquis. lib. 1. part. 2. cap. 8.* contra se *Wirsungianum* ductum bilem ex vicinia admittere asserat; quod eo loci non reperio: negat quidem contra *Bartholinum*, bilem in illo ordinaria naturæ lege contineri, sed, cum in meatum biliarem inhiet in hominibus, facile, ait, in dissectione, contingere posse, partium commotione, bilem à meatu biliario in eum fluere; quod in dissectionibus sæpius se observasse dicit.

Ad utriusque effati everfionem contendit, in exitu cholidochi valvulam vel potius obliquum ductum prohibere & vetare, in distributione chyli, ne nutritius succus incrementis (bilioso & à pancreate descendenti)

ti) misceatur. Liceat mihi, doctissimorum Virorum venia, paucula super objectum hoc, dum & me res tangere videtur, respondere.

Bilem excrementum esse in hac nostra dissertatione, ante aliquot annos, negavimus; neque excrementi nomine mereri adhuc probatum est: quale aut quid à pancreate proveniat, neque clarissimus Vir, neque alius quispiam, novit aut vidit unquam.

Sed quæso: quomodo hoc vel valvula, vel alicujus ductus obliqua insertio impediet, cum, vel *Bartholino* iudice, via in intestinum pateat, ubi & chylus & putata excrementa concurrunt lacteis offerenda?

Contra *Highmorum* illatio infirma non minus est; siquidem, in homine, uterque ductus simul combinantur extra intestinum, unum & communem constituentes meatum, qui digiti circiter latitudinem per tunicas procedens, unam portam in ejus cavitatem efformat: huic appositam valvulam vel aliam quam communis ductus obliquam insertionem, bilis in pancreaticum canalem ascensum impedire posse, omnium iudicio impossibile est.

Quamvis videatur clarissimus Vir ductum cholidochi differentem à *Wirsungiano* valvulam tribuere, in homine tamen eundem habet uterque exitum; in animalibus qui

derm

dem suum singuli sunt sortiti: sed pancreatico inferior semper accedit; ut puram interdum bilem, chylum vero non nisi bile perfusum, admittere possit. Hinc petenda, credo, ratio est, quare fellis colore stylus argenteus, notante *Wirsungio*, in canalem immissus tingatur.

Contra me clarissimus Vir infert, quod eadem valvula, sive interior intestini tunica valvulæ æmula, sive obliquus ductus, ne stylum quidem ex intestino, nisi accedente vi, admittat, multoque minus chylo transitum concedat; quod impossibili me inductum experimento defendere asserit.

Quantum ad prius; valvulam ad cholidochi initium nunquam vidi: intestini tunicam interiorem rugosam esse, & plicas habere innumeras orificium abscondentes. scio: si in longum dissecti intestini latera deducas, ut fiat conspectius, omnino disparet, nec spectandum se offert; pressa vera vero vesicula fellea, & egrediente nonnihil bilis, oblonga cernitur rimula, cujus labia nonnihil tument; hæc sine ulla molestia, impedimentove, si caute agatur, stylo vel syringulæ tam liberum concedit ingressum, quam bili exitum.

Si aquam per syringulam, in communem solum meatum, immissam injicias, spongia in *Wirsungianum* ad pancreatis extremum fluit,

fluit, manente cholidochæ ductu vacuo, oblitum obliquum; si intestinum componas, ut fistula meatusque cholidochum respiciat, totum ductum porumque implebit ad hepatis interiora excurrent, manente cystis cervicæ, ultra divaricationem seu pori biliaris exitum, omnino vacuo. Hæc contra exercitissimum *Lyserum* (*Cult. Anat. lib. 1. cap. 6.*) certissimo experimento, testibus propriis oculis notavimus.

Vidimus præterea, in cane venatico usque emaciato, quem semivivum, aliquot post pastum horis, lacteas thoracicas exploraturi, aperuimus: dissecto abdomine, laceratoque nonnihil omento, & intestinis ab hepate sinistrorsum devolutis, conspiciendum se præbuit (quia nulla obstabat pinguedo) vas lacteum vel cæterarum lactearum in modum albicans in hepatis cavum excurrent, anatis pennæ crassitiem excedens; hoc filo prehensum signamus, dum alia inquirere stabat in animo; quibus peractis, ad vas nostrum redimus, & cholidochum esse præter expectationem invenimus.

Præterquam quod experimentis hisce planum apertumque sit, nulla valvula meatum obsideri, sed per hunc, in utrumque ductum, non minus patere aditum quam egressum: constat etiam clarissimi *Gassendi* chylodochum ductum non esse omnino

con

contemnendum : confirmat & nostram de motu bilis in hepar sententiam : sed ante omnia nimis mature hepatis structum à sagacissimo *Bartholino* rogi sepulchrumve destruit & evêtit.

*Hoc quia nec fato, merita nec forte peribat,
Sed miserum ante diem, solitas revocatur ad
aureas.*

2. Impossibili me existimat experimento inductum, chylum in pancreate admitti, defendere. Laboriosam satis administrationem esse equidem fatemur, non vero impossibilem. Experimentum hoc ut feliciter succedat, animadvertendum, ductum hunc in brutis, trium circiter digitorum latitudinem infra cholidochum, ex opposito intestini latere exortum, in postica pancreatis parte, qua dorsum respicit, in parenchymate absconditum, locum sibi obtinere : è sua sede itaque devolvatur antrorsum pancreas, ut tunica ejus caroque postica exterior, in medio secundum longitudinem, incidi apte possit, cavendo tamen ne ductus lædatur, sed is, ungue reliqua obtegente carne lacerata & contrita, conspiciendus detegatur; tunc lateralibus singulis furculis seorsim ligatis, truncus constringatur, ut adventans succus ulterius excurrere impediatur.

Veniamus ad objecta Clarissimi *van*
Q *Horne,*

Horne, hæc primo intuitu multo majoris ponderis esse videntur, sed æqua penitentie lance infirmiora nimis & invalida assequendo scopo reperiuntur. Ornatissimus Vir, ut hepatis chymificationis officium adimatur, nullum ad hoc chylum ferri gaudet evincere: quod, si lacteas alio diverti, *Gassendi* chylodochum ineptum, & *Wirsiugianum* canalem isti usui non inservire demonstraverit, præstitisse, chyloque omnem ad hepar aditum occludisse, sibi videtur.

Putat me oppido falli, quod ductum hunc pro lactearum maxima habeam; 1. quotquot enim sunt, ait, lacteæ, eo sunt tenuiores exilioresque, quo intestinis sunt viciniore; cujus contrarium in ductu pancreatico evenit: 2. quin & parietum robore plurimum à lactearum subtili membrana differt. 3. Adde etiam, quod intestinorum plicæ carnosæ, descendente chylo, foramen seu aditum ejus occludant: 4. nec tacet interim chylum in eo nec visum unquam, nec videri in vivo animali posse, propter impossibilem ejus vasis ligaturam. 5. Denique quorsum abiret chylus ille, cum ad lienem non pertingat ductus, nec à vena splenica exsugui aut recipi ullo modo possit, rogat.

I. Respondemus *Asellium* lactearum inventorem.

ventorem, sic eas indigitasse, non ab exortus modo, sed ab officio & externa apparentia, quod nimirum ad externum intuitum candicarent lactis instar, propter contentum quem vehunt lacteum succum. Neque Clarissimis Viris Bartholino & Pecqueto vitio vertitur, quod ductus, in thorace similem liquorem venæ subclaviæ adferentes, lacteas thoracicas vocaverint, quamvis, è chyli receptaculo, ampliorem exortum, quam in subclavias insertionem, habeant.

I I. Naturæ ordine, venæ & arteriæ majores, robustioribus & crassioribus constant membranis, quam exiliores & pusillæ. Sed ad quid inservit hæc comparatio? non enim descripsimus vas mesentericum, neque lactearum mesenterii ramum esse diximus; sed peculiarem pancreatis ductum, à *Wirsungio* primo detectum, communem cum cholidochæ sortitum portam, ab officio, quod ipsi contigisse existimamus, lactearum maximam vocamus. Hoc Clarissimus Vir oppugnare incipit, dum, descendente chylo, intestinorum plicas carnosas, ait, aditum occludere.

I I I. Cum venia tanti Viri dixerim, impediunt quidem ne pleno gurgite sæculentus in foramen apertum irruat chylus; sed liquidiori ejus parti viam ipsas omnino

occludere, nec orificii fabrica, plicarum dispositio, nec chyli fluxibilitas videntur astruere. Commodius liquidioris magisque fluxilis chyli pars, per intestinorum rugas plicasque colata, defæcataque, ampliori ore excipitur; cum reliqua magis hærens impactaque, per poros exiliores velamentis bombicini (liceat mihi clariss. Viri verbis uti) in vasculorum lacteorum oscula, ex crassiore & magis liquida parte orbato, eximi.

I V. Ligandi modum tradidimus; qui si Clar. Viro laboriosior videatur, faciliorem adjungimus, quo tanquam certo experimento veritas explorari poterit. Vas hoc, dum natura nihil frustra facit, non semper inane esse omnes consentire confido; ductuique quia ducendi officium competit, hoc pancreati aliquid adducere, vel ab ipso abducere quidpiam, dictare rationem existimo: qui itaque litem dirimere velit, ligaturam, in animali vivente, hujus ab intestino exortui injiciat; si egerendo natum sit, intumescet supra ligaturam; sin advehendo, inanietur.

Diligentissimus *Higlmorus* in illo nullum conspicuum humorem inveniri, licet, in vivis dissectionibus, filo statim ad intestinum connectatur, asserit.

V. In porosum hinc abscedit pancreatis parenchyma, ibique cum sanguine, quem ad-

adrexerunt arteriæ coeliacæ ramī, dilutus, venarum furculos intrat, splenico (non suctione, quod ligatura prodit, sed impulsione) recipiendus.

Quam facile hujusmodi objectiones corruant, omnibus liquet, quæ condonandæ equidem laudandæque; siquidem, uti ex silicis cum chalybe concussione ignis, sic, è concertationibus amicis, eruitur patescens veritas.

C A P. IV.

Lactearum mesentericarum usus: chymosis rudior sanguificatio: quid chymus: sanguinis in jecore uterino præparatio: naturæ circa alimentum ordo.

NON aliter de chylo hiatum hunc præterlapso censendum, è quo, contrahendi vi intestinorum, circumjacentium viscerum comprimente mole, nec non musculorum abdominis continuo motu, exprimitur chyli tenuior portio, & à venis lacteis recipitur in glandes deponenda, unde, cum sanguine supra dicto modo confusa, venulas intrat capillares, à quibus elapsa in vena portæ, magna undique sed præcipue è liene, peculiariter eo muneri destinato, confluyente sanguinis copia, diluitur.

Rudior hæc est sanguinis præparatio,
Q 3
quæ

quæ (si propter rubedinem sanguinis nomine meretur) *hematosis* est appellanda : sed quia nondum cuncta , quæ ad sanguinis constitutionem requiruntur, sed tantum primam dispositionem , nactus est, actio hæc *chymosis* potius dicenda videtur.

Chymus terrestris & siccæ partis cum humore permixtus , vel eorundem mediante calore percolatus succus est; talis dici potest illa materia, quæ venis lacteis continetur, & à chyli crassiore substantia segregata est; sed quia à Medicinæ proceribus pro chymo sumptum & hoc est , quod à chylo separatum in venis meseraicis adhuc hærens per irradiationem ab hepate rubro colore (ut aiunt) inficitur; nos etiam hanc materiam, ad enibis pancreatis & mesenterii elapsam & venæ portæ ramulis exceptam , chymum vocari posse existimamus : quemadmodum enim, ex sicci & humoris permissione , sapor, vel potius sapidum , constituitur ; sic etiam , ex chyli tenuiore portione sanguine diluta , chymus seu succus sapidus , accommodatur , ut in sanguinem ulterius elaborari possit, conficitur, veterum chymo, in venis mesenterii , rubescenti æquipollens.

Chymosi huic respondet (dum in utero foetus hæret) sanguinis in jecore uterino, seu placenta , præparatio, in qua à corpore uteri

uteri descendens succus (elabatur enim albuminis ovi fere similis, non forma sanguinis, quod autopsia cum in brutis cotyledones ab uteri acetabulis avelluntur, & vasorum dispositio demonstrant; matris enim non ultra placentam extenduntur) cum sanguine, per arterias umbilicales, cum ad nutritionem, tum ad hujus operis administrationem, apportato diluitur & miscetur, primamque dispositionem sanguinis nanciscitur.

Admiranda solertis naturæ, in hoc opere, industria est; de animalis enim vitæ sustentaculo, bonæ matris instar, sollicita, in ventriculo assumptum, prius pauco (respectu consequentis) & miscibili succo in pastam, mollem tamen, subigit; è qua convenientiore & magis apta portione, tanquam torculari, expressione separata, fæces in cloacam abjicit.

Ne suctione ulla quispiam succum hunc in lacteas venas aut mesenterii glandulas allectari existimet, sola atque unica ligatura contrarium edocet, ultra quam suction nulla se extendere, neque quampiam partem in tumorem attollere potest.

Scrutam depuratamque instar lactis albicantem in adenibus, dein cum affuso sanguine elaborat & exagitat, in modum nostrorum pharmacopœorum coquorumve, qui

materiam medicamini vel juri permiscendam, primum paucò liquore excipiunt ad meliorem mitionem; addito tandem condimento, & reliquo liquore, omnia simul debite subigunt: sic etiam in adenibus, dilutæ paucò sanguine materiæ, copiosiorẽ affundit natura tandem, addita pro condimento bile; ne vero quidquam impermixtum præterlabatur, & corporis thalamum ingrediatur aut commaculet, per hepatis meandros minutissimos innumerabilesque filtratum, perfectius miscetur, & tandem in venam cavam (cordi deferendum, cum reliquo revertente) promovetur.

C A P. V.

*De novo chyli receptaculi & chyli feri ductus invento: de vasis lymphaticis noviter reperi-
tis: omnium examinatio: glandium mesenterii usus defenditur.*

ÆVum hoc nostrum, dum doctrina sagacitateque pollentium ingeniorum numero præcedentia sæcula facile superet, novis artibus & scientiis locupletatum indies refulget magis: inter alias Hippocratica ais pluribus noviter inventis ornata splendore coruscat. Olim ex Anglia de sanguinis circuitu & de generatione animalium eximii Harveii gratis offertum munus eam decoravit:

vit : nunc Gallia, Hollandia, Dania, Suecia etiam sua, ad maiorem ejus splendorem, reperta conferunt.

Ornatissimi Viri *Ioannes Pecquetus Diepens* Parisiensis Medicus in Gallia, & *Ioannes van Horne*, Anatomes in Academia Leydensi Professor in nostra Patria, novum invenere chyli receptaculum ductumque à nemine antea observatum, sed fortuito non opinantibus, dum naturæ arcana in bestiis viva sectione scrutantur & rimantur, oblatum.

Inventum hoc adornat *Clar. Bartholinus Haskniæ* Professor, qui in homine primus ductum istum demonstravit, & in eo receptaculi vices lambares glandulas gerere dextit.

Huic excellenti Viro præterea debemus, quod, recondita naturæ inquirendi desiderio captus inexplebili, facem nobis accenderit, qua obscuriores in animalis corpore tenebras illustrans, de veritate prioris inventi & plurium aliorum, melius judicandi peperit commoditatem, dum vasa, quæ (lymphatica vocat) in abyssu recondita tandiu latuere, Solis lumini conspicienda exhibuerit. Licet eundem sibi appropriet honorem doctissimus *Olaus Rudbeck* Suecus, hepatis ductus aquosos & vasa glandularum serosa, in regno & præsentia invictissimæ Virginis

ginis *Christine*, demonstrasse, non quidem scriptis edidisse, se affirmans.

Inventa hæc non contemnenda, penitior observatione & examine digna, primo intuitu, quam de glandularum mesenterii chymosi sententiam protulimus funditus evertere videntur; & quia inventores hepatis, & chymosum, & hæmatosin, attributum huc usque munus, novo chyli receptaculi & ductus chyliferi seu lactearum thoracicarum invento, eripere non solum gaudent, sed id evidentissime probare, ipsisque oculis spectandum se præbere profitentur. Quæ res, dum nos tangant, si breviter chyli sic vocatum receptaculum, ductusque chyliferos & aquosos cum vasis lymphaticis & serosis examini subjecero, irritum inanemve fore nostrum laborem non confido.

Receptaculum itaque hoc, chyli vesicula, cisterna & penus, sacculus lacteus, invento-ribus dictum est; glandulas vero lacteas lumbares, quales in homine esse reperit, *Clar. Baribolinus* vocat.

In lumborum fere medio, sub arteriis cœliacis & emulgentibus, juxta venam cavam descendentem, inter renes, capsulas atrabiliaras (quas uti & renes contingit aliquando) musculosque psoas, supra lumbares vertebrae, infra mesenterii centrum ipsi
subinde

subinde superpositum, locum obtinet in brutis (observante Clariss. Bartholino) cum hoc parem elegere in homine situm inferiores duæ lumbares glandulæ; sed tertia dextrum, & superiorem sub appendicum diaphragmatis exortu.

In brutis, quibus unicum contigit, membranofum, molle, & flaccidum est, humore intus contento, apertum aliquot à pastu horis, candicante, alias seroso refertum & turgidum: in homine corpora glandulosa & solidi, similem ut in brutis per anfractus dispersum humorem habent.

Usum receptaculo huic tribuunt, quod chylum per mesenterii lacteas ejusdem majori glandulæ seu Aselliano pancreati advehitum per ramusculos lacteos excipiat: qui deinde, mediantibus aliis chyliferis seu lacteis ductibus, eidem receptaculo continuis, per thoracem ad venas subclavias cordi advehitur.

Hoc invento, certam chyli & conspicuam ad cor esse viam repertam, exultant Viri clarissimi & doctissimi, heparque lacteo succo seu chylo, uti aiunt, frustratum nec chymoseos nec hæmatoseos officinam esse exclamant.

Sed cum circa mesenterii basim in hujus receptaculi vicinia plures concurrerent ductus lacteis simillimi, quibus in hepar lacteum.

ctum humorem duci existimaretur ; & à magnæ doctrinæ multique iudicii Viris, vel truncum parenchymati implicatum, in quo venæ lacteæ coeunt, vel diversos meatulos minores (quorum figuras in tabulis depictas edidere) à glanduloso pancreate emersos ad hepatis ima progredi statueretur, mansit dubia res, & tanquam clavo suspensa sub iudicio.

Donec clar. *Bartholinus* solo filo, nodo unico dædaliis meatulis hisce stricte alligato, introitum & egressum tam difficilis obscurique labyrinthi aperiret, ipsis oculis conspiciendum exponens, non ad hepar, sed ab eodem, contrario quam putatum erat motu, ad mesenterium & novum receptaculum, contentum in vasculis hisce humorem fluere.

Nunc actum de misero hepate, antiquo munere defungitur, dignitatibus principatuque exuto parantur exequiæ, epitaphium tumulo inscribitur. Sed in eo insons dormiat, donec iræ huic occurrens, mesenterio, ne à nobis ipsi attributo officio orbis, similes cum hepate pœnas luat, prævi-fero, ipsi gratiam cum Viris præclarissimis, & è carcere egrediundi veniam impetravero.

Venis lacteis receptum chyli candentem succum diximus, non recta ad hepar, sed in mesenterii glandes ferri, indeque ad mixto

mixto aliquantulo sanguine in venarum ramulos depositum, per portam hepatis adduci. Huic asserto obstare forte judicabitur, quod novo invento omnem chylum per lacteas venas in receptaculum, vel impulsus, vel suctione allectum, ipsa autopsia demonstrari creditur, & per thoracicos chyli ductus venis subclaviis infundi, cordique in sanguinem degenerandum advehi. Attenta consideratione res digna est. Quoad nomen, non videtur cum receptaculo quadrare nec ductibus convenire quod chylum ferre dicantur: chymus seu percolatus succus indigitatur subtilior pars, à chylo impuritatibus scattente, separata; neque ultra intestina, servato nomine, solet chylus extendi. *Clar. Asellius* suas venas à colore & succo lacteo quem vehunt, lacteas, non vero chyliferas dixit: solus *Clar. Gassendus* ductum biliarium chylodochum nuncupavit, quamvis injuste, quod chylum tamquam per hiantem meatum (qui alias per plicas rugasque intestini satis apte depuratur) in hepar ea via duci opinaretur; potiori equidem jure, quam si lacteas, quæ per exiles poros colatum, recrementis purgatum, & nonnihil alteratum, chymum admittunt, chyliferas appellasset. Sed de nomine contendere, quamvis ad explicationem rei plurimum facere soleat, idem quod de lana caprina rixari esse putatur. Sed

Sed neque receptaculum neque ductus ejus thoracici recipiendo aut ferendo succo lacteo sunt proprie destinati : dedicantur potius humori, quem semper omni tempore & maxima copia accipiunt & gerunt, scilicet lymphatico seu aquoso, sic improprie dicto. Verum quidem est succi lactei partem (parvam alterius respectu, quæ portæ ramis affluit) mesenterii glandibus elapsam, cum dicto humore, dispensationis chymi tempore, in receptaculum aut lumbares glandulas deponi : sed dum hoc accidentarie, neque omni tempore eveniat, & multo minori proventu, quam alter, eo confluat, statuendum confido humori lymphatico, liceat sic dicere, & receptaculum & thoracicos ductus adpropriandos esse.

Vix sanæ mentis judicaretur, qui portæ venam cum suis ramis, quia humorem lacteum vel chyli succum sanguini admixtum, (cujus forte centesimam partem non adequat,) vel chyliferam vel lacteam vocaret : quoniam vix alia in comparatione hac inter humores miscendos est differentia, quam quod succi lactei color à sanguine rubescat, aquosus vero, qui achromatistis & coloris expers est, à lactei albedine inficiatur.

Sed quis qualisve aqueus vel lymphaticus hic humor sit, paucis inquiramus.

Observandum animalis corporis partes
in.

in sanguineas & exangues vulgo dividi : illæ sanguine nutriuntur, quem cum abundantius & majori copia accipiant, quam pro nutrimento indigeant, superfluous non omnino similis (plurimis enim constat dissimilibus, quæ assimulari nequeunt, particulis) in capillares primum surculos & tandem in venas majores remeat circulatorio motu. Hæ quamvis sanguine carere videantur, non sunt interim achymæ nec exuccæ. Diximus hujus dissertationis pag. 74. nervos continue & indefinenter, à cerebro, cujus sunt propagines, nutrimento refici, & magna quantitate nutritium hunc humorem partibus sensu præditis communicare. Hic succus in partibus hisce abundans, qui ob dissimilitudinem nutriendo ineptus est (non aliter quam de sanguine dictum est) in subriles primum rivulos & tandem in majores, ad hoc usque ævum veteribus reconditos, relegatur.

Est itaque humor hic, re ipsa, non aquosus & lymphaticus (sed si talem, propter apparentiam externam, quis vocare velit, non repugnamus) sed sanguineus, imo sanguis, cui, uti pagina 88 diximus, non color sed alendi aptitudo nomen indit.

Aquam & serum renes à sanguine separatim vesicæ offerunt, cutis in sudores & insensibiliter exhalat, & oculis finitimæ in lachry-

lachrymas interdum effundunt : si nutriendæ partes sanæ (de morboſis, unde hydrops, alia ratio eſt) privata coctione aquam ſepararent peculiaribus vasis expurgandam, eam cum recrementis in veſicam, inteſtina, alia-ve naturæ convenientia loca mitterent, non vero ſanguineæ maſſæ cordi deferendæ ſua excrementa affunderent.

Sed ne quis ſanguinem, propter nutriendarum partium convenientiam, colore mutatum eſſe dubitet; vaſa, quibus continetur, venæ ſunt & ſurculi à venoſo trunco exorti, qui in albentes & membranofas, tam viſcerum quam extremorum membrorum & artuum, partes inferuntur : ſive in abdomine, thorace, brachijs, cruribus, alijsve corporis locis examinentur, Bartholina face adhibita, non aliter, quam ſi ſolaribus radijs illuſtrarentur, huiusmodi eſſe reperiuntur : ut concludere non verear, meſenterii glandes, hoc novo invento minime gravari : quid de miſero hepate ſit expectandum, hoc nodo ſoluto, poſtea videbitur.

CAP. VI.

Bilis sanguinis condimentum, hepatis excrementum non est : vesiculæ syntaxis : quomodo in ea bilis generetur : ejus necessitas : per porum biliarium ducitur cum portione Chymi in hepar : per cholidochum ductui pancreatico & intestinis offertur: de porta & cava vena: hepatis reviventi usus.

PAradoxon proferre forte videbor, cum sanguini bilem pro condimento addi statuam, quæ tam à veteribus quam neotericis excrementum (quamvis utile ad movenda sæces) judicata est, tanquam animalium, quæ dulcibus gaudent & nutriuntur, naturæ omnino contraria; sed adferendas rationes, ipsa autopsia stabilitas, demonstraturas existimo, bilem hepatis non esse excrementum, neque ab eo in cystim felleam deponi; sed ab ipsius membraneo corpore, ad hoc disposito, à sanguine, per arterias cysticas rami coeliaci propagines, adjecto separatam, in propriam cavitatem, penum & promptuarium, ut inde necessitate postulante, sanguini addi, & hæmatosim juvare possit.

Cystis cholidochus, vesicula biliaria, si-
ve folliculus felleus, constat substantia mem-
branea contractili & extensili; præter reli-
quis

quis visceribus communem, propriam habet tunicam validam, quæ omni fibrarum genere firmatur; figuram obtinet rotundam, oblongam tamen, & tandem in longiorem apicem desinentem, constituentem cavitatem ad visum inaccessibilem; nam unicum tantum habet meatum, seu ductum, intus apertum, foris clausum, septus enim est valvulis egressum quidem concedentibus, sed regressum omnino impredientibus.

Vesiculæ huic concessæ sunt, præter à sexto pari ad sensum nervos, arteriæ & venæ cysticæ; illæ rami cœliaci, hæ venæ portæ portæ propagines; illæ sanguinem ipsi apportant, hæ superfluum & opere defunctum à vesicula in portæ venam regerunt: quod ex sanguinis motu, vasorum natura, constitutione valvularum, & adhibita in vivente animali ligatura omnes animadvertere possunt.

Præter has, quamvis constituentes partes nullas habeat, nihilominus turgentem bilem (qua utque tumens & plena est) vel pressa, contracta, aut à copia irritata in meatum apertum sibi continuum exonerat, quam tamen à nulla parte vicina remotave accepit vel accipere potuit.

Vesica urinaria, quamvis intuenti undique clausa videatur, ut ad extensionem inflata ne quidem vento pateat, habet tamen

men ureteres, ductus membraneo corpori oblique insertos, urinam renum vi à sanguine secretam deferentes ; sed vesicula hæc, exceptis arteriis , quæ nisi sanguinem, prout in vasis continetur, afferunt, nullos meatus habet, per quos aliquid accipere possit.

Hiscépositis, concludendum puto hepatis non esse excrementum bilem , nec ejus separatoria vi à sanguine secerni : quoniam in eo nec segregandi locus, neque ipsa separata bilis, neque ullæ viæ, per quas in vesiculam duci separata possët, reperiuntur. Deinde, cum aliunde vesiculæ bilis non affertur, neque aliud quam sanguis (quem copiose satis arteriæ tribuunt) in sola ejus tunica admittitur ; credendum existimo ipsius tunicæ idiosyncrasiam à sanguine bilem segregari, & per ejusdem poros, quasi exsudando, in cavitatem deponi & in usum asservari.

Ne quæso alicui mirum & imaginarium hoc videatur ; sic nobis destillat in os saliva ; sic humorem præparando chylo exsudat interior ventriculi tunica ; sic urina in renum sinus deponitur ; in abscessuum etiam pelli- culis hoc modo diversa coacervatur materia , pro partis unde ea dimanat natura.

Hujus in vesicula collectæ bilis necessitatem evidenter ostendere credo, quod
omnibus

cum omnibus animantibus insit, usque adeo ut proverbio suam formicæ bilem inesse dicatur: sed videamus, anne, sanguini eam addi, ex evacuationis modo, necessario non sequatur.

Strictior vesiculæ cervix magis elongata antequam meatum biliarium constituat, cholidochum dictum, habet in suo sinu valvulas, quæ præterquam, quod à meatu hoc nihil in vesiculam ingredi patiantur, ipsius effluxæ bilis regressum præpediunt: quod videndum se exhibet, cum expressam ex vesicula bilem digitis reprimere conamur, nullo enim studio in eam repelli potest.

Meatus hic in duos dividitur ductus, quorum unus, primum in duos, dein in plures, & innumeros divisus surculos per hepatis parenchyma excurrit; hunc porum cholidochum ad alterius meatus differentiam nominamus: hujus ope, succo chyloso temperata, hepatis advehitur bilis, quæ ejus meandros minutissime divisa permeans, & ex portæ vena affluenti mista sanguini, in cavam promovetur.

Alter ulterius progressus, pancreatico ductui sociatus, cum quo postquam unum efformaverit meatum, in jejuni principium oblique, inter utramque intestini tunicam aliquantulum deductus, inferitur; ut unum cum hoc ipso, in intestino foramen efficiat

que

quo expressam, cum lacteo humore bilem confundat, & pancreati, vel foramen egressam venis lacteis cum chyli præterlapsi succo præparandam exhibeat.

Patet hujus veritas primo, quod duos simul liquores sine confusione concurrere, dein, quod succum chyli crassiorē intestina exprimere, & venas lacteas eundem admittere, non vero bilem tenuiorem, absurdum, imo impossibile, videtur.

Decet huic albo insipido & dulci liquori bilem addi, cum ut hujus acrimonia & flavus exsuperans color, albo crudo incoctoq; succo in adenibus temperetur; tum ut illius adhuc tardu, pigraque constitutio excitetur & promoveatur.

Si alter, scilicet ad intestina progrediens, meatus obstruatur, vel ab externa compressione eo usque conniveat, ut bili via ad intestinum succoque chyloso introitus impediatur, plura inconvenientia contingunt, neque bilis calor & ferocia affuso humore lacteo mitigatur, nec pacatur; neque in pancreate & mesenterii glandibus, succo lacteo vigor additur: atque ideo non diluta temperatave bilis per priorem meatum tanto majori copia in hepar, & inde cum sanguinis massa in corporis habitum fertur, icterum excitans, flavoque colore totum corpus tingens.

Qui

Qui potum largius hauriunt (ventriculo enim citius cibo elabitur) quam bilis effusio tingere possit, aqueam & non tinctam urinam reddunt : parum etiam ab assumpto cibo, pallidius meliitur lotium; quia potulento, prius maiore copia elapso, bilis quantitas inæqualior est, quam cum crassior promovetur chylus.

Contingit itidem, quibus, ob conniventem aliqua de causa meatum, bilis nisi per intervalla exoneratur, iis aliquando aqueam nullo colore tinctam excerni urinam, quæ, post parvum temporis intervallum, referato vel exonerante se ductu cholidochæ, colorata rursus redditur.

Dictis rationibus & allatis exemplis, bilem non hepatis excrementum esse, sed in meliorem & communem usum, in folliculo generatam coacervari prius, & suo tempore tam chylo affundi, quam hepati largiri, mihi persuadeo.

In vena portæ concurrunt, magna sanguinis copia à liene missa, chymus in pancreate alteratus, una cum in mesenterii adenibus præparato, sanguis ab aliorum viscerum nutritione effæctus, etiam ex hæmorrhoidalibus venis affluens, & tandem nonnulla bilis portio, quæ solum confusa, neque sibi invicem debite permista, non minimum corpori nocumentum afferre possent ; quocir-

fa-

sapientissima natura providens, hepar appositum, per cujus interanea, tanquam per cribrum, quæ confusa diximus, agitata adeo comminuuntur miscenturque, ut in unam massam redigantur, quæ sic salutaris facta, reliquo sanguini in vena cava additur.

In hepate enim venæ portæ radices, & cavæ insignis rami innumeræ propagines exporriguntur, quæ ejus parenchyma permeantes, tandem junguntur, & sibi invicem adnascuntur: uti diceres unam venam prius in surculos plurimos divisam, postea rursum coeuntem.

Patet hoc, si portæ vena, immissa fistula, infletur, quod cava videatur in tumorem attolli: ipsis oculis etiam conjunctiones hæcernuntur, si hepati costis omnis caropectine caute adimatur, qua separata & eluta, venarum se substantia perquam bene videndam exhibet, ut divisiones coitionesque exiles eleganter conspici possint.

Est itaque hepatis munus, suarum venarum beneficio, parenchymate munitarum, præparatam alibi materiam (chymum scilicet & bilem, cum sanguine ad diluendum, maxime à liene, & aliis alendis partibus affluxo, addito per arterias parvas, ad parenchymatis nutritionem, advecti superfluo) in unum naturæ familiarem liquorem, cæteri massæ sanguineæ addendum, redigere, citra
magnam

magnam & manifestam moram, quam nonnulli ex venarum propaginibus in hepatis substantia delitescantibus non unitis (dum in his portionem sanguinis crassiolem morari, ut attenuetur, putant) probare conantur: quamvis tantum sint arteriarum ramulis correspondentes venulæ, per quas, aliarum omnium more, sanguis subito motu transit.

Tot concurrentium & confusorum exquisita mixtione, supplementum perfectionemque hepar chymosi imponit; quod dum præstat, quamplurimum ad sanguificationem contribuere videtur; cuius tamen consummationem à pulmonibus expectandam censemus.

Hiscæ variis mutationibus coctionibusq; alteratum, & in vena cava cum eo, qui è toto remeat, confusum, sanguinem alimentarium esse, & ad corporis nutritionem aptum affirmant, qui per venas eum in omne corpus distribui contendunt; sed cum assertio hæc, ut mihi videtur, aliorum rationibus satis superque evicta sit, eam intactam relinquo.

Affirmat etiam exemplum foetus; nam in utero simili sanguine nutritur: sed aqueus ipsi, pro aere, humor sanguini attenuando satis est; cum in lucem edito, is sine aere nutritius esse non possit.

Hepar

Hepar, nec chymoseos nec hæmatoseos officinam, nominari nec esse posse, continent in doctrinæ summo culmine locati præclarissimi Viri, receptaculi chyli ductuumque chyli ferorum & lymphaticorum vasorum inventores, hoc præcipuo nixi fundamento, quod chylum non recipiat: non recipere probatum putant, quod venæ lacteæ, quibus chylum, si non omnem, saltem totum à sordibus crassioribus purgatum, recipi asserunt, in truncum non desinant ad hepar tendentem. Fuit hoc argumentum ab iis allatum, quibus venarum *Asellii* lactearum usum evertere curæ erat; cum ad visum & conspicue eo debere duci chylum existimarent.

Foret etiam doctissimorum Virorum plausibilis & absque omni dubio justa veraque assertio, si evidenter & ad conspectum chylus ad hepar teneretur ferri; sed cum hoc contra naturæ sit ordinem, nimis infirma nec recipienda. Hæc corporis securitati consulens, nihil ad ejus penetralia alieni aut nocivi admittit, nisi multo prius sanguine, alienam qualitatem compescente & obtundente, dilutum sit.

Hinc est quod præter tantam sanguinis diluviem, à viscerum nutritione refluï, & liene animal donaverit, quo per spongiosum parenchyma filtratum, ab arteriis acceptum

R

sanguis

sanguinem, tam liberaliter largitur, in non alium finem, quam diluendo chylo, ut à pancreate & mesenterii glandibus contaminatum, rubroque colore tinctum, in splenicos & mesentericos ramos effusum, probe diluat, & salutarem hepati advehat.

Lacteum omnem succum ad receptaculum non ferri, demonstratur 1. Quod alii ductus eidem operi inserviant, ut cholidochus & pancreaticus. 2. Quod omnis qui per lacteas in mesenterii glandes chymus ducitur, ad receptaculum non derivet; non respondent enim à glandibus abducentes adducentium numero. 3. Non debuissent ramusculi, sed mole majores ductus efformari, ut aliorum numerum magnitudine & capacitate compensarent, quam reperiuntur. 4. Non deberent alio impediri opere; siquidem chymi distributionis tempore, non minor succi lymphatici, sic dicti, copia, per ductus hosce vehitur, quam ante & postea; quoniam is semper pari mole (nisi à causa extraordinaria) ad eos, à nutriendis partibus, fluit, qui tamen eo tempore, quamvis colore mutentur, majores tumidioreve non videntur. 5. Quod portæ rami & majores & numero plures in promptu sint; ideoque diluendo chymo, cumque devehendo cum sanguine ad hepar, paratiores. 6. Adde, quod ea via à primo ortu à natura strata sit, cum foetui per

per umbilicalem venam , portæ in simo hepatis continuam, omnem nutritium, à matre derivantem, succum natura affunderet : ut, eadem qua nutritionem inceperit , per eandem etiam continuaturam, neque ab eo opere & via ante obitum destituturam , concludere liceat.

Evidtis itaque objectis & ab accusationibus liberum hepar in antiquum , quo ab omni ævo fungi solet , munus & principatum, cum omnibus dignitatibus , ipsi jure debitis, restituatur.

Non derogabit quippiam ejus dignitati, si paululum chymi cum succo aquoso (sic dicere liceat) à partibus membraneis resultantem, ad sanguinis, qui à capite & artubus superioribus descendit, renovationem, in subclavias venas ascendat : decet enim ut suam partem habeat , cum tanta copia reficiatur per hepar, qui ab inferioribus partibus in cavam refluit : est enim chymus pauxillus & alter humor laudabilis & aptus, ut rubenti sanguini misceri & in pulmone eventilatus , corpori nutriendo in pabulum largiri possit.

CAP. VII.

Sanguis ut sit nutritius duo necessaria : ejus mobilitas unde : fœtui qualis inservit : quæ causa quod in lucem is prodeat : quis aeris in corpore usus : quare infans non perforato pōdice & urinario meatu cito moriatur : sanguis venosus alendis partibus inpetus nutritio quomodo fiat ; quanta aeris ad nutritionem necessitas : ejus varii in mixto effectus.

UT corpori in alimentum cedere sanguis valeat, duo apprime necessaria sunt, mobilitas & urgens aliquod, quibus juvantibus ad loca nutrienda fluere aut moveri possit : hoc, dum à sanguine non dependeat, sed tanquam movens à mobili diversum sit, ad hæmatosin nihil contribuit ; illa, scilicet fluxibilitas mobilitasve, ad ejus constitutionem pertinens, ab hæmatopoietica vi accedere debet, & hæmatosi acceptum referri.

Sanguinem mobilem fluxilemque reddunt serum seu aqua, & immistus aer (quorum hic merito primum humidum dicitur.)

Calorem hisce annumerare non audeo ; calidus in corpore sanguis interdum grumescit, cum nimirum est extravasatus ; frigidus in piscibus, & in cadaveris venis contentus

tentus fluere non desinit ; è vena extractus in pelvi nonnunquam fluidus permanet , qui in vase terreo rariore collectus densatur.

Sufficiant itaque priores duo , cum hoc discrimine, quod à serosiore sanguine membra mollia , flaccida , & torpida ; ab aereo (nam aer, in dissolutione rei, separatur receditque melius) solidiora, robustiora & vegetiora reddantur.

Hic quamvis animantibus conveniat , & necessarius sit (cum ut partes nutriendas pervadere, tum ut , ejus compage dissoluta, quod conveniens est assimilari, & noxium separari excernique facilius possit) foetus tamen dum in utero est , liquidum serosum à matre haustum nutrimentum , nutriendis & augendis tenellis flaccidisque membris, sufficiens est.

Cum vero grandescit, præterquam quod, solidius alimentum desiderans , natuta aere indigeat , eo etiam opus habet ad facilitandum cordis & cerebri motum. Hæc enim continuo moventur , & alterna diastole & systole exagitantur, neque à tenello existente foetu impediuntur ; cum corde enim totum pectus , cum cerebro ipsum cranium cute vestitum , cedentia attolluntur & concidunt.

Tempore solidescuntibus membris , ossa

R 3 indies.

indies majorem nanciscuntur duritiem, motuique magis resistunt: crescente interim corporis cordisque robore, pulsus & cerebri motus majores fiunt; qua procedente discordia, foetum liberioris motus appetentia instigatum, ad locum mutandum, aeremque quærendum incitari, partumque urgeri contingit.

Infante in lucem edito, serio notandum est, aere attracto sanguinem humectari subtilioremque reddi, unde excrementa (quæ gestationis tempore fuerant pauca) augentur, serumque, tunc minus utile, excernitur copiosius: adeo ut, infantem natum non perforato urinario meatu, vel podice (qui in utero vegetus & sanus vixerat) antequam suxerit, pulsemve ullam sumpserit, vel saltem non magna copia, brevi tempore extingui, cernatur.

Ex horum consideratione edoctus, mihi egomet persuadeo, sanguinem hunc, neque ullum venis contentum (effætus enim & crassior est) partibus alendis esse aptum, nisi aeris debita copia absolute mixtus & vivificatus, in earum etiam minimas particulas admitti queat. Nutritio enim non externa appositione exequitur; sed cum nutrimentum non tantum parti, sed ejus etiam minimæ portiunculæ secundum omnem dimensionem debite additur & assimilatur.

Ab

Ab aere, primo humido, corpore tenuissimo, fluxibilitatem hanc afferri sanguini, satis patet; primo, quia nullus in partes per arterias mittitur, quin prius eventilatus, & à fuliginibus inutilibus purgatus, cum eo perbene elaboretur: dein, quia is assidue sine aliquantula mora hauritur, ut sanguini subigatur.

Si quis solummodo ad cordis motum & refrigerium necessarium dicat, piscium is exemplo evincitur: præterquam enim, quod hi usque frigeant, aquam assidue ad singulas cordis pulsationes absorbent, & per branchia emittunt, qua & refrigerio, si opus habeant, & cordis motui, satisfaceret: iis tamen à natura concessa vesicula est, in qua aerem secum deferunt, ut sub aqua degere possint, neque semper in superficie natare cogantur, aeris captandi causa: si enim, excipulo vel nassa capti, aut alveolo servati, diutius sub aqua detineantur, & aerem recipere impediantur, tandem vesiculæ aere consumpto, suffocati moriuntur.

Confirmat etiam aeris insignes effectus lapidescibilis materia, ob aeris combinationem, aquæ instar fluxilis; ea vix ipsius petreæ poris egressa lapideam duritiem obtinet, sine alicujus visibilis rei separatione, aere facile sua sponte vel aliter disjuncto, ambienti sese copulante.

*Sic & corallum, quo primum contigit auras
Tempore, durefcit, mollis fuit herba sub
undis.*

In humano corpore, per exiguos poros, liquores exire conspiciamus, qui corporis superficiem vix egressi, crassescere & in mucum converti, exiguis poris omnino imparem, cernitur, sine tamen rei alicujus ablatione manifesta: quod ideo aeri imputandum insensibiliter separato, censeo.

C A P. VIII.

Sententia Columbi de vitalis sanguinis officina, rationes probantes: pulmonum constructio: de arteria & vena pneumonica: hanc non esse arteriam neque illam venam: vena & arteria in fœtu duobus exortibus è cordis ventriculis prodeunt: segregationis causa: venarum auriculæ exortibus appositæ, quæ illarum partes non cordis.

IN pulmone aeris cum sanguine mixturem institui, & hinc vitalem fieri, *Realdus Columbus Anatomicus* celeberrimus, omnium primus, *lib. de re anat. II. cap. 2.* censuit; considerans enim venæ arteriosæ capacitatem, ob magnitudinem alendis pulmonibus imparem, alteri etiam usui eam destinatam judicavit: deinde cum pulmonis substantia sine vitali sanguine subsistere nequeat, qui
in

in eo esseprehenditur (nam qui tussiendo egreditur, è pulmone floridus, tenuis, pulcher egreditur, qualem arteriosum Medici asserunt) hoc modo argumentatur: Si sanguis vitalis aliunde pulmoni non tribuatur, necessario in eo gignitur; sed aliunde non tribuitur: nam neque ab aorta ramum ullum habet; neque per arteriam venosam (quæ ob valvularum constructionem sanguinem à corde non admittit; pulsaret enim si admitteret) quidquam accipit; Ergo, &c. Gigni etiam sequitur, cum arteriam venosam sanguine, non fumis fuliginibusve, plenam & sine pulsu esse (qui à corde proficiscitur) viva sectio demonstret.

Hiscè confirmatus rationibus ait (ipsa verba recitare lubet) *Aerem per nares & os inspiratum suscipit: nam arteria asperæ vehiculo per universum pulmonem fertur; pulmo vero aerem illum una cum eo sanguine miscet; qui à dextro cordis ventriculo profectus, per arterialem venam deducitur. Sanguis hujusmodi ob assiduum pulmonum motum agitur, tenuis redditur, & una cum aere miscetur, qui & ipse in hac collisione refractioneque preparatur; ut simul mixti sanguis & aer, per arteria venalis ramos suscipiantur, tandemque per ipsius truncum ad sinistram cordis ventriculum deferantur: deferantur vero tam belle mixti, atque attenuati, ut cordi exiguus præterea labor superfit.*

R. 5

Ubi

Ubi major commoditas datur & occasio, ibi perfectionem hanc sanguinem nancisci credibile est: pulmonibus semper præsens aer, & conveniens compositio contigit: est enim ipsis caro mollis, levis, rara, spongiosa, triplici vasorum genere adeo intertexta, ut spongiæ instar aut spumæ in modum perforata reddatur. Vasa sunt vena & arteria pneumonica, & arteria aspera, quorum usus ex relatione sequenti facile intelcitur.

Arteria pneumonica (vena arteriosa male nuncupata) prope basin ex editiore loco dextri cordis ventriculi orta, vix pulmones intrat (paulum ultra ductum oblongum in fætu apertum, in adultis vero oblitteratum, quo ea arteriæ aortæ continua inseparabilisque existens, utriusque unitatem ostendit) quin in duos ramos secetur; quorum alter ad dextram, ad sinistram alter partem abit: hisce iterum bifariam sectis, & in minutissimos furculos divisis, per integram, ad extimam usque eorum substantiam excurrit, & sanguinem huic operi contribuit.

Huic respondet multa ramulorum serie per eandem substantiam dispersum vas, nulli alteri visceri commune, aspera arteria dicta, quæ fistula est oblonga, ex cartilaginibus semiannularibus, bronchia dictis, & membranis

branis invicem connexis efformata; semper aeri patula, ex humiliore faucium sede incipiens, œsophago incumbens primum, mox supradicto modo etiam divisa, & per pulmonum substantiam dispersa, ipsisque pneumonicae arteriae furculis combinata aerem ad hoc opus sanguini addit, cum quo is, pulmonum motu subigente, perfecte mixtus attenuatur, ut fuligines & excrementum crassius (quorum hoc tussiendo expectoratur, illae expirantur) separari, & in bronchia deponi possint, sanguis vero pulmones nutriendi causa pervadere, & venae pneumonicae exiles propagines intrare, valeat.

Vena hæc, cavæ non solum substantia & constitutione similis, sed continua, ut sine laceratione disjungi nequeat (male arteria venosa appellata) oritur è cordis sinistri ventriculi summo, principio carnosio, lato, (auricula à similitudine & propter sinistrum ventriculum cui annexa est, sinistra dicta) concavo, quod tanquam sphincter se contrahens, collectum sanguinem in ventriculum deponens hoc distendit, non aliter quam vena cava à parte dextra: arteriæ hæc se comitem reddens, eodemque modo divisa. (una cum arteria aspera) per pulmonis omnis particulas vagatur, ut in capillaribus aut minoribus suis furculis, aliarum vena-

tuna;

rum more, acceptum sanguinem in maiorem truncum deferat, & contrahente se auricula, ad singulos cordis quietes, in sinistrum ventriculum deponat.

In foetu longe aliter hæc sese res habet : cui, cum serosum , sive à sero & modico à matre accepto aere fluxile redditum (uti antea dictum est) nutrimentum pro tenellis molliibusque membris sufficit , pulmonum usus quiescit, ibi uterque cordis ventriculus, simul eodemque motu , tanquam unus (quem solum pulmone carentia animantia habent) sanguinem à venis in arterias movendo inservit.

Natura enim in venturum usum cum duos necesse deberet fabricare ventriculos, utrique venæ & arteriæ tribuit exortum, ut in utroque à vena receptum sanguinem in arteriam ab utroque etiam exponeret : hinc factum , quod , quemadmodum arteria pro ventriculorum numero , è dextro atque sinistro exortum nata , etiam vena ex utroque diverso principio exoritur in eundem finem tendente : sic tamen ut pulmone feriant (nutriri enim debet) ex arteriæ dextro exortu ramulus apportans , è venæ vero sinistro principio superfluum sanguinem reducens contigerit ; qui , crescentibus pulmonibus & dein majori munere fungentibus , in maiorem excrecentes molem , anastomoses magni;

magnitudine longe superant, magis etiam, quia, in lucem infante edito, communes postea inutiles meatus (ductus arteriosus & foramen ovale) obliterantur non solum, sed multum crescere desinunt: non tamen usque adeo mutantur, quin ductus obturatus magni ligamenti instar, continuitatem arteriæ pulmonicæ cum aorta, & venæ cum cava, sola membranula clausus meatus aperte factis demonstrent.

In hoc, ab arteriæ exortibus, venæ discrepant, quod hujus utrumque principium, amplo varicoso, & (ob carnem, qua tanquam sphinctere obducitur) mobili, cordique continuo, appendice (auriculam vocant) stipeatur: quorum dextrum sinistri capacitatem longe superat, causa forte est (nam violenter sanguis dum ad cor impellitur, hujus operatione & contractione, impeditus auriculas extendit) quod totius corporis motus & contractiones, pulmonum, licet aliquando ultra modum inflectur, violentiores sunt.

Auriculæ venarum potius partes sunt quam cordis, quia cum illis cavitatem habent communem, à cordis vero sinubus, valvulis sunt separati; dein solis venis, non vero aliis vasis, contingunt, in quarum substantiam carneis fibris aliquantum excurrunt: adde, quod auricularum motus à cordis distincti.

fincti diversique sint. Hæc consideratione digna, quia ad veritatem quæstionis propositæ indagandam, viam & lumen præbitura sunt, non omittenda censui. Sunt quidem & aliæ, quæ mediate ad hæmatosin faciunt faciunt, partes, quia sanguinem, ab inutilibus, rebusque noxiis liberando, eliminant, & puriorem aptioremque reddunt, præter dictos pulmone, (scilicet renes, vesica, intestina, cutis, palatum, interna oris tunica, aures, nares, oculi, &c.) quæ sunt dispositæ, ut ab allato sanguine, simili in nutrimentum assumpto, reliquum utile adhuc in venas deponant, inutile aut in suos sinus, aut per corporis circumferentiam excernant; sed quia longior earum foret narratio, brevitati studens eas præteribo.

C A P. IX.

Ad loca nutrienda sanguinem debere moveri: quando & quomodo vita incipiat: bullula in auriculam migrat, cui in subsidium venit cor: hujus situs & compositionis ratio: quale instrumentum animæ cor.

Diximus modo aliquod urgens, quo ad loca nutrienda jam mobilis omnibusque numeris absolutus sanguis moveretur, esse necessarium; sua sponte enim eo non fluere, neque à partibus attrahi, sanguinis natura
(gravia

(gravia solum, nisi urgeantur, deorsum tendunt) & autopsia demonstrant. Quo modo id ab animalis ortu incipiat, & per integram vitam perduret, sub diligentis etiam scrutatoris iudicio, narrare lubet.

Vita incipere & primam inchoationem sumere videtur, cum in animantis primordio disposito, juvante calore homogenea congregante & heterogenea separante, liquoris nonnihil in id, quod jam solidescere coepit, & venæ principium repræsentat, irrepens, hoc in bullulam seu vesiculam attollit, quæ, primum renitendo, dein sese contrahendo, in arteriæ primum rudimentum eundem liquorem agit: hoc denuo rediente & contrahente se vesicula, reiteratis sæpe vicibus, à rudi membrorum delineatione, crescente magis motu, partes nutrimentum & maiorem perfectionem adipiscuntur, liquorque sanguinis consistentiam & colorem, à quo dum carnosarum accretio, vesiculæ (quæ nonnullis animalculis sufficiens per vitam perennat) auriculæ formam induenti caro, cum cordis primo exordio, adnascitur, quod auriculæ insubsidium, ut sanguinem ulterius propellat, creatur.

Huic muneri ut par sit, locatum est, non in corporis medio seu centro, quod umbilicus obsidet Anatomicis, sed in pectore, loco
capiti

capiti propiore, huic tanto commodius sanguinem tributurum, qui sua sponte in decliviora facile fluit; dein ut in eo costis septum non impedit in pericardii capacitatem moveretur.

Carnem duriores, ita tamen ut contractilis sit, accepit rudi Minerva elaboratam, non aliter (scilicet exemplis, in parvis, grandibus uti) tanquā Tuscanā architectura constructa columna, quæ, portando pondere, rustice edificio fabricato supponitur; sic carne hæc moles, ut sua vastitate ingentem laborem, cui destinatur, ferre valeat, à natura animali concessa est.

Duos caro hæc facit sinus, dextrum nimirum & sinistrum; quorum ille, quia sanguinem in pulmones vicinos movet, minus crassos habet parietes, & dextro cordis lateri quasi adnascitur; sinister vero, quia in universum corpus sanguinem dispensat, multo crassiore carne sepitur.

Sinibus hisce respondent communia vasa valvulis munita, venæ scilicet cū suis appendicibus seu auriculis, & arteriæ, quarum illæ foris apertæ intus clausæ, arteriæ vero intus apertæ foris clausæ, tam patentibus orificiis, ut, sanguinis transeuntis copiam non exiguam esse, ostendant evidenter.

Nulla præter hæc apportantia aut regentia, communi operi accommodata vasa habet;

habet; solummodo ad nutritionem, sanguinem apportantes arteriæ coronariæ exiles, ab aorta, antequam pericardio excedat, exortæ, ejus basi inferuntur, cum suis conjugibus venis, quæ è cava, mox ubi cor transit, enatæ cordis basi communicantur, ut superfluum sanguinem colligant, & venæ cavæ cordi regerendum restituant.

Sic constructum, in pericardii sinu pendulum, solum basi seu latiore parte (pericardio & exortis vasis mediantibus) aliis partibus in thoracis medio, connectitur: cæterum vero corpus, à lato principio, coni instar, in apicem seu mucronem, versus sinistrum latus antrorsum exporrectum, desinens, & pericardii aquæ motum facilitanti innatans, ubique liberum existit.

Hinc fit, ut, in actione quando cor est (quæ omnium simul fibrarum contractione peragitur) ad immobile principium liber apex trahatur, sursum elevetur, &, tanquam saltum faciens, pectus externe perceptibili pulsu feriat.

Concludo itaque, cum partibus nutrimentum apponi requirat necessitas, neque parti ulli, corde excepto, ad hoc sit concessa commoditas (docet vasorum consensus, auricularum connexio, valvularum dispositio, fibrosæ contractilisque carnis vastitas, conveniens situs, omnium debita compositio,
&

& ipsis oculis sanguinis à contractione protrulio, in animali vivo, conspicua) cor esse animæ instrumentum, sanguinem venosum ab auriculis acceptum in arterias urgens & transmittens, cujus ea ministerio toti corpori nutrimentum dispensat.

Hoc solo cordis usu (cui obloqui ipsi sensibus est derogare fidem) qui majori ejus æstimatione capiti obcæcatique sunt, minime contenti, cor multo præstantiora munia obire credunt, atque, totius caloris & vitæ auctorem causamque efficientem esse, volunt: hoc vero quia spirituum & sanguinis adminiculo præstari putatur, & spirituum & ipsius sanguinis officinam esse contendunt.

C A P. X.

Conringii pro cordis hæmatosi argumenta: eorum refutatio.

Quamvis ex narratione præcedenti rationes erui possint, quibus contrarii evidentiam demonstrare facile est, tamen non satisfacisse mihi videor, si ad argumenta quæ clarissimus Vir *Herman. Conringius*, in Helmstadiensi Iulia Academia Professor plurimi faciendus, pro hæmatosi cordis profert, responsionem non dederim: hæc ordine, quo ex ejus de gener. & mot. nat. sanguinis

lib. cap. 34. ea excerpti, recensere non gravabor.

1. *Arteriarum principium cor esse in confesso est; ab eodem principio autem non minus & venas derivari vel oculi testantur luculentissime: est igitur cor omnis sanguinis quoque principium & primaria origo ac officina.*

2. *Firmat idem sanguinis omnis ad cor fluxio & ex corde promanatio: (neque enim ad ullam aliam partem aut ullum aliud viscus omnis sanguis tendit, non ex ullo alio omnis profluit) ast omnis motus boni obtinendi gratia instituitur, adeoque in corde omnis sanguis maximum bonum suum adipiscitur.*

3. *Ad hoc, cor primo omnium inter alias generatur partes, sanguinemque & gignit & continet, nullo alio viscere adhuc nato; ut in ovibus altero tertiove ab incubatu die videre est, & doctissimorum virorum auctoritate probatur: est autem hoc certo argumento, ex apta dispositaque materia, sine alterius visceris adminiculo, posse cor sanguinem, imo omnem primum sanguinem, unde corporis partes constituuntur, quique adeo exquisitissime est elaboratus, à solo corde excoqui.*

4. *Constat præterea in nonnullis sanguinem generari, jam corrupto jecinore ac liene, modo cor sit robustum, ut calore suo, hepatis lienisque labem queat compensare: quolibet item circa cordis temperamentum passio facit, ut, aut bene,
aut*

aut secus, sanguis totius corporis excoquatur. Itaque vel hoc solo, in sanguine conficiendo, vim ac facultatem cordis colligere liceat.

5. Alendi aptitudinem à corde esse, argumento est, quod nulla pars corporis nutriatur, nisi sanguine in corde ante elaborato. In sætu sane sanguis, materia partium, primo omnium in corde spectatur, & ipsum mei hepatis parenchyma, procedente tempore, hinc generatur. Frustra omne quod nutrit, in corde est elaboratum, nisi elaboratione illa sanguis præparetur, ut possit eo rectius alere. Constat porro eum, qui ex hepate jam profluxit, sanguinem, saltem sæpe si non semper, crudiores esse, quam ut in partium nutrimentum possit cedere: nec tamen omnis ille vel denuo ab hepate coquitur, vel manet inutilis; à corde itaque adipiscitur ut fiat idoneus.

6. Quia omnis calor animalis ab uno est corde, dubitandum non est, omnem sanguinis ultimam perfectionem à corde esse, adeoque cor esse primariam sanguinis omnis officinam.

I. Quantum ad primum attinet; concesso, arterias & venas à corde exoriri, inde non sequitur, cor earum esse efficiens principium; neque auctoris mentem esse puto, unam partem ab altera existentiam habere; omnes siquidem in exordio delineationem naturæ suo tempore perficiuntur.

Neque existimo ab eodem sustineri, sanguinem

guinem esse propter venas & arterias , sed has sanguinis causa (ut sint vasa deferentia, non vero efficientia) esse factas ; neque sic concludere ; *Quod efficiens venarum & arteriarum causa est, itidem est sanguinis* : sed potius à consequentia sumpto argumento dicere (nam ubi venarum & arteriarum est exortus, ibi earum fuit prior necessitas, quæ est à sanguine continendo) *Vbi prius vena & arteria reperiuntur & principium habent, ibi & prius reperitur & principium habet sanguis; atqui hoc in corde. Ergo, &c.*

Resp. Non sequitur ubi sanguis primum est conspicuus , ibi ejus esse exortum ; non aliter quam si argumentaretur , à trunci principio oriuntur radices (si comparatione hac uti liceat, venæ sunt corporis radices) ergo arboris succus nutritius.

Exoritur sanguis ab invisibili principio (prout ego capio) nam, per poros venularum rudimenta, ex animalis primordii particulis, liquor sanguini analogus (vel potius sanguis cum particulis adhuc tenellis quadrans) concurrit ; hic (extentione bullulam seu vesiculam quæ tempore formam auriculæ induit) facit & attollit , ejusque diastolem ciet, atque illi primum renitendi, dein contrahendi ansam præbet: diastole enim, quam systole , ordine prior est. Quomodo enim aliquid se contrahet quod prius agentis extensionem non passum sit ? Unde

Unde sequitur, sanguinis, ab invisibili ortu, concursus, vesiculæ efficiens esse principium, non vero vesiculam concurrentis sanguinis: quemadmodum rivulorum scaturigines, hos, qui multis concurrentibus flumen efficiunt, non contra flumen rivulos.

Manifestum itaque est, quamvis è corde venarum origo & exortus conspicuus, non ideo à corde exoriri sanguinem, sed ad cor confluere. Quod ordine prius est, consequentis causa dici potest, non contra.

In ovo, antequam cor formatum est, conspicitur primum pulsans vesicula, quæ à sanguine dilatata rubescit, seque contrahens, omnem rubedinem deponit, albescit denuo, & disparet; indicium sanguinem ante vesiculam (quæ auricula, non vero cor, fit) existitisse, & ipsam à sanguine rubescere, non vero sanguinem à vesicula.

II. Firmatur quod dictum est; quia sanguinis ad cor fluxio est, aliunde suam habere originem certum est: cum pace mihi respondere liceat, ad nullum viscus omnem sanguinem (ubi is mutationem aliquam subit) quam pulmonem tendere; nec ex ullo alio, omnem numeris absolutum, quantumque fieri potest perfectum profluere, quam pulmone, & ratio distat & autopsia demonstrat.

Fœtus.

Fœtus, cui pro nutrimento serosior sufficit sanguis, pulmonis opera non indiget, neque corde mutationis causa opus habet, modo dispensante ejus motu frui possit.

Non movetur equidem ad pulmones sanguis, nisi ut melioretur: si iis carere potuisset adultum, & multo sanguine pollens animal, modo quo dum in utero degeret, in venturum usum fœtui non essent fabricati.

Peragitur hæc melioratio, non intentione pulmonis, sed agentis animæ: partes sanguine oneratæ eum, aut renitentia, sua mole, aut contractione, ulterius, ut inde liberentur, movent: sic cor, ab exprimente auricula, sanguine ad distentionem impletum, ut ab ista molestia liber fiat, eundem promovet.

Instituitur itaque, in bonum partis moventis, motus, non vero semper rei motæ, quod in recrementis evidens est: alterius etiam gratia partes non agunt, sed, in proprium commodum, quæque familiaria admittunt & noxia abigunt. Sub isto numero comprehenditur cor, cujus intentio non est, cum in aortam sanguinem impellat, partibus nutrimentum præbere, sed sibi illam molestiam arcere; cæterum gubernantis animæ munus est, organis rite dispositis, singulis partibus alituram largiri.

III. Partes omnes in principio obscuram quanquam habeant delineationem, conspicitur tamen primo pulsans vesicula, quæ temporis progressu carnosior facta, utriusque auriculæ formam adipiscitur: quare, si aliquid primum nasci dici mereatur, ante partes alias auricula generatur, quæ, præterquam quod omnium prima movetur, etiam ultima à motu desistit: non vero carnosa illa pars ventriculos constituens, in cuius carne & sinuum dispositione, motum omnem (quamvis is ab eo, qui primus in embryone & ovo conspicitur, diversus sit, & eundem subsequatur) omnemque potentiam & facultatum scaturiginem collocant.

Sed neque hæc ipsa (auricula scilicet) sanguinem generat, sed à toto confluentem accipit, à quo etiam producitur.

IV. Vitiato jecinore vel liene, non tamen ultra metam corrupto, sanguinem generari bonum, aut non excessive pravam, certum est: unius interdum leve vitium, cæteris juvantibus sanis, natura sine magno detrimento tolerat: sed hepate vel liene omnino aut graviter corrupto, corpus aut cor posse sanum esse vel robustum, non credo.

Constat, liene obstructione laborante quoniam sanguis inde non bene diluitur

cor palpitationibus vexari: mala etiam, quæ partes toti inservientes afficiunt, toti corpori obesse solent.

Pluribus ad unum opus contribuentibus partibus, earum una vel altera male habente, si tota non abolitur operatio (diminute vel depravate sæpe peragitur) cæteris sanis hoc imputandum est; cordi id ascribere est inconveniens, præcipue cum nondum constet ejus opera ad sanguificationem esse opus.

Asserere inde grave est quamlibet, circa cordis temperiem, passionem facere ut sanguis aut bene aut secus excoquatur; nam plures partes sunt, quarum perversa dispositione aliarum eucralia evertitur, modo in consensum trahantur: quid vetat corde male affecto, propter viciniam pulmones vel alias affici, quæ ad hæmatosin pertinent? dein ut plurimum cordis temperiem, ab alterius depravata, vitiari contingit, ut cordis affectus alterius symptoma, non vero causa sit. A qua parte læsa læditur actio, ab ea sana editur.

V. Nullam partem ali, nisi sanguine qui prius cordis ventriculos transierit, in confesso est; nutrimentum vero in eo elaborari, ut melius alere possit, negamus; sed in foetu sanguinem in vesicula prius conspici, & dein hepatis parenchyma, imo, ipsius cordis car-

nem temporis progressu inde generari , verum est : sed quoniam inde desumpto argumento probetur , sanguinem , in auricularum sinibus , vel cordis ventriculis mutari elaborarive , aut aliquam alendi nanciscendi aptitudinem , non video.

Neque quidquam urget ex hepate persæpe profluxisse sanguinem crudiores , is multis reiteratis circulationibus excoctus , & à recrementis purgatus , idoneus redditur , neque opus habet ut in hepate denuo coquatur aut in corde perficiatur ; solum , ut huius ope , postquam in pulmone novam singulis vicibus polituram nactus , in arterias impellatur , necessarium est.

VI. A corde omnem animantibus calorem accedere verum est , non quia cæteris visceribus magis calet , sed quia , per accidens scilicet , huius motu in partibus , per quas subito transit sanguis , excitetur : signum evidens sanguini in corde à calore perfectionem non accedere , adeoque cor primariam sanguinis officinam non esse.

C A P. XI.

Instantia supra datam responsionem à Cartesii methodo desumpta : quare venosus arterioso sanguis crassior : sanguificationis organum cor non esse, neque ipsi consummationem imponere probatur.

PRO instantia super hac responsione inseruit, & sanguinem elaborari in corde probare videtur, cum ibi evidentem mutationem subeat : hoc firmatur asserto Clarissimi Nobilis Viri R. Cartesii, qui in probationem sui ignis, quem statuit à Deo in animantium corde conditum, omnis motus & actionum (sic etiam circulationis sanguinis) auctorem esse, hæc method. pag. 47. adfert. *Differentia quæ observatur inter sanguinem qui è venis exit, & eum qui ex arteriis promanat, aliunde oriri non potest, quam ex eo quod transeundo per cor rarefactus & veluti destillatus fuerit, atque in subtilior, vividior & calidior sit, statim atque inde exiit, hoc est, cum in arteriis continetur, quam esset paulo antequàm in eas ingrederetur, hoc est, cum in venis stabulabatur. Et si probe attendatur, comperietur, hoc discrimen non apparere manifeste, nisi in vicinia cordis ; minus autem in locis ab eo remotioribus.*

Assumit Clarissimus Vir arteriosum sanguinem venoso tenuiorem esse ; neque

abs re, siquidem venosus effatus nonnihil aereæ substantiæ deposuit, & quam adhuc servavit forte, fuliginosior & tardior, vivacitatem priorem non retinuit; cui accedit, quod liquoris nonnihil insensibili transpiratione, etiam cum sudore & urina separatum & excretum sit: si crassitiem aliquam in partibus exterioribus refrigeratus acceperit, cum frigore hanc deposuisse confido, antequam ad cor devenit sit.

Concesso arteriosum venoso tenuiorem esse, tenuitatem arterioso accedere posse negat, nisi quod à cordis calore sit rarefactus & quasi destillatus (de cordis calore paulo post agere decrevimus) ratio ejus est, statim ab exitu subtiliorem, vivaciorem, & calidiorrem esse quam ante introitum. Si clarissimus Vir introitum prioris & exitum posterioris ventriculi intelligit, concedimus sanguinis consistentiam imo colorem nonnullam accepisse mutationem, non vero in corde, sed in pulmonibus ob rationes antedictas: si vero de singulorum exitu & introitu loquatur, expresse negamus, sanguinem ventriculum dextrum consistentia alia egredi, quam intraverat; neque unquam destrabitur sinistrum ventriculum sanguinem crassiorrem ingredi, quam paulo post egreditur.

Sanguificationis organum cor nominare
quam

quam sit absolum exinde patet ; quod ea , non ab una parte seu instrumento, sed à pluribus perficiatur ; dum enim plures sanguinem constituentes res concurrere, & diversimode elaborari conveniat (quemadmodum non omnis fert omnia tellus) nec una pars, res specie tam diversas suppeditare , nec tam diversas operationes præstare , nata est.

Si porro consummationem sanguini à corde imponi quis dicat, hisce credo argumentis evincetur.

Primo, quia in corde sanguini nihil quidquam additur vel adimitur : in ventriculo adjicitur cibo potuique assumpto liquor ex ejus tunicis in capacitatem exsudans ; in intestinis tollitur quod crassius & ineptum est ; in pancreate & mesenterii adenibus, ~~quo~~ sanguinis justa quantitas additur , quæ ad majorem dilutionem in portæ ramis, administrante liene aliisque visceribus , egregie augetur, ut tandem ab hepate , addita , mediante sua cysti, bile, absoluto per Dædalios meandros cursu, exinde una , undique similis, massa constituatur.

Cordis opera nihil hujusmodi sanguini advenit, dum nulla sunt administrantia vasa, quæ vel quidquam adferant , vel ab eodem separati aliquid abducant.

Arterias coronarias iisque junctas venas

S. 3.

præ-

præstare hoc nullus puto existimat; minores enim sunt quam ut communi & tam magno operi inservire possint.

Solent perquam bene auctores , Medicinæ proceres , ex vasorum magnitudine , dum cernerent longe majora parti cuiusdam contigisse quam pro administrando nutrimento indigeat , metiri , alterius gratia , à nihil frustra faciente natura , id esse factum : liceat sic etiam nobis , ab eorum exiguitate sumpto argumento , concludere , non alteri munerì , quam alendo cordi coronarias esse datas : tanto magis , cum partibus aliis secundum hanc fere proportionem vasa tribui constet.

~~Et~~ sanguini à corde impartiretur perfectior , ad minimum aliquam inde subiret mutationem ; cum nulla percipi possit , sed qualem ab auricula accepit dexter ventriculus , talem in pulmonis arteriam exonerat , talem etiam , qualem sinistra largitur auricula , sinister aortæ sanguinem tribuit : mutationem vel color , vel consistentia proderet.

Qui cordi hæmatosin ascribunt , ventriculo ejus sinistro majorem inesse potentiam statuunt ; sed vide sis , quanta exinde sequatur absurditas ; pulmones imperfecto alerentur sanguine , quia ab aorta , vel sinistro

stro ventriculo, ne quidem arteriolam accipiunt; neque retrograde perfectum, sanguinis motu & valvulis impredientibus, habere possunt.

Ratum itaque sit & certum, cordis ventriculos sanguini solummodo meatum, quem cum venis & arteriis habent communem, exhibere; carnem vero eundem fortius impellere: cum enim venæ auricularum adjumento in longe distita membra sanguinem invalidæ impellere non possent, cor ipsis pro juvamine adjunctum videtur, ut viribus pollens majoribus, auricularum defectum suppleat.

S E C T I O N I S III.

C A P U T I.

Anne cordi major insit quam visceribus aliis calor: affirmantes veterum rationes impugnantur: Cartesii de calore sententia: hanc quenam applausibilem faciunt, cordis compositione & rationibus renitentibus: auricularum motus cordis prior & posterior.

DUCIT nos ordo ad tertii propositi examen: Anne cordi major quam

visceribus aliis insit calor? Quæstionis hujus affirmantes partes eo usque sustinent veteres quotquot sunt & nostri ævi philosophi, ut tanquam axioma à nemine vocetur in controversiam; & quemadmodum numeros, ad id quod cognitissimum est, probant vulgo, eodem quali modo huic sententiæ, tanquam firmo omnibusque cognitissimo fundamento, superstruunt unanimiter omnes cordis præminentiam & principatum super aliis partibus, omnesque eidem potentias ab omni ævo concessas, & nostris etiam temporibus ascriptas

Aristot. de juvent. & senect. lib. cap. 4. ex corde principium caliditatis & animam tanquam in hac parte ignitam, dependere dicit.

Galen. lib. de form. fœtus cap. 3. cor, quasi ignis focum, animalia sortita esse asserit.

Ab hoc calorem, quo corpus animalis ad tactum calidum apparet, in omnia membra diffundi vulgo existimant.

At tactus de calore sententiam ferre potest, neque fides abroganda de proprio obiecto ferenti iudicium: aperto vivi animalis pectore, tantus calor in corde tactu non percipitur, neque exploranti major quam aliorum viscerum observatur.

Medici omnia quantum possunt sensu di-

disjudicant, & quod imperceptibile est, nulum esse dicunt : annon jure major in corde calor esse negatur, quia tactu imperceptibilis ? Non inferendum est manus cuticulam nimis esse densam, neque eandem frigidiorē ; per moram innotesceret, multum enim refrigerati luculenti ignis calorem non statim sentiunt, quem postea non ferunt.

Animadvertendum etiam est ad cordis substantiam, num sit ad hujusmodi calorem satis apta : potenter agenti respondere debet idoneum subjectum ; caro tanto calori ferendo non est ; si ab eo humorum fiat ebullitio, ipsa caro facile elixaretur vel affaretur : non satis est lampadi oleum, sed & elychnium requiritur subsistens & in flamma durabile.

Calor hic cordis est ingenitus vel ascititius, ille à novo adventitio succo tandem diminueretur & extingueretur, siquidem aliquid addi non potest quod æque calet, nam à corde ipso tanquam ignis foco calefieri debet ; atqui omne agens reactionem patientis ferre debet, unde tandem obtunditur ; tepidum etiam caloris æstum mitigare notum est.

Aliunde debet accedere ascititius ; sed unde, quæso, is procedet ? an à parte minus calente mittetur ? an à pabulo susten-

tabitur extraneo? aliud pro nutrimento cordi non advenit, quam per arterias stephaleides; neque earum sanguis alius est, quam qui toti corpori in nutrimentum exporrigitur.

In aliis partibus calor hujusmodi vel major forte excitaretur: sunt aliæ concipiendū calori aptiores, sicciore nimirum; quo etiam densiore inhæreat subjecto calor, eo intensior est.

Clarissimus Vir *Renatus des Cartes*, cujus ingenium non solum admiror, sed & philosophiam maximi facio, *lib. meth. p. 40. & 42.* auctor est, in corde humano Omnipotentem excitasse sive collocasse calorem seu ignem non lucentem (haud absimilem illi, quod fœnum incalescit, quando non siccum satis congestum est, aut quo mustum super vinaceis relictum ebullit) omnes corporis actiones exercens præter cogitare, quod solum hominibus, tanquam ab anima rationali procedens, inter animantia proprium esse autumat.

A calore hoc sanguinis guttas in cordis sinus illabentes ait statim inflari & dilatari (aliorum liquorum modo cum guttatim in vas excessive calens cadere sinuntur) unde tam arterias (nam eodem tempore portionem in eas aliquam dicit illabi) quam cordis parietes attolli, valvulas intermedias
ape-

aperiri, & in toto diastolem excitari; sanguinem vero, quia in arteriis refrigeratur, detumescere, valvulas dictas claudī, tam cordi quam arteriis induci systolen, venarum valvulas aperiri, ut novo sanguini liberum faciant introitum, contendit.

Hunc sanguinis motum necessario sequi, ait, ex organorum dispositione, quam oculis videmus, calore digitis perceptibili, & sanguinis natura, quam experientia cognoscere possumus.

Placuit multis hoc effatum: applausibilius equidem est motus in animalibus causam ē re evidenti colligere, quam ad animam, cujus nos nescire naturam fateri cogimur, confugere: cui accedit, quod animalis vita, à calore inchoari, & in frigus terminare, quam evidentissime cernatur.

Sed ab organorum dispositione, perceptibili calore, sanguinisque natura (ad quorum tribunal Cl. Vir causam suam dijudicandam offert) tanquam statera bene pensata re, sanguinis quidem talem circulatorium esse motum, sed à longe alia causa procedere, patet.

De calore egimus, organorum videamus dispositionem. Cordi concessa sunt quatuor communi operi vasa inservientia, duæ venæ, totidem arteriæ, binis ventriculis, dextro & sinistro aptatæ; utrique vena con-

tigit.

tigit & arteria, à venis acceptum sanguinem in arterias pari quantitate exponunt : venæ dotatae appendicibus sive loculis carnosiss (auriculas vulgo vocant) contrahendi vi præditis, præter innumeras, quibus, propter commodiorem sanguinis profectionem, scatet, valvulas in cordis introitu habent quinque, quæ à sanguine transeunte, sponte aperiuntur, à conante regressum clauduntur ; quarum tres venæ cavæ ad orificium dextri ventriculi, duæ venæ pneumonicae orificium sinistro ventriculo occludentes, contingere.

Arteriæ neque in meatibus valvulas, tanquam inutiles (quia ipsarum actio est ubiq; una; nam omnes simul eodemque tempore dilatantur; simul omnes, eodem momento, ad priorem constitutionem tendentes contrahuntur, vel ob externam prementem molem collabuntur) ullas, neque appendices seu auriculas, sed earum loco, cor affixum habent, in cujus exitu ab utroque sinu tres patentes itidem adnexæ sunt valvulae, quæ, à sanguine regredi nitente, propter arteriarum contractionem, clauduntur.

Organis sic rite dispositis, ipsis oculis æquus iudex tumentes sese auriculas cernet contrahere, & contentum sanguinem nullis resistentibus valvulis in ventriculos exprimere, atque cor exinde in tumorem attolli,
&

& in diastolen exsurgere ; hoc distentum, dum onus suum conatur contractione excutere, clauduntur à compressione, quæ prius patuere, valvulæ auriculis appositæ, sponte viam concedentibus, quæ arteriis respondent.

Sed quia necesse non est, ut paribus viribus utrique concurrant ventriculi; dexter in solos pulmones, eosque vicinos, sanguinem deponit; sinister vero toti corpori ministrando inservit, eundem extremis longeque difficis, imo resistentibus partibus largitur.

Hinc monet cordis dispositio hauriendam esse rationem, quare tanta carneæ mole sinister sepiatur, cum dextro tam tenuis, alteri comparatus, contigerit paries.

Notandum insuper, ob eandem rationem, valvulas cordis operationi resistentes, imparibus donatas esse fibris (lacertulos vocant) in sinubus è parietibus exortis & valvulis insertis, ut sint tanquam funes & retinacula, quæ inhibeant, ne, in contractionibus, eæ ultra metam adactæ, retinendo sanguini reddantur inutiles : in sinistro enim ventriculo copiosiores & multo firmiores reperiuntur.

Arteriæ dum patentibus valvulis hoc sanguine affatim & insultu implentur, in molem attolluntur & in diastolem exsurgentes,

gentes, pulsum faciunt; reititibus vero & sese contrahentibus iisdem, à sanguinis compressi mole, clauduntur valvulæ earum oribus oppositæ, & ne is denuo in cordis sinus recurrat, impediunt.

Hunc, propter cordis dispositionem, confectaneum in motu ordinem, imo ipsam actionem, agendique modum, in vivo animali, præcipue majori (quia cordis collapsus & exsurgentia ob magnitudinem melius potest discerni) & moriente (cum sint tunc tardiores motus) non solum visu, sed etiam tactu percipere facile est.

Cor fibras suas contrahens, & coactis viribus basi innitens, quo tempore mucronem attollit, pectusque, exterius perceptibili pulsu, percutit, fit ad visum mole minus, & ad tactum præterquam quod contractius & durius sentiatur, ejus diminuta quantitas, cum elevatur apex, apprehendente manu perbelle observatur sciscitaturque.

Addamus rationes. Partium omnium actiones cum contractione peragantur, quare cordi hoc denegabimus? constat enim carne contractili, instar musculorum firmiore tamen & validiore.

Adde quod, si hæc ab inflatione & detumescencia sanguinis attolli & concidere deberet, inepta foret; nam tam vasta consisten-

tia,

tia, forti & vehementi actioni, magis convenit; flaccidior passioni aptior est.

Si à præcedente auricularum contractione, qua sanguinem eæ exonerant, cor in molem attolli videatur, non imputanda diastole est calori dilatanti : sed prius verum : ergo.

Auricularum motum præcedere, & semper à principio præcessisse, in ovis singulis consequentibus diebus apertis luculentissime apparet. In hisce primum vesicula pulsans conspicitur, cui in dextram auriculam mutata, tandem cor adnasci cernitur.

Hoc & ratio monet; nam auricula eundem pulsandi rhythmum, quem vesicula habebat, servat, cor ab eo diversum & distinctum motum habet.

Auricularum quia motus prior est, à cordis motu non dependet; ab ea agente cor immediate attollitur, non vice versa, nam immediate à corde nihil accipiunt.

Manifestum hoc etiam est, quia, corde non amplius pulsante, imo mortuo, adhuc auricula quælibet suo ventriculo respondens pulsat. Non pulsante plus ventriculo sinistro, pulsat proxima auricula; ea mortua, sinus dexter adhuc vivere cernitur; quo cessante, supervivit dextra auricula; hac à motu abstinente vel ad minimum conspicuo, observatur tremulus nonnullus in sanguine

guine motus , à levi auriculæ morientis conatu in mobili sanguine (ut opinor) excitatur.

Partium itaque dispositio agendique ordo quasi digito indicat cor impletione attolli; non vero ab intenso calore, sanguinem ineptum ad tam subitam elevationem , dilatante extendi ; ingenitaque vi molesta arcendi, sua contractione acceptum in arterias deponere , sicque alternas diastoles systolesque , ab auriculis cordi , à corde arteriis excitari.

C A P. II.

Quenam ex sententia de sanguinis inflatione Cartesii consequantur absurda.

Videamus quænam doctrinam hanc de sanguinis subita inflatione & quasi ebullitione sequantur absurda.

Cogitur clarissimus Vir statuere uno eodemque tempore peragi & cordis & arteriarum diastolen : quod si verum, inutiles sunt harum ostiis appositæ valvulæ, quod, cum natura nihil facit frustra, absurdum est asserere.

Notum est arteriis nullas contigisse , quia earum una, ubique per totum corpus, est simul incipiens & definens diastole & systole, quæ si per cordis sinus simul extenderentur,

tur, non minus ibi valvulæ, quam in arteriis, frustraneæ essent.

Adde quod nulla etiam illarum valvularum esset necessitas, quia nihil in arteriis, quod sanguinis regressum urgeret, reperiretur; contrahendi vi non pollent, clarissimo Viro auctore; neque in corpore conceditur frigus constrictione reperiens, quale etiam clarissimus Vir non desiderat, sed solum minorem calorem, quo sanguis detumescat, ut systolen faciat.

Secundo, sequeretur valvulas arteriis junctas, à refrigerato & detumescente sanguine claudi; quod est, illo tempore, cum eas claudere sanguis minus valeat, aut opus sit, scilicet cum minus plenæ sunt arteriæ: verbo dictum sit, cum non conceditur occasio, nec potentia; nam propria non clauduntur contrahendi vi, neque cordis (quam in epistolis ad Lovanensem Medicum negat) neque arteriarum, sanguinem urgente, seu comprimente.

Præterea, si cordis systole fiat cum in arteriis refrigeratur sanguis, sit hoc, aut quia in iis, densato sanguine, conceditur è corde egressuro locus; aut quia una refrigeratur, qui in cordis sinubus est sanguis, ut una concidat.

Si prius verum, subsequitur cordis systole illam, quæ in arteriis est; hoc est, distincto

Et o tempore fit ; quasi dicas , à frigore densatur sanguis , qui in arteriis est , quique inde fit mole minor , hinc aperiuntur valvulae , & elabitur è ventriculis sanguis alius ; quod omne uno tempore fieri non potest : probatur ; quia , si valvulae arteriarum post cordis diastolen statim clauduntur , detumentibus adhuc arteriis (nisi illa cessaret non claudentur , nam sanguis egrediens , & extraneo non minus in agendo pollens , non sineret eas claudi) fieret utraque clausio & apertio harum valvularum in arteriae systole.

Si potterius verum ; quare non refrigeratur à frigidioris sanguinis guttis ingredientibus ? venarum siquidem arteriosus frigidior , magis etiam in pulmone refrigeratus ; atqui ab hoc inflatio augetur : unde sequitur , quod , in uno eodemque objecto , minus frigans majores edat effectus magis frigido.

Denique si , quod à calore liquefcit aut rarefit , id ipsum à frigore durefcit & densatur ; tenuitatem à cordis calore acceptam , in arteriis causa frigoris etiam amitteret sanguis : quod si verum , quomodo poterit poni inter venosum & arteriosum differentia , quae Doct. Harveio pag. 47. metho. objicitur ?

Non accipimus responsionem (p. 136. & sequent. epistol. quaest. I. Beverovic.) datam ad
ob-

objectionem Medici Lovaniensis (*ejusdem libr. pag. 124.*) in qua præterquam quod concedat Clarissimus Vir sanguinem ex arteriis per extremitates in venas influentem, nullam ibi pati mutationem, ait, *in venis semper esse aliquas guttas, quæ ex arteriis non fluxerunt, quia nempe ab intestinis in illas semper aliquid humoris illabitur; itemque venas omnes una cum hepate instar unius vasis esse spectandas: nec non, contra positionem (pag. 47. method.) propriam sanguinem debere easdem qualitates, quas acquirit à corde, in omnibus arteriis retinere. In hepate sanguinem fieri rubrum, atque ideo in venis nisi rubrum reperiri.*

Ab intestinis ad corporis venas non est via nisi per portam & hepar, quod ipsum nisi ramum à cava habet, cujus sanguis contra flumen natare non didicit, neque illi magis, quam è corporis habitu remeanti, valvulæ patent.

Præterea, si densatur & incrassatur sanguis magis, quo longius à corde recedit, quomodo capillares imo multo minores arteriolas ingreditur, etiam corporis poros permeabit ut alat? corporis enim minutissimæ portiunculæ, secundum omnes dimensiones nutriuntur & augentur, non externa appositione.

Pedetentim etiam sanguinis motus progre-

grederetur, si inflatione tanquam ebullitione & refrigeratione peragi debeat (velocitas, quæ à calore datur, à frigore adimitur) præcipue si guttatim procederet; etiam si tantum guttæ maxima pars simul e corde egrediatur, licet guttæ magnæ sint: nam guttæ, guttarum terminos non excedunt.

Sed quare guttam tantum uterque ventriculus sanguinis admittit? nihil obest, quod non integer, antequam elevari possit, impleatur: in procinctu est sanguinis copia, auricula premens, lata via, & patentes valvulæ; præterquam quod tantam quantitatem cordis aucta & diminuta moles, atque artieriarum per totum corpus elevatio transire demonstrent.

Aperta majori arteria omnis sanguis effluit; quod guttatim si cor ingrederetur, quamvis etiam magnæ guttæ essent, fieri non posset.

Quidnam quæso sit de sanguine cordis substantiam per coronarias arterias intrante. Anne & is inflatus in majorem molem attollitur, & retro movetur? Anne vero in cordis carne, ubi maximus debet esse æstus (quia inde ventriculi calent, dein propter quod unumquodque tale est, illud maxime tale est) refrigeratur? non est credibile: venæ arteriis magnitudine respondentes, non
alium

aliud quam ab alia carne remeantem accipiunt.

Hiscæ adde, quod ligatura in vivo animali intercepta aorta, oculis cerneretur inflatio sive ebullitio, nec tam subito cessaret præcipue adhuc pulsante corde.

Cor è corpore exemptum, nullo ventriculorum servato ordine, si secundum longitudinem, vel transversim, utcunque libitum fuerit, in plura frustula dissectetur, nullis servatis ventriculis (qui occludi debent antequam latera elevari possint, in auram alias abiret elevantis ictus) unumquodque frustulum aliquamdiu salit, imo sese contrahendo & erigendo, ambientis aeris molestiam conatur excutere, postque singulos insultus (quibus frustula minora fieri facile cernitur, præcipue si majora inspiciantur) laxatum concidit, ab opere desistit, & post quietem exilem, primo satis brevem tandem longiorem, erectionem repetit; si interim acu vel stylo pungatur, aliave molestia afficiatur, in diversos novosque se erigit subsultus ut injuriæ externæ se opponat, sine ullo caloris, ebullitionis, aut dilatationis, ingredientisve humoris indicio.

Non aliter in corpore cor integrum solet, à distendente sanguine illatam molestiam, sese contrahendo, arcere, postque singulas actiones ab opere desistere & quiescere; quo
tempore

tempore denuo ab auricula novo sanguine impletur & obruitur, ipsique rursus contrahendi occasio offertur.

Contractionis hujus cum calor, ebullitionis aut dilatationis auctor (cujus omnino contrarium effectum patet esse) causa dici non possit; ab anima opifice, actionum omnium causa efficiente, secundum ubique ab omnibus receptam opinionem, ego ad contractionem vivificatum corpus impelli existimo.

Nullæ corporis dispositi actiones peraguntur, nisi cum partes arcent aliena & molesta; contractione una pars alteram movet extenditque; in contractione & subalterna quiete consistit vita, quæ, à contractione inchoata, quiete terminatur.

Ab hac opinione non abducit me Clarissimus Vir sua quæstione Lovaniensi Medico, *Epist. quæst. Beverovic. pag. 127.* pro exempti cordis motus causa disputans: quo pacto ab anima humana ille motus pendeat, qui etiam in cordis partibus divisis reperitur, cum animam rationalem indivisibilem esse, & nullam aliam sensitivam vel vegetantem sibi adjunctam habere sit de fide? Cæterorum animantium motum animæ non videtur hac quæstione derogare, difficultatem solum movet super anima humana, quæ me minus angit, hæc enim sub nulla dimensione comprehensa &

incorporea, cum non amplius suo corpore finita est, nec circumscriptionem, nec divisionem ullam pati potest, nec passura est, antequam extremo die suo corpore denuo vestita judicanda resurgat.

C A P. III.

De calore sanguinis : caloris definitio: elementorum qualitates in mixto manent : unus in omnibus calor solo gradu differens : quomodo calorè sanguine eliciatur.

EX hisce ego satis superque elici posse confido, nullos in corde elaborari spiritus; nullamq; sanguinem in eo pati mutationem, multo minus perfectionem acquirere; deniq; majorem in corde quam aliis visceribus nullum esse calorem. Quid de principatu, & imperio, quo in corpore pollere dicitur, sentiendum restet, sit penes æquos iudices.

Unum adhuc solvendum superest; unde scilicet calorem nanciscatur sanguis, & unde partibus vividus reficiensque calor accedat, si à corde eundem non habeat: certum enim est calorem cum sanguine in partes omnes deferri, partium inde calorem augeri, easque inde refocillari; quo etiam plus habemus sanguinis, eo nos plus calere.

Calor tactibilis qualitas, calidique subjecti
forma,

forma, elementi ignei est effectus : definitur Philosopho qualitas activa , homogenea congregans , heterogenea segregans : motu hæc peraguntur , motu mixti compages dissolvitur , & singula dissoluta ad sua primordia moventur, cum ignis activa sua vi mixti (quod contrariorum unione constat) partes movendo concitat & disjungit : singulis ad sua tendentibus , facillime igneæ particulæ, ubi major est confluxus, junguntur, unde ignis vires assumens, majorem combustibilem particularum motum excitat.

Præbuit hoc forte ansam Doctissimo Viro H. Regio, quod (*disput. medic. prim. thes. 17. & fundament. physic. p. 98.*) calorem vocaverit variam agitationem seu motum insensibilem particularum.

Mihi non motus aut agitatio esse videtur, sed aliquid, quod motu è subjecto produci-
tur modo dicto : è quo facile capitur ratio, quare, quo motus sit fortior & celerior, facilius in rebus calor excitetur ; nam heterogenea quanto citius magisque separantur, tanto igneæ particulæ, in omnium rerum fabrica convenientes , commodius conjunctæ vires suas exerunt & calorem inducunt ; qui augetur, cum aliarum rerum compagem dissolvendo, sibi igneas particulas, ex ista materia effluentes, copulet.

Constant enim cuncta quatuor elementis,
quorum

quorum singula suis integris concurrentia viribus, dum mixtum constituitur, qualitates integras servant, & data occasione exerere nituntur, naturaliterque exerunt, quantum compages ferre potest; & quamvis eas potentiori formæ subicere cogantur, non tamen intereunt, neque etiam unum in alterum mutatur.

Nullius exitium patitur natura videri.

Igneæ particulæ in tantum ab aliis concurrentibus elementis obtunduntur, ut tanquam sopitæ nullas exerere vires possint, & ne sensum aliquando moveant, imo omnino extinctæ videantur; quæ tamen motu & contritione, præsertim in rei dissolutione, aliave iuvante causa, unitæ, non solum calefaciunt, sed interdum urunt & flammam movent.

In nimis fortiter mixto, quam ut dissolvi queat, illæ externi ignis adjumento adeo nonnunquam intenduntur & in actum moventur, ut alias elementares mixti partes longe superent; quæ tamen, externo agente ablato, ad naturalem constitutionem mox redeunt.

Quamvis ignis actiones, pro gradus excellentia, tam in animali, quam in re inanimata, varias edat; in omnibus nihilominus unus idemque calor est, elementaris scilicet, neque præter eum ullus alius reperitur, sive

constituens , sustentans , seu interimens dicitur ; sive coelestis , naturalis , temperamenti , innatus , insitus , influens , sive præternaturalis , febrilis , universalis , particularis , sive alio quovis nomine indigetur , solo modo & graduum exsuperantia distinguitur , non secundum formam.

Neque aliter differt , qui externo tactu percipitur in vivente , ab eo , qui ad compositionem partis alicujus confluit , cujus forma etiam post mortem aliquamdiu persistit , quamvis omnis antea perceptibilis calor effluerit , totumque cadaver frigere sentiat , donec putredine ejus compages dissolvatur , & singulae particulae ad sua primordia recedant ; quo motu igneae conjunctae , calorem faciunt tactu perceptibilem , præcipue eventilatione prohibita ; ea enim libera , in auras diffarentur antequam unius & sensibilem calorem efficere possent.

Si in corpore vivo alicubi contingat infarctum putrescere , id tandem eruptione facta turgens , cætero humori mixtum ejusdem calorem auget ; nam acrimonia , aut aliena qualitate molesta partes irritando , & ad celeriores propulsiones eas incitando , sanguinis efficit motum citiorem , unde major calor inducitur : non aliter (si non magis) quam si cibus potusve calefaciens , multas igneas in se habens

habens particulas, pro nutrimento assumptus esset.

Quemadmodum extra animalis corpus excitatur produciturque calor, cum scilicet suis vinculis liberatur, sic is, in eodem, motu creatur, & è nutrimento educitur: hoc à partibus (ab anima vivificatis & impulsis) agitatur, concitatur, minutissimeque dividitur; in qua actione, celeri & indefinenti motu convenientes ignei (liceat sic dicere) atomi, vires suas, uniti, calore manifesto, elucescere faciunt.

C A P. I V.

Quæ requirantur ut sanguis possit caleferi: sanguis unde mobilis: quomodo fiat nutritio: minutissime sanguis divisibilis.

Requiritur in actione hac seu caloris in animali productione, primo sanguinis mobilitas; dein, aliquod movens; denique, viarum dispositio per quas moveri, & quibus, tanquam terminis, movendus contineri possit.

Mobilitatem partim à sero habet, sed maxime ab aere, qui in pulmone sanguini additur; hoc mediante in tenuissimas partes indefinite divisibilis, omnes etiam quam densissimas partes pervadere potest.

Tanta est inter divisibilitatem mobilitatemque

temque affinitas , ut quo aliquid facilius ; minutiusque dividi natum est, eo est mobile magis. Mobilitas summopere sanguini est necessaria propter nutrimenti distributionem.

Nutritio enim humoris nutritii cum singulis partibus unio est & assimilatio, quoad nutrimentum unum simile vivens deveniat cum parte nutrienda ; non externa appositione peragitur , sed id membrorum etiam minutissimas particulas eatenus penetrare & pervadere debet, ut iis secundum omnes dimensiones addi & uniri queat.

Observandum itidem est, non totum, qui advehitur, sanguinem uniri; habet siquidem in se idem varias & diversas particulas, quarum nonnullæ isti, cæteræ alteri parti magis convenientes & aptæ sunt ; nullæ tamen , nisi similes quæ sunt , appositæ adhærent & debite assimilantur , reliquæ ineptæ ultra tendentes in venas remeant : si major, quam quæ exhausta est, copia additur, fit accretio ; si vero portio prius adhæsi una rapiatur, fit decretio & partium extenuatio.

Sanguinis mobilitatem demonstrat ipse præparandi modus : non enim in vasa lactea nisi tenuior mobiliorque chyli portio admittitur , quæ postquam mesenterii glandes & pancreas prius transierit, percolato venoso sanguine

sanguine diluta, & aliquantula bile mixta, vastam parenchymatis hepatis substantiam percurrit, & tandem in pulmonibus aere imbuta mobilitatis requisitam perfectionem adipiscitur: quam autem mobilis divisibilisque sic præparatus sanguis sit, docet quæ in singulis partibus nutritio & auctio hoc mediante peragitur.

Quantum etiam ea divisio ad caloris præbeat educationem, ipsa experientia testis est; attrita siquidem & levigata medicamenta multo citius potentiusque agere, quam integra conspiciamus.

Galenî locum afferre lubet, qui, lib. I. de med. simplic. facult. cap. II. sic habet. Eorum, quæ facultate calida esse in confesso est, nullum omnino nos calefacit priusquam tenuissime sit comminutum: piper integrum corpori appositum, nullam caliditatem edit: si pollinis instar cuti linguæve inspergatur, excalefacit; præcipue si fricetur.

C A P. V.

Quare moveri sanguis debeat: præcipuum movens instrumentum cor: transeuntis copia unde colligatur: cordi auxiliantur arteriæ: harum agendi vis probatur: quid ad motum singulæ præstent partes.

Mobilitas hæc sanguinis ad caloris productionem non sufficit sola; nisi enim is à

quodam urgente impellatur , & motu celerius concitetur , non caleferet ; particulæ quoniam igneæ nisi conjunctæ calefaciunt ; motu eæ celeri eliciuntur , dum enim præ aliis celeritate pollent , ante alias exsiliunt , & vinculis liberatæ coeunt , ut vires exercent.

Quamvis , ut moveri possit , sit dispositus sanguis , quia tamen vita destituitur (non minus quam spiritus , si ulli in corpore reperiuntur) semet ullo modo movere non valet ; ab anima enim omnis est actio : neque aliquid nisi animatum sentire , aut se movere potest ; solum ea corpus & ejus partes vivificat , quibus ordine & debite aptatis suas potentias in actum ducit.

Hæc anima motrix & impultrix ad opus hoc in primis cordis utitur ministerio , quod vasta contractili carne dotatum , acceptum ab auriculis sanguinem (sine alia , quam semet à molesto pondere liberandi , intentione) in arterias onus hoc , sese contrahendo , promovet , tam crebris & celeribus pulsationibus , ut ex illis , nec non contracti & dilatati cordis comparatione , ostiorum patentium magnitudine , & arteriarum per totum corpus ad singulas cordis contractiones , tangibili elevatione , facta conjectura colligere facile quisvis possit , quam celeriter perenni motu sanguis partes omnes pererret atque transeat.

Cordi

Cordi in actione hac secundant arteriæ & cæteræ partes omnes: illæ impletæ & cordis agendi vi distentæ, cum contrahuntur & vicinarum mole premuntur, in singulas partes, pro re nata, eundem dispensant: pneumonica scilicet in pulmones, aorta in integrum corpus, nulla gravitatis, aut levitatis facta differentia: neque enim levior sursum, aut gravior deorsum tendit; sed uno impetu sine aliquo discrimine ad minus re-nitentes, aut magis inanitas partes move-tur.

Ne quispiam existimet, quoniam dictum antea est, ab impellentis cordis actione, in arteriæ vulneratæ diastole, sanguinem impetu proflire, ideo sanguinem propellendi omnem vim à solo corde manare, neque arterias ad id quippiam tribuere, quoniam, dum implentur, exsilire is videatur.

Non concluditur inde sanguinem in arteriarum systole ulterius non moveri; collabuntur enim & contrahuntur ut denuo in diastolen insurgere queant; & quamvis tunc è vulnerata arteria tam magno impetu, ut salire possit, non egrediatur, elabitur tamen quemadmodum è vena, & quantum concidentia labia effluere admittunt.

Quanta arteriarum in protrudendo sanguine sit potentia, manifeste ab injecta ligatura patet; vix enim ea, in vivente, arteria

etiam magna constringitur, quin statim ultra vinculum, tempore, quo vix tres quatuorve pulsationes peragerentur, omnino inanitur, quamvis à corde, impediens fascia, nullum procedentem sentiat impulsu.

Partes omnes & singulæ nutriendæ, diætarum arteriarum actione, sanguine seu alitura usque adeo imbutæ (ut etiam distendantur & intumescant) alienum omne & molestum naturaliter exprimere & expellere tentant: nam præterquam quod renitentia & suo pondere receptum seu contentum humorem remove natæ sint, qui plures in se particulas etiam dissimiles, quæ in substantiam viventem verti & assimulari non possunt, continet; dein, quia sine cessatione aut requie, indefinenter novus prior succedat, ad hoc illæ tanto magis invitantur. Hujus veritatem remeantis, è corporis habitu in venas, sanguinis proventus docet.

CAP. VI.

Sanguinis motui destinata via: quomodo eæ dispositæ: quare venis non arteriis valvulæ: quare eæ cordi: quousque vasorum ductus extendantur: quid pro corporis habitu accipiendum: non necessariae, ad sanguinis motum, manifestæ anastomoses: de iis Cartesii, item Harveii sententia.

PArtes vias constituentes, per quas sanguis meare, & quibus tanquam terminus contineri ejusque calor conservari possit, sunt cor, arteriæ, totius substantiæ pori, & venæ cum suis appendicibus.

Vena cava cum ramis & sua auricula, dexter cordis sinus & arteria pneumonica simul meatum faciunt, quemadmodum vena pulmonis, ejus affixa auricula, cordis sinister ventriculus & arteria aorta cum suis propaginibus, alterum. Horum singulus unus est & continuus, omnino immunis, quod ipsis oculis est conspicuum, valvulis tantum pluribus in locis recursum impediens obstitus.

Hæ venis, in cavitatibus, plurimæ & innumere sunt adnatæ, cum quia partium corporis inæquales sunt motus, tum quia externo compressu, ob tunicarum mollietiem facile connivent; unde sanguinis non

solum motus impediri, sed is magno corporis damno retrorsum premi posset, nisi à natura valvulis id præventum esset.

Ad cordis introitum & egressum tantum ob primam rationem sunt adnatæ, scilicet, quia auricularum, cordis & arteriarum non est unus, sed diversus motus: arteriis nullæ sunt concessæ, quia uno impetu à cordis actione elewantur, atque ea cessante simul contrahuntur & concidunt; dein quia propter substantiæ duritiem vicinarum partium mole non facile sicut venæ comprimuntur.

In meatibus hisce sanguini à corde aut arteriis nihil quidquam, nisi concitior motus accedit, omne quod habet per venas additur; non quod ipsæ aliquid de suo tribuant, sed totum, quod in meatu seu capacitate continetur, à partium substantia defluxit.

Ductuum descriptorum principia una cum venis incipiunt, sicut termini una cum arteriis desinunt, quæ utræque partes similes sunt, sic dictæ, quia sibi ubique sunt similes, & quælibet earum pars simili nomine, vena & arteria vocitetur.

Ubi igitur illæ eatenus partium substantiæ inseruntur, & divaricationibus seu divisionibus plurimis adeo implicantur, ut
nomen

nomen & similitudinem omnino amittant, vena aut arteria appellari desinunt, sed pro substantia, quæ ad partium nutriendarum structuram confluit, accipiuntur.

Ibi cum venis incipiunt ductus, & cum arteriis desinunt, nomenque amittunt: & quemadmodum, quod iis continetur sanguis, sic, quod solidum in toto ultra terminos est, corporis habitus & substantia nuncupatur: hæc poris undique pervia, sanguini per dictos meatus advecto, in pulmonibus prius subtilisato & mobili reddito, per intima sua penetralia transitum concedit, ut etiam minima partis portiuncula secundum omnem dimensionem nutriri & augeri possit.

Non necessarium esse existimo, anastomoses arteriarum & venarum ad intuitum manifestas statuere, siquidem per ipsam corporis substantiam is exquisitè divisibilis permeare potest; per carnosam quidem velocius, quam per compactiorem; tanta tamen actionis concordia, ut una alterius operi non obsit, aut (dum corpus sanum existit) illud impediat.

Clarissimus Vir *R. Cartesius* hæc anastomoses tam ponit esse necessarias, ut, per has solas esse datam viam ad sanguinis circulationem perficiendam, credat; imo tam manifestas

festas & patentes, ut, ex arteriis per earum extremitates in venas influentem, nullam ibi pati mutationem; & si venosi & arteriosi sanguinis sit aliqua differentia, hanc ipsi, quia aliquid ab intestinis & hepate affluerit, acquisitam asserat (quod paucis verbis refutavimus.)

Inventi hujus laudem Medico Anglo tribuendam dicit, quod glaciem illam fregerit, scilicet dubium solverit, quare venæ non inaniantur, & arteriæ non rumpantur, cum omnis sanguis, qui cor transit, ex illis in has influat.

Verum quidem est, quod venerandus *G. Harveius*, suæ circulationis doctrinam magis possibilem susceptibilemque averfantium mentibus dum reddere conatur (quoniam aliqui, ut ipse ait, nil nisi adductis auctoritatibus admittunt) *Galen*i locum (*de usu part. 6. cap. 10.*) asserat; ubi is in toto mutuam anastomosis atque osculorum apertionem arteriis simul cum venis esse dicit.

Sed Venerandus Vir solummodo, in quantum prodesse possit, locum illum citat, quamvis per corporis habitum transire sanguinem ejus mens sit: neque sine ratione, si quidem dicto modo fiat nutritio.

Præterea manifestum est, quod, si pars quæpiam, ubi nulla omnino conspicua est
vena,

vena, vulneretur, sanguis inde exsudet, aut effluat: confracta ossa, totius corporis partes siccissimæ & solidissimæ, carnem, sanguinis indicium, in fragmentorum labiis producant (quam mobilibus fragmentis adnatam non semel vidimus) qua illa concresecunt & invicem colligantur, hac tempore ossescente & in callum degenerante.

C A P. VII.

Motus calorem excitari probatur, tam in non animatis quam animalibus: de loco ubi is educatur: conclusio.

COnstat itaque sanguinem esse summe mobilem, & in minutissimas particulas indefinite divisibilem; cor etiam, arterias & omnes totius corporis partes eundem indefinenti, forti & quam velocissimo motu, per meatus primum apertos & impeditos, dein corporis substantiam exiguis poris perviam & transitum, dum sana sunt omnia, non impedientem, cedere & potenter urgere.

Motu calorem excitari manifestum est: videmus, quæ fricantur, incallescere; collisos silices scintillas emittere; gravi concitato motu etiam ligna flammam concipere: cum tamen, sicuti etiam stirpes, metalla & inanimata, quia immobilia sunt, frigeant.

Ani-

Animalia etiam minora & imperfecta, licet vita fruuntur, ob motus exiguitatem, non modo non calent, sed ad contactum frigent, non obstante, quod ad eorum constitutionem & fabricam satis copiose igneæ particulæ confluxerint: quod millepedes, locustæ, cantharides, suo probant exemplo; nam si introsumentur, aut externe humano corpori applicentur, urunt & exulcerant.

Si cursu aut alio quovis exercitio corpus exagitetur, unde sanguis celeriori motu cieatur, totum corpus inde magis incalcescit; quod iridem fit, cum cibis acribus & medicatis vel meraciore potu, copiosiore nutrimento, aut alia de causa, sive salubri, sive morbifica, partes corporis irritatæ sanguinem solito citius promoveant.

Auctore Galeno (*de morb. causis lib.*) *universa corpora plus incalcescere solent motu improbo, vel ex putredine calidioris corporis vicinia, vel ex astrictione, alimento calido.*

Si proximas causas enumerare quispiam desiderat, hæ sunt, quæ particulas igneas jungunt, aut in actum educunt: alimento administratur materia, è qua motu eæ eliciuntur; calidi vicinia ad edendas vires juvantur, mixti vel partis forma manente; impedita eventilatione præcavetur, ne disflentur, & in auras abeant.

Motu

Motu itaque calorem è rebus educi certum est : sed ubinam, aut ubi loci in animali id contingit ? anne in cordis ventriculis ? Si quidem hoc sine mora movetur , primum præcipuumque promovendo sanguini interveniens organum est ; dein, quia omnis ad illos sanguis confluit.

Verum est, cor , non primum quidem ordine , sed præcipuum movendi sanguinis instrumentum, dispensatoris officio fungi, cujus opera in universum corpus nutriendis partibus elaboratus distribuitur : sed quoniam manet ibi compacta & integra sanguinis massa, cujus compositio caloris augmentum quantum potest , impedit & averfatur, cordis ventriculis ascribi non potest, quod sanguini calorem augeant , vel quod in illis ex eo calor eliciatur.

Existimo ego, ubicunque nutritio fiat, ibi evidentissime hanc actionem peragi ; atque partes, dum nutriuntur, inclescere: tunc sanguinis compositio dissolvitur, isque minutissime dividitur ; tunc etiam compedibus liberatæ igneæ particulæ & unitæ, vires suas calefaciendo exerunt.

Quod si , pro temperamenti exigentia , partiumque compositionis & unionis tolerantia , debite peragatur , calor blandus & naturalis excitatur , actiones etiam totius corporis omnes , secundum naturam

turam recte, prout in sano requiritur, eduntur.

Sin vero sanguis quantitate qualitateve, tam propter internas quam externas causas, peccans, vel exercitia immodica, animive affectus majores, & quæ concitatiores, quam par est, motum excitare possunt, calorem modum excedentem accendunt, corporis actiones turbantur, febres inducuntur, & in qualibet parte, secundum temperiei & meatuum dispositionem, symptomata moventur: quorum enumeratio dum metas nostras excedat, satius erit demonstrasse, cor, in animalis corpore, nullam habere præfecturam aut principatum, neque spirituum officinam, neque sanguinis fontem esse, quia majori nullo præ cæteris visceribus calore pollet.

A P P E N D I X.

Anne Harveius sentiat cordis ventriculos in systole dilatari, ut sanguinem recipiant, & in diastole constringi ut eundem extrudant: tale è Cartesii suppositis sequi: cujusnam potior de systole & diastole sit sententia.

NON video qua ratione sit inductus Clarissimus Vir R. Cartesius, ut asserat Venerandum

randum D. *Harveium* sentire , cordis ventriculos in systole dilatari , ut sanguinem recipiant, & in diastole coarctari, ut illum in arterias extrudant. Statera hanc rem pensemus æqua.

Clariss. Vir , cor propter subitam sanguinis elevationem , & quasi ebullitionem, (*epist. quæst. Beverov. p. 176.*) à calore ejus insito excitatam , non aliter quam si in vas excessive calens guttatim quendam liquorem infundas (*method. pag. 42.*) intumescere & in diastolen attolli , eo tempore , dum percutitur pectus, & externe pulsus sentitur, existimat.

Venerandus *Harveius*, cor, eodem tempore, quo pectus ferit , fibras omnes tendere, semet erigere, undique contrahi , depleri & inaniri , atque in systole esse, asserit, & probat.

Idem tempus, quo hic systolen fieri contendit, ille diastolæ tribuit.

Anne propterea *Cartesio* licitum est *Harveio* ascribere, quod ejus menti contrarium est ? ac si cor dicat dilatari & sanguinem recipere in systole , quia *Cartesius* eo tempore systolen fieri contendit , quamvis ipse diastolen tunc fieri asserat & demonstret ; pari jure idem de *Cartesio* posset dicere *Harveius*: sed videamus in quem sit cudenda hæc faba.

Vene-

Venerandus Doctor *Harveius*, animantis corporis indagator argutus, in cordis motu duo observat tempora; unum motus, scilicet quo cor seipsum movet & in actione est; alterum quietis, quo ab actione cessans, movetur & extenditur ab auriculis sanguinem immittentibus.

Hæc tempora ait manifestius posse distinguere, accuratiusque observari, in frigidioribus animalibus; omnium optime, in aliis calidioribus, cum mori & languidius tardiusque cor pulsare incipiat.

Tunc enim temporum periodi sunt longiores, qui in vegeto propter breviter vix discerni possunt; tunc etiam cernitur, peracta systole, cor ab actione desistens quiescere, atque (in animali scilicet moriente) esse laxum, flaccidum, enervatum, & quasi inclinatum jacere.

Hoc tempore, ait, auriculæ se tendunt, constringunt, & sanguinem in ventriculos impulsu movent; quos dum distendunt, diastolen faciunt: qua perfecta, scilicet cum summe distentum sit, cordis motum incipere, dicit; quo tempore undique sese contrahens & basi innitens erigitur, minorisque magnitudinis & longiusculum, mucronem sursum elevat, & pectus percutit.

Tempus hoc systolen, prius diastolen vocat: prius incipit depleto corde, & ab opere

opere quiescente, desinit corde impleto; alterum tunc exordiens corde fibras omnes tendente & contrahente peragitur, & opere peracto desistit.

Sit penes æquum judicem, anne Venerandus *Harveius* sanguinem in systole in cordis ventriculos dilatatos recipi, & in diastole, dum illi coarctantur, in arterias extrudi sentiat: præcipue cum, pendente sub judice lite, determinatum non sit, cujus sit potior sententia.

Enucleemus Clarissimi Viri de systole & diastole placitum, & scrutemur annon id, quod in alio carpit, è propriis scriptis manifeste consequi pateat.

Siquidem diastole & systole sua habent tempora, quibus mensurantur, & à se invicem distinguuntur; videamus quomodo principium unius & terminus alterius discerni, ex ejus supposito, possint.

Diastoles & systoles differentiam dignoscimus, vel solo tactu, pingui, ut aiunt, Minerva (quod in arteria exploranda magis usu venit) vel adhibita ratione.

Priori modo, quia cordis (uti etiam auricularum & arteriarum) extensio diastole est, systole vero contractio; quod magis summæ extensioni tempus prope est, diastoles, quemadmodum systoles, extremæ contractioni proximum statuitur: diastole in media

dia ad dilatationem via incipit, & in media ad contractionem definit; reliquum systolæ tempus adscribitur.

Altero modo, qui adhibita ratione est, incipere judicatur (cum secundum Clariss. Viri sententiam sumatur) incipiente ebullitione, scilicet cum intumescere cum sanguine cor exordiat: systolen vero, cum, à refrigerato sanguine, concidere incipiat.

Quo velis modo capiatur, necessario sequitur sanguinem in systole cordis ventriculis admitti; & in dilatatione seu diastole eundem in arterias demitti.

Super priorem modum non cadit dubitatio: posteriori modo sequi restat demonstrare, quoniam apertis verbis hoc ipse non asserat.

Sed pag. 44. & sequenti lib. method. inquit, *Simul atque duæ sanguinis guttæ sunt ingressæ, nimirum in unamquamque cavitatem una, quæ statim rarefiunt & dilatantur propter calorem, quem illic inveniunt; qua ratione fit, ut totum cor intumescere faciant, simulque pellant, & claudant quinque valvulas, quæ sunt in egressa, unde manant.*

Videtur Clarissimus Vir asserere sanguinem intrasse antequam rarefactio incipiat: postquam enim, inquit, intrarunt guttæ, sanguis rarefit, qui facit diastolen, unde in systole intrasse manifestum.

Docet

Docet etiam consequentia : sanguis in ventriculos intrat, cum apertæ sunt venarum portis appositæ valvulæ , egreditur vero iisdem clausis, arteriarum apertis : atqui Clarissimo Viro valvulæ venarum in systole cordis apertæ, in diastole clausæ; ergo sanguis in cordis systole ventriculos intrat, non in diastole.

Præterea à dilatato sanguine in arterias intrante fieri earum diastolen supponit, systolen vero ab in iis refrigerato. Quare in arteriis, è quibus systoles causa manat, introitus & condensationis tempora magis distincta erunt, quam in corde, à quo causa diastoles petitur, introitus & dilatationis ?

Sed quid multis demonstrationibus opus est ? Doctissimus H. Regius Medicinæ in Ultrajectina Universitate Professor, Cartesianæ Philosophiæ egregius sectator, *fundam. physicor. libr. pag. 183.* expressis verbis diastolen pulsus partem dicit, qua cor à rarefcente sanguine ex vena cava in dextrum, & ex arteria venosa in sinistrum in systole illapso secundum latitudinem & profunditatem dilatatur & intumescit.

Et paulo post; Neque hæc pulsus pars ex eo pro systole cordis habenda est, quod abscisso vivi animalis cordis mucrone, ventriculi ejus hic arceri sentiantur & conspiciantur : Nam diastole

stole cordis non ex ventriculorum dilatatione , sed ex ipso cordis tumore , qui etiam arctatis ventriculis contingere potest , est æstimanda.

Concludendum itaque est , Clarissimum Virum (nam sanguinem accipere non possent , quin dilatentur , præcipue à guttis , uti ipse ait , satis magnis ; quia viæ sunt valde amplæ & vasa , unde proveniunt , vehementer impleta sanguine & à quibus detumescunt , dum inaniuntur , auriculæ) statuere , quod in Venerando Doct. *Harveio* carpit , ventriculos in systole dilatari , ut sanguinem recipiant , & in diastole arctari , cum sanguis in arterias extrudatur.

Annon optimo jure Venerandus Doct. *Guilielmus Harveius* dicere posset Clariss. *Ren. Cartesii* de motu cordis sententiam proprio experimento jugulari , quo insontis *Harveii* opinionem expugnatam & jugulatam ire contendit ? Quoniam eatenus jam devenimus , ut horum doctissimorum virorum discrepantes opiniones sciamus , videre non erit abs re , ex utriusque collatis rationibus , cujusnam sententia de systole sit ap-
plausibilior.

Cum fere at omni ævo diastolen , se extendendo & tanquam follis , sanguinem in ventriculos trahendo , cor repleri dicere-
tur

tur, atque id fieri, illo tempore, quo pectus ferit, & foris pulsatio sentitur, receptum esset; observavit Venerandus *Harveius*, isto tempore non diastolen (qua cor, dum ab opere & contractione delistit, quiescens, à sanguine, auricularum systole, in ventriculos immisso, in majorem molem extenditur) neque cor distendi, neque sanguinem recipere, sed systolen peragi: quæ cordis est actio, sanguinem in ventriculos receptum, in arterias propellens, easque in diastolen attollens.

Animadvertendum, ait, cor, cum se movet, contrahi & tendi (aliarum partium more, quæ similiter in actione contrahuntur) unde fit contractus; quod tam ad conspectum quam contactum patet, quia minoratur, & durius & magis renitens percipitur.

Hanc consequentiam probat exemplo musculorum, qui dum se contrahunt, duriores & magis renitentes percipiuntur: præterea, quod fibræ, dum contrahuntur, abbreviantur & incrassantur, sic etiam cordis substantia & parietes, eo tempore, incrassantur.

Ventriculos sanguine non impleri eo tempore probat, quia arctiores & contractiores fiunt & minus capaces; dein, quia inaniri videntur; per inflictum enim vulnus cum saltu sanguis exit, cordis contractione expressus:

pressus : denique albidius fit cor, quod dum impletur, sanguinei coloris fit saturum, in piscibus & frigidioribus animalibus magis conspicuum.

Omnes partes, dum in actione sunt, vigorantur, quiescentes vero flaccidæ & molles sunt; pulsationis tempore cor, quia in actione est, vigoratur, contrahitur, semet erigit in tantum, ut pectus percutiat.

Hæ sunt, ex tractatu de motu corde & sanguinis *Harveii*, excerptæ rationes, quibus inductus, cordis motus duo esse tempora, demonstrare nititur; unum motus, quo sese contrahendo, pectus ferit, in quo systole peragitur; alterum vero quietis, quo diastole fit, & cor sanguine impletur & distenditur.

Clarissimus *Cartesius* cordi nullam attribuens actionem propriam, sed ejus motum à nulla præcedente potentia sive animæ facultate, mechanice excitari asserens, à calore, ipsi implantato, sanguinem dilatante, & ejusdem ebullitionem excitante, in diastolen cor attolli & pulsare pectus existimat, hisce motus rationibus, uti eæ in respons. ad Medic. Lovan. epist. habentur.

In cuniculo vivo postquam cordis mucro fuit abscissus, ejus basis manens adhuc vasis appensa pulsavit satis diu, atque in ea commodissime aspexi duas illas cavitates, quæ ventriculi cordis
appel-

appellantur , in diastole fieri ampliores , & in systole arctiores.

Et paulo post ; Nota , ut hoc experimentum recte fiat , non solum mucronis extremitatem , sed mediam partem totius cordis esse abscindendam , vel etiam amplius : idque in cuniculo timido animali , non cane esse tentandum.

In canibus enim ventriculi cordis varios habent anfractus , quorum singulae cavitates dilatatione sanguinis ita extenduntur , ut interim generalis cujusque ventriculi cavitas angustior reddi videatur. Denique ; Atqui tunc illud dilatari , vel ipso tactu probari potest : manu enim prehensum multo durius in diastole , quam in systole sentitur.

His doctissimus D. Regius fundam. physic. pag. 183. addit ; Si tum temporis cor & arteriae vulnerentur , ex tumido corde & dilatatis arteriis , sanguis eodem tempore exsilire conspicitur.

Præterea pagina sequenti ; Quo tempore arteriae impulsus cessare sentitur , eodem momento videmus latus cordis , sternum spectans , concidere , ibique maxime ubi orificio aortae respondet ; dextrum vero latus & sinistrum , versus dexteram sinistramque costas , collabascit ; mucro recedit à basi , totumque cor , teste sensu tactus , laxum , flaccidum & molle evadit. Vulnerato autem corde & arteriis , nihil sanguinis tum temporis ex iis egreditur , & vulnera eorum concidunt.

Hæ sunt utrimque allatæ demonstrationes, eadem fere, in contradicentium tamen probationem, à viris fide dignis: quid dicemus?

Et vitula tu dignus & hic?

Non videor, ne Clariss. Viro auctoritatem minuam, ejusve fidei quidquam derogem, hoc interrogans satisfecisse injurio cuidam blateroni, anonymo tamen, qui in defendendo Cl. *Cartesio* causam Dei se forte agere existimans, molossi instar, cui amicos etiam allatrare innatum est, manuscripto injuriarum pleno inculcat quod nihil ad illud respondeam: cum responsione eum nostra indignum judicem, silentio hæc præterire decreveram: sed quid sibi vult bonus Vir, quod Clar. Virum vel inscitiae vel malitiae insimulem? dicamque nescivisse differentiam quæ est inter cor vegetum & moriens, quod illud partibus omnibus validis novo impulso sanguine in diastolen elevetur, cum hoc eodem tempore, quia sanguine vel non vel non satis impleatur, laxum flaccidumque decumbat? aut dicam ignorasse quod inter cor integrum & ultra medium amputato mucrone discrimen sit, quia propter sanguinis effluvium elevari ineptum est, solo contractivo motu, quo systole peragitur, remeante? Anne vero

vero vult mala fide exemplum allatum
contendam ? quod cuniculum eligat , ani-
mal uti parvum , pusillo corde donatum ,
in cuius motu magna non potest obser-
vari differentia , aut in cuius corculum
digitus immitti non potest , quo undi-
que contractionem compressionemque sen-
tire quis posset ? & cuius ultra medium
mucronem abscindi vult , ut coniformi
figura vitata (qua cohiberi & contineri
solent) extrorsum se trahere fibræ , &
ventriculos dilatare viderentur ? Ignoscant
benevoli Lectores , si ab impudente ho-
mine illata injuria extorserit , quod tan-
to Viro debita reverentia reticere coege-
rat. Satis mihi esse cogitaveram , penes
æquos iudices relicta causa , cum inter e-
latos ad tantum doctrinæ culmen Viros
lites componere nostrum non sit , sola di-
stinctione Venerandi Senis sententiæ fa-
vere.

Dictum siquidem est , diastolen & sy-
stolen duplici modo posse distingui ; prio-
ri sive pingui Minerva si ex consideren-
tur (scilicet si diastole dicatur , cum cor
summe tumeat , systole vero cum minus
tumeat) videbuntur Clarissimi *Cartesii* &
Doctissimi *Regii* allatæ rationes aliquid in-
ferre posse.

Sed si ratio adhibeatur , cognoscetur sy-

stolen incipere in summa diastole , scilicet , cum cor summe à sanguine extensum , fibras tendens sive contrahens , eundem in arterias exprimat ; desistere vero ab actione hac , cum , ulterius tendere seu contrahere fibras non valens , easdem laxet , novæ diastolæ occasionem præbens : incipit cum cor agere desinat , nam hoc quiescente peragitur ; finitur , dum novam contractionem cor exorditur.

Hoc itaque modo diastole systoleque consideratis , etiam cæcus videt , secundum Venerandi *Harveii* sententiam firmissimis demonstrationibus stabilitam , esse concludendum ; dum diastole fit , cor quiescere , sinus impleri & patentiores fieri , parietes extendi & tenuari , ipsum secundum omnes dimensiones mole augeri : in systole , actione propria se movere , vigorari , parietes contractione incrassari , ipsum minorari , mucronem erigere , sinus angustari , & expressione depleri , sanguinem in arterias protrudi , easque interea inde in diastolen exsurgere , eo tempore , quo eriguntur auriculæ.

Magis erunt hæc manifesta , si consideretur , in vivente aut vegeto corpore , cordis latera non concidere , neque eo uti profertur modo , laxum , flaccidum & molle

molle collabascere versus dextras & sinistras costas ; sed hoc in moriente animali solum evenire : cujus exempla profert Ven. *Harveius* , ut tempora proprii motus & quietis cordis , evidentius distinguerentur ; & manifeste (dum tarda sunt omnia) cor se movere & contrahere in systole , in diastole vero ab actione quiescere, demonstraret.

Animali sano cuncta hæc tam cito peraguntur , ut vix à contractione desistat cor, quin, ab urgente sanguine , contrahentibus auriculis, per patentes vias, impleatur nictu oculi interdum citius : ita ut impletionem & depletionem discernere arduum sit , si non impossibile.

Eodem etiam tempore è cordis & arteriæ vulneribus sanguinem exfilire verum est ; in illius systole , in hujus vero diastole , ab eodem urgente & se contrahente corde : hoc enim inanitum , dum ab auricula impletur & attollitur in majorem molem , quamvis exeat interea sanguis , saltu tamen non profilit ; auriculæ actio quippe non satis valida est : deinde inaniti sinus, qui implendi sunt, saltum impediunt ; sed validior cordis contrahendi vis sanguinem per utrumque vulnus exfilire facit , è proprio, dum sanguinem exprimit , ex arteriæ, cum illam implendo extendat.

Ornatissimus doctissimusque Vir *H. Regius*, quamvis eodem, quo cor pectus ferit, tempore ejus esse diastolen statuat, non tamen cum *Clariss. Cartesio* ventriculos tunc dilatari & extendi à sanguine dilatato asserit; sed tunc temporis eos coarctari & angustari, candide concedit: sed ut generose, strenui ducis instar spartam acquisitam defendentis, sui effati veritatem defenderet, diastolen non à ventriculorum amplitudine metiendam esse, sed eandem à parietum incrassatione induci sustinet: quod præmoniti (quisque enim suorum dictorum est interpres) facile admittimus, sed de cæteris paribus idem postulamus pariter concludat: sic, ad idem redeunte re, alternæ tam auricularum, quam cordis & arteriarum systolæ erunt & diastolæ; incipiet diastole auricularum, quam sequetur, in auricularum systole, cordis, & hanc arteriarum, dum hoc systolen patitur, sive de cavitatibus, sive de parietibus id intelligatur. Sed auriculas & arterias dilatari cum impletæ majores fiant, cor vero diastolen pati cum latera vel ejus caro incrassetur & sinus coarctentur, inconveniens judicamus & absonum.

Addamus pauculas hasce nostras, quibus *Rev. Harveii* stabiliri sententiam posse judicamus, rationes.

Si

Si rarefieret & majorem molem acquireret in dextro ventriculo sanguis, majus orificium debuisset pneumonicæ arteriæ (sit idem de aorta dictum) tribuere natura, quod transeundo sanguini esset patens satis: ipsa quantitas, in diastole quæ intravit, exire debet sequenti systole, cujus si moles augeretur, porta indigeret majore pro sanguinis augmento; non minus, quam videmus cavæ venæ foramen, quo cordi aptatur, respondere amplitudini partis, quæ supra cor est, & simul ejus, quæ infra cor est.

Nihil urget dicere, per angustius foramen, majori pressione & vi, copiosiorrem liquorem posse transire: ad transeuntis molem transmittentia vasa crescere solent.

Accedit, quod contrarium cordi habere motum, & concidere auriculas, cum cor attollitur, confessione ipsius *Cartesii* constat; atqui eo tempore, quo cordis, secundum *Harveium*, fit diastole, eæ deplentur & collabuntur; dum vero sese contrahendo pectus ferit, replentur & intumescunt. Ex hisce manifeste apparet, esse concludendum, cor, eo tempore quo pectus ferit, sese contrahendo movere, sanguinem in arterias exprimere, & in sua systole esse: cum vero ab actione hac desistat,

& quiescat , à sanguine impleri & extendi,
cavitates ampliores , latera vero tenuiora
reddi, totum mole , secundum omnes
dimensiones , augeri & in diasto-
le esse , longe aliter , quam
Clarissimus Vir
opinatur.

F I N I S.



Dissertationis de Corde
Sectionum & Capitum

E L E N C H U S.

AD Lectores *Alloquium, in quo tractantur, honores, & reverentia artis inventoribus debiti: sentiendi libertas pluris habita: artis Medicæ fundamentum, veritas: Harveius circulationis sanguinis auctor: hac multa veterum statuta inversa: auctoris scribendæ causa: Medicinæ compendii brevis norma.*

Pag. 288

SECTIONIS I.

C A P. I. *De re quapiam laturus sententiam, qualis: cor nondum bene perscrutatum: quanti illud æstimarint Veteres: ejus etymi expositio: unius partis in aliam nullum dominium: cor pars servilis: facultates non influunt.*

P. 324

C A P. II. *Spiritus etymi acceptio: ejusdem veterum definitio: in corpore tale non reperitur: veluti triplex in qualibet parte substantia, sic etiam in sanguine: spiritus & calor male confunduntur: spiritus a substantia à sanguine inseparabilis: spiritus animæ*

I N D E X

& corporis non est vinculum nec animæ in-
 strumentum proximum : animalis facultas
 per spiritus non ducitur in actum : quomodo
 sensationes fiant : spirituosæ partium substan-
 tia spiritus non est: Harveii sententia : D. de
 Reeck quid de iis sentiat. P. 330

S E C T I O N I S I I .

C A P. I. Sanguinis definitio: hæmatosis quid:
 quomodo peragitur : quomodo in fœtu exordi-
 tur: alendi aptitudo, non calor, sanguinem fa-
 cit: in una parte hæmatosis non perficitur: co-
 ctiones additione & detractioe fiunt. p. 344

C A P. II. Alimentis prior coctio mediante
 ventriculi humore, non calore & contactu
 perficitur : ad cibi dilutionem non sufficere
 potum, qui ipse dilui debet : acidus sapor in
 ventriculo non à liene : anne aliquid à ven-
 triculo feratur in lienem? ejus usus. p. 349

C A P. III. Venarum lactearum usus: descri-
 ptio pancreatis & ejus ductus: ejusdem cum
 aliis lacteis differentia : ductus pancreatis
 usus : respondetur objectionibus Bartholini,
 & van Horne. P. 354

C A P. IV. Lactearum mesentericarum usus :
 chymosis rudior sanguificatio : quid chymus:
 sanguinis in jecore uterino præparatio: nature
 circa alimentum ordo. p. 363

C A P.

C A P I T U M.

C A P. V. De novo chyli receptaculi & chyli-
feri ductus invento : de vasis lymphaticis no-
viter repertis : omnium examinatio : glan-
dium mesenterii usus defenditur. p.368

C A P. VI. Bilis sanguinis condimentum ,
hepatis excrementum non est : vesicula syn-
taxis : quomodo in ea bilis generetur : ejus
necessitas : per porum biliarium ducitur cum
portione chymi in hepar : per cholidochum
ductui pancreatico & intestinis offertur : de
porta & cava vena : hepatis reviventis usus.

p.377

C A P. VII. Sanguis ut sit nutritius duone-
cessaria : ejus mobilitas unde : fœtui qualis
inservit : quæ causa quod in lucem is prodeat :
quis aeris in corpore usus : quare infans non
perforato podice & urinario meatu cito mori-
riatur : sanguis venosus alendis partibus
ineptus : nutritio quomodo fiat : quanta aeris
ad nutritionem necessitas : ejus varii in mix-
to effectus.

p.388

C A P. VIII. Sententia Columbi de vita-
lis sanguinis officina : rationes probantes :
pulmonum constructio : de arteria & vena
pneumonica , hanc non esse arteriam neque
illam venam : vena & arteria in fœtu duobus
exortibus è cordis ventriculis prodeunt : segre-
gationis causa : venarum auriculæ exortibus
appositæ , quæ illarum partes , non cordis.

p.392

C A P.

I N D E X

C A P. IX. *Ad loca nutrienda sanguinem debere moveri : quando & quomodo vita incipiat : bullula in auriculam migrat , cui in subsidium venit cor : hujus situs & compositionis ratio: quale instrumentum animæ cor.*

P. 398

C A P. X. *Conringii pro cordis hæmatosi argumenta : eorum refutatio.*

P. 402

C A P. XI. *Instantia supra datam responsum è Cartesii methodo desumpta : quare venosus arterioso sanguis crassior: sanguificationis organum cor non esse , neque ipsi consumptionem imponere probatur.*

P. 411

S E C T I O N I S III.

C A P. I. *Anne cordi major insit quam visceribus aliis calor : affirmantes veterum rationes impugnantur : Cartesii de calore sententia : hanc quenam applausibilem faciant , cordis compositione & rationibus renitentibus : auricularum motus cordis prior & posterior.*

P. 416

C A P. II. *Quenam ex sententia, de sanguinis inflatione Cartesii , consequantur absurda.*

P. 422

C A P. III. *De calore sanguinis : caloris definitio : elementorum qualitates in mixto manent : unus in omnibus calor solo gradu differens :*

C A P I T U M.

differeus : quomodo calor è sanguine eliciatur.

P.431

C A P. IV. *Quæ requirantur ut sanguis possit calefieri: sanguis unde mobilis: quomodo fiat nutritio: minutissime sanguis divisibilis.*

P.435

C A P. V. *Quare moveri sanguis debeat: præcipuum movens instrumentum cor: transeuntis copia unde colligatur: cordi auxiliantur arteriæ: harum agendi vis probatur: quid ad motum singulæ præstent partes.*

P. 437

C A P. VI. *Sanguinis motui destinatae viæ: quomodo eæ dispositæ: quare venis non arteriis valvulae: quare eæ cordi: quousque vasorum ductus extendantur: quid pro corporis habitu capiendum: non necessariae ad sanguinis motum manifestæ anastomoses: de iis Cartesii, item Harveii sententia.*

p.441

C A P. VII. *Motu calorem excitari probatur, tam in non animatis, quam animalibus: de loco ubi is educatur: conclusio.*

P.445

A P P E N D I X.

Anne Harveius sentiat cordis ventriculos in systole dilatari, ut sanguinem recipiant, & in diastole constringi, ut eundem extrudant: tale è Cartesii suppositis sequi: cujusnam potior de systole & diastole sit sententia.

p.448

I N D E X

INDEX RERUM

In Dissertatione de Corde contentarum.

A.

- A** Bortus novem septimanarum, p. 314
 Accretio, 301, 436
 Actio cordis fit contractione omnium fibrarum, 401, 439, 450
 Actio omnis ab anima, 438
 Actiones animæ tres, 299. à qua parte læsa læduntur, ab ea sana eduntur, 409. corporis dispositi quando peragantur, 430. fiunt contractione, 422
 Aer sanguini commistus, merito dicitur primum humidum, 388
 Aeris ad nutriendum necessitas, 371. effectus insignes, 372. usus, 332, 390, 395
 Agens reactionem patientis debet ferre, 417
 Alimentum cum saliva oris quare misceatur, 349. solo contactu non mutatur, 350. familiari humore debet dilui, 351
 Amnium, 313
 Anastomoses, manifestæ, non necessarie, 443
 Anima est tota in toto & singulis partibus, 296. est mere activa, 297. 385. non indiget medio, quo cum corpore uniatur, 344. non patitur, 297. quibus ad actiones edendas sola tribuitur, 337, 430. quid, 290
 Animæ actus nomen bene quadrat, 297
 Animalia vegetabilibus superiora, 305, generaturam

Index Rerum.

- turam tempore coitus in uteri cavitate
non recipiunt, 310, 314
- Animatum** quid, 298
- Animus & anima** quomodo differant, 297
- Anthropologia** quid, 296. ejus divisio, *ibid.*
- Aorta** sanguinem per corpus distribuit, 439
- Aptitudo** alendi sanguinem facit, non color,
342, 376
- Argumenta**, quibus *van Horne* conatur de-
struere chylum ad pancreas ascendere, 362.
rejiuntur in *sequ.*
- Arteria aspera**, 304. duplici tunica donata,
301. pneumonica, 394. hujus usus, 439
- Arteriæ cordi** auxiliantur, 439. eodem cum
auriculis tempore in diastole exsurgunt,
460. non habent valvulas. 420, 442. quare,
424, 442. spermaticæ, 307. ubique eandem
habent actionem, 424. umbilicales, 318
- Arteriarum** agendi vis, 439. probatur in *sequ.*
usus, 301
- Artis Medicæ** difficultas, 288
- Artium Inventorum** merita, 287
- Auctio**, 301
- Author spiritus** non solus rejicit, 341
- Auricula** quid, 299. unde primum producta,
316
- Auriculæ** dum se contrahunt, sanguinem in
cor exprimunt, 420. quando moveantur,
450. venarum partes, non cordis, 397
- Auricularum actio**, 420. fibræ, 299. numer-
us, 300. valvulæ, 421 *Par-*

Index Rerum.

B.

B *Arthelinus* vasorum lymphaticorum inventor, 369

Bilis ab hepate non deponitur in folliculum, 377, 379. est sanguinis condimentum, 377. necessitas. 379, 380. non est excrementum, 358, 377. per cholidochum ductui pancreatico & intestinis offertur. 380. per porum biliarium defertur cum portione chymi ad hepar, *ibid.* quomodo in folliculum veniat, 378, 379

Blateroni respondetur, 456

Bullula in animalis exordio in vesiculam abit, cui in subsidium cor venit, 399, 423

C.

C *Alor* an faciat ad sanguinis fluiditatem, 388. cum spirituoſa ſubſtantia non confundendus, 334. exitatur motu, 432, 445. facit ad coctionem. 350, in omnibus unus & idem, 433. non eſt contractionis, ebullitionis aut dilatationis cauſa, 430, 460, & *ſeq.* quid, 431, & *ſeq.* quod rarefacit, id condenſatur à frigore, 426. quo modo è ſanguine eliciatur, 435. ubi educatur, 447

Caro cordis, 423, 438. genita à ſanguine, 410. tantum calorem ferre nequit, ut humores in bullas eleuet, 417. uſus, 415.

Carteſii de calore ſententia rejicitur, 419. pro cordis hæmatofi aſſertû contradicatur, 411

Car.

Index Rerum.

<i>Cartesio</i> cor mechanice à nulla facultate mo- verur,	456
Causa quare in effectu, modo, & causa, mo- tus sanguinis dissentiant,	293
Cerebri substantia,	295, 338
Cerebrum rationis sedes, <i>ibid.</i> sentiendi mo- vendique præcipuum organum, <i>ibid.</i> affe- ctiones objectorum externis sensoriis re- ceptas facile percipit, 305. non facit spiri- tus, 332. pulsationibus cordis respondet, 305, 339. quasi per totum corpus exten- sum,	338
Chorion,	313
Chylus an ex mesenterii glandibus defera- tur ad hepar, 372. & sequ. in pancreas pro- pulsus cum sanguine defertur in venas, 356, 364. in intestinis foetus repertus, cer- tum est indicium, eum per os aliquid as- sumplisse, 347. nutritioni est ineptus, 366	
Chymosis quid, 366. quomodo fiat, <i>ibid.</i>	
Chymus quid,	<i>ibid.</i> 373
Cibus si humore per ventriculi tunicas exu- dante, non bene subigatur, vitium primæ coctionis non corrigetur à secunda,	351
Coctio fit additione & detractione,	244
Coctiones variant,	303
Conceptus quid, 307. est ovum intus ma- nens, 310. est ovum viparinum, 311. quo- modo fiat, <i>ibid.</i> ejus augmentatio,	345
Concoctrix,	303
	<i>Con-</i>

Index Rerum.

- Conringii** pro cordis hæmatosi argumenta,
402, & sequ. refutantur, 404, & seq.
- Consummatio** sanguini non est à corde, 413
- Copia** sanguinis cor transeuntis unde colligatur, 438
- Cor** an rex totius corporis, 328, & seq. 448.
cæteris visceribus non magis calet, 410,
416. & seq. 328, 448. distinctum ab auri-
culis habet motum, 423. dum se movet
contrahitur, 455. è corpore & in frustula
sectum, quare aliquandiu saltet, 429. fit
mole minus, 422, 455. magna vi & impe-
tu sanguinem in arterias propellit, 300.
materiam ad corporis nutritionem sugge-
rit, *ib.* nondum bene perscrutatum, 325. nō
est sanguinis perfectionis organum, 405.
& sequ. 412. & seq. 448. non gignit spiri-
tus, 431, 448. per accidens calorem cor-
pori communicat, 410. præcipuum instru-
mentum sanguinem propellens, 438, 447.
quale animæ instrumentum, 402. quando
in diastole, 420, 424. quare in medio col-
locatum, 457. solum distribuendi com-
moditatem habet, 402. solummodo discu-
tere videtur molestiam, quam patitur à
distendente sanguine, 300. 307, 429, 438.
unde dictum, 327
- Cor** à dilatato sanguine *Cartesio* movetur,
456. quod probat exemplo cuniculi. *ibid.*
sub conditionibus, 457. hoc rejicitur, 458.
&

Index Rerum.

& evincitur, 462. in diastole quiescens impletur, 460, 463. pectus feriens contrahitur, non impletur. 456, 457, 459, 463. & tunc sanguinem per vulnus emittit, *ibid.* 461. vegetum à moriente, integrum ab ultra medium dissecto differt, 458, 480. hoc non elevatur, *ibid.*

Cordis compositio, 400, 420. dignitates, 300, 320, 326, 327. contracti contingentia, 445, 456. probatur exemplo, *ibid.* diastole & systole duplici modo considerantur, 459. Regio à carnis crassitie æstimatur, 461. quibus conditionibus hoc admittitur, *ibid.* examen exactius tractandum, 294. motus duo tempora, 456, 460. hæc in sano difficulter discernuntur, *ibid.* substantia & usus, 300

Corporis divisio, 295

Corpus novo nutrimento refocillari debet,

D. 337

Diaastole arteriarum, 421. arteriarum & cordis non fiunt simul, 423, 424, 442.

Diaastole & systole quomodo dignoscuntur, 449. cordis non imputanda calori dilatanti, 423. sed sanguini illabenti in cor, 450, 454. est distensio, 449

Diaastole est prior systole, 405

Dignitas non convenit alicui parti quia ante alias fabricata, 329

Divisio facit ad caloris productionem, 437

Ductus

Index Rerum.

Ductus cholidochus apparuit in viva sectione lacte plenus, 360. cum pancreatico in bestiis non conjungitur, 359, 360

Ductus chyliiferus à quibus & quomodo primum inventus, 369. an merito dicatur chyliiferus, 373

Ductus pancreatici, 354. admittit aquam in os commune cum cholidochus syringula injectam, hoc vacuo manente, 359. conjungitur in homine cum meatu biliario, 357. in cadavere reperitur vacuus, 356. in sectione viva lacte turgidus, *ibid.*

E.

Elementorum qualitates manent in mixto, 433

Entia non multiplicanda, 337, 342

Experimentum quo probatur in arteriis non contineri spiritus, 334. quo probatur chylum ascendere ad pancreas, 361

Extenuatio, 301, 436. ab obstructo liene, 354

F.

Facultas animæ quid, 298, 329. vitalis & naturalis, 298. animalis, 304. assimilatrix, 301. attractrix an detur, 302

Facultates aliis inservientes, 301. non influunt in partem quampiam, 329

Facultatum diversitas unde, 298

Fœmina ad procreationem quid tribuat, 307

Fœtus

Index Rerum.

- Fœtus eodem modo, quo pullus in ovo formatur, 310, 315. ejus generatio, 316. formatur à calore, seu animæ vi plastica, *ib.* in principio nutritur sanguine ferofiore, 407
 maturus quis, 320. nutrimentum habet à matre, 316, 346. ob quas causas prodeat, 148. quare grandescens humores viciniore in ventriculum sugendo alliciat, 319, 346. quomodo nutriatur, *ibid.*
- Fibræ valvularum cordis impares, 422. earum exortus, *ibid.* usus, *ibid.*
- Folliculi fellis descriptio, 377
- Folliculum à vicina neque remota parte bilem potest recipere, 378
- G.
- G**alenus non rejiciendus, 291
- Gassendus porum biliarium vocavit chylodochum, 373
- Generatio, 307
- Genitura, 307. maris unde, *ibid.* hæc uterum non ingreditur, sed tanquam excrementum secundum *Harveium* elabitur, 308. non ingreditur uteri cavitatem sed substantiam, 309, 310, 314
- Genitura foeminæ an ad nutritionem fœtus aliquid conferat, 309
- Genituram in foeminis esse, vel quippiam ad generationem facere *Harveius* negat, 308. examinatur in *sequ.*
- Gymnasia in quem finem extructa, 288
- Hæ.

Index Rerum.

H.

- H**æmatosis quid, 345. dupliciter confideratur, *ibid.* quomodo fiat, *ibid.*
Harveii in naturæ penetralia scrutando diligentia, 306
Harveius an sentiat cordis ventriculos in systole dilatari, ut sanguinem recipiant, & in diastole constringi, ut eundem extrudant, 449. fuit curiosior in observando Veterum placita, 326
Hepar rejicitur à quibusdam tanquam sanguinis officina, 371, & sequ. 384
Hepatis venæ, 382. usus, 383, & sequ.
Homo rationalis, 305
Humor quo nervi abundant, immerito dicitur aqueus, 375. est sanguineus, *ibid.* quomodo ad cor redeat, *ibid.*
Humores quotquot sunt, faciunt ad sanguinis constitutionem, 295. in ovo, 312. in ovo, quales in conceptibus viviparorum, 314. quotquot crystallini totidem venturæ proles, 312
Humoris aquei usus in foetu, *ibid.*

I.

- I**cterus unde, 381
Incaute quidem judicant, 325
Infans quare meatu urinario & podice non perforatus statim moriatur, 390
Instrumenta genituræ generandæ dicata, sunt in foeminis inepta, neque omnibus insunt,

Index Rerum.

insunt, secundum *Harveium*, 308
Intestina ea quæ à ventriculo accipere motu peristaltico promovent, 354

L.

Lactearum thoracicarum usus, 374
Liberi quomodo parentibus similes, 313
Liberras inquirendæ veritatis, magni apud *Galen.* habita, 289
Lien an à ventriculo aliquid accipiat, 352,
353. in ventriculum nihil dimittit, 352
Lienis usus, 353, 386

M.

Macula in ovo pulli origo, 312
Magistris debemus quod in arte proficimus, 290
Magistri ut parentes habendi, *ibid.*
Mas ad procreationem quid tribuat, 307
Medicinæ invētores inter deos numerati, 287
Medicina rationalis & dogmatica, veris nittitur fulcris, 292
Membranae foetum involventes, 313
Missio chyli & sanguinis in adenibus, 368,
et seq.
Mobilitas sanguinis unde, 436
Motus animalium voluntarii dignitate superant motus astrorum, 306. quomodo fiant, 337. quomodo spirituum ope peragantur, 336. rejicitur, 337. sunt contractiones, 304
Motus non semper in bonum rei moræ, sed partis moventis instituitur,

Motus

Index Rerum.

Motus sanguinis circularis, 291. ambabus
ulnis amplectendus, *ibid.* ejus divulgatio,
292. hocposito innumera veterum statu-
ta evertuntur, *ibid.*

Motus sanguinis tarde fieret si esset à rarefa-
ctione, seu ebullitione, 427. & *seq.*

Motus sanguinis tremulus non pulsantibus
auriculis, superest, 424

Motuum & actionum in animantibus causa,
secundum *Cartes.* 411, 418

N.

Natura consulit securitati corporis, 385.
similibus usibus consimiles instituit
partes, 310

Naturæ circa alimentum ordo, 364. & *seq.*

Nervi humore copioso, à cerebro delabente
imbuuntur, 337. & *sequ.* 375. quomodo
nutriuntur, 300, & *sequ.* 375. per partes
sensibiles disseminati, 339. unde producti,
306, 339, 375

Nervus obstructus vel læsus, actionem mo-
tus & sensus impedit, 336, 340

Nutrimendum pro foetus constitutione va-
riat, 318

Nutritio quid, 301. quomodo fiat, 390, 436

O.

Opus magnum primo aggressu non perfici-
tur, 299

Ordo, quo cor emoritur, 423

Pabulum

[Index Rerum.]

P.

- P**Abulum in corporis substantiam commu-
tandum, aliam induit formam, 298. quid
ad ejus mutationem requiratur, *ibid.* tres
patitur evidentiores formarum mutatio-
nes, 299
- Palpitationes ex obstructo liene, 408
- Pancreas non nutritur chylo, 356
- Pancreatis descriptio, 355
- Paries cordis sinister dextro crassior, 421
- Pars admittit familiare, molestum deponit,
302. ad sui distentionem nihil attrahit, *ib.*
derepente opus magnum non perficit,
343. facultati appropriata, 320. nulla ab
altera existentiam habet, 404. nulla alicur
nisi sanguine cor prius transgresso, 409.
nulla in alterius commodum propulsio-
nem intentat, ut alteri in auxilium veniat,
304. quomodo actiones perficit, 336. una
non potest alimenti formas mutare, 299.
- Partes debiliores quandoque præter natu-
rale aliquid accipiunt à fortioribus, 302.
idque fit duobus modis, *ibid.* novo nutri-
mento debent refocillari ut actionibus
adaptentur, 290. principes non conficiunt
spiritus. 331. quid ad motum singulæ
præstent, 440
- Particulæ corporis minimæ secundum om-
nes dimensiones nutriuntur, 427
- Partium corporis divisio, earumq; nutritio,
374, & seq. X Partus

Index Rerum.

Partus quando judicatur felix,	370.	quis
maxime naturalis,	<i>ibid.</i>	ut sit naturaliss,
diversa requiruntur,	3119	
Pathemata animi non sunt passiones animæ,	2977	
Patiens tandem interit,	<i>ibid.</i>	
Pepasmus,	3023	
Pepsis, <i>ibid.</i> amborum differentia,	3004	
Piscēs quanquam frigidi, rapaces admodum,	351, 352.	sine aere nequeunt vivere, 3711
Placenta exclusa circa prægnationis mensem		
tertium, 317. unde dicta,	<i>ibid.</i>	
Placentæ generatio, 316. obtusiori parti con-		
ceptus adhærere solet,	315	
Potus eodem quo cibus succo debet dilui,	3511	
Præmia quare distributa,	2877	
Principia sanguinis ductuum cum venis in-		
cipiunt, cum arteriis terminantur,	4421	
Procreatrix, 306. intellectu difficilis, <i>ib.</i> ejus		
diversæ partes,	3077	
Propulsio sanguinis in & ex corde, quomo-		
do fiat,	4200	
Propultrix,	3044	
Psychologia quid,	2960	
Pulmo in foetu nullius usus,	396, 4077	
Pulmonum constructio,	394	
R.		
Rationes Veterum affirmantes cordi ma-		
jorem quam cæteris visceribus ineffe-		
ca-		

Index Rerum.

calorem, refutantur, 416. & seq.
Receptaculi chyli descriptio, 370. usus, 371
Regii candor & generositas, 461.
Regius à parietum crassitie diastolen existi-
mat, 449, 462. quomodo hoc conceditur,
ibid.

Res naturales operantur per instrumenta
essentialia, & essentialiter intrinseca, 343
Retentio partibus necessaria, 303
Rubedo non facit sanguinem, 342

S.

Sanguificatio in foetu quomodo inchoa-
tur, 346. non fit ab una parte, 343, 413.
non fit in corde, 404, & sequ. 412, 431,
448

Sanguinis definitio, 344. principium, 405.
mobilitas unde, 388, 435. in jecore uteri-
no præparatio, 367. perfectio in pulmo-
ne, 384, 406, 412. idque non fit propria
intentione, sed agentis animæ, 407

Sanguis ab hepate non movetur in partes
per venas; neque à partibus in nutritio-
nem attrahitur, 291. ad partes nutriendas
debet moveri, 398. antequam in corporis
substantiam mutatur, varias subit muta-
tiones, 347. arteriosus venoso tenuior, 211.
ex corde pulsus eadem via redire nequit,
307. foetui qualis inservit, 389. in corde
non alteratur, 332, 413, 415, 431. in par-
tem influxus eam non omnis nutrit, 301.

Index Rerum.

- non elabatur cordis ventriculis alius
quam illos fuit ingressus, 412, 414. ut sit
nutritius duo necessaria, 388. sine aere
non potest nutrire, 385.
- Sanguis cor non ingreditur guttatim, 428.
corporis poros permeat, 427. è cordis vul-
nere in systole egrediens; quare saliat, 461.
quomodo in diastole exeat. *ibid.* mobili-
tatem in pulmonibus adipiscitur, 437,
443. quare moveri debeat. 438. quibus-
dam non rubet, 88. ferofior membra facit
mollia, aereus robustiora, 389. ut possit
calefieri quæ requirantur, 435. minutissi-
me divisibilis, *ibid.*
- Secundinae non sunt partes uteri, 318
- Semen *Aristoteli*, 307. & genitura quomo-
do differant, *ibid.* an ad generat ionem fa-
ciat, 309. an foetum alat, *ibid.*
- Sensus quomodo fiat, 339. quomodo spiri-
tuum ope fiat, 336. rejicitur, *ibid.* unde
læditur, *ibid.*
- Sententia *D. Arnoldi de Reeck* de spiritibus,
341. & sequ. *Cartesii* de anastomosibus,
443. de motu cordis examinatur, 450, *Co-*
lumbi de vitalis sanguinis officina, 372.
Harveii de anastomosibus, 444. *Regii* de
motu cordis, 435. quando de systole ad-
mittenda, 454. & sequ.
- Sententia alicui sine rationibus decentibus
non adscribendū, 289, 324. cui fidendū, *ib.*
- Spiritus

Index Rerum

Spiritus activum motum inducere nequeunt
16, si dantur, contentorum nomine me-
rentur, *ib.* divisio, 331, 335. insitus & in-
fluens, actiones nullas edunt, 336. non be-
ne dicitur impetum faciens, 294. non da-
tur, 331. & *sequ.* 340, 342. & *sequ.* non est
vinculum corporis cum anima, neq; in-
strumentum, 335, 343. non requiritur ut
per eum facultates in corpus fluant, 344.
quid, 330, 342.

Substantia aerea à sanguine separata, non
potest sanguis sic dici, 334. corporis tri-
plex, 333. si separatur, destruitur partis
natura, *ib.* pertinet ad sanguinis & parti-
um constitutionem, 335, 337. spirituosam
non est spiritus, 341.

Succus lacteus non tendit omnis ad rece-
ptaculum, 386.

T.

Tactus arguit cordi majorem aliis visce-
ribus non inesse calorem, 416.

Tumor lienis unde, 354.

Tunica ventriculi interior, non potest pati
ut aliquid per eam transeat in vasa ga-
strica, 353.

V.

Valvularum cordis situs & numerus, 400,
420, 421.

Vapores opplent internas cavitates, 342. un-
de exitantur, *ibid.*

Vasa

Index Rerum.

- Vasa lymphatica à quo inventa , 369. pro
lacte habitata, 372. usus, *ibid.*
- Vasorum interiorum uteri maxima pars
sunt venæ, exteriorum arteriæ, 319
- Vena & arteria in foetu duobus exortibus è
corde prodeunt, 396. ejus causa, *ib.* & *seq.*
- Venæ & arteriæ causa sanguinis factæ, 404
- Venæ cordis appositæ sibi habent auriculas,
397. ligatæ versus truncum detumescunt,
353. majores constant tunicis crassiori-
bus, 363. quare valvulis dotatae, 441. la-
ctæ quare dictæ, 363, 375. harum usus,
354
- Venarum gastricarum insertio, 353
- Vena umbilicalis, 319. pneumonica, 395
- Ventriculi cordis in quiete sanguinem reci-
piunt, 300. robore impares, 400, 422. eo-
rum usus, 415
- Ventriculus quo magis à cibis distenditur, eo
rarior est ejus tunica interior, humorque
ab ea copiosius fluit, 349. & *seq.*
- Via ad corporis venas ab intestinis tendit
per portam & hepar, 427
- Via sanguinis motui destinata, 441. quo-
modo disposita, *ibid.*
- Visus quomodo fiat, 339
- Vita quando & quomodo incipiat, 399
- Umbilicus, 318
- Unumquodque à natura comparatum, ut à
noxio abhorreat, illudque contractione
removeat, 304 Urachus,

Index Rerum.

Urachus, 318
Urina in larga portione quare intincta, 381
Uterus admittit aliquid secundum substantiam, 309, 310. debet maris genitura fecundari, 309. quomodo elapso mense post coitum concipit, 310, 311.

F I N I S.



1880


1880
1881
1882
1883
1884
1885
1886
1887
1888
1889
1890


Quarry from
John Hawker

Loc 21 comb 30 sh. of
w. rock at 130 a comb
cont 1 to - 14 - 2 - 2

of m. sh. - 13 comb
w. sh. at 7 a
comb 6 sh - 8 sh - 2 sh
4 - 11

Sum 18-13-5





Wm. A. B. 2

22 - 60 wing
from Will B. count to
18 for a comb of
wax and 4 p 6
for gilding



